



7

STATE OF NEW YORK

IN SENATE

JANUARY 18 1887

REPORT

OF THE

COMMISSIONERS OF THE LAND OFFICE

IN RESPONSE TO A RESOLUTION PASSED BY THE SENATE

ON JANUARY 11 1886

ALBANY:

WILLIAM H. BROWN, PRINTERS

1887

1887

1887

1887

1887

1887

Author est Maria diruti; et
hanc Ratisb. editionem fieri
iussit Frobenius ille ultimus
ad S^m Emmeran. abbas & prin-
ceps. Sic D. Anton. Sporco
Monachensis, hisce quondam
regionibus vivens et exinde
bene notus, nunc Monachii.

Confer die Notiz von Friedr. Hartel
in Befreiung der Kath. Kirche
in der Schweiz seit 1831
Schaffhausen 1842 I, 288

Bibliotheca Superc. Jbenstadt 1782.

DE FINIBUS
UTRIUSQUE POTESTATIS
ECCLESIASTICÆ ET LAICÆ
COMMENTARIUS,

IN QUO

QUÆDAM CONSTITUENDO GENERALIA PRINCIPIA,
COMMUNI DISPUTANTIUM SUFFRAGIO PLERUMQUE RECEPTA;

MEDIA TENTATUR VIA AD CONCORDIAM

SACERDOTII ET IMPERII.

AUTHORE D. * * * *

PRESBYTERO ET MONACHO ORDINIS S. BENEDICTI
E CONGREGATIONE CASINENSI, ET JURISPRUDENTIÆ
ECCLESIASTICÆ PROFESSORE.



S. IVO Carnotensis Episc. in Epist. ad PASCHALEM II. R. P. (Scriptor.
Franc. Duchefnii tom. 4, pag. 241):

*Novit Paternitas vestra, quia cum REGNUM ET SACERDOTIUM
inter se conveniunt, bene regitur Mundus, floret & fructificat Ecclesia. Cum
vero inter se discordant, non tantum parvæ res non crescunt, sed etiam magnæ
res miserabiliter dilabuntur.*




PRIMO LUGANI, DEIN RATISBONÆ EDITUS IMPENSIS ET LITTERIS JOANN.
MICHAEL ENGLERTH, AUL. ET EPISCOPAL. TYPOGR.

A N N O MDCCLXXXI.


Ex libris Cassp. Pauer Can. Jbenstadt.

*Cum Adprobatione Reverendissimi Ordinariatus Episcopalis
Ratisbonensis.*



P R Æ F A T I O,

IN QU AUCTORIS INSTITUTUM PROPONITUR.

 **N**ON alia forte res est, de qua tam multi scripserint, quam de Finibus seu limitibus utriusque Potestatis, **REGIÆ & SACERDOTALIS.** Vetera monumenta, tum quæ pro una, tum quæ pro alia facere viderentur, perquisiverunt multi, ac ipsis in fontibus expenderunt omnia. Et tamen post apparatus tantos, tantasque curas, videtur adhuc dissidium implacabile ardere inter Scriptores eos, qui Sacerdotii causam tuentur, & eos, qui Imperio serviunt.

(IV)

Fateri certe cogimur, inter partem utramque disputantium esse discrimen aliquod tum quoad modos loquendi, tum quoad regulas & principia, quæ utrinque constituuntur. Quod non alia de causa evenire puto, quam vel ob tenebras, quibus Historia præteritorum temporum & vetus Disciplina obsepta est, vel ob humani ingenii infirmitatem & frequentes rationis humanæ lapsus; vel potius ob partium studia, & ob dominantem quæstus & fortunarum cupiditatem.

Quod quamquam ita esse fateor; adhuc tamen videntur mihi partes in summa rei convenire: id quod illi facile intelligent, qui generalia principia ac veluti axiomata ab utrisque plerumque admissa consideraverint: quæ principia a communi Naturæ sensu ducta nobis proposuimus in hoc brevi COMMENTARIO exponere.

Vetera autem facta particularia ac monumenta in hoc libro ad examen iterum non vocabo ex professo saltem & de industria, post innumeros Scriptores, qui illa versarunt & nunc uno in aspectu collocarunt, nunc in alio; unusquisque pro sua vel peritia, vel fine & instituto.

Non est præterea dissimulandum, inquisitionem factorum illorum ac monumentorum, fatente Parisiensi Archiepiscopo Petro de MARCA in *Præfatione ad libros de Concordia Sacerdotii & Imperii* §. 2, hoc in argumento esse viam multis insidiis, & veluti latronum prætenturis expositam; quia in expansa illa seculorum serie varia occurrunt exempla hinc & inde USURPATÆ JURISDICTIONIS, quæ ancipitem animum ad desperationem inveniendæ veritatis adigant.

Cum

Cum tamen ex antiquitate a viris quibusdam, paucissimis illis quidem, sed peritissimis ac diligentissimis tractata multum lucis nancisci possimus ad principia illa nostro adhibenda Operi, & ad humanam mentem, quæ partium studio aut præjudicatis opinionibus erraret, revocandam in veri semitam; hac de causa in postremam hujus COMMENTARII partem Cap. XX conferemus seriem historicam Positionum spectantium ad jura & privilegia Præsulum Ecclesiæ, & ad jurisdictionem ecclesiasticam in personas & in res ecclesiasticas. In quo tamen pro rei amplitudine erimus brevissimi: cum nostrum consilium sit, non tam gesta vetera narrare vel expendere, quam ex gestis illis Positiones ipsas ac veluti axiomata historica constituere.

Illud vero mihi in hoc Commentario accidit, ut non solum Scriptores quosdam, qui male apud aliquos audiunt, & ab iis nimium vapulant, ab injuria aliquando vindicarem; verum etiam ut alicubi sensum eorum aperirem, dum quasdam dicendi formulas usurpant, quæ prima fronte quibusdam visæ sunt tum absurdæ, tum insolitæ.

Sed studium nostrum in eo præcipue fuit, ut a præsentī argumento ablegarem, & ablegandas esse significarem nimias subtilitates, nimiam distinctionum ac exceptionum solertiam, modos loquendi ambiguos & incertos, quæstiones vero præsertim ac disceptationes de verbis; quæ quidem quæstiones ortum habent plerumque, vel quia adversarii sententiam non sumus affecti, aut videre nolumus; vel sæpius quia amamus magis hominibus servire, quam sanctæ veritati.

Quæ quidem scribendi ac agendi ratio intelligi vix potest, quantum obscuritatis & vanæ prolixitatis in hanc materiam intulerit, & quam multas quæstiones vel perniciosas, vel saltem inutiles, & quam varia disputantium studia excitaverit.

Atque his regulis semel obfirmatus neglexi, dum scriberem, nonnulla, quæ ab intemperantibus, aut imperitis videbam mihi posse opponi. Nam sic ego statuebam, nullam esse eorum rationem habendam, qui aut contentionis studio, aut scribendi prurigne, aut amore inanis famæ novas rerum ac verborum interpretationes sibi formant, juris regulas novas excogitant, Antiquitatis sententiam pervertunt; aut qui, si novi esse non possunt, ea iterum revocant, quæ sapientum virorum judicium jam pridem repudiavit non semel.

Itemque videbam eos esse prætereundos, qui ista Disciplinarum nostrarum capita nondum bene assecuti sunt, sive quia ordinem studiorum tum in ceteris, tum præcipue in hisce nostris adeo necessarium non tenuerunt, sive quia ab ineptis magistris instituti sunt, vel tandem quia ante sententiarum delectum fecerant, quam scientiarum fontes adierunt.

Dedimus tamen operam, ut quæstiones, quæ ad diversum genus spectant, separaremus sedulo, ac quid inter utrasque intersit, indicaremus; ne aliter faciendo certa confunderemus cum incertis, & vera falsis misceremus; id quod illis est familiare, qui aut non eam curam adhibent in scribendo, quam decet; aut non perfecte rem tenent, quam tractant; aut si tenent, refugiunt tamen sententiam suam promere aperte & perspicue; quos sane omnes a docendi officio arceri expediret.

Si

(VII)

Si qui autem ex iis Juris Publici Interpretibus, quos in non paucis articulorum nostrorum adduximus, inveniantur aliud scripsisse ab eo, quod hoc loco docuerunt (quod quidem a nobis repertum non meminimus); non sumimus nobis, ut eos vel defendamus, vel ipsos sibi conciliemus; cum satis nobis sit, nec ipsos quandoque potuisse, quin veritatem faterentur; etsi forte, ut ii solent, qui fugam parant, diversos sibi exitus reliquerint ad elabendum; qui mos est eorum proprius, qui, ut hominibus obsequantur, veritatem turpiter produnt.

Testor interim ac profiteor, ex iis, quæ apud illos legi, me nihil dissimulasse aut præteriisse, si quæ obesse ecclesiasticæ Jurisdictioni viderentur. Horum immo rationem mihi censui habendam, ut de eorum pondere liceret cunctis judicare, & me quoque in eorum examine exercerem, simulque haberem inpromptu momenta partis utriusque, & ut inde proficerem, si quid veri attulissent; præcipue vero ne viderer mala fide agere, qui unam partem proponerem ac confirmarem, neglectis argumentis partis alterius.

Ex iis porro, quæ dicta a nobis sunt, intelligere quisque potest, eo consilium nostrum spectare, ut generalia tantum versemus; relictis particularibus capitibus Rerum Ecclesiasticarum & Jurisdictionis tum Ecclesiasticæ tum Mixtæ; quæ quidem capita sunt tum multigena, tum fere innumera; ut scire is potest, qui voluerit vel solum aspicere duo illa volumina *Probationum Libertatum Gallicanarum*, Collectore Petro PUTEANO, vel Carolum FEVRETUM *de Abusu*, aut *Vindicias Jurisdictionis Ecclesiasticæ* Antonii ALTESERRÆ, vel etiam Concor-

diam

1602-1682

(VIII)

diam Petri de MARCA suis in locis, aut duos illos notissimos libros Francisci SALGADO de Supplicatione ad Sanctissimum, & de Regia Protectione; aut Antonium CHARLAM de Libert. Gallic. lib. 4, 5 & 6 edit. recognitæ, vel Renatum CHOPPINUM de Sacra Politia Forenfi, vel Michaelis ROUSSELI Historiam Jurisdictionis Pontificiæ, vel etiam Opera VANESPENII variis in locis, vel Libertates Gallicanas Petri PITHÆI cum Commentario PUTEANI; aut tandem libellum BERTRANDI Cardinalis adversus Petrum de Cugneriis; ut præmittam latum volumen Horatii MARTA *de Jurisdictione per & inter Judicem Ecclesiasticum, & Secularem exercenda*; & ne alios Scriptores minoris famæ commemorem.

Generalia ergo tantum persequi statuimus duas ob causas. Quarum prima est, quia tam multi de illis scripsere, ut supervacaneum sit nova antiquis volumina addere.

Altera vero causa & potissima est, quia nihil fere de peculiaribus iis capitibus fixum certumque constitui potest, ob multam morum varietatem, quæ quoad ea apud varias Catholicas Nationes in Foro utroque conspicitur; cum passim videre liceat ac legere, apud aliquam gentem plura Foro Laico vindicari, apud aliam pauciora; seu in hac regione Forum Ecclesiasticum pluribus potiri, in alia minus esse liberum: hic uno modo rem transigi, alibi alio: alicubi judicia quædam transferri ad Judices diversos, pro ratione personarum; alibi non item: Forum aliquod Laicum nihil sibi de uno aliquo capite arrogare; contra vero alios articulos ad se trahere, qui apud reliquas gentes Ecclesiasticæ Jurisdictioni relinquuntur:
apud

(IX)

apud aliquam gentem in partem judiciorum quorundam Potestatem etiam Ecclesiasticam vocari, minime vero apud hanc: in hoc regno caput unum ratione certæ tantum partis esse Fori Laici; in alio vero integre ac plene, ita ut nihil inde Ecclesiasticum Forum participet: alibi ex ecclesiastica concessione aliquid agi, alibi vero ex confirmata consuetudine: & ut omnia paucis complectar, ita esse varios ac dissimiles mores Nationum, immo & Provinciarum quoad peculiare articulos rerum Mixti Fori; ut pauci ex iis articulis sint, qui uno modo apud omnes æque Nationes constanter regantur ac judicentur.

Igitur particularibus iis capitibus sepositis, is erit istius **COMMENTARII** ordo: primo Capite narrabimus sententias varias Hæreticorum & Catholicorum de Jure Principis Laici in res ecclesiasticas: per quæ quidem exhibetur Lectori primæ eorum facies, quæ pertinent ad totum hoc argumentum de discrimine Potestatis utriusque, Ecclesiasticæ & Laicæ. Et præterea quæ hoc Capite narrata fuerint, habebunt usus frequentes in aliis nostri *Commentarii* Capitibus.

Quinque deinde generales articulos in proximis quinque Capitibus explanamus, quasi fundamenta ad limites Sacerdotii & Imperii cognoscendos. Quorum articulorum primus est, de natura & muniis Potestatis utriusque. Cui cognatus est articulus alter de vi coactiva in Foro exteriori ad vindictam publicam per coercionem corporalem; ubi ecclesiastica jura a juri-
bus Regni accurate secernimus.

Tertius est de Potestatis Civilis fonte & origine ; ex qua inquisitione fit aditus ad intelligenda plenius jura & vim istius Potestatis. Proximo vero articulo quæritur , quænam sint Causæ Ecclesiasticæ , seu causæ , de quibus judicium est penes solam Ecclesiam : cui quæstioni affinis est alia , quam versamus Capite proximo , de Origine & Indole Libertatis Ecclesiasticæ , seu Immunitatis Clericorum & Rerum Ecclesiæ ; qua re perspecta facilius definiri potest , quæ sint Causæ Ecclesiasticæ sive ex propria natura , sive alio ex titulo.

Ab his generalibus fundamentis Capite septimo fit gradus ad rem ipsam proxime explicandam. Nam investigandum est , an liceat Principi Laico leges novas condere de Rebus Ecclesiasticis , non contra Canones equidem , sed tamen præter et ultra Canonum constituta. Quo loco Recentiores quidam refellendi veniunt , qui veteres fines turbare ausi sunt , et affirmare , aut insidiosè saltem indicare , esse in Principe jus nove ordinandi externam Ecclesiæ disciplinam. Qui insuper cum se tueri præcipue soleant ex Judæorum Politia sacra , ex Justiniani Augusti Legibus , & ex Capitularibus Regum Francorum , effecerunt , ut peculiare examen institueremus in Capitibus octavo , nono , & decimo de tribus hisce articulis , ad videndum , an inde probeatur , spectare ad Principem Laicum externam Ecclesiæ disciplinam nove ordinare.

Cum tamen constans sit antiquitatis vox , Principes esse Tutores Ecclesiæ & Dogmatum ac Legum Ecclesiasticarum , ideo Capite undecimo videndum fuit , cujusmodi sit illa Tuitio , quousque

(XI)

usque protendatur , ac quis illius sit ordo. Ex horum enim ignoratione fit , ut nostri hoc TUTIONIS nomine mire abutantur.

Sunt vero plura disciplinæ capita, quæ personas aut res ipsas respiciunt , & quæ aliquo nomine alterutra Potestas sibi vindicavit ; unde existunt causæ , quas *Mixtas* appellamus. Expōnitur ergo Capite duodecimo , quæ sit via ad tollendas hisce de rebus controversias inter Sacerdotium & Imperium. Hæc via, si a fidis justitiæ & æquitatis cultoribus teneretur , sola sufficeret ad perpetuam firmandam concordiam Sacerdotium inter & Imperium in universa tum Reipublicæ , tum Ecclesiæ administratione. Etenim quamvis hoc in Capite XII videri prima fronte cuiuspiam possim distinctam quasi speciem ponere ; excurro tamen per totam hanc rem nostram , adeo quidem , ut hinc omnes discordiarum causæ seu prætextus homini cuicunque præripiantur.

Hoc itaque Caput duodecimum velut maiori consideratione dignum proponimus ; sicuti etiam Caput decimum tertium , quod est isti conjunctum , & in quo inquiritur , quis sit Judex Controversiarum , quæ incidunt inter Ecclesiam & Regnum. Quorum quidem Capitum præcepta aliis quoque nostri hujus libri Capitibus lucem ac normam præbuerunt non semel.

Deinceps veniendum est ad Reditus & Agros Ecclesiarum. Ac primo asseritur Ecclesiis particularibus sua temporalium bonorum proprietas : ac nihilominus declaratur potestas Regis in ista. Hoc præstatur Capite decimo quarto.

(XII)

Hinc Capite sequenti agimus adversus Invasores bonorum ecclesiasticorum : maxime Regum Potestas ab iis invadendis arcetur vi definitionum Ecclesiæ subinde latarum adversus errores Novatorum non unius ætatis aut seculi. Eodem vero tempore recentior quidam Scriptor refellitur , qui gravissime in hoc articulo erravit.

Atque idem argumentum persequimur Capite decimo sexto, ut explicemus, quo sensu bona temporalia Ecclesiarum dicantur *consecrata*.

Si vero non licet Principi terreno, redditus ac fundos Ecclesiarum a Clericis transferre ad Laicos, vel Fisco Regio addicere; hoc videbatur saltem investigandum, utrum Principi liceat, temporalia ecclesiastica bona ab una Ecclesia ad aliam, seu ab uno ad alium pium usum transferre. Hoc executi sumus Capite decimo septimo ; qua occasione nostram sententiam dicimus de *Commendarum* usu & more, dum argumentis contrariis respondendum fuit.

At Capitibus decimo octavo, decimo nono, et vigesimo ex veteri ecclesiastica disciplina Ludovici THOMASSINI potissimum, nec non etiam ex MURATORII Antiquitatibus Italicis Medii Ævi, ex Historia Ecclesiastica NATALIS ALEXANDRI, & forte ex aliis, eas historicas Positiones digeram, quas sub hujus præfationis initium me daturum promisi, ad exhibendas scilicet origines, progressus, ac vicissitudines jurisdictionis ecclesiasticæ in causis civilibus Laicorum, & quoad Res Mixtas; tum immunitatis Clericorum in causis & civilibus & criminalibus; tandem immunitatis reddituum & agrorum Ecclesiæ.

In

(XIII)

In quo opere multa nobis diligentia opus fuit, tum ad summa rerum capita ex magna THOMASSINI silva in nostros usus separanda, tum ad res permixtas revocandas ad proprias classes; tum etiam ne omnia temere ac subito arripientes, erroris inde nobis occasio daretur: qua de causa non prætermisimus ipsos fontes sæpius explorare, ubi id res poscere visa est; & eorum quidem ope nos res in melius composuisse confidimus.

Atque hæc fit istius mei COMMENTARII descriptio. An ea vero præstiterimus, quæ promissimus, aliorum erit iudicium: conati certe sumus promissa exequi pro viribus. Ubi tamen non hoc aliquis expectet, ut simus in cunctis perspicui, & omnia definite distincteque dicamus. Contra enim certe nobis non semel evenisse credimus, non nostri quidem animi vitio, ut confidimus, sed propter multam rei difficultatem, seu propter ingenii mei tenuitatem, quam & agnosco, & experior. Sufficit tamen nobis huius Commentarii principia digerendo, ac rem tum latissime patentem, tum implicatissimam ad capita non multa revocando viam monstrasse aliis, qua industriam suam scientiamque exerceant, ac in publicam utilitatem eam mentis virtutem, qua nos caremus, conferant.

Ceterum si quid a me humanitus est erratum; pergratum mihi erit admoneri a viris peritis & amicis: errores enim toti mei sunt. Bona autem & utilia in hoc opere si quæ inveneris; id totum tribuas beneficentissimo DEO, a quo solo habemus, si quid in nobis est boni.

INDEX CAPITUM.


I. <i>De jure Principis laici in res ecclesiasticas, sententiæ Hæreticorum, & Catholicorum.</i>	pag. I.
II. <i>De natura & munitis Potestatis utriusque, spiritualis, & temporalis.</i>	64
III. <i>Quenam Ecclesiæ Pastoribus jure divino competat vis co-activa?</i>	72
IV. <i>De potestatis civilis fonte & origine. Rejicitur primigenia hominum æqualitas.</i>	80
V. <i>Quenam sint causæ ecclesiasticæ, seu causæ de quibus judicium est penes solam Ecclesiam.</i>	89
VI. <i>De origine & indole libertatis ecclesiasticæ seu immunitatis Clericorum & rerum Ecclesiæ.</i>	97
VII. <i>De rebus ecclesiasticis non licet Principi laico leges novas condere, non contra Canones modo, sed neque præter Canones: seu non spectat ad Principem externam Ecclesiæ disciplinam novè ordinare.</i>	104
VIII. <i>De</i>	

(XV)

- VIII. *De Pontificiæ & Laicæ Potestatis discrimine apud Judæos; seu ex Judæorum politia sacra non recte argumentum duci ad politiam sacram Christianorum.* 123
- IX. *Ex legibus Justiniani Imp. minime demonstratur, spectare ad Principem, externam Ecclesiæ disciplinam novæ ordinare.* 133
- X. *Ex Capitularibus Regum Francorum non demonstratur, licere Principi laico leges novas de rebus ecclesiasticis condere, non solum contra Canones, sed nec præter & ultra Canones. Origo & indoles Capitularium narratur & exponitur. Adduntur aliqua de Missis Dominicis seu Legatis Regalibus Medii Ævi.* 141
- XI. *Quenam sit Tuitio, quam impendere Principes seculi Canonibus Ecclesiæ tenentur: seu cujusmodi sit illa Tuitio; quousque protendatur; ac quis illius sit ordo.* 164
- XII. *In judicio de Rebus, quas Mixtas appellamus, Scholasticorum ratiocinationes non raro fallunt: Historia quoque parum sepe juvat. Igitur ad Quæstiones de Rebus Mixtis finendas, habenda est vetustæ possessionis ratio. Consecraria hujus doctrinæ.* 173
- XIII. *In controversiis, quæ incidunt inter Sacerdotium & Imperium, an ad Ecclesiasticam Potestatem spectet judicare, utrius partis clarius ac firmitus sit jus.* 193
- XIV. *Quo jure potiatur Imperans in redditus & fundos Ecclesiarum sui regni.* 196

(XVI)

- XV.** *Longe abest , ut Imperanti liceat redditus , prædia ac fundos Ecclesiarum a Clericis transferre ad Laicos , vel Fisco Regio addicere : ubi errores de redditibus , & fundis Ecclesiarum referuntur , & errorum istorum proscriptio ab Ecclesia facta narratur.* 210
- XVI.** *Adversus errores de redditibus & fundis Ecclesiarum continuatio : ubi explicatur , quo sensu bona temporalia Ecclesiarum dicantur consecrata : seu in quo posita sit bonorum istorum consecratio.* 237
- XVII.** *Principi non licet , temporalia ecclesiastica bona ab una Ecclesia , seu ecclesiastica sodalitate transferre ad aliam , vel ad usus pios alios* 246
- XVIII.** *De jurisdictione ecclesiastica in causis civilibus laicorum , & quoad Res Mixtas Positiones historicæ.* 265
- XIX.** *De Immunitate Clericorum in causis tum civilibus tum criminalibus Positiones item historicæ. Adduntur nonnulla de pœnis Ecclesiæ corporalibus , seu de pœnis civilibus , quas Ecclesia inflixit vetusto tempore.* 270
- XX.** *De Immunitate reddituum & agrorum Ecclesiæ Positiones historicæ.* 282





DE FINIBUS UTRIUSQUE POTESTATIS,
ECCLESIASTICÆ, ET LAICÆ,
COMMENTARIUS.

C A P U T I.

*De jure Principis Laici in Res Ecclesiasticas, Sententiæ Hereticorum
& Catholicorum.*

I. Sententia HÆRETICORUM.

HUGO GROTIUS.

I. **O**RDIOR ab Hugone GROTIO, cujus est *Commentarius posthumus de Imperio summarum Potestatum circa Sacra*. Est pervagatus liber, & catholicis etiam quibusdam Scriptoribus nec fatis doctis nec admodum piis nimium familiaris.

2. Sed ecclesiasticum hoc GROTHII systema non proferam, quin prius observem in gratiam Catholicorum, totum GROTHII ædificium collapsurum, si error ille capitalis, cui quasi fundamento superpositum est, fuerit disiectus. Hæresis est, a Concilio TRIDENTINO confixa anathemate, negantium, in *Ecclesia Catholica esse HIERARCHIAM divina ordinatione institutam*; cui Hæresi innituntur ceteri GROTHII errores.

3. Ea igitur Hæresi disjecta per Tridentinum, ruunt ceteræ Grotianæ structuræ partes. Nam, secundum Ecclesiæ Catholicæ fidem posita Ecclesiæ Hierarchia, ponatur necesse est JURISDICTIO SACRA, imperium, seu potestas aliorum in alios: & hanc Jurisdictionem esse oportet non in singulos modo, sed etiam in universitatem fidelium, & in ea omnia quibus hæc universitas continetur ac regitur; sicuti Imperans civilis non singulos modo cives regit, sed toti etiam civili Societati dominatur.

4. Jam vero cum universitas Christianorum seu Ecclesia duabus regatur ac fulciatur partibus quasi ædificii totius fundamentis; Fide nempe, & DISCIPLINA tum liturgica, tum politica; hæc curare ad eos pertinet, qui partes sunt Ecclesiasticæ Hierarchiæ, seu qui spirituale imperium habent in Ecclesia & sacram Jurisdictionem, sive quos, ut cum Apostolo loquar Aët. 20 v. 28: *Spiritus Sanctus posuit Episcopos REGERE Ecclesiam Dei*.

5. Istorum ergo est ea omnia constituere, ordinare, ac moderari, quæ ad statum pertinent & æconomiam Ecclesiæ: ad quod rite & ordine præstandum instructi sunt potestate & imperio in fideles ceteros; prout ex nativa HIERARCHIÆ notione, ad quam illi pertinent, intelligimus.

6. Ea pariter hæresi everfa, & supremo Tridentini judicio damnata, alius statim rerum ordo & a GROTIANO diversus agnoscitur in Ecclesia divinitus fuisse constitutus; in Ecclesia scilicet, quatenus Clericis constat & Laicis: alius, inquam, rerum ordo agnoscitur, in duas summas Potestates divisus, spirituales & temporales. Ab hac reguntur profana & civilia; ad illam spirituale & ecclesiasticum regimen pertinet.

7. Et ita distinctis Potestatibus, neutri in alienos fines invadere licet: non Pontifices in civile Principum regimen se cum potestate immittunt; neque Princeps, qui se Filium non Dominum Ecclesiæ profiteatur, potestatem in ea exercet, quæ ad Ecclesiæ ordinem & regimen spectant; id est, sive in fidem, sive in Ecclesiæ DISCIPLINAM tum liturgicam tum politicam. Quænam vero sint Imperantis officia in Ecclesiam, qua defensoris ac vindicis armati fidei & disciplinæ, dicam loco suo.

8. Ab hoc igitur Canone sexto Sessionis 23 Concilii TRIDENTINI: "Si quis dixerit, in Ecclesia Catholica non esse HIERARCHIAM divina, ordinatione institutam, quæ constat ex EPISCOPIS, Presbyteris & ministris, anathema sit,": ab hoc, inquam, Canone totum GROTII ædificium funditus evertitur.

9. Hæc vero Catholicis quibusdam incautis consideranda propono, qui nunc rebus novis student, nec intelligunt, quam lubrico solo inædificent, aut quo tandem iste novitatis amor sit erupturus.

10. Hisce expositis tuto nunc licebit GROTIUM audire, in memorato *Commentario* decreta suorum Protestantium de natura & statu Ecclesiæ fidentissime renovantem.

11. Eo in libro Hugo GROTIUS in Ecclesia, quatenus & Laicis constat & Clericis, unum tantummodo Caput ponit, seu Ecclesiæ unum cum Imperio caput commune assignat; id est, Principem Laicum. Ab hoc docet manare JURISDICTIONEM omnem, non solum laicam, sed etiam ecclesiasticam; amplius & ab eo omnem disciplinæ & EXTERIORIS SEU PUBLICÆ FIDEI regulam pendere.

12. Quare si declarationes fidei aut morum & disciplinæ a Pastoribus aut a Conciliis prodeant; omni vi obligandi aut cogendi carituras, donec probatæ a summa Potestate fuerint: neque enim esse ullum LEGE DIVINA penes Synodos imperium seu jurisdictionem aut legislativam potestatem. Erunt Concilia & Pastores, quoad Principem, Consilarii & Theologiæ Magistri; a quorum proinde sententia discedere poterit, & per suum ipse examen scientiamque definire Religionis articulos, EXTERIORIS scilicet & publicæ.

13. "Ecclesia igitur (si GROTIUM audis Cap. 8 num. 10) legislativam potestatem LEGE DIVINA non habet; quare quæ ante Imperatores, Christianos in Synodis conscripta sunt, ad ordinem aut ornatum facientia, habent aut solam consilii vim, aut obligant PER MODUM PACTI. Neque hæc tamen obstant, quo minus facultas aliqua LEGISLATIVA Ecclesiis, Pastoribus, Presbyteris, aut Synodis concedi possit HUMANA LEGE.

14. Sed observat, *leges a tali aliquo cætu datas rescindi, & corrigi posse a summa Potestate, si ita res exigat: quia non possunt in una republica duo esse legislatores æque summi.* (Animadvertite usitatum Protestantibus paralogismum, qui inter regimen Sacrorum & administrationem civilem, sive inter Potestatem spirituales & temporalem non distinguunt.)

15. Posito autem errori inhæret GROTIUS Cap. 10 num. 19, dum affirmat, "Constantinum quidem Canoni Nicæno, de Electione per Episcopos facienda, vim legis tribuisse; sed id minime obstare, quo minus Imperatoribus non licuerit electiones per se exercere; nam cum Canon a summa Potestate vim legis habeat, mirum non est, si summæ Potestati, iustis de causis a lege lata, aut in uniuersum, aut in certa aliqua specie liceat recedere. Nam & abrogari & temperari leges a legislatoribus solent. Quid? quod ne abrogatione quidem (pergit GROTIUS) aut legis solutione opus est, cum jurisconsulti in eo consentiant verbis generalibus in lege positis, nunquam censeretur exclusum jus summæ Potestatis." (Sic ab uno errore ad alium, ut fieri solet, GROTIUS dilabitur.

16. Vel in ipsis pœnis, quas ecclesiasticas vocamus, ex GROTIUS, nulla adest jurisdictio. “Deponit Pastorem Ecclesia (inquit Cap. 9 num. 9) cum
 „magisterio ac pastore ipsius non utitur. Excommunicat aliquem, cum ejus
 „communione se subtrahit. Utrobique utitur jure suo, alteri nihil juris demit,
 „& quamquam sine judicio id non faciat, nullam JURISDICTIONEM pro-
 „pria dictam exercet: est enim Jurisdictio SUPERIORIS IN INFERIO-
 „REM: at judicium sæpe etiam INTER PARES,,.

17. (Vides Lector Catholice, capitalem Protestantium errorem, a quo manarunt ceteri; negationem nempe HIERARCHIÆ ECCLESIASTICÆ divinitus institutæ: quo errore semel adoptato, ad has miseras cavillationes, ut se tueantur, confugere coguntur. Sed ECCLESIASTICAM HIERARCHIAM divinitus institutam, vindicavit Oecumenicum Concilium TRIDENTINUM Canone sexto Sessionis 23, quem protulimus num. 8.)

18. “Postquam Imperatores (pergit GROTIUS num. 11 ejusdem Capituli noni) Christianismum amplexi sunt, tum demum JURISDICTIONIS
 „pars aliqua Pastoribus, ut officio publico fungentibus, data est. Concessum
 „est Episcopis de iis rebus judicare, quæ ad religionem pertinent,,.

Hinc dixerat Cap. 7 num. 5, “in Ecclesia publica ut Presbyteria, ita
 „& Synodos, præter nativum jus (docendi & declarandi verbum Dei,) ha-
 „bere adventitium quoddam EX LEGE HUMANA. Ex quo jure de contro-
 „versis cognoscunt, ut alii confessus aut conventus a summa Potestate in-
 „stituti, ita ut eam cognitionem COACTIO sequatur,,.

19. Ecclesiam scilicet GROTIUS in COLLEGIORUM numero collocat, sed ordinis eminentioris, ac Regiæ Potestati & curæ magis obnoxii, quam Collegia cetera. Et Ecclesia inter Collegia reposita ponit Episcopos, & Clerum reliquum, in iis quæ ad JURISDICTIONEM spectant, non aliud esse, quam Principis substitutos ac delegatos, seu Vicarios.

20. Quare Cap. 2 num. 2, etsi fatetur, “Ecclesiarum Pastores qua tales
 „sunt (id est, quatenus munere funguntur docendi, & declarandi verbum
 „Dei auditoribus suis, seu fidelibus) non esse summarum Potestatum Vica-
 „rios; affirmat tamen, eosdem Pastores, quatenus præter pastorale munus
 „ALIQUID IMPERII AUT JURISDICTIONIS accipiunt, ejus accessionis
 „ratione verissime dici SUPREMARUM POTESTATUM VICARIOS
 „aut delegatos,,.

21. Ex qua substitutione Pastorum facta a summis Potestatibus, “ema-
 „nat (ait Cap. 12 num. 4) jus Canones faciendi, qui vim legis habeant;
 „jus cum Imperio deponendi Pastorem, aut civem extra cœtum relegandi;
 „quæ Synodis aut Presbyteris permessa apparuit. Nec aliunde est jus Cleri
 „sive Capitulorum ad peragendas electiones,,.

22. "Existimarunt enim Imperatores ac Reges, his qui rerum sacrarum
 „ essent peritissimi, & QUIBUS REGIMEN PASTORALE A DEO COM-
 „ MISSUM, alterum illud QUOD AB IMPERIO EMANAT regimen tuto
 „ quoque posse committi „.

23. Sed etiamsi Clero sive Capitulis datum sit jus ELECTIONES pera-
 gendi; ad Principem (inquit) jure summæ Potestatis, adhuc publicorum
 Pastorum confirmatio spectat, idemque, si velit, sibi vindicare Electiones
 potest.

24. PASTORALE autem Regimen, A DEO commissum est Pastoribus;
 sicuti Medicis, Philosophis, Pædagogis officium declarandi & ostendendi: cum
 istis scilicet GROTIUS plane profano modo Pastores non semel comparat.
 Pastorale itaque Regimen, inferioribus hominibus a Deo communicatum,
 versatur in declarando, in præcepto ostendendo, in docendo, in dirigendo,
 minime autem in imperandi aut obligandi potestate.

25. Scilicet nulla Pastores JURE DIVINO potiuntur jurisdictione seu
 imperandi potestate, uti ex GROTIUS declarabamus superius; & quando hanc
 potestatem habent, eam ex delegatione seu concessione imperantis habent.
 (Hæc vero necesse fuit ab eo dici, qui semel caput errare, contra fidem
 catholicam negando HIERARCHIAM ECCLESIAVICAM divina ordina-
 tione institutam.)

26. Ex GROTIUS igitur, duo sunt in ministro Ecclesiæ invicem secer-
 nenda; officium pastornatus, & jurisdictio seu imperandi potestas. Hæc a solo
 Principe manat; illud vero a Deo Minister accipit, id quod GROTIUS am-
 plius explicat Cap. 10 num. 2 hac similitudine: "Imperatoria potestas non
 „ est penes Electores; ergo nec ab his datur, sed ab ipsis tamen certæ per-
 „ sonæ applicatur. Christus ergo (colligit GROTIUS) procul dubio is est,
 „ a quo jus prædicandi, Sacramenta exhibendi, et CLAVIBUS UTENDI
 „ oritur, et vim suam accepit; etsi applicatio hujus facultatis ad certam per-
 „ sonam fiat a Pastoribus per ordinationem „.

27. (Ne sollicitè quaeras, quam hæc sint a GROTIUS accurate dicta.
 Ceterum, ne alios nunc commemorem, Episcoporum JURISDICTIONEM
 jure divino constitutam, tam nervose quam eleganter adversus CLAUDII
 SALMASII errores, secundum Ecclesiæ Catholicæ fidem vindicavit DIONY-
 SIUS PETAVIUS de Ecclesiast. Hierarchia Lib. 3 Cap. 8 - 13 in tomo 4 Theo-
 logic. Dogmat.)

28. Officium Pastornatus a jurisdictione clarioribus verbis, secundum pla-
 cita Protestantium, distinxit GERARDUS JOANNES VOSSIUS in Differ-
 tatione, quam infra commemorabimus pag. 863 tom. 6 Operum: "Pote-
 „ stas

„stas ecclesiastica, ait, est duplex: una INTERIOR; altera EXTERIOR,
 „interior versatur in his quatuor, verbi prædicatione, Sacramentorum ad-
 „ministratone, ordinatione Pastorum per impositionem manuum, & USU
 „CLAVIUM „.

29. “ EXTERIOR potestas in externa gubernatione consistit, qua re-
 „ligio publice sancitur, omniaque procurantur, quæ ad bonum religionis,
 „qua publica est, pertinent. Prior illa potestas propria est Ecclesiarum:
 „posterior primo & per se competit MAGISTRATUI „.

30. Sed dum VOSSIUS & GROTIUS Ministris Ecclesiæ tribuunt
 USUM CLAVIUM; non illi hoc loco ullam potestatem jubendi, non im-
 perium ullum, non vim coactivam, seu nullam spirituales jurisdictionem
 intelligunt, nam hunc sensum excludit hæresis Protestantium omnem abjudi-
 cantium Ecclesiæ jurisdictionem.

31. Itaque cum usum clavium VOSSIUS ponat quoad tria; nempe,
 quoad REMITTENDA PECCATA, quoad imponendas peccatori pœnas,
 & quoad negationem Sacramentorum; *in primo* “ Sacerdos (inquit pag. 865
 „tomi cit.) peccata non remittit aut retinet, sed remissa aut retenta esse
 „ostendit sive annunciat; *alterum* suadere sacerdos potest, proprie vero
 „loquendo imperare non potest, cum penes eum solum, qui imperium ha-
 „bet, sit vis coactiva: *in tertio* minister non de aliena actione judicat, sed
 „de sua: peccat enim contra charitatem, si ei præbeat SIGNA (agnosceis,
 „credo, Calvinianum hominem loquentem,) ad quem scit non pertinere;
 „eoque nec ullum hic imperium, sed tantummodo ministerium est. Atque
 „hinc liquet (colligit heterodoxus) quatenus clavium usus conveniat
 „pastoribus „.

32. (Majorum vero fidem sicut quoad alia, ita quoad vim absolutio-
 nis a peccatis, firmavit TRIDENTINUM Concilium Sess. 14 de Pœnitent.
 Can. 9: “ Si quis dixerit, absolutionem Sacramentalem Sacerdotis non esse
 „actum JUDICIALEM, sed nudum ministerium pronunciandi, & declarandi
 „remissa esse peccata confitenti anathema sit „.)

33. Ex istis jam intelligi posse puto, quæ sit GROTII sententia de jure
 summarum Potestatum in Ecclesiæ fidem & disciplinam. Cæterum facile
 est detegere, unde errores illius singuli nascantur.

34. Nam capite primo, quo vult, *summæ Potestatibus Imperium circa Sa-
 cra competere*; errat, quia ineptis ratiocinationibus deceptus, renuit in mundo
 admittere duas summas & absolutas Potestates, unam quæ in spiritualibus
 occupetur, alteram quæ in temporalibus; prout de iis a Deo in sacris Libris
 edocti sumus.

35. Errat; quia sibi fingit, regimen quodpiam esse hic in terris posse, ab omni incommodo liberum. Errat denique; quia non distinguit inter Potestatem in res spirituales, & PATROCINIUM ac defensionem, quam Princeps Legi naturali ac divinæ & Religioni præstat.

36. Atque (ut obiter hoc dicam) huic postremo errori tota fere illa superstructa est proluxa *Dissertatio Epistolica de Jure Magistratus in Rebus Ecclesiasticis*, auctore GERARDO JOANNE VOSSIO, quam supra memora-
bam, & quæ extat ad calcem Tomi sexti Operum ejusdem Vossii, edition. Amstelodam. 1701.

37. Capitibus vero secundo, tertio, & quinto HUGO GROTIUS varia habet partim vera, partim falsa, partim detorta, partim ad rem nihil facientia. Capite quarto, ad solvenda argumenta contra Imperium summarum Potestatum circa Sacra, utitur exemplis incongruis; male detorquet Sanctorum Patrum ac sacrorum librorum loca; neque distinguit inter jurisdictionem spiritua-
lem & temporalem. His ergo modis vim argumentorum studet eludere.

38. Capite sexto errat; quia ignoravit, per Pastores Ecclesiæ Deum loqui, maxime per Generale Ecclesiæ Concilium. Errat etiam, quia inter res fidei, & opinionis, ac disciplinæ non bene distinguit.

39. Capite septimo fallitur; quia in Generalium Conciliorum convocatione, olim ab Imperatoribus (pluries, ut putat) indicta, CONSILIUM, HORTATUM, ratihabitionem, aut assensum ROMANI PONTIFICIS & Ecclesiæ videre noluit contra Actorum veterum & monumentorum fidem ac testimonium: ad quam rem legas sane Cardinalis PERRONII, viri toto orbe celeberrimi & clarissimi, *Responsionem ad Jacobum I Regem magnæ Britannicæ Lib. 1 Cap. 42 pag. 316--332*.

40. Legas quoque CAJETANUM CENNI de *Antiquitat. Eccles. Hispan. num. 2 Dissert. 4 Cap. 4 §. 19--22*, & Ludovicum THOMASSINUM in *Concilia Dissert. 3 num. 15 potissimum & seq.*, ubi ea in primis considerata sunt quæ habent de convocatione Oecumenicorum Conciliorum Orientis; quæ, præter NICÆNUM, jure ac merito negant fuisse ab Imperatoribus Orientis convocata vel potuisse convocari.

41. In eodem Capite septimo GROTIUS fallitur, quia non discernit auxilium Imperatoris, per Ecclesiam imploratum; Conciliabula a Conciliis, causas Hæreticorum a causis Ecclesiæ; temporalia negotia a spiritualibus, & a mere ecclesiasticis.

42. Capite octavo, quod est de *Legislatione circa Sacra*, impiæ sanctiones proferuntur, atque a GROTIO approbantur; justarum vero legum rationem ac modum GROTIUS non assequitur; sicuti nec vidit, leges aliquas
ab

ab Imperatoribus esse conditas per indulgentiam Ecclesiæ, aut aliis ex titulis, de quibus in progressu hujus *Commentarii* dicendum erit.

43. Capite autem nono de *Jurisdictione circa Sacra*, ridendis evasionibus ac effugiis eludit antiquitatem sibi adversam; intermiscens aliqua vera, sed quæ sunt supervacanea. Capite decimo de *Electione Pastorum*, multa vera dicit; deinde plura falsa, quia antiquitatis morem ac sensum male interpretatur.

44. Capite undecimo, quod inscriptum est de *muneribus in Ecclesia non omnino necessariis*, affirmat, Episcopatum non esse divinæ institutionis seu **DIVINI PRÆCEPTI**, adeoque non necessario esse ubique tenendum. "Apostolicæ institutionis (ait num. 10) est Episcopatus, quia apparet in „nonnullis Ecclesiis ab Apostolis ordinatos Episcopos aut approbatos. . . . „Sed non utique **PRÆCEPTI** est **DIVINI**, quicquid ab Apostolis institutum „est: multa enim instituuntur salva mutandi libertate „.

45. Hæc vero dicere necesse fuit GROTIO, ne eos a se Protestantes alienaret, qui Episcopatum a **NOVIS** suis Ecclesiis ablegarunt: hoc enim sibi in hujusmodi tractatione fuisse propositum, ipse ultro fatetur. Ex eo vero errore ad errores alios transit, neglectis fidei catholicæ regulis.

46. Sed divinam Episcopatus institutionem, seu factam ab Apostolis **PRÆCEPTO DIVINO** creationem Episcoporum & divinum Episcoporum Primatum supra Presbyteros, jam satis contra Protestantes vindicarunt Scriptores catholici: inter quos placent mihi maxime JOANNES MORINUS de *sacris Ordinationibus* Par. 3 *Exercitat.* 3 *Cap.* 3, & NATALIS ALEXANDER in *Hist. Eccles. Seculi* 4 *Diff.* 44 adversus Davidem BLONDELLIUM scribens.

47. Opportunus autem, & ad hanc rem apprime aptus, est CAROLUS WITASSE de *Sacram. Ordin.* pag. 270 - - 274 *tomi sexti Tractatum Theologicor.*, ubi nominatim de *Episcoporum necessitate* agit: ne nunc commemorem majoris molis opus Viri de Ecclesia & de episcopali ordine, statu, ac dignitate meritisissimi, qui sub **PETRI AURELII Theologi** nomine latuit, & inter cetera multa scripsit *Vindicias Censuræ Facultatis Theologiæ Parisiensis*, editæ adversus quorundam male sanorum hominum propositiones, per quas tum aliæ injuriæ inferebantur Ecclesiæ, tum Episcoporum in singulis Ecclesiis necessitas vocabatur in discrimen.

48. Habes eas *Vindicias* in tomo secundo *Operum Petri Aurelii Theologi*, jussu & impensis Cleri Gallicani denuo in lucem editorum Parisiis 1642.

49. Capite duodecimo & postremo de *Substitutione & Delegatione circa Sacra* pergit GROTIUS in erroribus superioribus explicandis ac suo more confirmandis.

50. In universum dicam, adeo leviter, inepte, & perturbate causam illam Protestantium a GROTIO agi per totum librum, ut Grotium ibi non amplius agnoscas, nec Grotii acumen, diligentiam, fidem. Dixeris, sæpe ludere hominem potius quam serio agere; adeo frequens est in diverticulis quærendis, & inanibus argumentorum sedibus confectandis: neque sane id in adeo afflictâ ac desperata causâ fieri aliter potuit.

51. Sed & aliquando ab impietate non abest: ut quando cap. 8, num. 2 scribit: "Nulla in re magis elucescit vis summi Imperii, quam quod in ejus,, arbitrio est, quænam religio publice exerceatur (de toto publicæ Religionis corpore loquitur),,, idque præcipuum inter Majestatis jura ponunt,, omnes, qui politica scripserunt. Docet idem EXPERIENTIA. Si enim,, quæras cur in Anglia &c.,,.

52. Objicit sibi GROTIUS, hic errare posse imperantem, & statum Religionis fore instabilem ac incertum. Sed reponit, neminem esse, qui falli nequeat. Contra "si pius est qui imperat, si diligens lector sacræ Scripturæ,, si assiduus in precibus, si Ecclesiæ catholicæ reverens, si peritos attente,, audiens, multum, ait, per illum proficit veritas,,.

53. In hæc scilicet absurda incurrunt homines, quando a recta via semel desciverunt; prout a Protestantibus factum, qui inter cetera, supremum etiam Religionis & CONTROVERSIARUM JUDICEM a Deo constitutum abjecerunt: unde humani ingenii mobilitati & arbitrio coacti sunt fidem ac Religionem suam permittere.

54. Cujusmodi igitur sit ille GROTII liber *posthumus*, intelligis. Sola modestia GROTIUM commendat, quam in PUFENDORFIO ac BOEHMERO, de quibus proxime dicendum est, frustra requiras.

55. Ceterum fatis apposite per partes omnes librum hunc Hugonis GROTII confutavit Angelus PETRICCA Ord. S. Franc. Conventual. in *Tom. 3. Bibliothecæ Max. Pontific. pag. 925 -- 958.*

II. PUFENDORFIUS.

56. Cui fundamento errores suos ceteros superposuit GROTIUS, eidem suos inædificavit Samuel PUFENDORFIUS in libro *de habitu Religionis christianæ ad vitam civilem*; ut nunc ordine visuri sumus.

57. Unum interesse videtur inter utrumque, quod PUFENDORFIUS, postquam semel ecclesiasticam HIERARCHIAM inficiatus est; integrum sibi esse existimavit, alia insuper quærere suorum errorum fulcimenta: nec sane difficile fuit homini semel extra veri semitam rapto, & sine duce currenti, in novos errores abripi seu nova somniare somnia.

58. Sed hoc quoque habet PUFENDORFIUS a GROTIIO diversum, quod errores a prima illa capitali hæresi, ecclesiasticam HIERARCHIAM negante, promanantes, explicavit latius & enarravit per partes singulas.

59. Eo in libello §. 11 pag. 33 editionis Bremensis 1687, qua posthac utar, PUFENDORFIUS docet, Ecclesiam non esse " Statum a summo imperio civili separatum, vel exemptum. Scilicet per statum intelligimus (ait) „ ejusmodi conjunctionem plurium hominum, quæ imperio per homines „ administrato sibi proprio, & aliunde (seu a summo imperio civili) non dependente continetur. Ad quem statum (inquit §. 28 pag. 77) requiritur imperium, ex quo promanat PRÆEMINENTIA UNIUS PRÆ ALTERO „.

60. (Vides jam PUFENDORFIUM in ipso rei ingressu a fide catholica aberrare, quod potestatem spiritualem & ecclesiasticam JURISDICTIONEM, a temporali distinctam non admittat, seu quod ecclesiasticam HIERARCHIAM divina ordinatione institutam non agnoscat.

61. Ab hoc errore, quo ecclesiastica Hierarchia, & Jurisdictio Præsum Ecclesiæ rejicitur, derivantur ceteri Protestantium illorum errores, qui ecclesiasticum systema seu Ecclesiæ naturam, statum, & jura susceperè definienda; uti ad GROTIUM diximus, & in PUFENDORFIO nunc videbimus, & in BOEHMERO postea clarius.

62. (Optimo ergo consilio sacrosanctum CONCILIUM TRIDENTINUM, Spiritu sancto duce, hunc præcipue errorem anathemate confixit per Canonem, quem recitabam supra.)

63. Pro statu itaque generis ejus, quod descripsi, Ecclesiam habere non licet; si PUFENDORFIUM audias. Hinc affirmat §. 32 pag. 100 " absurdas esse quæstiones, monarchica, aristocratica, an democratica forma „ competat Ecclesiæ. Hæ quippe formæ cadunt in statum aliquem, seu civitatem: Ecclesia autem status non est „.

64. " Cum porro (pergit) disparè a civitatibus finem habeat Ecclesia, „ disparia quoque sunt munia, quæ utrinque proveniunt. Quam personarum varietatem finis civitatum producat, nemini est ignotum. Ast personarum, quæ respectu Ecclesiæ oriuntur, simplicissima est divisio in „ DOCTORES & AUDITORES „.

65. (Per Doctores intelligit PUFENDORFIUS eos, qui verbo doctrinæ ceteros de Ecclesia, seu fideles vel *Auditores* pascunt; qui tamen *Doctores*, ex illius sententia, nec jurisdictione ulla instructi sunt nec charactere. *Doctores* isti Pufendorfsiani sunt iidem, qui apud catholicos Presbyteri, Pastores, & Episcopi; refugere scilicet sæpe videntur Protestantes, Viros ecclesiasticos, seu Pastores Ecclesiæ, appellare *Clericos*; exemplo patrum suorum
LU.

LUTHERI & CALVINI, qui valde infenso animo tulerunt, quod quidam inter christianos *Clerici*, quidam *Laici* nominati sint olim, & nominentur modo; quos Hæreticorum parentes ab hac item parte refellunt BELLARMINUS Cardinalis *de Clericis Cap. 1*, & Ludovicus HABERT *de Sacram. Ordin. Part. 1 Cap. 2.*)

66. Hujusmodi *Doctorum* (ut ex mente PUFENDORFII dicebam) nullus est character, nulla vera Ordinatio sacra. Neque enim “ a Christo, (inquit §. 39 pag. 143) „ aut Apostolis certa aliqua formula ordinandi Mini- „ stros præscripta est, sicuti circa Sacramenta; liquido indicio, nihil aliud ad „ isthoc munus requiri, quam ut quis AB ECCLESIA VOCATUS, & facul- „ tate docendi sit præditus „.

67. (Contra hic, & in iis quæ mox ex eodem PUFENDORFIO subji- ciam, recale ea, quæ Ecclesia catholica de Sacramento Ordinis docet, & de sacræ Ordinationis effectu; pro qua re adversus Claudium SALMASIUM non minus robuste quam eleganter agit Dionysius PETAVIUS *de Ecclesiast. Hierarch. Lib. 3 cit. Cap. 2 --- 6*, in Tomo 4 Theologicor. Dogmatum.

68. Convincent autem cujusque vel pertinacissimi hominis duritiem ea quæ Eusebius RENAUDOTIUS in suo Tomo quinto *Perpetuitatis Fidei* Lib. 5 Cap. 4 - - 10 erroribus Protestantium opposuit ex disciplina & fide Ecclesiarum ORIENTALIUM; earum, inquam, Ecclesiarum, quarum pleræque a mille trecentis & amplius annis, aliqua sua singulari assumpta hæresi, catholicam communionem abjecerunt; quarum proinde fidem Ecclesia ROMANA corrumpere non potuit, prout fuisse in Ecclesiis LATINIS ceteris corruptam, sibi solent Protestantes fingere.

69. Ego, qui Catholicis nostris nunc scribo, paucis verbis rem conficio, prolato in medium Canone quarto Sessionis 23, Oecumenici TRIDENTINI CONCILII: “ Si quis dixerit, per sacram Ordinationem non dari Spiritum „ sanctum , aut per eam non imprimi CHARACTEREM , „ anathema sit „.

70. “ Et ordinatio (subdit PUFENDORFIUS in eo §. 39) ac impositio „ manuum facta ab Episcopo aut Presbyteris, ritus bonus est, & qui utiliter „ adhiberi potest, sed qui non usque adeo necessarius est, ut citra illum legi- „ timus quis Ecclesiæ minister esse nequeat; præsertim cum efficacia mira- „ culosa, quæ primis Ecclesiæ temporibus istum ritum comitabatur, dudum „ exoleverit „.

71. (Novus hic PUFENDORFII error ducitur ex eo, quod Protestan- tes negent, Ordinationem sacram esse verum Sacramentum; contra ac de- finit TRIDENTINA Synodus Sess. 23 cit. Can. 3 edicens: “ Si quis dixerit,

„ Ordinem, sive SACRAM ORDINATIONEM non esse VERE ET PRO-
 „ PRIE SACRAMENTUM a Christo Domino institutum; aut esse
 „ tantum ritum quemdam eligendi ministros verbi Dei, & Sacramentorum;
 „ anathema sit „.

72. “ In universum quidem (dixerat PUFENDORFIUS §. 11 cit. pag. 32) „ omnes christiani Sacerdotes coram Deo vocantur; ministerio au-
 „ tem Ecclesiæ citra discrimen generis adhiberi potest, quisquis idoneis ad
 „ eam functionem artibus est instructus. Nisi quod feminas publico docendi
 „ munere arceat Apostolus 1 Tim. 2 - - 12 „. (Ecclesiæ autem catholicæ hæc
 est sententia in eodem Concilio TRIDENTINO Sess. 7 Can. 10 de Sacram.:
 “ Si quis dixerit, Christianos omnes in verbo, & omnibus Sacramentis ad-
 „ ministrandis habere potestatem; anathema sit „.)

73. Iidem *Doctores* (ut dicebat PUFENDORFIUS) nulla quoque in-
 structi sunt jurisdictione in *Auditores* seu in cætum reliquum Ecclesiæ. Immo
 “ si universum novum instrumentum (inquirebat §. 25 pag. 65) „ excutiamus,
 „ apparebit, neque Christum, neque Apostolos REMISSIONEM PECCA-
 „ TORUM exercuisse per modum jurisdictionis, ac velut pro tribunali ex-
 „ cussis delictis: sed ubicunque fides adfuit, ibi & immediate remissio pec-
 „ catorum secuta fuit „.

74. “ Et confessio, quæ remissionem peccatorum tacite aut expresse
 „ præcedere debet, non est similis illi confessioni, quæ a reo in iudicio ex-
 „ igitur, quippe quam sequitur condemnatio. Sed habet similitudinem cum
 „ ea confessione, quam morbo aliquo occulto laborantes MEDICO faciunt;
 „ quo is idonea medicamenta applicare queat „.

75. (Vides, Lector, quousque nova hæresis, in ecclesiastica neganda
 tum JURISDICTIONE, tum potestate CLAVIUM sit progressa. Sed
 TRIDENTINA Synodus Sess. 14 de Pœnit. Can. 9, ut supra audivimus,
 sanxit: “ Si quis dixerit, Absolutionem sacramentalem Sacerdotis non esse
 „ actum JUDICIALEM, sed nudum ministerium pronunciandi, & declarandi
 „ remissa esse peccata confitenti, modo tantum CREDAT SE ESSE ABSO-
 „ LUTUM; aut dixerit non requiri CONFESSIONEM pœnitentis,
 „ ut sacerdos eum absolvere possit, anathema sit „.

76. Hactenus quidem PUFENDORFIUM audivimus, de Ecclesiis
 particularibus placita sua expromentem. Transeo modo cum eo ad Ecclesiam
 universalem, seu ad Ecclesias omnes in unum veluti corpus conjunctas.

77. “ Cum itaque (scribit §. 34 pag. 108) „ in Ecclesiis particularibus
 „ ingens difformitas a statu adpareat; disquirendum est, num forte iste Ec-
 „ clesiæ inter se junctæ magnum aliquem STATUM absolvant? „ Negat hoc
 quo-

quoque PUFENDORFIUS; quoniam “ in sacris litteris, quod novum statum
 „ formaturis quam maxime necessarium erat, non designatur certus locus,
 „ unde in reliqua foret regimen; non designantur ille vel illi, penes quem
 „ vel quos in reliquos gubernatio esse debeat. Non ostenditur modus com-
 „ municationis ceterorum cum sede regiminis „.

78. (Hæc risune vel commiseratione potius digna sint, non definiam. Sed hic cogitandi modus, erat illi necessarius, qui primatum Petri Apostolorum Principis, & Pontificum Romanorum Sedem Petri tenentium; PRIMATUM, inquam, hunc, institutum a Christo, inficiari vellet cum suis.)

79. “ Colorem aliquem habet (inquit §. 35 pag. 112) „ quod jactatur,
 „ melius & firmiter unitatem fidei conservari, controversias componi, ac hæ-
 „ reses compesci, atque extinguere posse, si in unum statum coaluerint omnes
 „ per orbem terrarum Ecclesiæ, & ab uno capite, sive Princeps is sit, sive
 „ Senatus e pluribus constans (id est, sive Pontifex is sit, sive Concilium
 „ Generale) „ regantur „.

80. Rejicitur tamen & hoc a PUFENDORFIO tum alias suas ob causas, tum quia “ non possunt (ait ibid. pag. 116) „ non hoc modo in una ci-
 „ vitate duo summa imperia introduci, cum obtentu judicii de controversiis
 „ non minus obnoxii teneri homines queant, quam per jussa circa civiles
 „ actiones „. (Animadvertite obtusas Protestantium mentes, qui ista simul
 non valeant conciliare.)

81. Præterea “ si penes alium sit imperium (spirituale), tunc vel iste
 „ executionem quoque habebit sententiarum a se latarum, vel ipse habebit
 „ satis sententiam pronunciasse, executione imperantibus civilibus delegata.
 „ Priori casu duo summa imperia, in una civitate maxima incommoda & di-
 „ stractiones parient „. (Non parient, si utrique Imperio sint divisa munera,
 actus, & vires): „ posteriori casu summi imperantes civiles ad nutum istius
 „ judicis sacri carnificum munia obibunt „.

82. “ Ut igitur (inquit iterum §. 41 pag. 141.) „ duo status duoque
 „ summa imperia humana, & his respondentes in civibus obligationes in una
 „ civitate extent, citra contradictionem & absurditatem intelligi non potest.
 „ Et si maxime velis dicere, Ecclesiam & rempublicam diversos habere fines,
 „ & circa diversa objecta occupari, sibi invicem non repugnantia: inde ta-
 „ men haud quidquam consequitur, Ecclesiam in statum convertendam,
 „ aut modum propagandi, conservandi, & colendi religionem christianam
 „ IN CIVILE REGIMEN transmutandam „. (Nihil tamen PUFENDOR-
 FIUS ad hoc alterum aliquo colore firmandum affert. Sed quæri posset
 quid sibi hoc loco PUFENDORFIUS velit. Unum dico; potestatem

spiritualem nihil de potestate temporali decerpere aut demere, sicuti spirituali potestati nihil temporalis potestas detrahit.)

83. JAM SI Ecclesia, ex PUFENDORFII sententia, non est status; dispiciendum est, ad quodnam demum genus corporum moralium Ecclesias ipse referat. "Eas igitur (inquit §. 39 pag. 130) „constat habuisse primitus „sub Imperio Principum Ethnicorum indolem COLLEGIORUM, seu ejus- „modi societatum, quæ plures homines certi cujusdam negotii gratia inter „se connectuntur, salvo summorum imperantium in eosdem jure „(Ut de Ecclesiis sane suis tam splendide Protestantes cogitent, nihil impedio; eas immo deprimant amplius, si lubet. Hoc enim origo ipsarum & cunctis notissima primordia postulant).

84. "Est autem ea natura COLLEGIORUM omnium (pergit pag. 132) „quæ libera hominum coitione constant, ut aliquid habeant DEMOCRA- „TIÆ simile hactenus, ut quæ eam in universoni concernunt negotia com- „muni omnium consensu sint expedienda; adeoque nemo in illis potestatis „quid in alios sibi arrogare queat, nisi id ab universis ipsi sit delatum „.

85. (Hujusmodi tamen non sunt Ecclesiæ, catholicam fidem tenentes, ubi alii parent, alii imperant vi JURISDICTIONIS illius ac potestatis, quam illis Deus contulit; ubi, uno verbo, est *Hierarchia divina ordinatione instituta*, adeoque locum habere non potest Democratia.

86. Ceterum ne puta, errorem illum de natura Ecclesiæ DEMOCRATICA, venisse primum in mentem PUFENDORFIO; natus est enim una cum illa hæresum colluvie Seculi XVI, auctoribus vulgatarum hæresum patribus; adversus quos Robertus Cardinalis BELLARMINUS *de Rom. Pontif. Lib. 1 Cap. 5, & 6* propugnavit, *Ecclesiæ gubernationem non esse democratiam*: & facile est perspicere, quam arcte hic error cum hæresibus illis jungatur, seu cum iis, quas hactenus passim notavimus).

87. "Unde consequitur (colligit ibidem PUFENDORFIUS) „ut radi- „caliter & originarie facultas constituendi doctores, aliosque Ministros Ec- „clesiæ sit penes totam Ecclesiam, universonique cætum fidelium „(Protestantium, per me licet.)

88. Ceterum si ad Ecclesiæ incunabula respicimus; "Apostolorum po- „testas docendi (dixerat §. 19) „a Christo collata, imperio civili haud fuit „obnoxia, ut filere, hoc loqui vetante, aut alterare suam doctrinam tene- „rentur; ac si ejusmodi jussa adspernarentur, haud ideo in majestatem im- „perantium peccasse censerì deberent

89. "Ita nullo interdicto humano prohiberi poterant Apostoli, quo mi- „nus in universoni orbem irent, & doctrinam sibi a Christo traditam popu- „los

„los docerent..... Idemque recte adspersati sunt interdicta summorum
 „Imperantium talem doctrinam tradi prohibentium; quod Deo magis oportet
 „obedire quam hominibus,,. *Actor. IV*, 19 v. 29.....

90. „Unde si qui Imperantes doctrinæ se christianæ opposuerunt, tantum
 „abest, ut actum aliquem legitimum imperii civilis exercuisse censendi
 „sint, ut potius majestatem divinam læserint, velut violatis EJUSDEM
 „LEGATIS, cum etiam ab hominibus missi inviolabiles habeantur,,. (Bene
 „habet; sunt hæc enim extra omnem dubitationem posita.)

91. „Habent præterea hoc omnia Collegia, non minus quam ECCLESIAE
 „(pergo ex PUFENDORFII paragrapho 39 cit. pag. 135) „ut communi
 „consensu STATUTA condere queant, ad peculiarem eorundem
 „finem spectantia, salvis communibus civitatis legibus..... Quæ si quis
 „transgressus fuerit, castigationem, aut multam statuto dictatam merito
 „subibit, non velut pro imperio, sed EX CONVENTIONE imponendam,,.
 „(Insistit semper PUFENDORFIUS Protestantium hæresi, ecclesiasticam
 „JURISDICTIONEM divinitus institutam repudianti.)

92. „Et quamquam alias collegio in membra sua circa illa negotia,
 „quæ extra finem ejusdem posita sunt, JURISDICTIO non competat, nisi
 „quantum forte a summo imperio civili delegatum sit; id tamen salvo summi
 „imperii jure fieri potest, & sæpe solet, concordia eo melius in collegio
 „servandæ, ut obortæ inter membra Collegii lites per interpositionem &
 „arbitria reliquorum e collegio componantur,,.

93. „Ista tamen omnia (subdit pag. 137) non aliis pœnis potuerunt
 „fanciri, quam quæ extra summi imperii usum exerceri possunt; uti est ad-
 „monitio, correptio publica, confessio delicti in ECCLESIA, & signa
 „pœnitentiæ ibidem edita: ad extremum excommunicatio, & bannum, quod
 „est vel suspensio temporaria ab usu sacrorum publicorum; vel plena ex-
 „clusio ab Ecclesia. Id quippe extremum est, quo coercitio alicujus COL-
 „LEGII procedere possit, ut nempe quis eodem penitus ejiciatur,,.

94. DE CONCILIIS autem in universum PUFENDORFIUS pronun-
 „ciat §. 38 pag. 126: „Viros, e quibus concilium componitur, non posse con-
 „siderari velut membra alicujus senatus aut collegii, quorum major pars
 „suffragiis suis propositum negotium decidere queat, sic ut ista decisione
 „quisque Christianorum utique stare teneatur,,. (Vide quam præclare in-
 „cipit Vir hæreticus decisiones suas de CONCILIIS ponere;) „præsertim cum
 „in universum veritas non semper a majori suffragantium numero depen-
 „deat,,.

95. " Multo minus illis (inquit) potestas aliqua **LEGISLATORIA**
 „ competit, ut Ecclesiæ leges vel canones pro imperio injungere queant.
 „ Sed non aliter ibidem considerari possunt, quam deputati Ecclesiarum, ad
 „ examinandas controversiarum rationes, & decisionem e divinis litteris
 „ eruendam. Ad quam decisionem amplectendam Ecclesiæ non tenentur,
 „ nisi quatenus eam divinis litteris congruam deprehenderint „.

96. (Ubique *Ecclesiam* PUFENDORFIUS dicit, intelligit Cætum Clericorum & Laicorum, seu, ut ipse nove loqui amat, *Doctorem & Auditorem*. Quoniam vero in hac nefaria PUFENDORFII de Conciliis doctrina, duo sunt Propositionum hæreticarum genera; earum aliæ, ut vides, sponte nascuntur ex negata Ecclesiæ **JURISDICTIONE**, aliæ ex rejecto **JUDICE** illo **Controversiarum & Religionis ac Fidei**, qui Ecclesiæ divinitus datus est.)

79. " Quodsi autem a Conciliis aliquid super moribus decretum fuit,
 „ id non aliter vim obligandi habere intelligitur, quam ex antegresso mandato
 „ aut subsequente adprobatione Ecclesiarum; sic ut **CONCILIA NULLUM**
 „ in Ecclesiam **IMPERIUM** obtineant „.

98. " Porro qui ad Concilium a diversis Ecclesiis mittuntur, a sua quique
 „ Ecclesia autoritate & mandatis instructi esse debent. Alias enim doctor iste
 „ aut Episcopus Ecclesiam suam non repræsentabit; cum hæc assensum suum
 „ non absolute submiserit doctrinæ doctorum suorum, sed quatenus congrua
 „ verbo divino proponunt „. (Horum sane, quæ de **CONCILIIIS** Protestantes nova adinvenierunt, luctuosos effectus jampridem apud nos conspiciamus).

99. **VIDENDUM EST** modo, quænam ex istis doctrinarum articulis Protestantes derivaverint pro **IMPERANTIUM POTESTATE** in Ecclesiam, seu quatenus ex positis principiis sequatur, posse Principes in Ecclesiam potestatem exercere.

100. " Non extat (ait PUFENDORFIUS §. 40 pag. 104) „ in novo
 „ Instrumento dictum aliquod ad summos Imperantes directum, quo ipsis
 „ peculiare officium circa Ecclesiam exercendum injungatur. . . . Ex quo
 „ colligitur, si quæ potestas aut quod jus summis imperantibus circa Eccle-
 „ siam & sacra christiana asserendum sit, id esse deducendum vel ex genuina
 „ indole **SUMMI IMPERII CIVILIS**, vel ex indole ipsius **RELIGIONIS**
 „ **CHRISTIANÆ**, vel ex ultronea delatione ipsius Ecclesiæ „.

101. " His positis (progreditur §. 41, initium faciens ab indole **RELIGIONIS CHRISTIANÆ**) „, adparet initio, ex eo quod summus Imperans
 „ aut universa civitas Christi sacramento accedit, Ecclesiam ideo priorem
 „ indolem haud exuere, nisi quod, quæ hætenus privati conditionem **COL-**
 „ **LEGII** gessit, legitimi tamen, & quod **IMPERIO CIVILI PROHIBERE**,
 „ tur-

„ turbare, persequi, aut destruere FAS NON ERAT, ad majorem jam securitatem provehatur, & infidelium persecutiones metuere definat, summorumque Imperantium defensione gaudeat „

102. Princeps itaque, QUA CHRISTIANUS, non est nisi Ecclesiae membrum; nam „ persona illa (ait ibidem,) quam quisque in civitate gerit, „ eique adhærens dignitas & potentia, ubi idem Ecclesiam ingressus fuerit, „ quiescit & non attenditur, & Christiani tantum persona sese exerit. Sic qui „ supremi ducis munere in civitate fungitur, idem in Ecclesia haud plus juris „ obtinet, quam gregarius miles „

103. „ Deinde (pergit §. 42) & illud dubio, puto, caret, quod Rex, „ Princeps, aut quivis Magistratus eo ipso, dum christianam religionem profitetur, HAUD IDEO FIAT EPISCOPUS, aut Doctor Ecclesiae. Isthoc „ enim munus distinctum est a conditione cujusvis Christiani, & peculiarem „ vocationem (non characterem aut dignitatem internam, ex PUFENDORFII & Protestantium mente) „ atque aptitudinem requirit „

104. „ Accedit quod Regum ac doctorum Ecclesiae munera ita comparata sunt, ut ab uno & eodem commode exerceri nequeant, non ob naturalem aliquam repugnantiam, sed ob gravitatem negotiorum, quæ utrumque munus comitantur, quibus rite obeundis unus homo par non est „

105. Non sua tamen desunt OFFICIA, quæ Princeps Christianus præstare Ecclesiae debeat. Quorum primum est, „ quod summi Imperantes (inquit §. 43 pag. 144) „ debeant esse DEFENSORES ECCLESIAE, & protectionem huic præstare, contra quoscunque cives, qui eandem insultare ausi fuerint: nec minus si extranei civibus ideo injurias inferre instituant eoduntaxat nomine, quod Christiani sint „

106. „ Deinde Principes hanc quoque obligationem ut Christiani suscipiunt, quod curare debeant, ut suppetant necessariae impensæ, quæ ad cultum christianum requiruntur „

107. „ Huic conjuncta est cura non solum ædium sacrarum, sed & scholarum, ubi Ecclesiae præformatur juvenus non illa sola, quæ aliquando ministerio Ecclesiae adplicanda est, sed & quæ aliis vitæ civilis muneribus destinatur „

108. „ Quod autem JURA attinet (progreditur PUFENDORFIUS §. 44) „ quæ Principibus circa Ecclesiam competunt, id primo manifestum videtur . . . ad eundem spectare generalem quandam in hancce non secus ac in reliqua COLLEGIA, inspectionem saltem hætenus, ut videat, NE QUID IN SUI PRÆJUDICIUM ibi agatur „

109. (Ne putes, de parvis rebus hic agi. Nam id omne virus in his verbis tegitur, unde Ecclesiæ regimen divinitus constitutum Protestantes corruperunt. Qui cum Ecclesiam habeant pro cætu DEMOCRATICO, HIERARCHIA & veris Præsulibus carente, JURISDICTIONE & potestate legislativa ac coactione omni destituto; Imperanti videndum esse monent, ne talis Ecclesiæ indoles ambitione & artibus Pastorum mutetur; ne sibi isti jurisdictionem attribuant, vel imperium spirituale in fideles vindicent; verbo, ne HIERARCHIAM Catholicorum restituant.

110. Hoc enim si fieret, ajunt, læderentur jura summi Principis, penes quem solum omnis residere debet JURISDICTIO; ne secus duo summa imperia inducantur in civitatem. Hinc videat, oportet, summus Imperans, NE QUID IN SUI PRÆJUDICIUM in Ecclesia agatur. Per hæc vero Protestantibus Principibus aperta fuit via ad imperium supra Religionem & DISCIPLINAM ecclesiasticam exercendam. Ista sic se habere, discere postea licebit clarius ex BOEHMERO.

111. Videant ergo Scriptores quidam nostri, ne, nimium Protestantibus jurisconsultis fidendo, vel dolosis ac vitiatis illorum ratiocinationibus insistendo, hanc tandem Religionis & Fidei labem inducant, vel illi certe imprudentes viam aperiant).

112. Eo itaque nomine, ne quid scilicet IN PRÆJUDICIUM PRINCIPIS agatur in Ecclesia; Principi eidem PUFENDORFIUS tribuit jus inquirendi in doctrinam; in ea quæ geruntur in Ecclesia; in morum præcepta, quæ a Doctoribus traduntur, „ num aliquid ab istis admisceatur, quod „ summo imperio civili in fraudem cedat; & in ceteris, num forte Presbyteri „ aut Episcopi justos limites migrent, aut a legibus civilibus discedant, aut „ quæ proprie ad imperium civile spectant, velut suo jure sibi assertum eant. „ Quo ex genere (ait) inter alia sunt causæ matrimoniales „. (Hæc verba, hi Pufendorfiani loquendi modi quo recidant, seu quid sub istis lateat, jam audisti).

113. „ Omnino autem (inquit §. 47 pag. 157) „ penes christianos „ Principes est definire, quænam delicta pœnis civilibus, quænam castigationibus „ ecclesiasticæ subjienda sint; & circa hæc quoque sibi sententiam referre, „ quem gradum castigationis ecclesiasticæ delinquens subire debeat; „ ministris Ecclesiæ executionem demandare „. (Negata semel JURISDICTIONE illa, quam Prælati Ecclesiæ Deus contulit, facile est ad hæc nova dogmata dilabi).

114. „ Atque isthoc præcipue circa bannum (vel excommunicationem) „ observandum est, ut nempe ejus infligendi potestas non relinquatur arbitrio „ mini-

„ ministrorum Ecclesiæ. Nam eundem fere illud effectum cum capitis
 „ deminutione habet, ac hominem inter Christianos infamem, atque intesta-
 „ bilem efficit, eoque & ad conditionem civilem effectus suos porrigit. De
 „ qua statuere in civitate penes neminem, quam summos Imperantes, salvo
 „ quidem horum imperio, esse potest, „ (Protestantes mente hebetes sint
 oportet, qui nesciant spiritualia a civilibus secernere, ac decisiones suas ab
 istis ad illa nullo discrimine transferant).

115. „ Denique summis Imperantibus potestas competit inquirendi,
 „ quidnam CANONUM seu statutorum (ait §. 48) in Ecclesia receptum sit;
 „ & si quæ reperta fuerint vel supervacua, vel ipsorum juribus (secundum
 Protestantium placita definitis) „ adversantia, abolendi: ac siquid adhuc de-
 „ siderari videatur, quod ad decus & ordinem Ecclesiæ faciat, id supplendi,
 „ adhibitis tamen in consilium saltem præcipuis ex Ecclesia; atque in uni-
 „ versum ejusmodi STATUTIS VIM LEGUM CIVILIUM addendi „ (seu
 verius, ex mente PUFENDORFII, tribuendi illis eam vim obligandi, quam
 eisdem Ecclesia, cum omni sit JURIDITIONE destituta, tribuere minime
 potuit).

116. „ Sed & illud dubium non est (pergit deinceps) quin Principes
 „ christiani homines profanos, qui religionem christianam in universum ad-
 „ spernantur, ejusque mysteria contumeliose habent, pœnis civilibus afficere,
 „ aut saltem civitate exturbare queant „ (Hoc vero optime ac verissime
 a PUFENDORFIO dictum est).

117. „ Cum jus vocandi (ait §. 45) & constituendi doctores & ministros
 „ Ecclesiæ originarie sit penes universitatem fidelium (ut sibi Protestantes
 ex suo DEMOCRATICO Ecclesiæ regimine, falso finxerunt): „ Princeps
 „ quoque eo ipso, dum fidelium cætui annumeratur, non potest non in par-
 „ tem ejus juris venire igitur quia PRIMITIVA ministrorum
 „ Ecclesiæ constitutio facta fuit per *Χειροτονίαν*, seu suffragia FIDELIUM
 (quod item falsum esse, comprobavit BELLARMINUS de Rom. Pontif.
 Lib. I Cap. 6) „ merito Principi suffragii prærogativa tribuetur in illa Eccle-
 „ sia, cujus ipse membrum est „.

118. „ Reliquas Ecclesias suæ ditionis merito libertati suorum suffra-
 „ giorum relinquet, nisi graves rationes auctoritatem ab ipso interponi subi-
 „ gant, nec temere aliquem invitæ Ecclesiæ obtrudet, si hæc idoneas causas
 „ istum recusandi habeat. „.

119. „ Est tamen penes summos Imperantes prospicere, ne per ambitum
 „ aut largitiones homines inepti & vitiosi ad munus sacrum grassentur. . . .
 „ Unde & hi delegare possunt, qui doctorum electionibus intersint, suaque

„ autoritate impediunt, ne quid indecorum aut vitiosum hic admittatur: nec
 „ minus, qui inquirent, utrum qui sacro officio admovendi sint, doctrina,
 „ docendique facultate rite instructi, ac moribus probati sint „

120. „ Summorum Imperantium est constituere, qui in doctores Eccle-
 „ siæ inspectionem habeant, eosque si a limite aberraverint, corrigant, aut
 „ coerceant „ (In has curas, a professione Principis alienas, ii illum im-
 mittant necesse est, qui nullam in Præsulibus Ecclesiæ JURISDICTIONEM
 agnoscunt. Sed Catholici, cum jurisdictioni illi assentiantur, eas curas Præ-
 sulibus Ecclesiæ divinitus commissas esse & sciunt & fatentur; ut de virtute
 & peritia Pastorum inferiorum judicent, eosque, si officio defuerint, pro
 potestate coerceant).

121. Cavendum tamen esse addit PUFENDORFIUS, ut isti quoque
 inspectores „ a reddendis rationibus non sint immunes, & coram Principe,
 „ aut CONSISTORIO in eum finem constituto conveniri queant, si & ipsi
 limites officii migrasse arguantur „.

122. „ Ista omnia cum ad bonum ordinem in Ecclesia faciant, & vero
 „ a nemine commodius procurari queant, quam a summis Imperantibus,
 „ manifestum est, Principes, ut PRIMARIA MEMBRA ECCLESIAE, istarum
 „ sibi rerum curam recte vindicare „.

123. „ Præterea (pergit §. 46) ubi dissidii aliquid & controversiæ circa
 „ dogmata in Ecclesia exortum fuerit, istius componendæ cura ad summos
 „ Imperantes spectat, non solum ut sunt membra Ecclesiæ, sed etiam UT
 „ SUNT CAPITA REIPUBLICÆ Unde tali casu penes illos est exi-
 „ mios doctores, aliosque idoneos viros convocare (ad Synodum seu in
 Concilium), „ & controversiam istis examinandam, & ex verbo Dei definien-
 „ dam committere, tum & directionem ejus cætus, præsidiumque gerere „.
 (Cura componendi controversias fidei ac disciplinæ, & convocandi ac diri-
 gendi Synodos, pertinet primario ad Romanum Pontificem, & dein ad Epi-
 scopos; quippe quibus Spiritus sanctus regimen Ecclesiæ commendaverit.
 Catholici autem Principes norunt, quousque sua defensorum Ecclesiæ & fidei
 officia in hujusmodi rebus pertingere valeant).

124. „ Id demum juris (ait §. 49 pag. 166) „ cura tranquillitatis publicæ
 „ Regibus dat, ut quæ PUBLICE recepta sunt doctrinæ christianæ compen-
 „ dia catheseon, symbolorum, confessionum, aut quocunque vocabulo ve-
 „ niant, ad normam sacrarum litterarum probe exigi curent ab omnibus,
 „ quæ solidam divinarum litterarum peritia est: & ubi ista recte se habere de-
 „ prehenderint, publicam, privatamque doctrinam ad eadem conformari
 „ imperent „. (Hæc omnia spectant ad solos Ecclesiæ Præsules; nec PRO-
 TECTORIS ECCLESIAE officium habere unquam in istis locum certe potest).

125. "Ubi ejusmodi publica formula fidei non extet, summorum Imperantium est operam dare, ut per rerum divinarum peritissimos aliqua commo-
 ,, ponatur, ab OMNIBUS CIVIBUS, (futoribus laniis, coquis, tonforibus,
 ,, mendicis, mimis, balattonibus) ,, APPROBANDA & profitenda, ad quam
 ,, etiam, quicumque docendi munere funguntur, sint adstringendi,, (Au-
 ,, ditiſin absurda, quibus eos se oportuit implicare, qui supremum JUDICEM
 ,, CONTROVERSIARUM ac Religionis, Ecclesiæ a Deo datum, temere de-
 ,, feruerunt?)

126 "Ejusmodi formula fidei ubi publice recepta fuerit, integrum est
 ,, Regibus jus civitatis abnegare illis, qui eandem profiteri abnuunt, nisi
 ,, rationes reipublicæ aliud hic suadere videantur,,

127. "Supereſt ut diſpiciamus (in his librum suum absolvit PUFEN-
 ,, DORFIUS §. 53 pag. 182),,, penes quem sit errores & abusus, qui in Eccle-
 ,, ſiam tam CIRCA DOGMATA, quam mores aut regimen ecclesiasticum
 ,, irrepſerunt, corrigere; seu quod eodem redit, penes quem sit JUS RE-
 ,, FORMANDI,,?

128. "Cenſemus (reſpondet), ſi quis error aut abusus in Eccleſiam
 ,, irrepſerit, per quem legitimum jus summorum Imperantium ſublato aut
 ,, imminuto ſit (exempli cauſſa, inducta HIERARCHIA Eccleſiæ catholicæ
 ,, & JURISDICTIONE) ,, hiſce iſtum corrigere, ac reformare faſe eſſe velut
 ,, ex libertate naturali, qua iſti in excellenti gradu gaudent, per quam pro-
 ,, pria auctoritate PRÆJUDICIA SIBI ILLATA averruncare poſſunt,,
 ,, (Hæc quid ſignificent ſeu quo ſpectent, ex ipſa dicendi formula, & ex ſupra
 ,, dictis facile intelligitur; & intelligetur mox clariuſ ex BOEHMERO).

129. Hucusque PUFENDORFIUM de eccleſiaſtici regiminis indole
 & forma dicentem audivimus, & ERRORES illius primarios indicavimus.
 Iſti vero ERRORES (uti non ſemel monuimus) non primum ſunt ab eo
 nati; eorum enim fundamenta ſunt jacta a Proteſtantium patribus LUTHE-
 RO, CALVINO, & aliis.

130. In LUTHERI autem, CALVINI, & ceterorum errores cum in-
 numeri Catholici Scriptores egerint; alia modo contra PUFENDORFIUM
 promere, eſſet importunum.

131. Hoc tantum admonebo, inter Proteſtantes ipſos non eos deeſſe,
 qui VERITATIS VI adacti cogitaverint ſaniora. Quos inter unus ſufficiat
 SAMUEL BASNAGIUS, qui in *Annalium Eccleſiaſticorum* tomo altero infi-
 ciari non valuit, ſpiritualem poteſtatem ac JURISDICTIONEM fuiſſe
 Eccleſiæ DIVINITUS collatam. Quod dum conſitetur, recedit a præcipuo
 PUFENDORFII & Proteſtantium ERRORE, unde ceteræ de Eccleſia hæ-
 reſes manant.

132. In Dissertatione igitur quarta, quam BASNAGIUS inscripsit *de Ecclesiastico Tribunali*, §. 1 hæc habet: "Tribunal Ecclesiæ JUBENTE DEO
 ,, erectum fuisse, faciles largimur BARONIO. Etenim NULLA SOCIE-
 ,, TAS consistere potest ABSQUE AUTORITATE pœnas illis irrogandi,
 ,, qui compositas sanctitasque leges evertunt atque perfringunt. Propterea
 ,, APOSTOLUS (1 Tim. 5 17 - 19) meminit *Presbyterorum, qui bene PRÆ-*
 ,, *SUNT*; & Timotheum monuit, *accusationem ne recipito, nisi sub duobus aut*
 ,, *tribus testibus*. Quibus constitutum in Reos JUDICIUM indicatur,,.

133. "Suæ sunt (pergit BASNAGIUS) delinquentibus castigationes
 ,, ab Ecclesia impositæ, irrogatio censurarum, interdictio Sacramentorum,
 ,, ex grege fidelium ejectio. Qui actus SPIRITUALI sunt POTESATI con-
 ,, sentanei Est tamen etiam atque etiam observandum, judicandi
 ,, potestatem non penes unum Episcopum esse redactam, adeoque
 ,, JUDICIUM ecclesiasticum *aristocraticum*, non *monarchicum* fuisse, quod &
 ,, in ferenda Excommunicationis sententia supra (Dissertat. 3 num. 6 & 7)
 ,, demonstratum est,,. (Hoc vero, prout a BASNAGIO in ea Dissertat.
 tertia positum est, repudiari a catholicis Viris oportet.

134. Nam non modo consilii consortium PRESBYTERIO tribuit, sed
 jus etiam partemque in Excommunicationis sententia, quasi hæc illi JURE
 DIVINO debeantur: "Ecclesiæ disciplina, ait, hæc fuit Apostolis sancita, ut
 ,, a PRESBYTERIO Excommunicationis sententia ferretur. Neque ver-
 ,, satilem, sed CERTAM FIXAMQUE, nullo seculorum cursu mutandam
 ,, DISCIPLINAM posuere, utpote a Spiritu sancto institutam,,. Quod sane
 pronunciatum longe abest ut monumenta illa convincant, quæ pro eo BAS-
 NAGIUS protulit; uti quivis antiquitatis vel leviter peritus, ea expen-
 dendo, intelligere potest).

135. "Neque a PRINCIPUM voluntate (pergo nunc cum BASNA-
 GIO ex Dissert. 4) ,, Ecclesiæ Tribunal, sed AB IPSO CHRISTO originem
 ,, ducit Neque Principes, sed EPISCOPOS constituit Spiritus sanctus
 ,, ad *pascendam Ecclesiam Dei*: neque ab Ecclesiastico Tribunali Prin-
 ,, cipum autoritas læditur, cum CIVILES imponere pœnas, verbera, catenas
 ,, Ecclesiæ non liceat: utraque POTESTAS, politica scilicet, & ECCLE-
 ,, SIASTICA, cancellis, limitibusque circumscribitur suis, qui prorogari
 ,, non debent,,.

136. "Sint Principibus (addit §. 21 ejusdem Dissert. quartæ), ,, sint
 ,, Episcopis jura propria De criminibus quoque QUIBUS SOCIE-
 ,, TAS EVERTITUR, perinde atque de hæresibus judicium ECCLESIA in-
 ,, terponet suum. Censuris suis adulteria, furta, ebrietates, vitiaque ejusmodi
 ,, extinguat opprimatque, illæso Magistratus jure, qui sceleribus ejusmodi,
 ,, vin-

„ vincula, carceres, suppliciaque imperat. Sic UTRAQUE POTESTAS
 „ pro virili, Reip. tranquillitatem, hominum virtutem, gloriam Dei pro-
 „ movebit „.

137. Bene se habent ista, quæ consideranda sanis omnibus propono,
 ut videant, quid vel ab invitis aliquando VIS VERITATIS extorqueat,
 a cujus tamen luce aciem oculorum avertere PUFENDORFIO placuit.

III. BOEHMERUS.

138. PUFENDORFIUM sequuntur ex recentioribus Protestantibus ii,
 qui saniores sibi videntur, ac pluris etiam a suis æstimantur. Hujusmodi est
 Justus Henningius BOEHMERUS, qui hanc rem nostram late persequutus
 est in *Jure Ecclesiastico Protestantium* Lib. 1, Tit. 31, Tit. 28, Tit. 33, & Tit. 1;
 & distinctius in *Jure Parochiali* Sect. 1 Cap. 2 & 3 (ubi passim PUFENDORFII
 librum *de habitu religion.* appellat); postquam hoc idem argumentum versa-
 verat brevius in *Introduct. in Jus Publ. Universal.* Part. Special. Lib. 2 Cap. 1.

139. Audiamus illum, præcipue ex *Juris Paroch.* loco annotato. Erunt
 autem ista quasi loco brevis Commentarii ad PUFENDORFII libellum, ut
 melius introspeciamus in errores Heterodoxorum, illosque eo diligentius
 vitemus, quo eos periculosiores esse viderimus.

140. Posuerat BOEHMERUS Cap. 1 §. 15, *Societates humanas esse vel
 æquales, vel inæquales. Æquales, ubi neuter alteri imperat, & sic ibi cessat* (inquit)
*respectus imperantis & parentis, ut sunt COLLEGIA, quæ libera hominum
 coitione constant. In hac omne jus omnisque obligatio deducitur EX PACTIONI-*
BUS eorum, qui illud collegium constituerunt, indeque perfectum jus producit. Qua-
tenus ergo se obligarunt membra illius collegii, & quatenus se obligare potuerunt,
eatenus tenentur.

141. *Inæqualis est inter imperantem & parentes, & hic obligatio deducitur
 proxime ex imperio imperantis: quales sunt respublica & plures minores in republica.*

142. Cum itaque societas humana sit vel æqualis, vel inæqualis; quærit
 BOEHMERUS Cap. 2 §. 14, qualis societas sit ECCLESIA. “ Si est inæ-
 „ qualis (ait), imperium & obediendi gloriam supponere debemus, & ita
 „ favemus imprimis CLERO PONTIFICIO, HIERARCHIAM quandam fin-
 „ genti & suprematum Præsuli Romano universalem adscribenti „. (Vides
 jam quo BOEHMERUS collineet).

143. Hoc suum absurdum ut ille devitet; ponit §. 19 *Ecclesiam esse SO-*
CIETATEM ÆQUALIEM, hoc est, ubi nullus respectus imperantium & paren-
tium occurrit, simul inde colligens, eam COLLEGII cujusdam speciem præ se ferre.
 “ Unde

“ Unde quia in collegio (pergit §. 23) est æqualitas, inter æquales vero
 „ æquale jus observatur, sequitur, ut & negotia, ad Ecclesiam respicientia,
 „ qua talia a tota Ecclesia dijudicari debeant „.

144. (Sed absurda merito visa est ista ECCLESIAE ÆQUALITAS vel
 Theologo illi Protestantium non contemnendo JACOBO I. REGI AN-
 GLIÆ, qui in *Monitoria præfatione ad Christianos Principes de Apologia pro jura-
 mento fidelitatis* (pag. 143 Operum edition. 1689) hæc habet:

145. “ Episcopus esse in Ecclesia debere, tamquam institutionem apo-
 „ stolicam, ac ordinationem proinde divinam, contra Puritanos semper sensi.
 „ Et quo studio in Episcoporum, & ECCLESIASTICÆ HIERARCHIÆ
 „ Politici duntaxat ordinis causa (additum est posteriori certe & aliena manu)
 „ defensionem semper incubui, eodem in confusam illam Anarchiam & PA-
 „ RILITATEM PURITANORUM invecus sum „.

146. “ Cælum, cælestesque spiritus per ordines ac discrimina disponi,
 „ ac gubernari scimus: imo nec inferi sine suo quodam ordine & distinctione
 „ stare possunt. . . . Qui igitur cætus in terris aliquis confusus permixtusque,
 „ NULLO ORDINUM DIGNITATUMQUE DISCRIMINE,
 „ possit consistere? . . . „.

147 “ Episcopus, & ECCLESIAE HIERARCHIAM (*ut modo dixi*) &
 „ inter ipsos Episcopos ordinem aliquem, ac discrimen libens agnosco. Scio
 „ Patriarchas in Ecclesia primitiva extitisse; & institutionem illam ordinis &
 „ discriminis causa complexor „. Hæc Serenissimus Princeps: cujus tamen
 testimonio catholica veritas & Hierarchia Ecclesiæ non indiget: hæc enim
 folis Protestantibus propono).

148. “ Sed inquis (objicit sibi BOEHMERUS *num. 24*) „ si in Ecclesia
 „ omnium iura sunt æqualia, etiam quilibet potest prædicare verbum Domini,
 „ potest sacram cænam administrare, absolvere a peccatis &c. quod tamen
 „ citra manifestam hæresin dici nequit „.

149. Respondet §. 26 secundum placita Protestantium, præsertim LU-
 THERANORUM: “ Hoc negari nequit, omnia hæc jura competere Eccle-
 „ siæ imo etiam SINGULIS DE ECCLESIA, antequam Ecclesia aliquos se-
 „ legit, & hisce unice negotium demandavit. Hoc si factum, illi, qui mem-
 „ bra hujus Ecclesiæ esse volunt, omnino se quoque conformare debent ad
 „ illa, quæ semel placuerunt, & sic ex post facto fit, ut jura illa fiant quo-
 „ dammodo inæqualia „.

150. “ Ex hac commissione (pergit §. 27) certorum negotiorum eccle-
 „ siasticorum oritur primaria distinctio inter membra ipsius Ecclesiæ, quod
 „ sint vel DOCTORES vel AUDITORES. Sicuti vero doctores multum
 „ diffe-

„ differunt ab Imperantibus civilibus, ita nec hi doctores in Ecclesia ullum
 „ imperium prætereendere aut exercere possunt. Imperantes finem suum
 „ intendunt remediis coactivis, pœnis, judiciis, legibusque, qualis potestas
 „ ministris Ecclesiæ ab Ecclesia (id est, a cætu universo Fidelium), „ nec
 „ commissæ est, nec committi debuit.,,

151. “ Solent ergo (ait idem BOEHMERUS *in jure Ecclesiast. Prote-*
stant. Lib. I Tit. 33 de Majorit. & Obedient. num. 8) „ collegia (*adeoque &*
Ecclesiæ) directores vel præpositos sibi etiam eligere, sine ulla tamen impe-
 „ randi potestate, hoc tantum fine, ut directionem negotiorum in communi
 „ peragendorum, cum quadam prærogativa suffragii habeant, a collegio ta-
 „ men dependeant, eique rationibus reddendis obnoxii sint.,,

152. Quod membra spectat Ecclesiæ; ponit ibidem num. 19, *regulariter*
quidem constare Ecclesiam ex docentibus & auditoribus, sed non necessario ex laicis
& clericis, adeoque ad essentiam Ecclesiæ externæ & particularis (hoc est,
 publica destitutæ auctoritate & patrocinio, publicove sacrorum exercitio)
absolutam, non necessario requiri Episcopos aut Presbyteros. (Hic quoque ad he-
 terodoxi hominis mentem, intellige Episcopos & Presbyteros, qui nullo or-
 dine aut charactere, vel jurisdictione a laicis differant).

153. “ Dico ad essentiam, *ait*, nam inde non nego, in Ecclesia regulari-
 „ ter, si per pacem civilem fieri potest, adesse debere ministerium (sed nullo
 Ordinis discrimine, præter VOCATIONEM EXTERNAM) „ hoc enim
 „ ipsum ordo in Ecclesia servandus postulat: ast ubi non potest ob publicam
 „ calamitatem haberi ministerium legitime constitutum, Ecclesia nihilominus
 „ inter paucos legitima adest, cum quælibet multitudo fidelium hoc nomine
 „ veniat.,,

154. “ Inde fluit (inquit §. 33 ejusdem Tituli 33) „ ubi deficit con-
 „ fessus ordinis ecclesiastici, seu ministerium, vel quod Ecclesia pressa sit;
 „ vel quod per casum fortuitum & calamitatem publicam ad paucissimos adeo
 „ redacta sit, ut vix unus alterve superfit, quemlibet (etiam LAICUM) pro
 „ eo statu posse sacra munia obire. Reviviscit eo statu illa libertas, quæ etiam
 „ in religione singulis competit, antequam quibusdam hæc munia speciatim
 „ demandata erant.,, (Hi errores consequuntur ex eo quod BOEHMERUS
 cum suis Ordinem seu sacram Ordinationem non habuerit pro vero Sacra-
 mento; contra ac habet fides catholica a Concilio TRIDENTINO proposita
Sess. 23, Can. 3 & 4; quos Canones recitavi ad PUFENDORFIUM
 num. 69 & 71.

155. Abutitur in allatis locis BOEHMERUS auctoritate TERTULLIANI
 ad errorem suum specie aliqua veri contegendum. Sed abstinuisset, credo,

ab allegando TERTULLIANO, si ea pervidisset, quæ ad Tertullianum explicandum jampridem scripserat Aurelianensis Episcopus ALBASPINÆUS *de Eucharist. Lib. 2 Cap. 8*; aut ea quæ in brevi *Diatriba de potestate consecrandi* explicat Dionysius PETAVIUS contra Hugonis GROTHII *Dissertationem de Cœnæ administratione ubi Pastores non sunt*; quæ Petavii *Diatriba* habetur in quarto illius tomo de Theolog. Dogmat.).

156. "In eo tamen (dixerat jam BOEHMERUS in citato cap. 2. *Jur. Parochial.* num. 33, erroribus errores accumulans) „ Ecclesia ab alio collegio „ civili videtur differre, quod, quamvis uni collegæ possint reliqui conferre, „ optionem seu votum primarium, cui reliqui se conformare vi pacti debeant, „ non ita ab Ecclesia IN DOCENDI MUNERE quispiam constitui possit, „ cui reliqui suam voluntatem ita submittant, ut quam viam, aut quæ media „ salutis is propositurus sit, ipsi cæco obsequio amplecti velint aut debeant,,.

157. *Hæc enim negotia non sunt talia, ut determinationi arbitrarie subjici possint.* (Scilicet, secundum Protestantés, unusquisque habet suæ fidei ac doctrinæ morum arbitrium, liberumque judicium; quia nullus ab ipsis admittitur Ecclesiæ datus supremus judex fidei & doctrinæ; secus ac docet Regula catholica, & UNITAS FIDEI ac doctrinæ postulat).

158. QUOD PRINCIPES seu Imperantes attinet; "in Ecclesia (ait §. 30) „ non considerantur, ut Imperantes, sed ut Christiani, ut auditores & „ membra Ecclesiæ. Ac jam PUFENDORF. de hab. relig. §. 42 demonstravit (inquit num. 15) „ Principes eo ipso, quod christianam religionem pro- „ fiteantur, haud fieri EPISCOPOS, nec inde ministerium Ecclesiæ alterari,,.

159. Affirmaverat tamen idem BOEHMERUS num. 28 nihil fore impedimento quominus posset Princeps sibi sumere Doctoris officium; hocque si faceret, id non fore SINE VOCATIONE. Etenim „ quia suprema „ VOCATIO (ait) a Principe dependet, revera se ipsum vocaret, si publice „ doceret,,.

160. Quæ quidem sunt cum iis congruentia, quæ PUFENDORFIUS dicebat num. 104; nullam fore *naturalem repugnantiam*, si REGIS, ac DOCTORIS Ecclesiæ munera conjungerentur in unum hominem, dum comode per vires humanas exerceri utrumque ab uno homine posset.

161. Et si vero Princeps sit præcipuum in Ecclesia membrum; hoc tamen nomine nihil plus juris habet in Ecclesiam, quam alius quivis de Ecclesia; uti BOEHMERUS habet §. 31. Addit Cap. 3 ejusdem Sectionis primæ §. 13 "fallere eos, qui Principi, ut PRIMARIO ECCLESIAE MEMBRO, „ tribuunt jus circa sacra, id quod si verum esset, fane in sacra, quibus non „ est addictus, jus ei esset adjudicandum,,.

162. "Porro licet concedi debeat (pergit Cap. 2 §. 48) „Principem „in Ecclesia non considerari, ut talem, neutiquam tamen jus circa sacra ipsi „negari potest. Nam cum non amittat jus suum per ingressum in Ecclesiam, „quod intuitu Reipublicæ, cui præest, in quascunque universitates exercet, „sine dubio etiam jus circa sacra retinebit „.

163. "Deducitur hoc jus ex ipsa *majestatis* natura, quæ circa omnium „civium negotia, quatenus SUPERIORIS DIRECTIONI subjici possunt, „versatur. Et cum Ecclesia COLLEGIUM quoddam in republ. repræsentet, „non potest non quatenus COLLEGIUM, seu EXTERNA societas in re- „publica est, summæ Majestatis imperio esse subiecta „. (Atqui Ecclesia COLLEGIUM non est: neque enim ii, qui in Ecclesia sunt, inter se sunt *pares* seu *æquales*; quam tamen *æqualitatem*, ipsis auctoribus Protestantibus, indoles COLLEGII postulat.

164. Alii sane esse debent in Ecclesia, qui imperent, alii qui pareant, secundum leges HIERARCHIÆ, quam Catholica Fides obtinere in Ecclesia docuit: sui ibi sunt SUPERIORES, qui a Spiritu Sancto præfati sunt Ecclesiæ REGENDÆ, seu qui ad directionem Fidei & DISCIPLINÆ sunt positi; quibus, uno verbo, a Deo ECCLESIASTICA, & Spiritualia demandata sunt ordinanda; sicuti Civilia Principes acceperunt administranda. Duæ ergo sunt in orbe christiano potestates, invicem ita distinctæ, sicuti a rebus civicis distinguuntur ecclesiasticæ tum natura, tum origine.

165. Hisce vero positis secundum Fidei divinæ regulas, jam sponte cadit Bœhmerianum Jus PRINCIPIS circa sacra. Intelligant ergo iterum Catholici quidam, quam inani & vacuo fundamento ratiocinationes eæ Protestantium nitantur, quas ipsi tamen videntur probare, dum Principi nescio quo sui Imperii jure ECCLESIASTICAM saltem EXTERNAM DISCIPLINAM vindicatam vellent. Interim pergamus audire BOEHMERUM).

166. "Sicuti ergo Principis, qua talis (progreditur num. 50 & 51) „officium unice in eo consistit, ut EXTERNAM TRANQUILLITATEM, „ET PACEM in republica conservet, stabiliat, & quovis modo fundet: „ita quoque exinde jura circa sacra sunt æstimanda. Fini enim debent esse „proportionata media „. (Sed quid hæc ad superiora? Ubi jus Principis circa sacra deducebat ex illius jure circa omnium civium negotia & circa omnia COLLEGIA, seu societates externas reipublicæ; quod quidem jus non pendet a necessitate tuendæ externæ tranquillitatis & pacis).

167. "Vi juris circa sacra (pergit, nonnullis interjectis) „Principi „competit generalis inspectio in Ecclesiam, non secus ac in reliqua COL- „LEGIA, ne in abusum trahatur, & collegium pium transformetur in noxiam

„reipublicæ societatem, quod fieri facile posset, si clerici sua potestate
 „abuterentur, & per conciones vehementes, & zelum immaturum spirantes
 „rebellionem, seditiones, turbas tumultusque in republica excitarent „
 (Sed quid hoc iterum ad superiora)? “ Hinc est jus dirigendi con-
 „ciones clericorum, jus controversias interdicendi „ (ne de erroribus suis
 Protestantes inter se lites agant).

168. “ Porro huc pertinet jus potestatem clericorum restringendi, si
 „fines suos (non re, sed opinione PROTESTANTIUM) „extenderint,
 „quale exemplum sistit PUFENDORF de hab. relig. §. 44 in causis matri-
 „monialibus, jus præsidendi Conciliis, ubi clerici subditi sunt congregati,
 „ne quid in reipublicæ detrimentum ibi peragatur (exempli causâ, jura Ec-
 „clesiasticæ HIERARCHIÆ divina ordinatione institutæ exercendo) „ & ipsi
 „inter se tranquille causam suam agant; jus delicta coercendi, v. c. simo-
 „niam, jus condendi LEGES ECCLESIASTICAS de iis, qui EXTER-
 „NUM ordinem respiciunt „; (quoniam potestate LEGISLATIVA, se-
 „cundum Protestantium hæresim, Ecclesia caret; quippe quæ, secundum eo-
 „rundem hæresim, omni quoque caret JURISDICTIONE, quæ ubi deficit,
 esse non potest legislatio.

169. Videant jam quidam ex nostris, undenam collegerint, posse Princi-
 pem leges de rebus ecclesiasticis seu de EXTERNA Ecclesiæ DISCIPLINA
 condere).

170. Sed BOEHMERUM audiamus clarius sua sensâ promentem in
Introduct. in Jus Publ. Univers. Part. Special. Lib. 2 Cap. 5 annotato §. 15.
 “ Cum Ecclesia (inquit) sit in republica, imperanti non minus ac in cetera
 „COLLEGIA competit jus inspectionis generalis, ut videat, ne quid in sui
 „& reipublicæ præjudicium ibi agatur: inde prima fundamenta juris circa
 „sacra. Non raro contingit, membra COLLEGII & inprimis, qui illis præ-
 „sunt, sua abuti potestate, & limites officii sui excedere, adeoque arrogare
 „sibi POTESTATEM LEGISLATORIAM vel Imperatoriam Ma-
 „ture itaque præcavendum est, ne quid tale fiat Salutis reipublicæ
 „ratio postulat, ut quantum fieri potest, præcaveat, ne SACRUM quod-
 „dam IMPERIUM in Ecclesia oriatur „

171. “ Si Imperans vigilantiam suam hic negligit, & præpositi sacris
 „ambitione trahuntur, prout facile contingere potest, omnino metuendum
 „est, ne JURISDICTIONEM paulatim exercere, & HIERARCHIAM sta-
 „bilire incipiant. Plus sæpe una SEDITIOSA CONCIO nocuit reipublicæ,
 „quam alii hostes externi. Majores nonnunquam præpositi dedere in re-
 „publica turbas, & QUIETEM INTERNAM turbarunt, quam alia extrema
 „rei-

„reipublicæ mala „. (Sed quid hæc ad priora? Quid hoc est, nisi, ob causæ imbecillitatem, in varias se vertere partes?).....

172. “Hæc itaque inspectio specialis dat Principi jus supremum circa „sacra, cujus intuitu HENRICUS VIII Rex Angliæ se caput Ecclesiæ non „inepte dixit, jugo PONTIFICIS, qui caput ecclesiarum omnium dici vo- „luit, excusso. Sed non eo sensu, prout HOVTUYN voluit „. (Atque huc tandem nova ingenii PROTESANTIUM acumina recidunt; quibus tamen non desunt qui plaudant, non intelligentes nec unde ducantur, nec quo tendant).

173. Primarias positiones, quas hactenus cum BOEHMERO protulimus, explanat idem latius in *Jure Ecclesiastico Protestantium* Lib. I Tit. 31 cit. qui est *de Officio Judicis ordinarii*: in primis vero incumbit in eam, qua affirmatum est, Principes eo ipso, quod christianam religionem profiteantur, haud fieri EPISCOPOS.

174. Et multis quidem verbis eos confutat, qui docent “Principes esse „EPISCOPOS in suis territoriis, adeoque jura episcopalia ab eis solitarie „exerceri; sustinere scilicet Principem evangelicum duplicem personam, „Principis & EPISCOPI, ita ut, qua Princeps secularibus, qua Episcopus „ecclesiasticis præsit, ea dirigat, de iis disponat, eodemque jure utatur, „quo Episcopi catholici. Inde in CONSISTORIIS Protestantium quoque „doctrinam de variis juris episcopalis speciebus necessariam „.

175. Verba sunt BOEHMERI §. 19; qui & admonet, hanc esse *vulgatam plerorumque Protestantium Jurisconsultorum sententiam, & communem fere doctrinam*; in cujus dicti confirmationem nominat plures, & inter ceteros CARPZOVIVM libr. I jurispr. consistor., ZIEGLER de jur. majest. libr. I, Gisbertum VOET P. I. polit. eccl. libr. I, BESOLD, & BRUNNEMANN.

176. “Ut vero evidentius (pergit num. 20) „mentem assertores juris „episcopalis declarent suam, supponunt jura Principum circa sacra seu clericis propria, adeoque ad Principes, qua tales, haud pertinere posse, nec „cohærere SUPERIORITATI TERRITORIALI, vel supremæ potestati: „aliam quippe esse POTESTATEM SPIRITUALEM, aliam secularem, „GLADIUM DUPLICEM in republica christiana reperiri..... Porro „docent, Principi quidem competere utramque potestatem tum secularem „tum EPISCOPALEM, sed diverso modo; illam jure hæreditario; hanc „ex TRANSACTIONE PASSAVIENSI, usque dum amicabiliter negotium universale fuerit compositum „.

177. Hanc sententiam BOEHMERUS repudiat; & ecclesiasticam Principum Protestantium jurisdictionem affirmat esse partem CIVILIS IMPERII,

atque ab iisdem exerceri JURE CIVILI IMPERII, adeoque “Principes (inquit §. 44) „ qua tales, non qua Episcopi, illam omnino sibi vindicant, „ & minus recte potestas hæc *episcopalis* dicitur. Scilicet summa Imperantis potestas per totam rempublicam se diffundit in omnes civium actiones etc. „ Omitto reliqua, cum nihil diversum habeant ab iis, quæ supra adduximus, & pro merito notavimus.

178. Colligit autem §. 45, *eos recte omnino sentire, qui jus eminens circa sacra EX SUPERIORITATIS TERRITORIALI Principibus PROTESTANTIBUS adscribunt*; (Protestantibus scilicet; & bene hoc declaratum voluit BOEHMERUS, quoniam Principes Catholici, cum divina instituta & antiquitatem colant, ab his NOVIS Protestantium Principum jurebus abhorrent).

179. Hisce positis, negat item BOEHMERUS §. 53, hæc jura a Principibus Protestantibus exerceri, quatenus sunt MEMBRA ECCLESIAE PRÆCIPUA. “Qui enim hanc hæresin fovēt (ait), IN PRIORE HAUD FERENDO subsistunt, Ecclesiae IMPERIUM SACRUM proprium esse, „ & hoc respectu a Principe exerceri, quatenus primum ejus membrum „ est. Inde rursus INFINITI ALII ERRORER propullulant, scilicet ab hoc „ imperio circa sacra non excludendum esse ministerium sacrum, immo nec „ plebem, sed Principi tantum competere prærogativam suffragii etc. „

180. (Lauda ergo sapientiam, acumen, & zelum BOEHMERI, qui ISTIS INFINITIS ERRORIBUS, istis ERRORIBUS HAUD FERENDIS Theologiam Protestantium expurgare colatus est. Ceterum (ut serio agam) intelligis, non aliam ob causam sive adversus Episcopatum Principis, sive adversus cetera BOEHMERUM stetit, nisi ut erroribus errores adaugeret; seu ut suæ illi suorumque hæresi constans insisteret, quæ habet, nullam esse Ecclesiae JURISDICTIONEM. Hanc enim contra oportet in ECCLESIA agnoscere, si Jurisdictio illa qua Princeps ex sententia PROTESTANTIUM potitur in Ecclesiam, esset in eo vel tanquam EPISCOPO, vel tanquam PRIMARIO ECCLESIAE MEMBRO).

181. Addit vero idem BOEHMERUS Tit. 33 annotat. de Majorit. & Obedient. §. 36, eos, qui Imperanti Jus circa sacra tribuunt tanquam PRIMARIO ECCLESIAE MEMBRO. “Ecclesiam non aliter quam ut specialem & separatam REMPUBLICAM concipere, quæ cum republica „ seculari nihil commercii habeat, & ab ea nullo modo dirigi debeat; vel „ ad minimum, Ecclesiam reipublicæ qua talis, partem constituunt..... „ Sunt ergo duæ speciales reipublicæ in una republica; civili tantum præest „ Princeps, & solus ejus jura explicat: sacra vero gubernantur a Principe, „ clero

„clero & populo, nec plus juris in eo habet Princeps, quam clerus & populus....., & ita Ecclesia externa a civili nullo modo dependet. Hanc „HORRIDAM PHILOSOPHIAM peperit potissimum adducta opinio „. (Sed istos sinamus ut disputent inter se, ac se torqueant in errorum suorum fundamentis stabiliendis).

182. Habebunt autem Principes Protestantes sua CONSISTORIA, in quibus judicia ecclesiastica exercentur, seu causæ ecclesiasticæ disceptentur ac judicentur. Atque quoad hæc etiam CONSISTORIA a pluribus Protestantium erratum esse, admonet BOEHMERUS in eodem *Jure Ecclesiast. Protestant.* Lib. I Tit. 28 cit. de Offic. Vicar. num. 11 & 14. Qui cum Principem pro EPISCOPO haberent, istiusmodi quoque CONSISTORIA habuerunt tanquam Judicia EPISCOPALIA, quibus præessent Principes, quatenus Episcopi sunt, & quibus item, EPISCOPATUS sui jure, Officiales præficerent; quæ præterea necessario Principes constituere tenerentur ea de causâ, quia ECCLESIASTICARUM rerum tractationem a secularium questionum judicio separari oportuit.

183. Hæc repudiantur a BOEHMERO, qui potestatem in sacra Principi non tribuit jure EPISCOPATUS, sed (secutus aliam PHILOSOPHIAM minus HORRIDAM) tribuit tanquam rectori Reipublicæ ac virtute summæ potestatis. *Nata est sententia contraria* (ait §. 15) *ab ERRONEO falsoque principio, Ecclesiæ competere JURISDICTIONEM, quod si verum est, Ecclesia quoque separatam rempublicam constituere debet, id quod nostrates* (velut HORRIDAM PHILOSOPHIAM) *negant.*

184. Hisce explicatis, accedit BOEHMERUS ad suas de CONSISTORIIS positiones. Quarum prima est §. 17 “Consistoria seu ECCLESIASTICA „judicia non necessario a Principe AUGUSTANÆ CONFSSIONI addicto „esse constituenda, sed horum dispositionem ab ejus dependere arbitrio. „Quævis enim judicia (pergit) PRINCEPS TERRITORIUM pro ratione & „utilitate reipublicæ ordinat, adeoque eidem integrum esse debet, utrum „causis ECCLESIASTICIS forum peculiare attribuere; an easdem aliis tribunaliis secularibus committere velit „.

185. Altera positio est §. 26: “Consistoria seu judicia ecclesiastica dependere a solo Principe territorii, minime vero ab Ecclesia, sive tantum, „quod PONTIFICIUM urgent, sive conjunctim cum Principe, quod quidam „ex nostratibus (HORRIDE philosophantes) asserunt „.

186. Aliam positionem habet BOEHMERUS §. 30, qua statuit, “in „arbitrio Principis esse, qualesne huic dicasterio præficere velit, utrum tantum laicos, an vero simul etiam politicos. Plerumque THEOLOGI „simul

„ simul (ait) ei interesse solent, quod etiam satis conveniens & consultius,
 „ minime vero simplicis necessitatis Quod quidam ex nostratibus
 „ absolute requirunt, ut theologi CONSISTORIIIS adfideant, erroneo prin-
 „ cipio, quod consistorium totam Ecclesiam repræsentet, & ab ea quasi de-
 „ pendeat, adscribendum est.,,

187. Item ponit §. 44, „ Principem causas ecclesiasticas ab hoc foro
 „ ex iusta causa avocare eodem modo posse, quo causas litigiosas ab aliis
 „ foris sibi subiectis, urgente juris ratione, avocare potest., Et §. 47 definit,
 „ posse Principes Protestantes CONSISTORIO limites præscribere, & de-
 „ terminare, quænam causæ ad illud referri, quæ SECULARI JUDICIO
 „ reservari, quæ ad cognitionem PRESBYTERII, ubi illud constitutum est,
 „ pertinere, & denique quæ ad RESERVATA sua spectare debeant.,,

188. „ Hodie (pergit §. 52) ad RESERVATA Principum (Protestan-
 „ tium) „ referri communiter solent potestas legum ecclesiasticarum feren-
 „ darum, jus disponendi de liturgicis, & reformandi sacra, dispensandi in
 „ causis majoribus, uniendi, dividendi, supprimendi & erigendi beneficia
 „ ecclesiastica, convocandi synodum, dandi licentiam templa aliaque loca
 „ religiosa ædificandi, confirmandi electos vel postulos prælatos, jus anna-
 „ tarum, & circa capitula ecclesiastica, potestas consensum & auctoritatem
 „ interponendi circa alienationem honorum ecclesiasticorum, dies festos vel
 „ litanias indicendi, inspectores constituendi etc. quæ omnia vel EPISCOPI,
 „ vel ipse PONTIFEX ex jure RESERVATO exercere solent, reliquis juri-
 „ bus sacris iudicio ecclesiastico delegatis.,,

189. „ Atque hæc RESERVATA Principes PROTESTANTES vel in
 „ CONSIGLIO SANCTIORI expediunt, vel Senatui ecclesiastico (qui alius
 „ est a CONSISTORIO) „ committere possint. Verum extra SAXONIÆ
 „ Electoratum hujusmodi *Senatus ecclesiasticus* peculiaris vix occurrit, cum in
 „ aliis locis immediatæ cognitioni Principis RESERVATA hæc reserventur.,,
 „ (Agnosce in his statum ac mores NOVOS PROTESTANTIUM, neque
 „ aliud nunc quæras.

190. Sua vero hæc jura (NOVA) in sacra dum exercebit aut vindicabit
 „ Imperans, in partem hujus exercitii minime Theologos vel Ministros admit-
 „ tet. Etenim „ si ex præscripto Sacerdotum (inquit BOEHMERUS *Jur.*
 „ *Parochial.* Cap. 2 cit. §. 52) „ omnia Princeps vellet dirigere, sæpe tyranni-
 „ dis alienæ carnificem ageret, ceu CONCINNE ADMODUM loquitur
 „ PUFENDORF. de hab. relig. §. 51, ubi adhortatur Principes, ne iudicium
 „ suum resolvant in auctoritatem suorum sacerdotum, quantamcunque pieta-
 „ tem & probitatis speciem præ se ferant.,, (Hæc BOEHMERUS forte
 „ CONCINNE ADMODUM, sed non perite aut christiane).

191. Quoad constituendos Ministros seu DOCTORES Ecclesiarum, ex eodem BOEHMERO in *Introduct. in jus Publ. Universal.* Cap. 5 alleg. §. 17, pertinet ad Imperantem, quo illa DOCTORUM constitutio tranquillius ac felicius succedat, pertinet, inquam, ad Imperantem, „præscribere certum „modum, in constitutione observandum, immo & si ne sic quidem tranquillitas illæsa maneat, ad conservandam pacem etiam jure imperii doctores „constituere potest „.

192. „COLLEGIO quidem (subdit) hoc jus competit, & hætenus illud „recte exercet, nec Imperans EX JURE IMPERII sibi præcise hoc arrogare „potest, quatenus pacifice jure suo & non in perniciem reipublicæ utitur, „sed sæpe ad Imperantem per accidens veniunt, quæ alias ab Imperio non „per se dependent „.

193. „Hodie in pluribus locis jus constituendi ministros Ecclesiæ ad „Principes devolutum est, sed hac saltem ratione, quia turbidi subditi tot „clamores semper excitarunt „. (Fruantur ergo PROTESTANTIUM Ecclesiæ tum aliis multis, tum istis novæ evangelicæ lucis fructibus.

194. Decidere controversias theologicas (inquit idem in *Jur. Parochial.* Cap. 2 allegato §. 61) *non proprie spectat ad officium Principis, interim quando turba & tumultus in hisce litibus metuuntur, discernere potest, quenam doctrina PUBLICE doceri debeat* (verane sit, an falsa, nihil interest) *ut ita pax publica conservetur*: quod ipsum latius explicat Cap. 3 §. 19 - 24. (Justo sane Dei judicio in has salebras conjecti sunt PROTESTANTES, ut ad laicorum quotidiana arbitria fidem ECCLESiarum suarum revocarent; postquam supremam Ecclesiæ CATHOLICÆ potestatem circa controversias FIDEI negarunt, seu supremum illum controversiarum judicem abjecerunt, quem ad Ecclesiæ suæ UNITATEM ET PERPETUITATEM Deus constituit).

195. Hæc ergo publica doctrinæ approbatio, quæ a Principe fiat, proprie decisio non est; prout jam BOEHMERUS indicavit. *Nam primo* (uti in *Jure Ecclesiast. Protestant.* scribit Lib. 1 Tit. 1 annotato de summa Trinit. §. 32) *hæc approbatio tantum respicit PUBLICAM doctrinam; verum autem a falso non semper dirimit. Unde contingere potest, ut hæc a vero & tramite Scripturæ sacræ sit aliena.*

196. (Ergo Ecclesiis Protestantium id aliquando contingit, ut ea PUBLICE de Deo & divinis profiteantur & prædicent quæ falsa sint, seu quæ Deo & divinis repugnent; & hujusmodi, PUBLICAM saltem, confessionem imperare illis Princeps potest: & hoc non aliam ob causam potest, nisi *ut ita pax publica conservetur.* Obstupescite, Lector, ad novam Politicam, quæ humanis divina subjicit seu divina humanis servire facit!)

197. *Secundo, hæc approbatio vim non infert conscientiis, sed singulis relinquit in rebus fidei arbitrium PRIVATUM saluum* (eo ipso tempore quo jubet aliena **PUBLICÆ** loqui, seu repugnantia, si opus sit, de Deo & divinis profiteri) *Tertio, hæc approbatio fit a solo Imperante, sine concursu NECESSARIO Theologorum Quarto, hæc fit intuitu reipublicæ, ne, controversiis gliscentibus, TRANQUILLITAS ejus turbetur, vel ut turbata restauretur etc.*

198. Etsi vero affirmat BOEHMERUS, Theologos seu ministros Ecclesiæ non esse **NECESSARIO** advocandos in partem **PUBLICÆ** hujusmodi approbationis doctrinæ; in eo “ non quæritur (addit §. 35), an non Princeps „ bene faciat, si Theologorum consilia audiat, vel colloquia hunc in finem „ instituat; cum ita, excussis dissentientium fundamentis, eo rectius judicare „ possit, quænam opinio sit alteri præferenda,,.

199. Intellexisti primam causam, cur jus in doctrinam **PUBLICAM** Protestantes Principi tribuant; tranquillitatem nempe publicam. Accipe modo alteram. “ Principis quoque est (ait §. 50) decernere, quænam doctrina **PUBLICÆ** docenda & recipienda sit, quatenus ipsi jus **REFORMANDI** exercitium Religionis competit (id est, totam subvertendi christianam Religionem ac Fidem, & obtentu **REFORMATIONIS** substituendi nova **LUTHERI, CALVINI, & ceterorum dogmata**) „ Antea in terris Protestantium (quando **CATHOLICI** nominabantur, & erant, non *Protestantes*) „ Episcopi vel ipse **PONTIFEX** pleraque jura circa „ sacra sibi vindicaverant, & ita jus circa doctrinas **PUBLICAS** solummodo „ exercuerant. Luce vero Evangelii (novi per **LUTHERUM**) erumpente, „ Protestantes jure suo se in pristinam libertatem vindicarunt,,. (Vidimus, credo, hætenus, in quam multam lucem Protestantes Lutherus protraxerit).

200. “ Et quidem hæc **REFORMATIO** (ait §. 83) eo magis necessaria „ erat, quod doctrina vulgaris Cleri Romani adeo **STATUM PUBLICUM** „ supprefferat, ut de imperio rerumpublicarum summo actum esse videretur, „ adeoque eo majori cum alacritate tot Status imperii de reducenda **SANA DOCTRINA** cogitarunt, & jus **REFORMANDI** sibi competens, antea „ actu Cleri Romani penitus fere sepultum, pristino suo vigori restituerunt,, (& alii quidem unam doctrinam *sanam*; alii contrariam, item *sanam*; alii rursum novam, sed *sanam*; alii iterum aliam cum ceteris pugnantem, & tamen *sanam*; alii pro tempore ac loco diversam, sed simul *sanam* reduxerunt).

201. “ Cum vero (pergit) a reformatione **DOCTRINÆ** exercitium „ **RELIGIONIS** publicum, & plura alia jura dependeant, inde tandem post „ tot conflictus & concertationes jus reformandi (modis multis & discordibus) „ exercitium **RELIGIONIS** publicum explicatum, assertum, & determinatum est, quo hodie utimur,,.

202. “Duobus itaque casibus (colligit BOEHMERUS) „jus hoc re-
 „formandi vel definiendi doctrinas PUBLICAS Principes legitime exercent.
 „Primo, si per doctrinam vulgatam erroneam jus imperii SUMMUM con-
 „culcatur, deprimitur, & arbitrio Cleri subjicitur. Secundo, si ex dissen-
 „sibus Cleri turbæ publicæ oriuntur, quæ mutuam tolerantiam respuunt,
 „& necessario publicam definitionem exposcunt „. (Vides tandem ex istis,
 quibus ex principiis aperta sit via ad secessionem ab Ecclesia Catholica, & a
 CHRISTI FIDE, & ad Ecclesias Protestantium constituendas. Discamus ergo,
 quo tandem BOEHMERI, PUFENDORFII, & similium placita tendant).

203. Ceterum “non potest (ait idem BOEHMERUS Cap. 2 cit. *Jur. Parochial.* §. 68) „decisio doctrinæ ab altero fieri pro me in rebus fidei.
 „Neque Ecclesia (seu universitas Christianorum) „obligatur ex decisio-
 „CONCILIORUM..... Scilicet quia res FIDEI in alterius voluntatem con-
 „ferri nequeunt, nec decisio in CONCILIIS quoque, obligans reliquos,
 „fieri potest „.

204. “Nec si tota Ecclesia esset congregata, singuli suas sententias sub-
 „mittere tenerentur universis; quia hic tale negotium subest, quod singulo-
 „rum salutem tangit, ergo a singulis quoque approbandum, nec a pluralitate
 „votorum dependet „. (Singuli ergo PROTESTANTES sunt supremi suæ
 FIDEI iudices. Justo sane Dei judicio in hoc tenebrarum barathrum conjecti
 sunt illi qui supremam in definienda fide potestatem Ecclesiæ catholicæ seu
 Pastorum inficiati sunt, seu qui (ut non semel monui) judicem Religionis
 ac Fidei DIVINITUS in Ecclesia constitutum abjecerunt).

205. Cum possit quis, de COLLEGII seu Ecclesiæ sententia, ejici Col-
 legio; istiusmodi “excommunicatio (ait BOEHMERUS §. 62) „non alium
 „effectum habere deberet, quam exclusionem ab illo collegio, salva ma-
 „nente dignitate politica & civili. Sed hic quoque in statum CIVILEM
 „videtur transiisse ECCLESIA, dum excommunicatio hodie revera infamat,
 „& sic effectum civilem habet. Proinde merito quoque Princeps de hac
 „excommunicatione cognoscere & præcavere debet, ne quis per injuriam
 „Ecclesia ejiciatur „.

206. “Quocirca (ita BOEHMERUS in *Jure Eccl. Protestant.* adnotat
 libr. 5 tit. 39 de sentent. Excommunic. §. 56) „etiam major excommuni-
 „catio, ubi hodie inter Protestantes exercetur, per CONSISTORIA exer-
 „cetur, quæ sunt judicia ecclesiastica (quibus tamen laici etiam assident,
 „& quibus ex sententia BOEHMERI, ministri Ecclesiæ minime sunt necessarii)
 „a Principe dependentia: suam determinationem, suosque EFFECTUS
 „CIVILES, si quos habere debeat, unice a legislatoris civilis disposi-

„ tione accipit: quod reipublicæ magis consentaneum est, quia legislatoris
 „ & summi imperantis est, statum subditorum integrum conservare, minuere,
 „ modosque definire, quibus amitti queat „.

207. (Ut de istis recte & sano modo iudices, non te remittam ad eos
 sive Theologos, sive Jureconsultos, qui serviles habentur, sed ad DUPI-
 NIUM *de antiq. Eccl. Discipl. Diss.* 3 Cap. 3, & ad VANESPENIUM *de Censur.*
Eccl. (in parte sexta Oper.) Cap. 7 & Cap. 2 §. 5 ac Cap. 8 §. 4 - 6.)

208 Reponit autem BOEHMERUS §. 17 - 22 Excommunicationem
 ecclesiasticam in *simplici exclusionem externam a cætu ecclesiastico & commercio sacro-*
rum, seu communione EXTERNA, ita ut ex se ipsa nullum habeat IN-
 QUOSCUNQUE EXCOMMUNICATOS effectum spirituales; qui illius
 error fuit ex eo; quia cum Protestantibus suis IMPERIUM SACRUM seu
 potestatem solvendi & ligandi, id est, verum JUS CLAVIUM, in Ecclesia
 non agnovit.

209. Hoc idem docuerat jam LUTHERUS in Propositione 18 inter
 eas quas LEO X damnavit; quæ sic habet: *Excommunicatio est dumtaxat EX-*
TERNA privatio Communionis, non SPIRITUALIUM Ecclesiæ bonorum, com-
munionumque orationum. Hunc Protestantium errorem refellit LUDOVICUS
 HABERT *de Sacram. Ordin. Par.* 2 Cap. 9 §. 1:

210. Sed & pœna hæc, & similes, ex BOEHMERO heterodoxo, non
 sunt nisi CONVENTIONALES, seu determinatæ ex mutuo eorum omnium
 pacto, qui sunt in Ecclesia, non vi JURISDICTIONIS ullius vel imperii
 sacri. (Hoc dici oportuit ab eo, qui cum suis gregalibus JURISDICTIONEM
 omnem abjudicat Ecclesiæ, contra perpetuam Patrum fidem).

211. Id BOEHMERUS declarat in *Introduct. in Jus Public. Universal.*
part. special. Lib. 2 Cap. 5 citato §. 23 scribens: “ Cætibus integrum est cen-
 „ suras quasdam INTER SE PACTO determinare, sed cum ministri sacro-
 „ rum illis facile abuti possint, Imperans iis modum ponit, ne alicui injuria
 „ inferatur, vel ipsimet sub illis imperium quoddam vel JURISDICTIONEM
 „ exercent „.

212. “ Censuræ itaque ecclesiasticæ (pergit) sunt medium quoddam
 „ coercendi contumaces in Ecclesia. Scilicet omne COLLEGIUM, quatenus
 „ est SOCIETAS ÆQUALIS, cogendi vim per modum imperii non habet,
 „ habet tamen EX PACTO, si scilicet pœnam quandam conventionalem
 „ constituit, ut eo rectius instituta in observantiam deducantur, quo in
 „ specie exclusio, vel partialis, vel totalis a COLLEGII communione
 „ pertinet „.

213. Addit vero, exclusionem hujusmodi peragi olim solitam communi Ecclesiæ consensu “ cum æquum esset, ut cum quis tanquam membrum puti-
,, dum a toto cætu abscinderetur, communis consensus adhiberetur: postea
,, hoc jus Episcopos ad se traxisse, excluso collegio ecclesiastico,, etc.

214. Hæc ipsa suo modo explicat latius BOEHMERUS in *Jur. Eccles. Protestant.* Libr. 5 Tit. 37 de pœnis; ubi §. 27 redit iterum ad assignandam causam, cur Censuræ ecclesiasticæ sint inter pœnas *conventionales* referendæ. Hoc scilicet ex eo manat, quia (ut ex sectæ suæ principiis opinatur) “ Ecclesia
,, non est respublica, imperio externo & JURISDICTIONE propria
,, a Christo haud instructa. Videlicet Ecclesiarum quarumcumque primitiva-
,, rum structura & ratio ostendit (Boehmero heterodoxo) ,, eas cohæsisse ad
,, instar CORPORUM ÆQUALIUM, in quibus imperii & jurisdictionis ex-
,, ercitium concipi nequit,,.

215. Ex hac igitur causâ VIM COACTIVAM omnem BOEHMERUS abrogat Ecclesiæ; cum ei hoc unum sit permissum, “ ut mutua convention-
(ait §. 17) ,, sese adstringere possit ad quandam pœnam, quo eo rectius finem
,, sibi propositum & salutem societatis seu COLLEGII obtineat, quam
,, pœnam dum reus subit, CONVENTIONEM implet, ad quod JURE
,, NATURÆ obstrictus est,,.

216. “ Et dum collegium hanc pœnam ab eo exigit, id non jure imperii,
,, sed VI PACTI INITI facit, & sic jure suo agit, qualis pœna conventionalis
,, etiam inter privatos recepta est, a natura tamen pœnæ proprie dictæ ma-
,, gnopere abludit,,.

217. Minus absfona sunt ea, quæ hac ipsa de re habet SAMUEL BAS-
NAGIUS, vir eidem Protestantium sectæ addictus, in tomo altero *Annalium Politico-Ecclesiasticorum* Dissertat. 3 §. 1 - 5; quo in loco de excommunicandi jure & de istius juris ORIGINE seu fundamentis contra quemdam suæ partis hominem disputat.

218. Antequam a BOEHMERO discedo, velim iterum consideres, Lector Catholice, errorem illum capitalem, quo ECCLESIASTICA negatur HIERARCHIA, seu quo Ecclesia ad COLLEGII seu CORPORIS ÆQUALIS conditionem dejicitur, serpere per universum ecclesiasticum BOEHMERI ejusdem seu Protestantium systema.

219. Hinc enim sequitur primo, negandos esse Ordinum sacrorum GRADUS seu negandum ORDINIS Sacramentum. Sequitur secundo, neganda jura & prærogativas, quæ HIERARCHIS Ecclesiæ Deus AD UNITATEM & perpetuitatem Ecclesiæ ejusdem concessit; uti est Generalium CONCILIORUM immunitas ab errore in decretis fidei ac morum; quibus acquiescere Christiani & tuto possint & præterea DEBEANT.

220. Sequitur tertio, negandam Præfulum Ecclesiæ JURISDICTIONEM & potestatem CLAVIUM. Qua re negata, necesse est procul ablegare divinum PRIMATUM Petri & Successorum Pontificum Romanorum, necnon præminentiam Episcoporum.

221. Necesse est item, iisdem Præfulibus Ecclesiæ & Conciliis abjudicari potestatem LEGES ferendi de DISCIPLINA ecclesiastica politica, seu, ut nostrates quidam appellarunt EXTERNA; item de rebus sacris seu de sacrorum ministerio; & de omnibus iis quæ in ecclesiasticarum & spiritualium rerum censum referuntur, uti sunt, exempli gratia, beneficia; vel de iis quæ ad ordinandum Ecclesiæ statum & ad Religionem ac fidem constituendam seu firmandam faciunt; puta, de Conciliis.

222. Necesse pariter, iisdem Præfulibus abrogare potestatem concedendi veniam a Legibus ecclesiasticis. Oportebit eisdem abjudicare VIM COACTIVAM spiritualem per censuras.

223. Hisce vero positis; quia nulla societas, quæ aliquo hominum numero constat, potest salva consistere, quin aliqua regatur potestate sive nativa & propria, sive extranea; abrogata nativa Ecclesiæ potestate, Præfulum nempe ecclesiasticorum; jam oportuit extraneam adsciscere, id est, temporalem Principis potestatem; & ad hanc ea transferre, quæ Ecclesiæ Præfulibus tribuenda essent. Inde existunt errores omnes BOEHMERI, seu Protestantium de jure Principis circa sacra.

224. Sed errores iidem mirum in modum augentur, quando quis semel affirmavit, prout a Protestantibus factum; tam abesse ut HIERARCHIA sit in Ecclesia, una cum iis juribus, quæ ex Hierarchia consequuntur; ut contra, Majestatis & summi Civilis Imperii ille jura læderet, qui in Ecclesiam tentaret HIERARCHIAM, ejusque jura invehere. Proinde spectare ad summum Imperantem, ut ab hac parte sibi attente caveat; &, si viderit novatum aliquid fuisse, id prorsus & sine mora tollat.

225. Etenim ab hoc capite aperitur via ad judicium de tota Religione, & de universa Ecclesiæ disciplina, seu ad omnis Religionis Ecclesiasticæ Politicæ everfionem, atque ad universos fere BOEHMERI & Protestantium errores; &, ut verbo dicam, ad præclarum illud jus REFORMANDI, de quo idem BOEHMERUS, & PUFENDORFIUS locuti sunt. Hæc quæ supra non semel tetigimus, non opus est amplius explicare.

226. JAM VERO, firmata Patrum Fide de ECCLESIASTICA HIERARCHIA ope supra recitati Canonis sexti Sessionis 23 Concilii œcumenici TRIDENTINI; totum hoc BOEHMERI seu Protestantium ædificium corruat necesse est. Hinc enim JURISDICTIO Præfulum Ecclesiæ restituitur; ut BOEHMERUS quoque vidit.

227. Hinc illorum jura sarcuntur ad pascendam, & REGENDAM Ecclesiam Dei; ad PASCENDAM, inquam, Doctrina, Sacramentis, & Sacris; ad REGENDAM vero disciplina EXTERNA, seu rerum illarum cura & dispositione, quæ *Ecclesiastica* sunt & nominantur, & quæ EXTERNUM seu politicum statum Ecclesiæ respiciunt.

228. Hinc LEGISLATIO, hinc vis coactiva spiritualis, hinc imperandi & obligandi potestas & cetera omnia instaurantur ac firmantur.

229. Nostratibus quibusdam hæc serio perpendenda propono, qui contra veritatis, religionis, ac justitiæ leges videntur rebus novis hoc tempore studere; non alia de causa, ut credere licet, nisi quia scientia theologica destituti jurisprudentiam ecclesiasticam tractare aggressi sunt: qui sane, THEOLOGICIS DISCIPLINIS non probe imbuti, tutius a jurisprudentiæ ecclesiasticæ adytis abstinuissent; quoniam sine Theologiæ principiis eum præsertim frequentius necesse est errare, ac labi, qui de finibus seu limitibus potestatum scribere, vel docere alios susceperit. Lege & *Caput VII infr. num. 86 - - 98.*

IV. HEINECCIUS.

230. BOEHMERUM & Pufendorhium brevi quidem sententiarum ambitu, sed omnibus tamen numeris expressit Joannes HEINECCIUS *Element. Jur. Nat. & Gent. lib. 2 num. 183 - - 187, tom. I part. 2 Oper. edit. Geneven. noviss.* Per ECCLESIAM igitur HEINECCIUS intelligit *societatem seu COLLEGIUM, religionis gratia initum.*

231. Rejicit autem & HEINECCIUS eum, quem plures Protestantium cogitarant, EPISCOPATUM Principis: ait enim, "jus dirigendi res Ecclesiæ, siæ competere Imperanti, QUA IMPERANTI, non qua Episcopo, quod vulgo statuunt; quorum somnium erudite profligavit illustris collega Just. Henn. BOEHMERUS diff. de jure episcopali Principum Evangel. Ac proinde otiosam fere esse quæstionem de Episcopatu, quem CONSTANTINUS M. apud Eusebium in vita IV 24 in convivali sermone sibi tribuit, eorum, quæ EXTRA Ecclesiam contingunt,,"

232. "Nec magis (addit) rem acu tangunt, qui illud jus circa sacra Imperanti, vel tanquam PRIMARIO ECCLESIAE MEMBRO, vel ex sola conventionem vindicant Quum enim Jus sit MAJESTATIS: non alio titulo indigebit Imperans, quo fretus illud exerceat, quam SUMMI Imperantis,," (Declaratum est ante, quod sit Protestantium consilium, dum Episcopatum Principis, aut titulos alios, velut ad jus Principis ejusdem

dem circa sacra fundandum ineptos rejiciunt; quare nihil est, ut ad ea quæ dicta sunt, alia nunc addamus.)

233. Nititur HEINECCIUS probare jus hoc Imperantis circa sacra, seu circa Ecclesiam; ex hoc capite, *quod Reipublicæ unam esse voluntatem oporteat, talis vero non esset futura, si Ecclesia particularis non subesset Imperio.* (Quis vero non videat, hoc ratiocinium, si staret, urgeri eousque posse, ut DIVINAM etiam voluntatem ac Imperium & Legem naturalem a FALSIS Imperii Civilis rationibus tandem excludat? A FALSIS, inquam; sed quæ a corruptis ingeniis ac pravis haberi nihilominus pro veris consueverunt.

234. Nonne enim corruptis mentibus persæpe accidit, ut conflictationem videre sibi videantur inter Jura DIVINA & naturalia, ac rationes HUMANI Imperii? Quare non & aliquando in ea falsæ Politices principia se abripi finant, quæ aperte pugnant cum jure naturali & divino? Frustra ergo laborassent docti Protestantes ipsi in HOBBSIANIS errorum monstris profligandis.)

235. Hisce sic positis; HEINECCIUS in potestatem Principis ea omnia confert, quæ Præfulibus Ecclesiæ competunt vi JURISDICTIONIS illius, qua donati a DEO sunt. Hanc enim ECCLESIAE Jurisdictionem cum ipse non agnoscat; oportuit extraneam potestatem ab ipso ad ea exercenda advocari.

236. Nos vero Catholici, cum HIERARCHIAM Ecclesiasticam ejusque jura probemus ac profiteamur secundum Patrum FIDEM ab Oecumenico TRIDENTINO Concilio firmatam; non cogimur HEINECCII, ejusque gregalium placita adoptare; sed sua illis tribuimus, quos *Spiritus Sanctus posuit Episcopos REGERE Ecclesiam Dei.* Aëtor. 20. 28.

V. BOEHMERUS & alii generatim refelluntur.

237. Hæreticum BOEHMERI & aliorum PROTESTANTIUM systema superstructum est totum PACI AC TRANQUILLITATI PUBLICÆ, quam BOEHMERUS præsertim ad suos errores tegendos advocat passim in patrocinium. Sed bene respondet in simili causâ Auctor (Protestantium tamen sectæ addictus) Appendicis ad librum Pufendorffii *de habitu Religionis* edit. cit. Bremens. 1687 pag. 203: *Tanti non est tranquillitas publica, ut ejusmodi falsis sententiis procuretur, vel æque aut magis commode per veras obtineri potest.* Somniat BOEHMERUS turbas & dissidia. At an ne invertere opus est regimen Ecclesiæ a Christo constitutum, ut ea præcaveantur? Annon potius ad ea sedanda conspiret potestas utraque, Spiritualis, & Temporalis, unaquæque pro

pro sui muneris parte? Videat sane Imperans, ne quid damni respublica ab aliis patiatur; sed hujus rei causa dominatum Ecclesiæ, contra Christi præcepta, sibi minime usurpet.

238. An non sapientissime Christus, dum Ecclesiam suam conderet, tum Imperio consuluit, tum Sacerdotio? Ubinam autem in novo Testamento mentio facta est de Imperantibus, quando de Ecclesia, de Politia ecclesiastica, & de doctrina Fidei proponenda præcipitur?

239. Quæri etiam a Protestantibus potest, an non unquam ex quo ecclesiasticæ illorum res ad temporales Principes, novo plane ordine, translatae sunt, turbata sit pax & quies publica: an non bella & intestina dissidia (ut infanda alia taceam) inter ipsos exarserint? Nemo hæc ignorat, qui de historia vel civili vel ecclesiastica novissimorum temporum aliquid novit.

240. Ceterum causas, cur Dominus Jesus potestatem utramque, spirituales & temporales, divisit, profert nobis antiquitas. Notus est locus GELASII I Papæ de Anathem. vincul. Tom. 4 Concilior. col. 1232 edit. Lab. Paris. "Christus, inquit, memor fragilitatis humanæ, sic actionibus,, propriis dignitatibusque distinctis officia potestatis utriusque discrevit, ut,, & christiani Imperatores pro æterna vita Pontificibus indigerent, & Pontifices pro TEMPORALIUM cursu RERUM imperialibus dispositionibus,, uterentur; quatenus militans Deo, minime se negotiis secularibus implicaret; ac vicissim non ille rebus divinis præsidere videretur, qui esset,, negotiis secularibus implicatus; ut & modestia utriusque ordinis curaretur,, ne extolleretur utroque suffultus, & competens qualitatibus actionum specialiter professio aptaretur,,.

241. Recitato hoc Gelasii loco, subdit Meldenensis BOSSUETUS *Defens. Declar. Gall. Lib. 1 Sect. 2 Cap. 34 edit. recogn.*: "Duas omnino causas memorat,, cur ambæ Potestates suis finibus circumscriptæ, suis addictæ sint officiis. Primum, ne superbia efferretur in quem congesta essent omnia: tum, ut quis,, que se ad ejus ordinis, quem professus esset, actiones eo facilius aptaret,, quo cujusque actiones diligentius inter se distinctæ essent,,.

242. "Addi posse videtur & tertia causa: ut, scilicet, societas & vinculum eo fortius inter homines constitueretur, quando ea, quibus una,, generis humani pars indigeret, in manu essent alterius partis: nimirum,, vita æterna in manu Pontificum; vita temporalis, in manu Imperatorum,,.

243. Quoniam vero Protestantes memorati, & postremus horum HEINECCIUS, ea de causa in unam Principis personam ac voluntatem volunt utramque jurisdictionem, Ecclesiæ, & Regni, conferri debere, quia secus imperfectum esset Principis regimen, utpote in duas voluntates divisum, ac

manca esset Societatis felicitas, nec pax tuta; monebimus cum BOSSUETO ibid. cap. 35., “ eos suaviter somniare, qui id agunt ut res humanæ nullo „ incommodo laborent, tanquam in cælesti aula versetur inter Angelos. „ Duæ ergo Potestates (pergit multis interjectis) „ sese mutuo non tantum „ adjuvent, verum etiam temperent; neve tu hic mihi cogita eam rerum „ humanarum pulchritudinem, quam res humanæ ferre non possint; ac si duæ „ potestates inter se collidantur, ne propterea putes omnia in incertum flui- „ tare, aut abire in diversa, ut equos raptis habenis; sed intus adesse occul- „ tum moderatorem DEUM, qui sollicitari interdum Ecclesiam suam, non „ tamen dissipari velit „.

244. Quamquam si leges a Deo constitutas istæ potestates tenuerint, nunquam inter se collidentur; sed immo erunt inter se arcto vinculo conjunctæ. Conjunctas scilicet dicimus cum BOSSUETO ibid. “ quod, ut ex- „ posuere sancti Pontifices, & mutuam sibi operam debent, præstantque; „ & licet SUPREMÆ invicem, Deo tamen ambæ communiter subfunt: „ quo fit, ut sub binis licet potestatibus, res tamen humanæ minime dis- „ solvantur, quod Deus habenas temperet; atque ita non ad duo principia, „ sed ad unum principium omnia referantur „.

245. Scribebat ista omnia BOSSUETUS in alia causâ, & ea quidem, quæ est hæretico systemati opposita. Sed faciunt hæc tamen æque contra Protestantes ac contra eos catholicos Theologos, qui inconsulte abierant in opposita.

VI. GUILIELMUS BEVEREGIUS

Protestantium cordatissimus.

246. Multo temperatiora, quam Protestantes ceteri, sequutus est superiore inclinante seculo Guilielmus BEVEREGIUS, vir tum doctrina illustris, tum ingenii moderatione commendandus. Etsi enim communionis suæ placitis morem gerens, scripserit in *Prolegomenis ad Synodicon sive Pandectas Canonum ab Ecclesia Græca receptorum* num. 1, *Ecclesiam in Imperio esse, unumque cum eo in singulis Regnis* (quod hæreticis tantum placet) *caput commune habere*; interesse tamen multum docet Ecclesiam inter & Imperium tum natura, tum muniis; sicut *Cap. 2* videndum est.

247. Tum ad specialia descendens ea docet, quæ Catholicos etiam Doctores nonnullos audaciores rubore suffundere merito debeant. “ Si de fide „ loquamur christiana (ait num. 2 eorundem Prolegomenor.) „ & legibus „ ad ECCLESIASTICAM spectantibus DISCIPLINAM, ipsi etiam Impe- „ ratores christiani ingenue multoties professi sunt, nihil sibi juris in istius- „ modi

„modi faciendis rebus tributum esse. Sic Constantinus Magnus, Valentinianus, Marcianus, Theodosius, alique „

248. “Quin ipse etiam omnium peritissimus legum Imperator JUSTINIANUS in ea fuit sententia, leges nempe civiles non precedere debere, sed sequi ecclesiasticas, idque sine dedignatione „: Secundum sacras, *inquit*, & divinas regulas, quas etiam nostræ sequi non dedignantur leges. *Novell.* 83.

249. “Hinc est, quod etiam Imperatores multa de ecclesiasticis personis & rebus in constitutionibus suis ediderint; nihil tamen DE NOVO constituerunt, sed ea tantum, quæ ab ecclesiasticis Synodis prius constituta fuerant, ipsi sua etiam auctoritate confirmarunt: adeo ut quæcunque in CODICE, aut in NOVELLIS, de personis, causisve ecclesiasticis asserantur, ab ecclesiastica aliqua POTESTATE antea sancita fuerint, quam illuc relata; ut ex singulorum istiusmodi locorum inductione cuivis canonici pariter atque politici perito juris facile patebit „

250. “Quod etiam ex eo ulterius elucescit, quod ad ecclesiasticas, quæ emerferunt, dirimendas lites, & leges instituendas, ipsi etiam Imperatores Concilia ecclesiastica convocare soliti fuerunt „ (scilicet quæ lites dirimerent, & leges instituerent proprio jure, & ex officio: ita enim interpretari Beveregium oportet, ad hoc ut ista cum superioribus consentiant & cum iis quæ exscribenda mox erunt). “Sic enim Nicænum primum Oecumenicum „ a Constantino Magno etc. „

251. Pergit BEVEREGIUS enumerans Constantinopolitanum, Ephesinum, & Chalcedonense, ab Imperatoribus congregata (approbatione tamen & assensu Ecclesiæ & Romani Pontificis). Tum addit: “Neque ullus ex his „ ce Imperatoribus causam aliquam a Synodo, quam convocavit, discutendam prius determinavit, quam ab ipsa Synodo iudicata est „

252. “Quidquid autem a Synodis ecclesiasticis decretum est, a civili etiam potestate confirmari solenne fuit (non ut ab ea potestate vim ecclesiasticam sumeret, sed ut facilius, & sine contumacium repugnantia mandaretur executioni, vel alias forte ob causas; quas indicamus Cap. 10). „ Unde & omnes propemodum canones qui hoc libro continentur, ab Imperatore Justiniano Rhinotmeto iis subscribente corroborati sunt „ (postquam confirmatio præverat Synodi Trullanæ, quæ *Can.* 2 corpus juris canonici Græcorum approbaverat, ac immotum fore iusserat: quod corpus Canonum Græcorum una cum Commentariis Balsamonis, Zonaræ, & Aristeni magnam partem occupat *Synodici sive Pandectarum Canonum ab Ecclesia Græca receptorum*, duobus Tomis a BEVEREGIO comprehensi).

253. "Nimirum Principes christiani, ut ad Ecclesiæ præsidium, æque ac
 „ad Imperii regimen civilem sibi commissam habentes potestatem, ea eccle-
 „siasticam per Imperii sui provincias stabilire auctoritatem, canonicas tueri
 „leges, & cavere ut Ecclesia pace sub suo fruatur patrocínio, & auctoritatem
 „ipsi conceditam libere exerceat, ex officio suo tenentur; ut veteres etiam
 „Ecclesiæ PATRES docuerunt „.

254. "Et idcirco, etiamsi ipsi Imperatores inconconsulta Ecclesia ecclesia-
 „sticas NUNQUAM ferant leges; ut latæ tamen in Imperio cujusque con-
 „serventur, ipsis etiam per CIVILEM suam AUTORITATEM providere
 „incumbit „.

255. "Sed dicet forsitan nonnemo (pergit BEVEREGIIUS num. 3 ex
 „sententia Hæreticorum sibi objiciens) „, sacras Scripturas Ecclesiæ regendæ
 „sufficientes esse, ac propterea aliis ei non opus esse legibus„. Concedit
 „autem, ex sectæ suæ placitis, clarissima omnia in sacris eloquiis esse. At
 „in iis, de disciplina ecclesiastica „generalia tantum axiomata, ait, propo-
 „nuntur, e quibus ut particulares determinationes deducantur, ibidem
 „præcipitur „.

256. "Hæc itaque ECCLESIAE determinanda perspicue relinquun-
 „tur Et ubi ista ecclesiasticas sancienti leges potestas resideat
 „(ait num. 4) „, & quomodo ab ea sancientiæ sunt, ab ipsis sacris Scripturis
 „haud obscure indigitatur„. Prosequitur autem referens ex Actis Apostolo-
 „rum, quomodo dirempta fuerit quæstio de Circumcisione & lege Moysayca
 „quoad Gentiles; affirmatque Apostolos in methodo, quam tenuerunt „in
 „edendo de ea re statuto, cælitus directos fuisse, ut futuræ Ecclesiæ inno-
 „tesceret, quo pacto LEGES in ea ferendæ sunt. Nimirum ut ii quibus in
 „Ecclesia animarum cura committitur, illud pro lege statuant,
 „quod in Dei gloriam & animarum sibi commissarum salutem magis con-
 „ducere visum fuerit „.

257. "Hæc itaque forma est, *concludit BEVEREGIIUS*, „, atque ordo,
 „(quem exemplo suo nos Apostoli docuerunt) „, in controversiis definiendis, &
 „ECCLESIASTICIS condendis LEGIBUS DIVINITUS præscriptus, & ab
 „Ecclesia propterea perpetuo observandus „. De exemplo per Concilium
 „istud Hierosolymitanum proposito successoribus Apostolorum pro ecclesia-
 „sticis negotiis tractandis, legatur D. PETRUS COUSTANT *Epistola Pontif.*
Tom. I Præfat. num. 33.

258. "Hac ipsis Apostolis (progreditur BEVEREGIIUS num. 5 Pro-
 „legomenor.) „, præmonstrata via itum est etiam ab Apostolica ipsa & pri-
 „mitiva Ecclesia, licet diris adhuc persecutionibus exagitata. Namque &
 „tri-

„tribus prioribus a Christi nativitate seculis, frequentia passim celebrata
 „fuerunt Episcoporum Concilia Et his quidem temporibus CANO-
 „NES, qui APOSTOLORUM dicuntur, constituti sunt „. Concilia
 deinde eadem multo frequentiora fuisse post datam Ecclesiæ pacem, monet
 Beveregius num. 6. Et ibi Conciliorum generalium, & particularium di-
 scrimen ponit; in hoc uno a vero aberrans, quod ad Oecumenicum Conci-
 lium constituendum non modo præsentia quinque Patriarcharum, Romani,
 Alexandrini &c. opus esse *asserat*; qui nempe “ sive per se, sive per ency-
 „ clicas Epistolas intersint; *verum etiam tuto doceat*, „ nullum esse generale
 „ Concilium, quod non Imperatoris jussu, tam ex orientali, quam occiden-
 „ tali Ecclesia congregatum sit „.

259. “ Particularia autem, *ait*, quæ dicuntur Concilia, in duas classes
 „ distribuuntur. Sunt enim vel Provincialia, vel Diœcesana (hoc est,
 veteri notione, ex pluribus Provinciis) . . . „ In cujusque enim Metropo-
 „ litani potestate situm est, omnes Provinciæ sibi subjectæ Episcopos ad Con-
 „ cilium convocare: qui etiam ad locum quem Metropolitanus elegerit, con-
 „ venire tenentur, ex undevicesimo Synodi Chalcedonensis, aliisque Cano-
 „ nibus hoc opere divulgatis. Concilia Diœcesana ea vocamus, quæ post
 „ Patriarchas constitutos a quovis illorum ex omnibus Diœceseos suæ Provin-
 „ ciis coacta sunt. Et ad hanc fere classem reducantur, quæ Nationa-
 „ lia dicuntur Concilia „.

260. Vide sis cetera. Ego enim ea huc retuli, unde BEVEREGII
 sententia clare constaret, nec omisi quidquam, unde viderer velle mentem
 illius occultare.

261. Omnibus autem inter se collatis; si latens commune Protestan-
 tium principium ejusque consequentes seposuerimus, videre unusquisque
 potest, magis Ecclesiæ rebus commodam, & ad quotidianos usus opportu-
 nior fore BEVEREGII sententiam, quam novorum quorundam homi-
 num, qui se Catholicæ Ecclesiæ filios profitentur. Et de Hæreticis qui-
 dem hætenus.

VII. Schismaticorum GRÆCORUM Sententia.

262. Ero brevior in sententia Schismaticorum GRÆCORUM labentis
 ævi narranda de jure Imperatorum in res ecclesiasticas. Temporibus Pa-
 læologorum Græci nonnulli eo adulatione sua devenerant, ut Principibus
 suis totius ecclesiasticæ disciplinæ summam deferrent.

263. Extat in JURE GRÆCO-ROMANO Leunclavii *Lib. 5 pag. 316 &c.* *Tomi* I responsum Demetrii Chomateni, seu Chomatiani, Archiepiscopi Bulgariæ, ad Constantinum Cabasilam Archiepiscopum metropolis Dyrrhachii datum, ubi ita pronuntiat: “Imperator, ut communis Ecclesiæ, rum ἐπισκοπονάρχης (Epistimonarcha; id est *præsident scientiæ & cognitioni Ecclesiarum*; seu *præsident Ecclesiis cognoscendis*; sive *primas tenens partes in cognoscendis ac ordinandis rebus Ecclesiarum*) “existens & nominatus, synodalibus præest sententiis, & robur tribuit, ecclesiasticos ordines componit, & legem dat vitæ politiæque eorum, qui altari ferviunt: hoc amplius, judiciis Episcoporum clericorumque, & vacantium Ecclesiarum suffragiis „

264. “E minore etiam honore ad majorem reducit, ab episcopo videlicet in metropolim Et (ut uno verbo dicam) solo sacrificandi, excepto ministerio, reliqua Pontificalia privilegia Imperator repræsentat, quando legitime CANONICEQUE facit „ Hæc ibi Demetrius pag. 317 ex versione Leunclavii.

265. Theodorus BALSAMON in Canonem 16 Carthaginensem, pag. 538 *Tomi* I *Synodici Beveregii*, post recitatas plures Ecclesiasticas Leges, quæ sacratos viros secularibus negotiis & officiis interdunt, subdit; “Dicunt autem quidam, hæc locum habere, quando sine jussu Imperatoris sacratum quispiamulare ministerium exercuerit: si enim ex dispensatione Imperatoris quis hoc ministerium susceperit, a dictis Canonibus non prohibebitur, nec lædatur „

266. “Et adjiciunt, quod Imperator nec Canonibus nec legibus subjicitur: Et ideo est in ejus potestate Episcopatus in Metropoles erigere , & de novo Episcopos & Metropolitanos constituere; & jubere Episcopos in alienis Diœcesibus sacrificare præter sententiam Episcoporum illius regionis, & alia ejusmodi episcopalia jura exercere. Utuntur autem etiam XII, & XVII Canone Chalced. Syn. & XXXVIII Canone Synodi in Trullo, qui eadem præcipiunt, „ (seu potius Imperatori concedunt. Sed lege eos Canones).

267. Quid vero ad ista BALSAMON schismaticus Seculi XIII Antiochenus Patriarcha? Non improbat: pergit enim eo loco ista scribens: “Mihi autem videtur, quod ex IV Canone Chalced. Syn. Imperatori vel maxime concessum est secularium munerum functiones sacratæ & Monachis, ex ratione dispensationis quæ illi videtur, tribuere. Si enim hoc potest regionis Episcopus (cui a Canone IV Chalcedonenſi conceditur), „ multo magis Imperator, qui non cogitur sequi Canones, decernentes, Episcopo-

rum

„rum electiones a provincialibus Episcopis fieri, non autem a magistratibus (vide qui nexus rerum inconditus), „ & qui exinde, nulla facta electione, „ Patriarchas & Episcopos provehit, „

268. Postremo Lectorem BALSAMON remittit ad ea quæ in illum Canonem IV Chalcedonensem scripsit. Habet autem in hunc Chalcedonensem Canonem pag. 117 tomi cit. Synodici: „Nota quod ex permissione „ Episcopi possunt Monachi non solum Ecclesiastica negotia administrare, „ sed ea etiam quæ ad vitam pertinent, hoc est, civilia. Si autem hoc potest „ facere episcopalis permissio, id multo magis faciet potestas imperialis, „ quæ etiam Episcopos promovet, „

269. Non soli tamen privati GRÆCIÆ homines fœdissima hac assentatione peccarunt; sed & ipsæ Græcorum Synodi ætatis Mediæ permittebant Imperatoribus Episcopos dare Ecclesiis vacantibus, METROPOLES erigere, nulla habita Canonis XII Chalcedonensis ratione, per quam antiquis Metropolibus consultum fuerat.

270. Istius adulationis Synodorum Græciæ testem habemus Balsamonem, ubi agit de Alexio Comneno, qui Sæculo XI exeunte imperavit. Narrat ergo Balsamon pag. 131. *Tomi 1 juris Græco-Romani per Johannem LEUNCLAVIUM collecti*; cum Metropolitanis, Heracliensis & Ancyranus impetere cæpissent jura duarum Metropoleon novarum, Basilæi & Madytorum, maxime jus & modum electionis in locum defuncti Metropolitanis; cumque Heracliensis & Ancyranus „ canone duodecimo synhodi Chalcedonensis usi „ essent, quo decernitur, ut salva sint veræ Metropoli jura . . . ; promulgatam esse imperatoriam (Alexii Comneni) „ sententiam, præsentis SYNODO, communique tunc suffragio decernente, ut imperatori permissum „ sit præsidentiae thronum Ecclesiis largiri & tam episcopatus, quam archiepiscopatus in metropoles erigere: quæque pertineant ad electiones in his „ faciendas, ceteraque recte constituenda, pro libitu suo disponere citra „ ullum canonis illius impedimentum, qui decernit, ut salva sint metropoli „ jura sua, quæ in episcopatum honore auctum jam pridem habet, „

271. Recitat ista brevius Ludovicus THOMASSINUS *Discipl. Part. 1 Libr. 1, Cap. 42, num. 11*, ac assensum a Synodo illa imperatoriæ legi præbitum, tribuit „ fœdissimæ assentationi, nec enim eam, ait, fas est dispensationem interpretari, „ Totus locus Balsamonis, cujus partem modicam exscripsimus, relatus a Leunclavio in *Jus Græco-Romanum*, extat in Commentario Balsamonis in Canonem 38 Concilii Trullani pag. 201, *tomi 1 Synodici Græcorum BEVEREGII*.

272. Ceterum duo oportet hoc loco animadvertere: primum est, hanc imperatoriam quamcunque potestatem vel ab Imperatoribus ipsis derivari a sacrorum Canonum permisso & gratia: id enim videre licet in commemorata Alexii Comneni sententia a Balsamone recitata: "Majestas mea, ait, „ quæ sibi concessum a sacris CANONIBUS privilegium neglectui haberi „ non vult „ etc. ita legit ac vertit Leunclavius pag. 131 cit. Apud Beveregium vero pag. 202 tomi 1 cit. Synodici ita lego: "Imperium meum „ ex imperiali sua potestate, quod a divinis Canonibus ei datum est privilegium, neglectui haberi non sinens „ etc.

273. Secundo vero scire juvat, obtestatos aliquando esse coram Imperatoribus Patriarchas, & in his Nicolaum Patriarcham Constantinopolitanum, hujus nominis tertium, coram laudato Alexio Comneno, haberi ab Imperatore debere rationem Sanctionum Canoniarum, & ipsarum Legum Imperatoriarum; ADVERSAS CANONIBUS LEGES NULLIUS ESSE ROBORIS, idque IMPERATORES ipsos FASSOS esse; ideoque statutis Principum instituta Ecclesiæ convelli minime posse: consuetudinem tandem, etsi longam, nullis morum aut disciplinæ corruptelis posse patrocinari.

274. "Neque sacra pragmatica sanctio adversus divinos Canones valet „ bit . . . ; neque scriptum a constituta divinitus Majestate tua subnotatum „ leges atque canones evertere potest, & veritatem succutere „ Nec longa consuetudo efficiet unquam, ut id, quod ab initio subsistere „ non potuit, locum habeat. Tunc enim longa quoque consuetudo vim „ legis obtinet, quando præterquam quod cum ratione non pugnat, nec „ legem evertit „. Hæc ex versione Leunclavii in primo tomo Juris Græco-Romani pag. 279. Extat scilicet ibi hæc synodalis epistola Patriarchæ Nicolai ad Alexium Comnenum pag. 271 - 281, omni sapientiæ ac religionis decore referta.

275. Hanc ipsam constantiam nonnullorum Episcoporum Orientis adversus injustas Imperatorum occupationes & illegitimos conatus, testatam facit & PETRUS DE MARCA pag. 61 *Prolegomenorum ad libros de Concord. Sacerdot. & Imper. edit. Paris. 1704.* Postquam enim effusam nonnullorum Orientis Episcoporum assentationem in Imperatores suos notavit, Palæologis imperantibus; subjungit: "Quamvis, ut verum fatear, non omnes ea tempe „ state Orientis Episcopi in libertatis ecclesiasticæ perniciem conspirarent „.

276. "Extat enim in Regis Christianissimi Bibliotheca manuscriptus liber „ temporibus Palæologorum publicatus, quo PROVINCIARUM ALI „ QUOT EPISCOPI graviter exposcunt de retractato ab Imperatore „ judicio synodali, quo Patriarcha Constantinopolitanus, qui erat *trifepisco-* „ *pos* . . . , dignitate sua dejectus fuerat „.

277. "Constanter ajunt *Epistimonarchiæ* potestatem AD QUÆSTIONES CANONICAS dirimendas non porrigi, permittumque Principibus Canonum præsidium, non autem dominium,,. Hæc satis de GRÆCIS Schismaticis.

VIII. Sententiæ CATHOLICORUM variæ. PRAGMATICI GALLICANI.

278. Ad varias CATHOLICORUM de externæ Ecclesiæ cura sententias narrandas nunc est veniendum. Quos inter videtur primus locus tribuendus PRAGMATICIS GALLICANIS, qui, si Petrum de MARCA audimus in *Prolegom. ad libros de Concordia pag. 58 edit. cit.*, "a fidei quidem definitionibus Principum cognitionem submovent, sed disciplinæ curam, propemodum omnem ad ejus imperium revocant,,. Vix ergo sunt isti a GRÆCIS Schismaticis memoratis dissimiles.

279. Inter ceteras autem "Sedi Apostolicæ CONTUMELIOSAS definitiones, (ut eas MARCA iterum iterumque in iisdem Prolegomenis appellat), quas,, docent celeberrimi apud Gallos auctores Romanæ Communionis, non solum Carolus ille Molinæus, sed præterea clarissimi viri Fauchetius, Pasquierius, Pithæus, Hotmannus, Servinus, aliique libertatum Gallicanarum confarcinatores,, ait pag. 56; non infimum locum istæ obtinent:

280. "I. Pontificem Romanum nullam auctoritatem in Galliis exercuisse ante sextum seculum. II. Toto illo sexcentorum fere annorum intervallo Regem solum, post Principes Romanos exactos, Ecclesiæ Gallicanæ ut Caput præfuisse, non autem Papam. III. Non competere Papæ extra Concilium, ut leges ecclesiasticas condant, quæ Gallos obligent. IV. Papam a sede & dignitate sua dejici posse, si gravissimum scandalum Ecclesiæ inferat. V. Nulla in specie licere Pontifici aliquid statuere adversus canones generalium Conciliorum. VI. Libertates Ecclesiæ Gallicanæ consistere in usu antiqui juris comprehensi canonibus veteris Ecclesiæ, & ad Curias supremas pertinere, ut eum usum senatusconsultis suis paulatim restituant. VII. Gallis competere jus constituendi summum aliquem Patriarcham, si Pontifex regiis rationibus sese non accommodet. VIII. Regi liberum esse, ut constitutiones ferat in rebus ecclesiasticis, quæ sint ejusdem roboris ac leges de rebus civilibus latæ. IX. Curiis supremis jus competere in dirimendis appellationibus ab abusu, de principali negotio decernendi; quem admodum sæpe usurpatur in foro,,. His ergo verbis Pragmaticorum Gallicanorum decreta exhibet Petrus de MARCA.

281. Sed videtur mihi iste nimia illis adscribere: & certe non tam multa extant in iis saltem Pragmaticorum scriptis, quæ unum in corpus collegit ac edidit Petrus PUTEANUS sub hoc titulo: *Traitez des Droits & Libertés de l'Eglise Gallicane*. Hæc ego sola in Tractatibus illis invenio: scilicet propositio VII. de jure constituendi Patriarchæ, prostat in Opusculo Jacobi CAPELLI num. ultimo: Propositio 1 contra auctoritatem Pontificis in Gallicanas Ecclesias, adest in Tractatu Claudii FAUCHETII. num. 8, 12, ac 13: Propositio V contra potestatem Pontificis in Canones Conciliorum generalium, latet forte in Tractatu de Libertatibus Gallicanis Petri PITHÆI, & in Commentario Petri PUTEANI in illum Tractatum num. 42.

282. Propositiones autem ceteras in nullo eorum Tractatum, a Puteano collectorum inveni. Immo & tres istas, quas notavi, si in fonte ac in locis suis expenderis, agnosces & mitiores esse & molliores.

283. Non nego tamen, in Opusculis illis multa esse loca, quæ censuram mereantur ob propositiones alias aut falsas aut suspectas. In primis enim in Joanne TILLETIO non possum non vehementer reprehendere, quod Regem evehat quasi ad dignitatem Primatis Episcoporum, loco Romani Pontificis; simulque de ejusdem Romani Pontificis Primatu ambigue longèque imprudentissime loquatur: vide num. 1, 5, 9.

284. Claudius etiam FAUCHETIUS ambiguus est, immo magnopere suspectus, dum in eundem Primatum sermo incidit; de quo vix sibi persuasus fuisse videtur: & suspectus est præterea contra præminentiam Episcoporum supra Presbyteros: vide num. 2, 6, 13, 14, 23, 36.

285. Carolus FAYUS quoque de Primatu eodem ambigue loquitur; simulque Capitularibus abutitur ad regiam potestatem in res ecclesiasticas ampliandam ultra quam fas est: vid. num. 37, 39, 42.

286. Antonius autem HOTMANNUS, etsi scriptor sit æquus, ac jurisdictioni ecclesiasticæ, præcipue vero juribus Romani Pontificis faveat; minus tamen accurate num. 3 de ecclesiastica jurisdictione loquitur. At Guido COQUILLE in commune ceterorum vitium incidit, dum in Romani Pontificis Primatu vacillat: vid. num. 6, 7, in fin. & 8.

287. Benignus vero MILLETOT in eo reprehensione est dignus, quod rationem habeat illius falsæ Græcorum Schismaticorum doctrinæ, qua traditum est, licere Imperatori tum Metropoles erigere tum Episcopatus: vid. num 71 *Tractatus de Delicto Communi & casu privilegiato*. Tandem Jacobus DU-HAMEL sub initium sui Opusculi falsa scribit de jure Ecclesiarum ad fundos & redditus possidendos.

288. Hæc ergo sola animadverti notanda in commemoratis *Libertatum Gallicanarum consarcinatoribus* a Puteano collectis & editis. Erunt fortasse in iis alia, quæ notationem mereantur; sed, si quæ sunt, me certe fugerunt.

289. A Pragmaticis istis, propter similitudinem argumenti, quod tractat, non est sejungendus Renatus CHOPPINUS, qui de Sacri Politia libr. I tit. 7 § 9 *penes Reges sacrorum potestatem esse* scribit. “Exin (sequitur) Ægydus „Romanus libris editis asseruit, sacrorum beneficiorum erogationem ad Reges ac Cæsares pertinere Philippi IV Regis temporibus „ Etsi Choppinus ista temperat in illis quæ sequuntur: est enim is Scriptor varii ingenii, & in sententiis fluctuantis; sed est tamen vir satis probus & religiosus. Alios ordinis hujus Scriptores non opus est commemorare.

IX. Petrus DE MARCA.

290. Ceterum sententiis, quas sub nomine Pragmaticorum Gallicanorum Petrus de MARCA nobis antea recitabat, has ipse opposuit in Opere suo de Concord. Sacerd. & Imper.

291. “I. Supremam in rebus ecclesiasticis potestatem per Gallias exercuisse Romanum Pontificem ab eo tempore, quo Fides Christiana in Gallis floruit. II. Generalia decreta a Romanis Pontificibus in Gallias æque ac in reliquas provincias missa; ac a Regibus suscepta esse. III. Nullum esse crimen, cujus ratione Papa deponi possit, excepta hæreseos publice professæ causa. IV. Papam solvere posse & dispensare a canonibus Conciliorum generalium. V. Libertates Ecclesiæ Gallicanæ non veteribus tantum, sed recentioribus etiam canonibus & decretalibus contineri. VI. Regibus non competere jus aliquod Episcopatum vel Metropolim instituendi, multo minus Patriarchatum. VII. Regibus a Deo commissam esse tuitionem Ecclesiæ, ut edictis suis decretorum & canonum promulgatorum executionem urgeant, non autem ut arbitrato suo leges condant in iis, quæ fidem aut ECCLESIASTICAM DISCIPLINAM respiciunt. VIII. Appellationes ab abusu ob canones violatos, locum habere tantum ad scandalum impediendum. Attamen Curiis supremis non licere, ut de negotio principali, quod est mere ecclesiasticum, pronuncient „ Hæc MARCA iisdem fere verbis pag. 57 Prolegomenor. ad Concord.

292. Ad Regum vero auctoritatem uberius explicandam, hæc inter cetera posuerat ibid. pag. 55: “Constitutiones ecclesiasticas in provinciis publicandas esse, & tacito consensu recipiendas, æque ac constitutiones regias; sed Concordatis initis inter Sedem Apostolicam & Regnum Francorum confirmatam esse Regibus Francorum auctoritatem recipiendarum in

„ regno legum ecclesiasticarum, dum consultum fuerit, & inde tranquillitas
 „ civium non lædatur „.

293. Ad universalia deindè præcepta hujus rei accedens, docet MARCA pag. 59 & seqq., constare inter Catholicos omnes, „ Principes Christianos
 „ de rebus fidei controversis leges ferre non posse „; sed hoc unum, ut exemplo Constantini adsint Conciliis, ubi de fide tractatur, datum ipsis esse; ideo scilicet, „ quia fides, ut est in epistola Nicolai I ad Michaellem Imp.,
 „ universalis est, & omnium communis, quæ non solum ad Clericos, verum
 „ etiam ad Laicos, & ad omnes omnino pertinet Christianos „.

294. „ At si agatur de DISCIPLINA CANONICA, ait MARCA,
 „ ejus cognitio synodis debetur, NON autem magistratibus, vel etiam ipsis
 „ PRINCIPIBUS. Hæc est sententia rescripti a Valentiniano editi, cujus
 „ verba Ambrosius refert; (scilicet in Epistola XXI col. 860 tomi 2 Operum edit. Benedictin.), „ in causâ fidei vel *ecclesiastici ordinis* judicium com-
 „ petere Sacerdotibus, id est, in fidei & DISCIPLINÆ negotiis. Causæ
 „ enim ecclesiastici ordinis ad eas quæstiones pertinent, quæ canonicæ di-
 „ cuntur, ut constat ex HINCMARO, qui locum Leonis, ubi eadem verba
 „ usurpantur, egregie interpretatus est in opusculo quinquaginta quinque
 „ capitum capite decimo „.

295. „ Hinc est, quod de ritibus, cerimoniis, Sacramentis, cleri fun-
 „ ctione, conditionibus, censura & disciplina canones a Conciliis, & decreta
 „ a Pontificibus Romanis, tanquam de materia sibi subjecta frequentissime
 „ edantur, & vix ulla proferri possit constitutio veterum Principum, quæ
 „ hac de re lata fuerit ex mero secularis potestatis imperio „.

296. „ Secutas quidem hac in parte leges publicas videmus, sed non
 „ antecessisse TUITIO autem, canonum sententiam aliquo pacto
 „ egredi non debet. Alioqui IRRITUM est & inane quodcunque Principis
 „ EDICTUM ADVERSUS CANONES in rebus ecclesiasticis latum „.

297. „ Dissimulandum non est in variis causarum figuris cognitionem
 „ adversus clericos a regiis magistratibus suscipi, lites de possessione benefi-
 „ ciorum & jurium ecclesiasticorum motas ab iisdem dirimi, & alia quædam
 „ nonnulla in foro disceptari, quæ jure communi ad jurisdictionem ecclesia-
 „ sticam pertinent. Sed eam potestatem usurpant, tum EX PRIVILEGIO
 „ atque ex indulgentia Sedis Apostolicæ, tum EX PACTIS cum eadem Sede
 „ initis; quam alioqui, quatenus decretis & canonibus esset contraria, sine
 „ dubio abjicerent „.

298. En paucis, sed dilucidis verbis, explicatam Illustrissimi viri PETRI DE MARCA sententiam de Finibus Potestatis Utriusque; ad quam exigenda
 ne-

necessario sunt, si quæ forte aliter aut non eadem cum perspicuitate scripsit in libris *de Concordia Sacerdotii & Imperii*.

299. Quamquam hoc affirmo, novum nihil hoc loco haberi, quod scilicet non scripserit antea in memoratis libris *de Concordia*, immo in solis capitibus sexto, septimo, & undecimo libri secundi. Vagatur equidem, ut ipsi mos est, in hisce capitibus, nec tam aperte suam e vestigio sententiam aperit; sed veritas erumpit tamen aliquando, ac animum suum illustris Scriptor aperit sine fuco ac fallaciis. Confer ergo tria hæc capita cum illis, quæ in laudatis prolegomenis habentur; & cognosces sine dubio, paria utrobique haberi, & hoc tantum inter hæc & illa interesse, quod in his principia supra posita, se invicem ordine consequantur ac nuda sint & sine ornamentis; in tribus vero illis capitibus magis sint invicem disjuncta, ac vario artificio ornata, unde fiat, ut minus etiam animum tangant. Norunt periti, hæc a me moneri non sine causa.

X. VANESPENIUS.

300. Apud studiosos Juris Canonici, una cum Marca celebrari solet Bernardus VANESPEN. Præstat ergo hunc quoque audire, de jure Principis in res ecclesiasticas statuentem. Hic in *Traçtatu Historico- Canonico Part. 9 Cap. 2 §. 2*, de Ediçtis Principum agens pro re ecclesiastica editis, scribit: “Tametsi Ecclesiastico Magistratui præcipue incumbere videatur decernere
,, ea quæ disciplinam Ecclesiæ, aut res ecclesiasticas spectant; tamen ni
,, Principes sua auctoritate Ecclesiæ decreta suffulciant, vix Ecclesiasticorum
,, ordinationes effectum fortientur; præsertim si circa RES TEMPORALES,
,, aut personas LAICAS versentur,,

301. “Hinc frequentissimæ per omnem Europam Regum atque Principum ordinationes & ediçta in materia ecclesiastica, quæ pro legibus ob-,
,, servantur,,. Ut vero pateat, de quibus ediçtis ipsi sermo sit; speciminis loco allegat inter cetera ediçtum Caroli V, quo novarum decimarum exactio-
ni modus imponitur; ediçta quæ *manibus mortuis* inibent bonorum immobilium acquisitionem sine venia ac permissu Principis; & ediçtum de reparandis & reficiendis Ecclesiis. (Non video tamen quam cum Decretis Ecclesiæ conjunctionem habeat ediçtum illud de bonis immobilibus).

302. Sed clarius mentem suam aperit VANESPENIUS in *Commentario ad Gratiani partem primam Dist. 10*, explanans Distinctionis illius Proæmium, in quo Gratianus asserit, “Constitutiones Principum ecclesiasticis constitu-
,, tionibus non præeminere, sed obsequi,,. Affirmat ergo Vanespenius id, quod hoc Proæmio dicitur, “nec simpliciter, nec generaliter verum esse;

„ sed restringi debere ad ecclesiasticas constitutiones de rebus *mere* spiri-
 „ tualibus ad directionem animarum directe & unice spectantibus; non autem
 „ de rebus TEMPORALIBUS; aut his quæ regimen reipublicæ spectant, ad
 „ ipsius populi & reipublicæ pacem & tranquillitatem conservandam vel pro-
 „ curandam „.

303. Addit deinde, „ & Romanos Pontifices agnovisse, se subjectos
 „ legibus & constitutionibus Imperatorum, non tantum externum, tem-
 „ porale, ac politicum regimen reipublicæ concernentibus, sed etiam EX-
 „ TERNAM ET CANONICAM ECCLESIAE DISCIPLINAM spectanti-
 „ bus „. Id vero Espenius sibi videtur probasse ex vulgato loco epistolæ
 Leonis IV ad Lotharium Augustum, quo Leo profitetur, se Capitularia
 Regum Francorum religiose servaturum. Sed ignorare non debuit, Capi-
 tularia hæc, qua parte res ecclesiasticas disponunt, profecta esse ab aucto-
 ritate ecclesiastica. Oportet enim hoc loco meminisse rationem & ritum,
 secundum quem *in mixtis* Regni & Imperii Francorum conventibus edita sunt
 Capitularia; oportet, inquam, capitularium originem ac indolem nosse, seu
 auctores eorum ac fontes. Tum vero intelliges, quam parum pro Espenio
 Capitularia faciant. Lege *caput bujus commentarii decimum*, ubi hanc rem ex-
 planamus accuratissime.

XI. Andreas DUVALIUS.

304. Ecclesiasticæ potestati magis favit Andreas DUVALIUS, Gallus
 gente, & Doctor Sorbonicus. Hic *de Rom. Pontif. Potest. Part. I, quæst. I*
Bibliotheca Pontific. tom. 3 pag. 427 seq., ante omnia, ad potestatem ecclesia-
 sticam pertinere docet, ut de Sacramentorum administratione & susceptione
 decernat, de ordinis, & matrimonii impedimentis, de cultu Dei, & Sancto-
 rum, de festis, jejuniis, officio divino, peccatorum pœnis; de testamentis &
 legatis ad pias causas; de contractibus nonnullis, ut de cambiis, & usuris.

305. Possè eandem pœnas irrogare in foro interno, & externo. Sunt
 autem hæc, excommunicatio, suspensio, interdictum, beneficiorum & digni-
 tatum ecclesiasticarum ablatio. Statuere præterea sine erroris periculo fidem,
 & morum regulas; similiterque Sanctos declarare, Ordines Regulares pro-
 bare; licere eidem concedere veniam ab ecclesiasticis legibus.

306. Eiusdem Ecclesiæ esse, in variis humanarum rerum figuris declarare
 jus divinum circa vota, juramenta, matrimonia rata non consummata; pœ-
 nas peccatorum temporales per Indulgentias relaxare; Evangelium ubique
 terrarum promulgare.

307. Eam tandem jus habere leges civiles abrogandi (melius dixisset, curandi ut ab ea potestate abrogentur, a qua fuerunt conditæ: *vid. infra Cap. 12 num. 105 -- 107*), ubi salutis animarum obſtent, aut ratione latæ non ſint; multoque magis leges eccleſiaſticas condendi, etiamſi nihil includant juris divini.

308. Hæc autem omnia ita eccleſiaſtica Poteſtatis propria eſſe, ut ab iis ſit laica repellenda; neque hæc poſſit ex proprio & inſito ſibi jure Leges de Eccleſiaſtica Diſciplina condere.

309. Poteſtatis equidem laicæ muneris eſt (ut explicat ibidem DUVALIUS *Par. 3 q. 2 pag. 497 & ſeqq.*), mandatorum utriuſque tabulæ executionem urgere, pœnis ad id corporalibus intentatis; Religionem tueri; judicia eccleſiaſtica, manu Regia defendere ac corroborare.

310. At jurisdiſtionis eccleſiaſtica ætus; quales ſunt, Episcopos & Clericos deponere, de cauſſis Clericorum cognoscere & judicare, Eccleſias gubernare, leges pro ejus diſciplina ſancire, Concilia indicere, & hujusmodi exequi cetera; non ejus eſt ſibi aſſumere.

311. In cauſſa quidem temporali ſummi momenti poterit Laicus Princeps contra eccleſiaſticos Viros gladium diſtringere; at in ſpirituali, nullo modo. Sic Rex in Episcopos perduelles jure animadvertet; quoniam “nulum eſt (ait Duvalius pag. 501 col. 2), privilegium, quod perſonas eccleſiaſticas a Regum, & Principum poteſtate in hoc caſu eximat,,

312. Atque Duvalii ſententiam recitavimus hætenus. Nihil autem mihi viſum eſt animadvertere circa aliquos cauſſarum *mixtarum* aut ſimilium articulos, qui a Duvalio abſolute aſſeruntur Eccleſiæ; etſi non omnes hoc tempore in idem aſſenſuros videam. Nihil, inquam, in eos viſum eſt mihi animadvertere, quia nullum nunc eſt periculum ne hujus Viri auctoritate, nimia tribuantur Eccleſiæ.

XII. Thomas C A C C I A R I, in Diſſertatione lecta coram Benedicto XIV.

313. Petrus Thomas CACCIARI Carmelita *Exercitat. de Eutyſchiana Hæreſi & Hiſtoria Lib. 2 Cap. 4 num. 14 pag. 473 tomi 1 editionis Operum S. LEONIS Magni*, fatiſ clare ſententiam ſuam de vi legum Laicarum in DISCIPLINAM Eccleſiæ externam promit: & quidem cum recitata ſententia Petri DE MARCA plane conſentit.

314. Agit scilicet P. Cacciari de controversia, quæ in quarta Concilii Chalcedonenſis actione agitata fuit ac definita, inter Photium Tyri Primæ Phœniciæ Metropolitam, & Euſtathium Beryti Episcopum, Tyri ſuffraganeum, qui, Pragmatico typo, ſeu reſcripto a Theodoſio juniore obtento, ſe item in Metropolitam erexerat, variis a Tyro ſubduſtis Eccleſiis, ſibiſque CONTRA CANONES addiſtis.

315. Occaſione igitur hujus contentionis, in eo Capite 4 P. Cacciarius quærit tum alia, tum hoc: *Utrum in cauſſis eccleſiaſticis judicandum ſit ſecundum Canones, an etiam ſecundum Pragmaticam ſanctionem.* Et illud quidem Caput 4 in forma Diſſertationis exaratum, fuit ab eo lectum coram BENEDICTO XIV in Pontificia Conciliorum Academia A. D. 1747.

316. Reſpondet autem, “eccleſiaſticas cauſſas ſecundum Canones eſſe, traſtandas. Principum vero leges minime eſſe ſpernendas: ſed ad eas reſpicere oportere; ſi in Canonum executionem, præſidium, munimen, atque tutelam datæ ſint, & ſacrorum Canonum vigorem aut non lædant, aut non obruant, & aboleant. In ſimilibus enim circumſtantiis Hierarchici ordinis jura non læduntur: ſed ad tuendas Sacerdotii & Imperii poteſtates conveniunt. Quod ſexcentis exemplis, ait, mutuatis ex legibus Conſtantiſini, Theodoſii ſenioris, & Valentinianorum, aliorumque explicare poſſem.”

317. “Secus vero ratiocinari oportet, cum pragmaticæ leges Canonibus regnant, cum eos obruunt atque ſubvertunt. Tunc enim pragmaticis inſiſtere, & ab iſdem judicandi formam, & rationes mutuari, proſuſ ab Eccleſiæ uſu, privilegiis, & juribus alienum eſt; atque ſi eas ſequemur, eccleſiaſticum ordinem ad exitium perduceremus.”

XIII. Sententiæ CATHOLICORUM illuſtrantur exemplis aliquibus, ex VANESPENIO præſertim & BENEDICTO XIV deſumptis.

318. Ea, quæ ex Pragmaticis Gallis, & ex Petro de Marca, Vanespenio, Duvalio, ac Thoma Cacciari, generatim fere propoſuimus, placet modo exemplis aliquibus illuſtrare.

319. Erit autem mihi commodus, ipſe VANESPENIUS *Jur. Eccleſ. Universal. Par. 3 Tit. 2 Tit. 4. Hic Cap. 1 Tit. 2.* Cauſſas equidem mere eccleſiaſticas, ſive cauſſas Sacramentorum, cultum divinum, & ſimiles, judici eccleſiaſtico omnino reſervatas vult, quantum ad ſubſtantiam; *nihilque circa Sacramentorum validitatem, vel invaliditatem judicem ſecularem poſſe decernere.*

320. "Quapropter licet sensim in Gallia, & etiam in his Provinciis Belgii causæ plures, quæ inspecto jure communi erant ecclesiasticæ cognitionis, devolutæ sint ad judices laicos, sive tribunalia regia; nihilominus causæ Sacramentorum & similes mere spirituales reservatæ manserunt, iudiciis ecclesiasticis, etiam per ipsas Principum ordinationes, & Parliamentorum Arresta,,

321. Loquitur tamen hoc loco VANESPENIUS de sola Sacramentorum & cultus divini substantia. "Certum est enim, (inquit num. 4) ,, quod circa modum, tempus, locum ea exhibendi aut celebrandi, necnon horum ministros plurima intercurrere queant externam politiam spectantia, & ad quæ Principum eorumque Magistratuum cura, & autoritas se extendere possit, quin & subinde debeat; utpote quibus incumbit externæ politię curam habere, atque curare, ut omnia recto ordine etiam in Ecclesia agantur,,

322. "Verum super valore (pergit num. 10) ,, vel nullitate Sacramentorum nullæ hodie ad forum contentiosum quæstiones deferri solent, nisi super Matrimonio; ideoque solæ causæ matrimoniales fere sunt inter causas, circa quas hodie Jurisdictio ECCLESIASTICA versatur, & ratione quarum LAICI ad forum ecclesiasticum citari solent,,

323. "Quin inter causas ecclesiasticas reputandæ sint (inquit num. 30) ,, causæ BENEFICIORUM ecclesiasticorum; uti & DECIMARUM, præsertim ad Ecclesiasticos spectantium, necnon JURIS FUNERANDI, & similium, nemo dubitat. Causa JURIS PATRONATUS spiritualibus causis quoque accensetur. Verum Jus Patronatus Laicis ratione feudi aut alicujus rei patrimonialis competens, non spirituale, sed quodammodo profanum, saltem quoad competentiam judicis habetur,,

"Verum hodie raro admodum de his causis sive Beneficiorum, sive Decimarum vel Juris Patronatus coram Judice Ecclesiastico agitur; quia quæstiones vel causæ hæ rarissime in PETITORIO aguntur; sed dumtaxat in POSSESSORIO, quod ex notoria praxi coram solis Regis Conciliis agitari potest,,. Vid. inf. num. 328.

324. "Inter causas profanas (inquit Cap. 2 ejusdem Tituli 2) ,, quæ jampridem Jurisdictioni ECCLESIASTICÆ subjectæ fuere, una eaque e præcipuis fuit causa TESTAMENTORUM, cujus cognitio & executio specialiter Ecclesiasticis competiisse videtur. Constat quoque, Imperatores Christianos curam testamentorum specialiter Episcopis demandasse, ac voluisse, ut invigilarent, si suprema voluntas defuncti executioni mandaretur. Unde

„ & Christianis usitatum fuit, Episcopis sua testamenta consignare, eisque
 „ executionis curam committere „.

“Ex hac porro consuetudine Fidelium consignandi tabulas testamentarias inter manus Sacerdotum, earumque executionem ipsis demandandi, verisimiliter fluxit, quod testamentorum executio, & difficultatum super his exorientium discussio, & decisio ad Ecclesiasticos, quorum prudentiæ, & religioni sui ultima elogia defuncti commiserant, transferit „.

Etsi autem hodie alicubi res mutata sunt, etiam quoad Testamenta *ad pias causas*, etiam Clerici, “nihilominus nemo dubitat (inquit ibid. num. 32) „ quin saltem Judicibus Ecclesiasticis incumbat pro paterna sua sollicitudine „ invigilare, ut defunctorum pia voluntas observetur; ipsaque pia legata suo „ tempore solvantur, & secundum voluntatem defunctorum impendantur „. (Nec plus postulat Benedictus XIV de Syn. Diœces. Lib. 13, Cap. ult. num. primo).

325. “Sicuti Ecclesiastici (pergo nunc ex Capite 3 Vanespenii Tit. 2 cit.) „ sive Clerici fori privilegio gaudent; ita quoque bona vere ecclesiastica, qualia hodie sunt bona amortizata, a Jurisdictione seculari inspecto jure communi (Decretalium, ut mox declarat Vanespenius) „ exempta esse, unanimi consensu docent Canonistæ; quod & hic in Belgio „ etiamnum HODIE fere obtinet „.

“ Si autem laicus (inquit num. 9) „ actione personali, ex contractu per „ ecclesiasticam personam conveniatur ratione bonorum mere ecclesiasticorum, ut puta decimarum, vel oblationum, vel ratione bonorum amortizatorum, poterit laicus in jus trahi coram Officiali (Episcopi), vel Judice seculari: ita quod talis actio erit *mixti fori* „.

326. “Præter duas has causas (prosequitur num. 14) „ civiles & profanas, „ scilicet testamentarias, & bonorum amortizatorum, Judici ecclesiastico „ permittitur tertia, nimirum DOTIS, sive contractus antenuptialis „. Hæc Vanespenius secundum mores ac leges Belgii.

327. Pronunciatum illud Doctorum, “quod causæ etiam civiles, & profanæ viduarum, & miserabilium personarum pertineant ad Judicem ecclesiasticum, ita ut hujusmodi personæ debitores suos laicos coram tribunali ecclesiastico citare possint; explosum est „: inquit ESPENIUS num. 20.

Ceterum “si viduæ aliæque personæ miserabiles (ait num. 27) justitiam „ contra potentes consequi non possint, merito Episcopi, & Pastores opera, „ & consilio ipsis assistent; etiam instando apud Judices regios, ut justitia iis „ administretur; aut etiam Principem interpellando, si opus sit, ut judicibus „ injungat justitiam administrare. Ita jampridem JUSTINIANUS sanxit „.

328. Venio ad Caput 4 Vanespenii Tituli illius secundi. “Non tantum petitorium, ait, sed & possessorium in CAUSIS BENEFICIALIBUS, aliisque, de jure communi spectare ad Judicem ECCLESIASTICUM, excludo Judice seculari, unanimis est Canonistarum sententia,,

“Causam tamen POSSESSORII (subdit num. 11) ,,assumpserunt Judices regii vel hoc titulo, quod possessio in facto, & non in jure consistat. Quæ autem facti sunt, non spiritualia, sed potius temporalia censentur. Possessio enim non dicitur spiritualis, ut ipsa proprietas, sed potius temporalis,,

Ex hoc autem evenit, “ut omnes passim causæ ecclesiasticæ (ut ait num. 46) ,,titulo manutenentiæ seu possessorii (id est, retinendæ possessionis) ,,ad tribunalia regia traherentur, ipsaque tribunalia ecclesiastica iis privarentur,,. (Dignus est qui de hac re legatur Antonius Dadinus ALTESER-RA Vindiciar. Ecclesiast. Jurisd. Lib. 3, Cap. 8 & 9).

329. Hæc ex variis ac distantibus locis tituli illius secundi Bernardi VANESPEN exscribenda duxi ac in unum conjungenda, omisis reliquis omnibus, sed religiose servata sententia Auctoris. Verba etiam illius retinui, cum brevis sit ac perspicuus; etsi multum a cultu sermonis abest.

Aliquot ex articulis cum Vanespenio indicatis, versat & Claudius FLEURY *Instit. Juris Eccl. Par. 3 Cap. 5.*

330. De causis etiam criminalibus seu de ecclesiasticis DELICTIS agentem videamus eundem VANESPENIUM in Parte illa tertia Juris Ecclesiast. Univ. Tit. 4 indicato: & primo de crimine Hæresis. “Quia nulla hæresis ,,est (inquit cap. 2, num. 34. &c.) ,,nullusque judicari potest hæreticus, nisi ,,a judicio catholicæ religionis, sive dogmate Ecclesiæ cum pertinacia recedatur, hinc apud omnes in confesso est, crimen hæresis esse crimen ecclesiasticum; ipsisque Episcopis de hæresi cognitionem primario competere,,: Cum eorum sit ministerii de dogmatibus judicare, ait S. Ambrosius *Epist. 32.*

Ceterum “non immerito distinguitur crimen hæresis, in quantum contrariatur fidei catholicæ, & in quantum scandalum publicum, commotionem populorum, seditionem, aliave similia Rempublicam & Ecclesiam turbantia inducit: ut scilicet judicium de hæresi, quatenus contraria est dogmatibus fidei, deferatur Ecclesiæ; in quantum vero populos turbat, & scandalum parit, coercitioni Principum subdatur, ut scilicet Ecclesia de doctrina decernat: Principes vero eorumque Magistratus sua auctoritate hæreticos jam declaratos comescant; ipsamque Reipublicæ quietem & tranquillitatem procurent, & veritatem religionis declaratam tueantur,,.

331. “Schisma (inquit num. 52) ,,si heresim conjunctam habeat, atque in hæresi fundetur; crimen erit mere ecclesiasticum, ad solius Judicis ec-

„clericali iudicio spectans. Si autem sit merum schisma sine hæresi, tunc
 „Iudex secularis poterit cognoscere; uti distinguunt Concordata Brabantiae
 „inter Carolum V & Episcopum Leodiensem,,

332. Crimen Sortilegii, Magiæ, & similia Interpres Gratiani existimavit
 esse crimina ecclesiastica. Sed quoad hæc, varia obtinuit Disciplina, modo
 cognitionem hoc de crimine exercentibus Episcopis, modo Iudice civili;
 „nisi quando prædicta crimina fierent per invocationem dæmonum, aut
 „abnegationem fidei, quo casu cum sapiant hæresim, Episcopus aut Inquisitor
 cognoscet,, Vid. Espenium Cap. 3, num. 49 -- 52.

Sed „quamvis crimen sortilegii (ait num. 54) „hodie fere sit cognitio-
 „nis Iudicis secularis, atque ad Iudicem secularem ejus punitio spectet; ni-
 „hilominus certum est, Episcopos & Pastores non tantum posse, sed & te-
 „neri de hoc crimine, omnique superstitione inquirere, sollicitèque exami-
 „nare omnia, quæ aliquam superstitionis speciem præferunt; populumque
 „sibi creditum sollicitè instruere,,

333. „Crimen adulterii (pergo nunc ex Cap. 4 Espenii num. 10 -- 15)
 „esse delictum ecclesiasticum, communiter docent Canonistæ. *Jodocus Dambou-*
 „*derus in Praxi rerum criminalium cap. 91, num. 17 notat, „quod Iudices ecclesiastici*
 „*adulterii notitiam & punitorem sibi peculiariter reservent, & vindicent Curia*
 „*spirituales & Jura Canonica: quia adulterium directe concernit & spectat ad Eccle-*
 „*siam, aut ad violationem Sacramenti Matrimonii,,*

At lapsu temporis crimen hoc in Gallia & alibi ad tribunal laicum devo-
 lutum est, ipsarum personarum causa, quæ profanæ sunt, ideoque laico
 foro obnoxia. „Si tamen non criminaliter (subdit Vanespenius) seu ad
 „pœnam proprie agatur, sed ad solam separationem thori; cognitio erit
 „Iudicis ecclesiastici,,

334. *De crimine lenocinii* (ait idem num. 28) *dicitur in Concordatis Bra-*
bantia tit. 9, art. 23: De crimine lenocinii notorii, ubi quis est leno suæ
uxoris, uterque Iudex cognoscet, secundum qualitatem suæ jurisdictionis;
extra illum autem casum Iudex secularis solus cognoscet & punit.

335. „Concordata Brabantia evincunt (inquit num. 51 ejus Capitis 4)
 „crimen incestus esse crimen *mixti* fori, sed propter concurrens crimen ra-
 „ptus aut oppressoris, sive violentia, reddi mere seculare: eo quod tunc
 „fiat crimen capitale: qualia crimina solent spectare ad cognitionem & puni-
 „tionem Iudicis secularis,,

336. „Crimen concubinus juxta hæc Concordata similiter mixti fori
 „est, saltem quando concubinus est notorius.

337. De Sacrilegio seu *de crimine incontinentiæ cum Moniali cognoscet uterque Judex seclusa alia qualitate delicti, vis, raptus vel simili, quia tunc solus secularis Judex cognoscet*: dicitur in Concordatis Brabantiae tit. 9, art. 24. Vid. Espenium num. 68.

338. Sed jam rem absolvamus cum Capite 5 Vanespenii tit. ejusd. 4: „Crimen Blasphemiae (ait num. 16) „esse mixti sive communis fori; ita „ut laicus de eo convictus possit per Judicem tam laicum, quam ecclesiasticum puniri, post Canonistas notat Julius Clarus,,. Sed hoc tempore in Galliis, & in Belgio crimen Blasphemiae ad tribunal laicum transit.

339. „Crimen perjurii (pergit num. 21) est quodammodo mixti fori; „uti & in Gallia observari tradit Carolus Fevretius de Abusu lib. 8, cap. 2, n. 4, „aitque, *laicum ratione perjurii non posse conveniri coram Judice ecclesiastico, nisi perjurium a laico coram judice ecclesiastico in causa ecclesiastica esset commissum*,,.

340. „Crimen falsi est fori mixti eatenus, ut si falsum sit commissum „coram Judice ecclesiastico, puniri possit per Judicem ecclesiasticum, etiam „in laico: si vero coram Judice laico, puniendum sit per Judicem laicum, „etiam in Clerico,,.

341. Turbatio Officii divini, est item mixti fori: „ut nimirum laicus „coram laico, & Clericus coram ecclesiastico Judice conveniendus sit,, ait Espenius num. 32; licet soli ecclesiastico Judici crimen hoc fuerit quandoque reservatum.

342. „Julius Clarus scribit, quod crimen laici percutientis Clericum, „sit mixti fori, nimirum ut Judex ecclesiasticus procedat ad penas ecclesiasticas; Laicus vero ad penas fisco applicandas,,.

343. „Crimen usurarum (concludit Vanespenius num. 36 Capitis ejus quinti) „esse mixti fori, si agatur criminaliter, docet Julius Clarus, eatenus „nimirum, ut laicus Judex agat adversus laicos, ecclesiasticus vero contra „Clericos usurarios,,.

„Similiter potest Judex laicus cognoscere, an contractus sit usurarius „vel non, si id *incidenter* coram eo incidat; si nimirum reus conventus ex „contractu dicat, illum esse usurarium: secus vero si *principaliter* quaeratur, „num contractus sit usurarius. Hanc enim quaestionem esse fori ecclesiastici, „post alios Canonistas asserit Julius Clarus,,.

Ista ex VANESPENIO sint collecta & in unum quasi fasciculum compacta. Hæc tamen omnia juvabit contulisse cum iis quæ damus Cap. XIX, & præsertim XVIII.

344. Ea ipsa fere, quæ Vanespenius, percurrit quoque Michael ROUSSELIUS in *Histor. Pontific. Jurisdict. Lib. 6, Cap. 1*, agens de Jurisdictione Ecclesiastica *contentiosa* in laicos & res temporales, quoad prima Ecclesiæ Secula. Nam proximis quinque Capitibus Libri ejusdem sexti Causas eadem expendit ex Disciplina Seculorum reliquorum. Cum quibus ea conjungenda sunt quæ de ecclesiastica Jurisdictione *contentiosa* in Ecclesiasticos differit *Libro 4, Cap. 3, 4, & quinto*.

345. De iisdem illis causis criminalibus, & de ceteris ecclesiasticis causis, quas attigit hoc loco Bernardus VANESPEN, agit ALTESERRA in quarto & sexto suarum *Vindiciarum* libro, & quidem non ex unius aut alterius Gentis moribus, sed ex generalibus Juris regulis ac principiis. Quo factum est, ut plerumque ex parte aut in totum discordet ab iis, quæ audivimus ex VANESPENIO.

Alios pro hac re Jureprudentes jam non commemoro; quos in Præfatione recensēbam.

346. Modo enim, ut promisi, videndum est quid de Jurisdictione Ecclesiastica *contentiosa*, in laicos præsertim, traditum reliquerit BENEDICTUS XIV in Opere, prudentiæ ac sapientiæ luminibus referto, quod conscripsit de *Synodo Diocesana*. Versat ibi hoc argumentum *Lib. 9, Cap. 9*; ex quo eodem Capite divisionem *Causarum ecclesiasticarum* dabimus ad Caput nostrum quintum.

347. Docet ergo Pontifex primo, ex Christi institutione descendere, ut sola possit Ecclesia judicium ferre de Fide, de Sacramentis, de Religione seu cultu divino. Ceterum, etsi Matrimonium Sacramentum sit; videndum est tamen Episcopis, ne sibi adjudicent quicquid Matrimonium tangit. Initi conjugalis fœderis firmitas; validitas sponsalium, & divortium, pertinent ad forum ecclesiasticum.

348. Lites vero super DOTE, donatione propter nuptias, hereditaria successione, alimentis, & similibus; ad Judices seculares pertinent. Et, si horum articulorum aliquis incidat, dum coram Episcopo de spirituali disceptatur; in Gallia, etsi Jus commune repugnet, usus tamen invaluit, ut ejusmodi accessoriæ controversiæ de re mere temporali a Judice ecclesiastico ad laicum illico remittantur; si vera narrat Fevretius de abusu *lib. 5, cap 5*, ait Pontifex.

349. "Idem accidit (ait idem Benedictus XIV num. 6) „ in aliis plerisque, que causis, quæ licet vere, & proprie spirituales non sint, ob connexionem „ tamen, quam habent cum re spirituali, a Jure communi foro ecclesiastico „ addicuntur; & nihilominus alicubi sive ex privilegio, sive ex consuetudine

„ in-

„ inductum est, ut in tribunali seculari discutiantur,,. Ejusmodi est, **caussa** exempli, **JURIS PATRONATUS** laicalis judicium tam possessorium, quam petitorium; possessorium in **DECIMIS**, in **BENEFICIIS**, ac similibus.

350. “Ob adjecti quoque jurisjurandi religionem (inquit num. 8) „caus-
 „ fæ reales, quæcunque forent, & quascunque respicerent personas, ad ju-
 „ dicem ecclesiasticum olim spectarunt. Quo titulo omnes fere quæstiones
 „ super civilibus contractibus ad Judicem ecclesiasticum olim devolvebantur.
 „ Et nihilominus sancte hæc disciplina pluribus seculis retenta est ,,,

351. “Non solum, si Jus commune inspiciamus (pergo cum **Benedicto**
 „ num. 9) „, solus Episcopus est judex competens in quibuslibet **Clericorum**
 „ causis, sed ejusdem tribunal adire permittuntur etiam laici in controver-
 „ siis, cujuscunque generis sint, inter eosdem exortis; idque non tantum de
 „ communi litigantium consensu, sed etiam, altero eorum refragante,,. Hæc
 facultas perseverabat intacta adhuc **Seculo XIV** ineunte.

352. “Potiori jure (ait deinceps) ad tribunalia ecclesiastica provocare
 „ permittuntur viduæ, orphani, pupilli, aliæque miserabiles personæ,,. Id
 vero confirmat Pontifex ex Canonibus; quos, addit non meram tuitionem
 & protectionem significare, uti nonnullis placuit; sed conjunctam cum tuitio-
 ne Jurisdictionem. “Nam tuitio, ait, & defensio, ne sit inefficax, debet esse
 „ conjuncta cum Jurisdictione: quamobrem, cum Patres Concilii Carthagi-
 „ nensis V Imperatores rogarunt, ut Ecclesiis darent Defensores adversum
 „ potentiam divitum, nomine Defensorum veros intellexerunt Judices cum
 „ potestate coercitiva,,. Eadem potestas conceditur conservatoribus, qui
 a Pontificibus dari Cætibus nonnullis consueverunt. Transít deinde Pontifex
 ad expendenda verba Canonum, ut iis veram Jurisdictionem significatam
 ostendat, imprimis in Canone Concilii **Matifconensis II** habiti anno 585. Tum
 pergit:

353. “Eandem Jurisdictionem Episcopis vindicarunt posteriores cano-
 „ nes, quibus libertas data est prædictis miserabilibus personis declinandi fo-
 „ rum seculare, vetitumque secularibus judicibus, ne illas coram se sistere
 „ cogerent. Quare **Innocentius III** &c.,,,

354. Finem facit Pontifex num. 11 dicendo, se ista simul collecta Epi-
 scoporum oculis subjecisse, “ut priora tempora cum hodiernis conferentes,
 „ videant, & doleant gravia vulnera suæ antiquæ Jurisdictioni inflicta,,.
 Ceterum hæc, ex **BENEDICTO XIV** prolata, multo intelliges melius, ex-
 pendendo ea, quæ ponimus **Cap. XVIII** memorato.

355. Revocanda modo est memoria eorum, quæ ex titulo secundo **Par-
 tis** tertiæ **VANESPENII** proferebamus num. 319--329, ac conferenda cum
 istis, quæ nobis **Benedictus XIV** commendata voluit.

356. Sed jam in immensa exemplorum segete, quæ, uti in *Præfatione* admonuimus, causarum tum ecclesiasticarum tum *mixtarum* regnum constituunt, pauca hæc decerpisse, instituto nostro sufficiat.

C A P U T II.

De natura & muniis Potestatis utriusque, Spiritualis, & Temporalis.

1. **U**T de finibus Potestatis utriusque statuere tuto valeamus; necesse est primum cognoscere utriusque naturam; tum videre, quanam sint causæ ecclesiasticæ, quanam laicæ. De primo ordimur dicere hoc capite; alterum explicabimus deinceps.

2. Joannes DOMAT Jurisconsultus præclarus, Cap. 10 aurei Tractatus de Legibus, patria lingua scripti, quem *Legibus Civilibus ordini suo naturali redditis* præfixit, naturam Potestatis utriusque suis a fundamentis exponit acute & docte. Religionis indoles est (ait) deducere hominem ad Deum per lucem veritatis, & revocare ab erroribus amoris sui ipsius; & ideo ad Religionem spectant interna spiritus & cordis humani; *e quorum recto habitu ordinem etiam Societatis externum profluere oporteret* (dont les bonnes dispositions devroient être le principe de l'ordre extérieur de la société).

3. Cum vero Religionis dictata non omnes sequantur, sed multi externum Societatis ordinem perturbent; indoles Politicæ est, tranquillitatem publicam tueri, hominesque in ordine continere, *etiam invitos* (indépendamment de leurs dispositions dans l'intérieur), vim etiam adhibendo & pœnas, quoties oportuerit.

4. Quia igitur diversæ sunt naturæ Religionis & Politicæ; ideo Deus eas Potestates utrique præfecit, quæ potirentur vi proportionata finibus & indoli utriusque. Hinc Potestati, quæ Religioni præest, contulit auctoritatem spirituales, *sine temporali exteriori coactione* (sans l'usage d'aucune force temporelle sur l'extérieur): Potestati vero, quæ Politiam curat, tribuit coactionem ac vim externam. Potestates Spirituales docent, hortantur, ligant, solvunt in foro interiori; & *alia exercent munia ministerii istius propria* (& exercent les autres fonctions propres à ce ministère): Potestates vero temporales præsunt ordini exteriori: sua cujusque jura tuentur adversus usurpatores; & reos puniunt per pœnas & supplicia quatenus ad quietem publicam opus est.

5. Etsi autem Religio & Politia discrepant indole; & alia sunt munia potestatis spiritualis, alia temporalis: fœderatæ tamen sunt ac sociæ; cum ad ordinem conservandum simul conspirent, & se mutuo adjuvent. Ad munus enim Religionis & potestatis spiritualis pertinet, ut inculcet obtemperandum potestati temporali *non solum propter iram, sed etiam propter conscientiam*. (Plena sunt doctrinæ ac pietatis, ea quæ ad hanc rem fuscè disserit Jacobus Josephus DUGUET *de Institution. Princip. Par. 4, Cap. 3, art. 8*). Politicæ vero & potestatis temporalis esse præcipuum debet, Religionis exercitium adversus perturbatores ordinis defendere, gladio exerto.

6. Distinctis igitur Potestatibus Deus diversa munia commisit; quia divisa etiam sunt *media*, per quæ utraque agere debet: qua ratione spiritualis potestas spiritualia sibi semper vindicavit, nunquam vero temporalia; ita ut eo ipso tempore quo spirituales Potestates ministerium spirituale implebant, nulla habita ratione potestatum temporalium, quæ id vetabant; simul docerent & exequerentur ipsæ, quidquid intra temporalium potestatum fines esset.

7. Jam tandem ex his principiis colligas, ad potestates spirituales spectare ordinem rerum spiritualium, sine ullo in temporalia jure; ad seculares vero potestates spectare ordinem rerum temporalium, sine ullo jure in spiritualia: ambo hæc ministeria Deum ipsum constituisse per se seu immediate, ut ajunt: & eos qui in alterutro horum ministeriorum potestatem exercent, *subjacere iis qui potestatem exercent in alio, quatenus ad hos pertinet* (sont soumis à ceux qui exercent la puissance de l'autre en ce qui en dépend.)

Hactenus summa capita dedimus eorum, quæ a Joanne DOMAT loco memorato proluxa oratione explanantur.

8. Ex quibus hoc intelligimus, potestatis ecclesiasticæ finem, esse vitam æternam; potestatis vero civilis finem, esse pacem & tranquillitatem Reipublicæ: ad hos vero disparatos fines, diversa item media ac quasi instrumenta fuisse a Deo constituta: excommunicationem scilicet & alias spirituales pœnas esse in potestate Ecclesiæ; supplicia vero & mortem etiam esse in manu Reipublicæ: hortamenta & præcepta spectare ad Ecclesiam; vim exterius adhibitam, spectare ad Rempublicam: seu Ecclesiæ auctoritatem ad animos totam spectare; Societatis vero civilis potestatem extendi in corpora: uno verbo, potestatem Ecclesiæ totam esse spirituales (id quod amplius & data opera explicabo *Capite 3*); potestatem terrenam totam esse temporalem. Legum itaque ecclesiasticarum non alium esse finem, quam doctrinæ & disciplinæ christianæ sanctitatem & puritatem

tem servare illibatam; leges autem civiles, Reipublicæ tantum bonum & tranquillitatem respicere.

9. Locuti autem sumus modo de fine *proximo* tantum ac *primo* utriusque potestatis: neque enim ea sunt nobis incognita, quæ de *fine alio proximo* potestatis ecclesiasticæ, & de *fine ultimo* potestatis politicæ disputantur inter Theologos & Jureconsultos. Sed hæc non tanti nobis sunt, qui simpliciora ac prima & extra omnem ambiguitatem posita sequi studemus. In quo quidem auctorem habemus Andreæ DUVALIUM Doctorem Sorbonicum, cujus *Tractatus de Romani Pontific. Potest.* locum meruit in *Bibliothecæ Maximæ Pontificiæ* tomo 3.

10. DUVALIUS itaque *part. 1. illius Tractatus Quæst. 1, pag. 425 tom. cit.* hæc de fine utriusque Potestatis habet: "Potestas ecclesiastica vel,, ad Dei cultum, vel ad alterius vitæ felicitatem: civilis vero ad præsentis vitæ beatitudinem, quæ in civium pace sita est, refertur: cum enim bona,, ad quæ homines promoveri debent, & mala a quibus deterreri, non solum,, sint supernaturalia, sed etiam temporalia, & naturalia, vitæque fidelium,, in finem, & statum civilem, & maxime in bona perpetua referatur; debuit,, una potestas, scilicet ecclesiastica, de mediis ad æternam felicitatem sta-,, tuere: altera vero, nempe civilis de iis, quæ ad temporalem conferunt,, leges sancire, & præscribere,,."

11. Explicat vero Duvalius quoque *ibid. Par. 3, Q. 2, pag. 496 Tomi ejusd.*, quænam sint officia in Societate civili servanda, ut habeatur præsentis vitæ pax & beatitudo; & quibus mediis procuretur felicitas vitæ alterius. Officia igitur in Societate civili sunt, *neminem lædere, jus suum cuique tribuere, honeste vivere, seu rectæ rationis regulam in agendo sequi*: & quoad hæc occupantur Principes & Magistratus. Officia vero potestatis ecclesiasticæ ad alterius vitæ felicitatem procurandam sunt, *pœnas peccantibus comminari atque imponere, & præmia supernaturalia bene operantibus promittere*. Ex his vero clarius natura Potestatis, præcipue civilis, intelligitur. Legas quoque eminentis scientiæ Virum Jacobum Josephum DUGUET *de Institution. Princip. Part. 4, Cap. 3, art. 4 & 5.*

12. Illud tamen non est hoc loco omittendum (quod Joannes DOMAT supra monebat), politicæ potestatis munus esse in Ecclesia catholica, gladium exerere adversus perturbatores Religionis, & contemptores ecclesiasticæ Potestatis. Illud etiam non est repudiandum, quod Petrus DE MARCA *Concord. Lib. 2, Cap. 10, num. 2* docet, ad munus terrenæ Potestatis pertinere non modo ut "reipublicæ pacem & singulorum civium, quæ,, tenus sunt partes reipublicæ, promoveant, verum etiam ut cultum Christo,, debi-

„debitum generaliter fanciant, seu defendant, pœnis in contumaces latis;
 „unde per consequentiam amotis impedimentis felicitas æterna singulorum
 „civium procuretur,,.

13. Ea quæ hætenus dicta sunt ad explicandam naturam Potestatis utriusque, fere omnia complexus est paucis verbis Michael ROUSSELIUS Histor. Jurisd. Pontif. Lib. 7, Cap. 5, num. 5--7. “Duas esse Potestates, ait,
 „proindeque duos gladios in Ecclesia nemo nescit: sed Ecclesiam intelligere oportet, eam non quæ solis Sacerdotibus sit composita: at omnium
 „fidelium cætum. Corpus autem totius hujus Ecclesiæ in duas eximias
 „personas dividi, in sacerdotalem, & regalem,,.

14. “Utrique vero potestati suus gladius adtributus est: Ecclesiæ videlicet, spiritualis; Principi seculari materialis, quo in corpora impiorum
 „hominum sæviat.

15. “Sunt igitur isti duo gladii divisi: ordinati vero ut ambo concurrant in illius corporis tutelam, & defensionem; sicque sacerdos temporallem gladium invocare possit, vel Princeps eum stringere debeat pro illius defensione, etiam si a sacerdote non invocetur (hoc vero explicabitur Cap. XI): ac temporalis etiam Princeps exigere a spiritali viro queat, ut, cum
 „opus erit, suum mucronem exerat, verum ita ut uterque Princeps & sacerdotalis & temporalis liber sit in usu gladii,,.

16. Illustrissimus de MARCA de Concord. Sacerd. & Imper. Lib. 2 cit. Cap. 1 multa congerit ad discrimen utriusque Potestatis explicandum, & ad suos utrique fines adscribendos. Primo enim num. 4 generatim ait: “Regium
 „Imperium quietem publicam, Episcoporum sollicitudo felicitatem æternam hominibus procurat. Reges secularibus, Pontifices spiritalibus ordinandis se impendunt,,.

17. Deinde num. 6 ex Gelasio I in Epistola ad Anastasium Imperatorem recte infert, “Imperatorem præsidere humano generi dignitate, sed in
 „perceptione Sacramentorum sacerdotibus subdi; legibus Principis, quantum attinet ad ordinem publicæ disciplinæ, parere religionis antistites,
 „sed in erogandis mysteriis & in cælestibus sacramentis Principem ordine religionis a sacerdotum judicio pendere,,.

18. Ex his vero non difficile est intelligere (quod MARCA dicit num. 5) “parem esse utramque potestatem in imperandi jure, sed imparem in
 „mandatorum dignitate; duo esse & distincta imperia, sed nobilitate imparia; neutrius vero libertatem ab altera infringendam. Scilicet auctoritatem Regiam (ut inquit Cap. 2, num. 10) in rebus humanis administrandis nec ipsius ecclesiasticæ potestatis consortium admittere, quæ ita rebus

„ spiritualibus est addicta, ut sine injuria Regum res temporales attingere non possit „. Huic vero rei lumen afferet Caput XII.

19. Quemadmodum ergo ecclesiastica potestas non subditur temporali; ita neque temporalis subjacet spirituali. Sunt equidem nonnulli qui non intelligant, qui fieri queat, ut potestates laicæ christianorum regnorum, non subint potestati ecclesiasticæ & spirituali; cum Christianos omnes oporteat subesse Ecclesiæ & ejus imperata facere.

20. Verum necesse est, istos, qui sic hæsitant, considerare cum DUPINIO de Ant. Eccl. Discipl. Diff. 7 in præloquio, „ magnum esse discrimen „ inter ipsam potestatem & eum qui potestate utitur, ita ut fieri possit, ut „ is qui potestate utitur, sit subjectus alteri potestati, quamvis potestas illa „ quam exercet, nulli potestati subjecta sit „.

21. „ Sic Episcopi subjecti quidem sunt regiæ potestati, sed in CIVILIBUS, ita ut potestas Episcoporum non sit subjecta potestati civili: „ unde non potest Rex aut Imperator Episcopos constituere aut deponere „ vi & auctoritate civili „.

22. „ Ita etiam Reges subjecti quidem sunt Episcopis ac summo Pontifici & spirituali potestati, sed in spiritualibus tantum, ita ut potestas „ eorum temporalis quam habent ut Reges, minime subjecta sit potestati „ spirituali „.

23. „ Ambæ igitur potestates sunt penitus disparatæ & a Deo solo a „ quo sunt institutæ dependent, ita ut neutra illarum in alteram quidquam „ possit, quamvis tamen spiritualis sit temporali nobilior „.

24. Sapienter & acute ista Dupinius; ex quibus intelligis, Principes Christianos subesse Ecclesiæ quatenus Christiani sunt, non vero quatenus sunt Principes; seu, eos ecclesiasticæ potestati subjici quoad spiritualia; & quoad hæc esse Ecclesiæ filios & oves: minime vero eidem potestati subesse quoad temporalia, sibi a Deo commissæ administranda, seu quoad potestatem quam super regnum suum exercendam acceperunt a Deo.

25. Hoc ipso plane modo dubitationem memoratam dissolvit immortalis Jacobus Josephus DUGUET in nobilissimo opere *de institutione Principis Part. 4, cit. Cap. 3, art. 7*. Monet enim „ distinguendum esse Regem a fidei, „ seu (quod ad idem redit) potestatem ipsius temporalem, ab ipsius persona. Scilicet Ecclesiam potestatem habere super fidelem, minime autem super regiam auctoritatem: & posse interdicere Principem usu rerum „ sanctarum; sed nullam unquam posse vim inferre potestati quam non tenet „ nisi a solo Deo „ (mais de donner jamais aucune atteinte a un pouvoir qu' il ne tient que de Dieu seul.

26. "Itaque potest Ecclesia, (dicam cum memorato DUPINIO loc. cit. Cap. 2, §. 1 in fin.) regem tyrannice imperantem, aut veræ religionis hostem, monere & adhortari, ut rectius imperet, vel ut religionem tueatur, & ad summum aliquibus..... in casibus (*si id publice profuturum sit*) ipsum communione Ecclesiæ privare. At inde minime sequitur, eum regno aut bonis temporalibus privatum esse, cum Ecclesiæ potestas nullos alios, sive proximos, sive remotos effectus habeat præter spirituales,,.

27. Non erat igitur quod ANTONIUS CHARLAS *de Libert. Gallic. Lib. 7, Cap. 3, num. 3 edit recogn.* timeret, ne summa ac plena potestatum distinctione posita, quispiam forte inde colligeret, "non posse Christi Vicarios, & Apostolorum successores Reges, & Principes, præsertim cum jam per characterem baptismalem Ecclesiæ filii facti sunt, eique subditi, si Fidei, ac Religioni perniciem afferunt, monere, compescere, ac modis congruentibus, & efficacibus impedire, ne potestate temporali abutantur, contra supremi Regis cultum, & obsequium,,. Nulla, inquam, erat causa cur hos sibi timores fingeret; quoniam hanc in Ecclesia potestatem agnoscunt vel ipsi acriores Propositionis primæ Gallicanæ vindices.

28. Ceterum si contingat, Sacerdotium inter & Imperium exoriri querelas de egressis finibus, seu de invasis juribus non suis; inscite quis confugerit ad hanc Sacerdotii & Imperii distinctionem solutamque potestatem; dicendo, potestatem Principis, exempli causa, ab ecclesiastica non pendere, ac Regi liberum esse id in suo regno decernere, quod publico bono vel utile vel necessarium judicaverit; eundem proinde minime teneri rationem de sua Regni administratione Ecclesiæ reddere.

29. Inscite, inquam, quis ad hæc cavilla confugeret. Nam vel querelæ essent de occupatis iis juribus, quæ CHRISTUS Dominus soli Ecclesiæ commisit, & quæ ad Ecclesiam pertinere declarant sacra Oracula, vel divina & apostolica Traditio. Vel dissidium esset circa eas res mixtas & temporales, quæ longæva possessio vindicavit Ecclesiæ. Si primum; debet Rex Ecclesiam audire, eique tanquam Magistræ Veritatis fidem habere: tunc enim Ecclesia agit in re sua seu in re sibi divinitus demandata; cui proinde velut ovis ac filius Rex subest; cum Regis non sit iudicium ferre de rebus divinitus revelatis.

30. Si vero vetustæ possessioni illata sit vis; postulant iustitiæ leges, Ecclesiam audiri, ac sua illi a Principe sarciri jura; sicuti alii supremæ temporali Potestati Rex jura dimitteret, quæ contra fas occupasset; neque hoc tamen agendo, ecclesiasticæ potestati suam potestatem regiam substerneret; uti nec subjiceret alii Imperanti, suas illi res dimittendo.

31. At si forte ambigatur, invasa sint necne jura Ecclesiæ, neque finiri quæstio possit vel ex doctrina divina, vel ex jure possessionis; tunc oportebit mutuis colloquiis ac conventionibus rem componere; sicuti, salvis summæ potestatis juribus, cum supremo alio temporali Principe fieret: neque enim Ecclesia inferioris est conditionis, quam summus quisque Imperans.

32. Quocunque igitur modo dicantur turbati fines alterutrius potestatis; non licebit uni partium allegare potestatem suam plenam & ab omni extraneo jugo solutam. Sicuti enim lex naturalis vult, privatum quemque audiri ab alio privatæ conditionis homine, eique id restitui quod forte fuerit injuste occupatum; ita lex eadem jubet, summæ potestati cuilibet satisfieri ab alia, quando hæc de suis violatis juribus conqueratur. Atque ista quidem, quæ modo dicta sunt, erunt fundamentum gravis quæstionis solvendæ, quam *Cap. XIII* in medium ponemus.

33. Jam ex iis, quæ in hoc *Cap.* proposuimus, omnes vident, neminem esse Catholicorum, qui in hoc generale principium non consentiat, temporalia, tranquillitatem publicam Regni, pœnas corporeas ac supplicia pertinere ad Imperium: spiritualia vero, felicitatem hominum æternam, & spirituales pœnas commissæ esse sollicitudini Ecclesiæ. Hanc potestatum distinctionem omnes agnoscunt ac fatentur; parum enim, hanc fateri, affert incommodi: & Carolus FEVRETIUS *de Abusu Lib. 1, Cap. 7, num. 1* ceteros omnes in hoc forte superavit; utramque potestatem tum perspicue discernendo, tum luculentis ac multis probationibus hanc potestatum distinctionem confirmando ac illustrando.

34. Summa vero rei est, quando ad singularia descenditur. Unusquisque enim partis, quam sequitur, protendere fines studet, & quod alias luculenter distinxerat, fœde postea confundere non dubitat; ita ut vel ipsi ex Protestantibus aliqui videantur mihi in hac re fuisse magis constantes ac religiosi; qui, vera inter Sacerdotium & Imperium distinctione constituta; ab hujus distinctionis consecutionibus non recesserunt tam longe & tam fœde. Quos inter sufficiat commemorare Guilielmum BEVEREGIIUM Ecclesiæ Anglicanæ hodiernæ Presbyterum; quem cum jam *Cap.* superiori audiverimus de aliquibus Juris ecclesiastici Principiis sapienter ac juste decernentem; modo præstat audire de generali potestatum distinctione differentem.

35. BEVEREGIIUS itaque num. 1 & 2 Prolegomenorum ad suum *Synodicon* jam laudatum, etsi principio hæreticum quid ponat; in ceteris tamen accurate ac perspicue Sacerdotium & Imperium discernit; in hoc laudandus supra Catholicos nonnullos, quod distinctionis istius fines servaverit,

verit, ubi postea ad specialia descendit: "Etiamſi Eccleſia, ait, in Imperio
 „ ſit, unumque cum eo, in ſingulis regnis caput commune habeat (hic latet
 virus hæc hæreſis Proteſtantium); „ reapse nihilominus ab eo diſtinguitur,
 „ non ſecus atque anima a corpore; hoc enim medici, illa Theologi curæ
 „ committitur: proinde homo ex duabus iſtis conflatus partibus, commune
 „ eſt utriusque regiminis ſubjectum, ſub diverſo tamen reſpectu. Imperii
 „ quidem quatenus animal politicum ſeu civile eſt, Eccleſiæ autem quatenus
 „ animal immortale, ſempiternæ ſcilicet felicitatis, vel miſeriæ capax.....
 „ Imperium externis tantum hominum actionibus, per corporea ſcilicet exer-
 „ tis organa, advigilat: ut quiſque ſe, & ſuis, & aliorum etiam locietate,
 „ quiete & tranquille gaudeat.....,,

36. "Cum autem homo veram erga Deum pietatem, & ſuam in eo bea-
 „ titudinem neglectui habere plus nimio propenſus ſit; imprimis neceſſarium
 „ eſt, ut harum etiam rerum cura ei habeatur. Hæc autem Eccleſiæ con-
 „ creditur: cui propterea, quoad ejus fieri poteſt, cavere incumbit, ut &
 „ debitus Deo omnipotenti honor a ſingulis exhibeatur, & ipſi ſuprema illa
 „ quibus nati apti ſunt gaudia conſequantur,,

37. "Imperium igitur externis tantum hominum erga ſe invicem actio-
 „ nibus Eccleſia omnibus eorum erga ipſum etiam Deum geſtibus intenta
 „ eſt. Chriſtiani, fateor, cives utrique ſubjiciuntur, ſed ei quatenus CIVES,
 „ huic quatenus CHRISTIANI.....,,

38. "At Eccleſia (pergit Beveregius) „ præſtitutos ſibi fines nunquam
 „ aſſequetur, niſi ſuas habeat Leges, quibus omnes teneantur, qui in ſpiri-
 „ tualem iſtam ſocietatem admiſſi ſunt. Et quidem inter eccleſiaſticas hæſce
 „ & civiles leges, non minus quam inter Eccleſiam ipſam & Imperium in-
 „ tereſt. Primo enim quantum ad pœnas iis annexas, leges civiles morte
 „ ſæpe puniunt, eccleſiaſticae nunquam, ut quibus vitam non eripere, ſed
 „ ſervare propoſitum eſt,,

39. "Corpora ab utriſque caſtigantur, ſed ab illis externe, per verbera,
 „ ab his interne, per jejunia & luſtus. Quin etiam leges politicæ per pu-
 „ blicam bonorum conſiſcationem in delinquentes animadvertunt; eccleſia-
 „ ſticae autem per depoſitionem, ſi Clerici ſint, a gradu ſuſcepto; ſin Laici,
 „ per ſegregationem a ſpirituali cætu; & per anathemata iis inſiſta: quæ
 „ ſane talia ſunt ſupplicia, quorum exigendi poteſtatem nullus unquam Im-
 „ perator ſibi arrogavit; nec jure arrogare potuit; ſiquidem omnis iſta li-
 „ gandi & ſolvendi poteſtas, in Apoſtoliſ ſolis & ipſorum Succeſſoribus ab
 „ ipſo Deo, a quo OMNIS AUTORITAS derivatur, ſita ſit, uulla Regum
 „ mentione facta,,

40. "Si autem de Fide loquamur Christiana, & LEGIBUS AD ECCLE-
 „SIATICAM spectantibus DISCIPLINAM, ipsi etiam Imperatores Chri-
 „stiani ingenue multoties professi sunt, NIHIL sibi JURIS in istiusmodi san-
 „ciendis rebus tributum esse „, etc. etc.

41. Omitto ea quæ sequuntur; quoniam allata jam fuere Cap. 1, ut
 diximus, num. 247 -- 259; & sunt consecratoria istorum, quæ modo, veluti
 illorum fundamentum, protulimus.

Sed veniendum est jam ad Caput 3, unde naturam ac limites Potestatis
 ecclesiasticæ distinguere cuique liceat clarius.

C A P U T III.

Quenam Ecclesiæ Pastoribus JURE DIVINO competat Vis Coactiva.

1. **Q**UANDO quæritur, an in Ecclesiæ Pastoribus JURE DIVINO sit vis
 coactiva; non unus est quæstionis sensus. Vel enim inquiritur,
 an illis jure divino competat vera Jurisdictio spiritualis, seu potestas exi-
 gendi a Fidelibus obedientiam per pœnas spirituales & censuras. Et hoc
 jurisdictionis genus competit Ecclesiæ jure divino, non autem eam precario
 a summis Imperantibus accipit, uti adversus Fidem catholicam sensit HUGO
 GROTIUS supra Cap. 1.

2. Vel inquiritur, an Ecclesiæ sit a CHRISTO concessa potestas co-
 gendi in foro exteriori ad vindictam publicam per pœnas corporales, car-
 cerem, exilia, fustigationes, & similia. Hæc vero potestas minime com-
 petit Ecclesiæ jure divino, sed competit solum usu antiquissimo & tacito
 Principum consensu.

3. Quod tamen non sic velim intelligi, quasi ab eodem consensu &
 usu derivandum existimem jus imperandi pro foro interiori pœnas pœniten-
 tiales, jejunia, vigiliæ, cilicia, eleemosynas, aliasque tum privatas, tum
 publicas, ad carnem macerandam, & spiritum Christo subigendum compa-
 paratas. Jus enim istas pro foro interno imponendi accepit ab eodem, a quo
 jus sanandi animas & remittendi peccata. Jus etiam semper habuit Ecclesia
 invocandi brachium seculare, ut loquimur, adversus inquietos & contuma-
 ces christianos.

4. Nulla

4. Nulla igitur de istis est quæstio, sed tantummodo de pœnis corporalibus pro externo foro & ad publicam vindictam, seu de carceribus, exilio, fustigatione, & aliis hujusmodi. Hæc vis est coactiva, de qua nunc quæritur.

5. Et ista ita oportuisset distingui a nonnullis recentioribus, ceteroqui doctissimis Viris, antequam statuerent, Pastoribus Ecclesiæ jure divino competere vim coactivam: inter ceteros, a Thoma MAMACHIO in opere *Del Diritto Libero Lib. 2, Cap. 3, §. 3, num. 7, tom. 3, pag. 126 -- 130*; & a Laurentio BERTI de *Theolog. Disciplin. Lib. 20, Cap. 16, Prop. 3*, qui conjungit pœnas corporeas per potestatem extraordinariam illatas & per potestatem miraculorum, cum excommunicatione, & segregatione ab Ecclesia, atque inde transit ad potestatem deponendi Reges; mira fane rerum permixtione & absurda.

6. Atque hoc loco liceat mihi commemorare argutum responsum Claudivii FLEURY *Discours septieme sur l'Histoire Eccl. num. 14*, per quod occurrit Cardinali BERTRANDO, vim coactivam conanti attribuere Ecclesiæ ab exemplo Apostoli Petri, qui Ananiam & Saphiram conjuges, ob fraudatum pretium agri, verbo prostravit. Respondet enim FLEURYUS, utique, si Episcopus facinorosum aliquem verbo prostraverit, se assensurum eam potestatem non esse nisi a Deo: cavendum tamen ne hanc miraculorum potestatem trahamus ad ordinariam in hoc genere jurisdictionem stabiliendam (*pour établir une juridiction ordinaire*).

7. Jus itaque carceris, fustigationis, exilii, mulctæ, & pœnarum similitum, in foro externo ad vindictam publicam imponendarum, non aliunde accepisse Ecclesiam puto, quam ab antiqua consuetudine ac præscriptione, tacito Principum consensu nixa. Hæc est vis coactiva, quam a jure divino minime derivandam puto. Quam ad rem laudatus FLEURYUS *Institut. Jur. Eccl. Par. 3, Cap. 18* satis accurate dividit pœnas canonicas in eas, quæ mere sunt spirituales, ut depositio & excommunicatio; & in eas, quæ aliquid seculare involvunt, ut mulctæ, fustigatio, carcer.

8. "Prioris generis pœnæ, ait, ita propriæ sunt Ecclesiæ, ut eas semper exercuerit, etiam in maximo persecutionum æstu. Posterioris generis pœnæ, quæ coactionem quandam involvunt, pariter ANTIQUIS AUCTORITATIBUS nituntur," pergit FLEURYUS; atque etsi inter has posteriores pœnas minus accurate annumeret pœnas pœnitentiales supra memoratas; fustigationum tamen exempla vetusta non omittit, itemque carceris ad tempus, vel perpetui; & exilii, opitulante tamen brachio seculari.

9. Finem vero enumerationis facit, dicens: "Hæ sunt pœnæ in tribu-

K

„acer-

„acerbiores eo tendunt, ut REI FIDELIBUS NOCERE nequeant, salva
 „conversionis via,,. Lege sis & Antonium Dadinum ALTESERRA Vin-
 diciar. ecclesiast. jurisdiction. Libr. 9, Cap. 3, 5, 14 & 15.

10. Narrat vero FLEURYUS num 3, quis istarum pœnarum locus sit
 adhuc in Galliis in foro ecclesiastico. “Nostris moribus, inquit, Judex ec-
 „clesiasticus injungere potest pœnam pecuniariam non mulctæ nomine, sed
 „eleemosynarum; ubi opus pium, cui applicandæ, exprimendum. Injungere
 „potest flagellationem, remotis arbitris; non fustigationem publice manu
 „carnificis infligendam. Injungere potest clerico extraneo emigrationem
 „e diœcesi; non vero exilium imperare. Injungere potest carcerem per-
 „petuum, & ob crimina leviora secessum in monasterium vel seminarium,,.

11. Quod ad tempus attinet, quo vis hujusmodi coactiva exerceri ab
 Ecclesia cœpit per pœnarum irrogationem in foro externo ad vindictam
 publicam; hoc tunc VANESPENIUS *Jur. Eccl. Univ. Par. 3, Tit. 11,*
Cap. 1, putat fieri cœpisse, quando forum externum a foro interno seu pœni-
 tentiali separatum est. Hanc vero utriusque fori separationem credit factam
 esse circa Seculum XII; in qua re Vanespenio consentientem habeo Joannem
 MORINUM *Commentar. Histor. de Pœnitent. Lib. 1, Cap. 9 & 10.*

12. “Scilicet primitus Ecclesia (ait ESPENIUS *ibid. num. 2*), ejusque
 „Ministri adversus sceleratos & peccatores non procedebant, nisi cum re-
 „spectu ad forum pœnitentiale; ut proinde undecim circiter seculis pœnæ
 „ecclesiasticæ potius habuerint rationem pœnitentiarum, quam pœnarum;
 „eo quod vindictam criminum per pœnas sive pecuniarias sive corporales
 „scirent pertinere ad jus *gladii*; huncque non Ecclesiæ sive Prælati ecclesia-
 „sticis, sed Principibus eorumque Magistratibus a Deo datum,,.

13. “Cum autem circa Seculum XII (pergit num. 3) forum externum
 „& judiciale separari cœpit a foro interno & pœnitentiali; illudque exerceri
 „ad normam judicii forensis & secularis; cœperunt quoque illa, quæ pridem
 „ad correctionem dumtaxat & in pœnitentiam pro delictis ab Episcopis & sa-
 „cerdotibus fuerant injuncta, eisdem in foro judiciali ad modum judicii
 „forensis per modum pœnæ ad vindictam publicam per sententiam imponi,
 „& per Ministros publicos justitiæ forensis infligi, seu executioni mandari,,.

14. Hac ratione, ex VANESPENIO, antiquorum eleemosynæ mutatæ
 sunt in pœnas pecuniarias; reclusioni pœnitentium in Monasterium se ad-
 junxerunt etiam carceres episcopales. De recessu a patria, & de exilio; nec
 non de virgarum pœna, & de fustigatione publica non licet mihi uno verbo
 transigere; ac proinde legendum relinquo Vanespenium ipsum.

15. Non facile tamen alii diligentiores antiquitatis investigatores acquiescent VANESPENIO existimanti, pœnas corporales in foro exteriori ad vindictam publicam adhiberi ab Ecclesia cœpisse circa Seculum XII.; sed affirmabunt, hujusmodi vim coactivam multo esse eo seculo antiquiorem. Quos inter Jo. Antonius BIANCHI *Della Podestà, e della Polizia della Chiesa contra Petrum Giannone Lib. 1, Cap. 5, §. 6, in tomo tertio, & Lib. 2, Cap. 4, §. 9, num. 6-9, in tomo quarto vim hanc coactivam derivabit ex Traditione Apostolica.*

16. Multo certe antiquiorem Seculo XII, vim eam coactivam demonstrari a P. BIANCHI, non dubito. Sed illud interim adnotare debeo, pœnas corporales in foro externo, ab eo confundi cum pœnis pœnitentialibus pro interno foro; & nonnulla præterea, quæ ab eo proferuntur, facere solum ad tuendam jurisdictionem ecclesiasticam spirituales; quam nulus tamen Catholicus negat: alia tandem ex iis esse, quæ promanarunt ex potestate seu virtute extraordinaria & mira.

17. Ceterum sciendum; distingui a P. BIANCHI §. 9, *cit. num. 3*, inter jus damnandi, exempli gratia, ad carceres, & ipsam conjectionem in carcerem. Et jus quidem damnandi, semper in Ecclesia fuisse affirmat; conjectionem vero executioni aliquando mandasse Ecclesiam ope laicæ potestatis seu invocato, ut ajunt, brachio seculari. “Et Principes quidem, „(inquit) sacerdotum sententias executioni mandando seu eos in vincula „dando vel in exilium agendo quos Ecclesia damnasset, fatebantur esse illi „potestatem hisce eos penis addicendi „

18. Sciendum etiam, eundem Jo. Antonium BIANCHI §. 6, *memorato num. 11*, fateri (id quod etiam VANESPENIUM dicentem supra audivimus), “in locum pœnarum corporalium ab Episcopis primorum seculorum „impositarum, diuturnorum scilicet & gravium jejuniorum, asperrimarum „corporis afflictationum, macerationum, eleemosynarum, & similium, „succesuisse postea carceres, multas, aliasque pœnas hodie usitatas „; etsi vult, hanc rerum conversionem tunc accidisse, quando Principes seculi Christo nomen dederunt.

19. Ego vero paucis verbis hanc rem transigam, admonendo, superesse nobis monumenta multa Seculi minimum sexti, quibus certi reddimur, tunc in foro ecclesiastico consuevisse non raro adversus reos decerni pœnas CIVILES corporales, & temporales, non solum in pœnitentiam & ad fanationem animarum, verum etiam ad vindictam publicam & in foro externo.

20. Quod ut nobis persuadeamus, sufficit vel solas GREGORII M. epistolas percurrere. Si non vacat plura perquirere; habes indicia eorum, quæ dico, Capite XIX istius *Commentarii* num. 58 & seqq.

21. Ac per ea quidem emendare licebit Petrum GIANNONE in *Histor. Civili Regni Neopolit. Lib. 3, Cap. ult. §. 6, & Lib. 6, Cap. ult.* revocantem initia juris Ecclesiæ quoad illius generis pœnas ad Seculum nonum seu ad tempora Caroli Magni: tom. 1. pag. 236 & 422, edit. 1723.

22. Genus illud vis coactivæ, de qua modo agimus, non esse tributum Ecclesiæ JURE DIVINO, vidit & Joannes GERSONIUS de *Potest. Ecclesiast. Considerat. 4, col. 230, tom. 2, Oper. edit. Du Pinii*. Principio vero ponit quid sit jurisdictio ecclesiastica in foro exteriori, scribens: "Potestas, ecclesiastica jurisditionis in foro exteriori, est potestas ecclesiastica coercitiva, quæ valet exerceri in alterum, etiam invitum, ad dirigendum, subditos in finem beatitudinis æternæ,,

23. Hujus autem jurisditionis ecclesiasticæ in foro exteriori partes sunt, "definire, decernere, constituere præcepta, leges, & canones, (ait idem GERSONIUS) ,, procedere denique contra non obediētes, usque ,, ad sententiam excommunicationis inclusive, immo secundum Canones ,, nunc institutos, usque ad invocationem brachii secularis,,

24. "Addita est vero (inquit) pro inobedientium coercitione, pœnalis excommunicatio. Et sunt qui dicunt pœnam hanc esse ultimam, ,, quam infligere possit ecclesiastica potestas jurisditionis, ex institutione ,, CHRISTI sola primaria, sic quod non extenditur ad incarcerationem, ,, nec ut aliquis adjudicetur morti vel flagello corporali, sed facit hoc ecclesiasticus, dum facit EX CONCESSIONE PRINCIPUM; quemadmodum ,, multam, ob eorum donationem jurisditionis TEMPORALIS auctoritatem ,, clerus accepit, quæ nihilominus jurisdictio vel censura dicitur spiritualis, ,, sicut & ecclesiasticorum bona temporalia propter dedicationem & applicationem ad eos qui ministrant Ecclesiæ,,. Ista Gersonius.

25. Ad vim coactivam supra descriptam Ecclesiæ asserendam ex jure DIVINO allegatur a MAMACHIO, a Laurentio BERTI, & a P. BIANCHI Constitutio Joannis XXII, edita adversus errores Marsilii de Menandrino Patavini, & Joannis de Janduno Perusini, quæ allata est a Raynaldo ad annum 1327, num. 28, etc. Extat pestilens liber Marsilii, de jurisditione Imperiali & Pontificia scriptus anno 1324, in gratiam Ludovici Bavari, sub titulo *Defensoris pacis*; & typis editus est primum anno 1522, opera hæreticorum, loco Typographi minime annotato; cui etiam consarcinando damnatissimam operam Jandunum impendisse, scribit Natalis ALE-

ALEXANDER in Hist. Eccl.; & consentit FLEURYUS *Hist. Eccl. Lib. 93, num. 19.*

26. Istorum ergo errores damnati sunt a Joanne XXII, velut S. Scripturæ contrarii & fidei catholicæ inimici, hæretici, seu hæreticales, & erronei.

27. Quorum errorum postremus est, quod Papa, vel tota Ecclesia simul sumpta nullum hominem quantumcunque sceleratum potest punire punitione COACTIVA, nisi Imperator daret eis auctoritatem.

28. Merito autem hanc Joannis S. Pont. constitutionem allegant Berti, Mamachius, & Bianchi, dum velint, per illam vindicari jurisdictionem ecclesiasticam SPIRITUALEM; aut defendi jus Ecclesiæ ad exercendam vim coactivam ad publicam vindictam per pœnas civiles corporales & temporales in foro exteriori; quatenus eo jure fruebatur jampridem ex legitima præscriptione seu ex longa possessione.

29. Sed immerito ab iis allegata est, si forte velint, vim coactivam externam, de qua sermo est, attributam esse Ecclesiæ jure DIVINO. In Joanne Antonio BIANCHI res mihi expedita est; qui scilicet *Lib. 1, Cap. 5, §. 6, num. 3, - 6, - 9, & 10, in Tomo 3, cit.* satis aperte indicat, esse sibi in eo loco sermonem de jurisdictione ecclesiastica spiritali seu de vi coactiva SPIRITUALI.

30. Objicit insuper sibi P. BIANCHI simulque respondet num. 10 alleg. „Dicit Petrus Giannone, hanc esse coactionem spiritualement. Sane; & hoc „sufficit ut jure possimus asserere, esse in Ecclesia ex decreto DIVINO „potestatem coactivam, & multo quidem validiorem ac fortiozem illa, „qua Principes seculi a Magistratu potiuntur; quoniam reus & laica potestate „damnatus, si e manibus judicis elabatur, a pœna simul se liberat; non sic „vero reus, quem Ecclesia condemnaverit; quocumque enim gentium se „conferat, comitatur eum pœna, donec absolvatur,,.

31. Et ipsam vero Joannis XXII constitutionem legenti perspicuum fiet, errorem MARSILII Patavini impetere jurisdictionem ecclesiasticam spiritualement. Ubi enim errorem illum confutat Pontifex, totus est in asserenda hac jurisdictione seu potestate cogendi per excommunicationis sententiam. Lege numerum 33 Raynaldi ad annum citatum; unde ista solum Joannis Pont. verba exscribere placet.

32. „Adhuc constat, sicut legitur in Matthæo, quod si aliquis damnum „alicui indebite dederit, illudque ad mandatum Ecclesiæ noluerit emendare, „quod Ecclesia per potestatem a Christo sibi concessam ipsum ad hoc per ex- „communicationis sententiam compellere potest: quæ quidem potestas est „utique coactiva,,.

33. " Circa quod est attendendum, *ait*, quod cum excommunicatio major
 „ nedom excommunicatum a perceptione Sacramentorum removeat, sed
 „ etiam a communione Fidelium ipsum excommunicatum excludat; corpo-
 „ ralis est a CHRISTO coactio Ecclesiæ permiffa „.

34. In eo itaque sensu error ille damnatus est, quasi jurisdictio eccle-
 siastica spiritualis, seu potestas exigendi a fidelibus obedientiam per pœnas
 spirituales & censuras derivaretur ex concessione summorum imperantium;
 qui est error Hugonis GROTII, uti dicebamus in principio istius Capituli.

35. Hoc sane indicat etiam error, qui in constitutione Joannis XXII
 præit illi, quem nos retulimus; & ita se habet: " Quod omnes sacerdotes,
 „ sive sit Papa, sive Archiepiscopus, sive sacerdos simplex quicumque,
 „ sunt æqualis auctoritatis & jurisdictionis ex institutione Christi; sed quod
 „ unus habet plus alio, hoc est secundum quod Imperator concessit plus
 „ vel minus; & sicut concessit, revocare potest „.

36. Atque sic explicata propositione MARSILII; clarum est, nihil
 opus esse confugere ad responsionem, qua usus est Claudius FLEURY
Disc. 7 sur l'Hist. Eccl. num. 14. cit. Hic enim cum putaverit, per pro-
 positionem illam hoc unum voluisse Marsilium, vim coactivam in foro ex-
 terno ad vindictam publicam non competere Ecclesiæ jure divino, &
 existimaverit, hoc solum nomine fuisse hujusmodi propositionem a facul-
 tate theologica Parisiensi damnatam, facultatem hac in sententia errasse
 pronuntiat; quod damnaverit propositionem *verissimam* (très-veritable):
 constare scilicet, potestatem, quam Ecclesia a Jesu Christo accepit, esse
 pure spirituales & sibi semper similem: at reliqua ex concessione Principum
 profecta esse; quorum diversus est status secundum tempora & loca. Cla-
 rius adhuc mentem suam aperuit FLEURYUS in ipsa Hist. Eccl. Lib. 93,
 num. 39, verba faciens de memorata Joannis XXII constitutione.

37. Nos, inquam, non opus habemus hujusmodi responsione, quæ a
 Fleuryo allata est. Ceterum non repugnabo, si quis forte velit cum Jacobo
 GRETSERO *Considerat. ad Theol. Venet. de Immunit. Lib. 2, Consider. 7 propo-
 sitione*, Marsilium Patavium ita esse intelligendum, ut agnoscat equidem, pote-
 statem excommunicandi competere Ecclesiæ jure divino, sed ita, ut nihil
 aliud a sacerdotibus agendum censeat, " quam ut judicent & cognoscant,
 „ quis excommunicationis pœna plecti debeat; & post cognitionem magistra-
 „ tui, & quidem civili pœnam excommunicandi, hoc est, a fidelium cætu
 „ segregandi relinquunt, quemadmodum Medici est judicare & cognoscere,
 „ quis lepra laboret; at a consortio communi aliorum non medicus, sed so-
 „ lus Magistratus leprosum per vim coactivam expellere potest „.

38. Ita Marfilium GRETSERUS intelligit; cujus interpretationem adjuvant quoque illa Joannis XXII verba: *circa quod est attendendum* etc.; quæ habes num. superiori 33. Mihi vero otium non est nec voluntas, MAR-SILII volumen non modicum & fatis insulsum expendendi diligentius; præcipue cum sciam, eos sæpe operam perdere, qui in Novatorum dictis apertam sententiam, & constantiam ac tenorem unum quærunt.

39. Errorem supra prolatum, facere contra solam ecclesiasticam SPIRITUALEM jurisdictionem, sensit etiam Jacobus ALMAINUS Doctor Parisiensis de *Potest. Ecclesiast. & Laica Quest. 3, Cap. 2, ad calcem tomi 2 Operum Gersonii editionis Dupinii col. 1105.*

40. “ Marfilius de Padua (ait ALMAINUS) ponit, quod Papa nullam
 „ habet potestatem coercitivam, sive coactivam ex institutione Christi, &
 „ quod nullus habet potestatem excommunicandi, nisi ex beneplacito po-
 „ puli, aut Principis: sed ista opinio est damnata & scandalosa; quod patet
 „ per usum contrarium; nam excommunicare potest Papa, & quotidie facit,
 „ sine consensu populi „

41. Subdit vero Almainus, “ Papam, quantum ad spiritualia, habere
 „ potestatem coactivam per censuras spirituales, puta per excommunicatio-
 „ nem, ut in peccatis contra Sacramenta, & contra Evangelium; sed esse pro-
 „ babile, quod in temporalibus nec habet regulariter, nec casualiter pote-
 „ statem coactivam, ex institutione CHRISTI, sed si habeat, hoc est a Prin-
 „ cipe, vel populo „

42. Immerito ergo sententiam a Joanne XXII contra Marfilium Patavi-
 num & Joannem Jandunum prolatam allegaverit quispiam pro asserenda Ec-
 clesiæ, tanquam jure divino concessa vi illa coactiva, quæ pœnas corporales
 in foro externo ad publicam vindictam adhibet.

43. Etsi vero a Christo Domino non fuerit Ecclesiæ Pastoribus concessa
 potestas cogendi per pœnas corporales, carceres, exilia, fustigationes, &
 similia, ad vindictam publicam; sed hujusmodi vis coactiva competat ipsi
 solum usu antiquissimo & tacito Principum consensu: non eam tamen potest
 Princeps ab Ecclesia auferre, & nec valet pro voluntate & arbitrio minuere;
 quoniam leges præscriptionis ac longævæ possessionis postulant, ut in hoc
 etiam articulo sua Ecclesiæ jura servantur religiose; sicuti Ecclesia non ea
 Principibus adimit, quibus ipsi ex sola illius indulgentia & concessione a multo
 jam tempore potiuntur. Sed de præscriptionis immemorabilis seu longævæ
 possessionis vi, pro juribus tum Sacerdotii tum Imperii, explicanda erunt
 multa *Cap. XII*, quæ quidem in omni disceptatione de juribus potestatis eccle-
 siasticæ & laicæ locum habent; & sunt sane sedulo ubique attendenda, nisi
 volumus rerum alienarum iniqui usurpatores fieri.

CAPUT IV.

De Potestatis CIVILIS fonte & origine. Rejicitur primigenia hominum æqualitas.

1. **D**E Potestatis CIVILIS origine dum quæritur, multis ac variis formis sententiam suam Scriptores stabilire solent. Quod non aliunde profectum est, quam ex diversa ratione, sub qua rem intuiti sunt, seu ex diverso fundamento, cui sententiam suam superstruunt.

2. Nam primo alii de ea origine sententiam dicturi, considerarunt, e quonam fonte proficiscatur potestas gubernandi generatim sumpta. Et hanc oportet omnes fateri, derivatam esse a DEO; cum, docente nos Spiritu sancto per Apostolum ad Rom. 13, *non sit potestas, nisi a Deo.*

3. Secundo alii expenderunt, cuinam hominum fuerit primitus potestas ista a Deo commissæ. Et positam primitus fuisse in tota multitudine affirmat BELLARMINUS *de Laicis Cap. 6*; quoniam id postulare naturalis hominum æqualitas. Sed pæresne fuerint unquam homines, quæremus in postrema istius Capituli parte.

4. Tertio, alii pro fundamento sumunt originem dominii politici, ubi alii imperant, parent alii. Et hoc loco Scriptores dividuntur; quoniam ii, qui potestatem primitus repositam fuisse in multitudine dicunt, dominium politicum derivant a libero consensu multitudinis, & a pactis mutuis inter hanc & Imperantes: quæ sententia est BELLARMINI *loc. cit.*, PUFENDORFII & Justi Henn. BOEHMERI *locis inferius indicandis*, Constantini RONCAGLIA *in Animadvers. in Natal. Alexandr. Histor. Ecclesiast. seculi XIII & XIV, Cap. 9, Art. 5*, & Antonii CHARLAS *de Libert. Eccles. Gallic. L. 7. Cap. 4, edit. recogn.* Roncalia autem expilavit Charlam; & sufficit alterutrum legisse.

5. Contra vero sapientiores viri cum Meldenfi BOSSUETO & cum Natali ALEXANDRO dominium politicum dicunt esse a Deo, “ non tantum eo nomine (ait Bossuetus *Defens. Declat. Gallic. L. 1, Sect. 2, Cap. 3, edit. recogn.*) „ quod Imperium nemo capebat, nisi providentia divina duce,

„ &

„ & auctore; verum etiam duplici alio titulo, primum, quod legitima Imperia sint exorta natura ipsa duce, hoc est, auctore DEO naturæ conditore. Habent enim homines hoc a natura inditum, ut ordinem colant, quo eis incolumitas & tranquillitas constat: qui ordo nullus est, si desint legitimæ potestates,,

6. “Secundo, quod ad legem naturalem haud dubie accesserit doctrina, per manus jam inde ab initio hominibus tradita, qua legitimis imperiis coerceri se necessarium ducerent, cum genus humanum statim atque post diluvium per terras fuit diffusum, se ultro in regna, civitatesque redegerit; quod tantum generis humani bonum, nonnisi a DEO traditum, inspiratum, propagatumque esse Patres docent.....,,

7. “Hæc ad formam paterni imperii facta esse creduntur; nec immerito: ab ipso enim generis humani exordio Reges parentum loco habiti sunt..... certumque est omnino eam legem, qua res humanæ ordinantur, tam sanctam, tam necessariam, tanta consensione generis humani ab initio inolitam, & ubique diffusam, non nisi divina auctoritate fuisse constitutam,,. Paria habet Natalis ALEXANDER loco infra allegando.

8. Quarto, alii intuiti sunt varietatem Regiminis, seu particulares modos regiminis ejusdem, Aristocraticum, Democraticum, Monarchicum per electionem vel per hæreditariam successionem; tandem mixtum. Et hoc certum est ortum suum debere temporibus, factis, & judicio ac electioni hominum; dum unum eorum potius adoptarunt quam alium; vel dum unum potius coacti fuerunt recipere, quam alium. Ex quo tamen non erat, quod quidam colligerent, potestatem Imperantium proxime fluere a populorum consensu.

9. Quinto tandem alii generatim investigant, quis proxime & immediate Regnanti cuique conferat potestatem & jurisdictionem; an populus vi factorum aut in præsens aut olim tacite vel aperte initorum; an vero potius DEUS ipse dominationis omnis auctor.

10. In qua quidem quæstione nihil refert, quod sit genus Regiminis, aut qua ratione ineatur Imperium; electione, an hæreditaria successione, an alio modo; cum non sit necesse, eos qui Regiminis modum constituunt, esse etiam auctores potestatis & jurisdictionis.

11. Obiter admoneo, hanc quæstionem non esse mere theoreticam; prout videri alicui posset. Nam contra esse, ii intelligunt, qui pervolutarunt Defensores Propositionis primæ inter eas quatuor notissimas, quas Clerus Gallicanus fancivit Anno 1682, ad ecclesiasticam potestatem spectantes. Quos inter Defensores primum ac potissimum locum obtinet tum mode-

stia tum scientia nomine, magnus Meldensis Episcopus BOSSUETUS. Omitto DUPINIUM; ac potius commemorabo auctorem *Remonstrantia Hibernorum* P. CARON, qui ante Bossuetum & antequam Declaratio Cleri Gallicani prodit, in eadem vindicanda Propositione versatus est non modo acute, sed etiam erudite & docte.

12. Hanc eandem Quaestionem non esse mere theoreticam, ii quoque intelligunt, qui Scriptores *de jure Naturæ & Gentium* legerunt, ubi agunt de officiis subditorum erga Imperantem. Sed ad rem accedo.

13. Quæritur igitur, an novi Regnantis potestas a populo immediate proficiscatur, an vero potius Imperium summum ab ipso Deo immediate in principes conferatur, neque ad id producendum ab hominibus proficiscatur quidpiam; adeo ut liberi etiam populi, dum Regem sibi ultro eligunt, non conferant in ipsum majestatem, sed tantum designent personam, in quam illa DIVINITUS conferatur.

14. Primam sententiam tuentur Samuel PUFENDORFIUS *de jure Nat. & Gent. Lib. 7, Cap. 3*; cui Joannes BARBEYRACIUS assentitur in *Not. Justus Henn. BOEHMERUS Jur. Publ. universal. part. special. Lib. 1, Cap. 2, num. 24 &c.* BELLARMINUS & RONCAGLIA *locis alleg.*; & valde in eam propendunt Ignatius SCHWARZ *Jur. Publ. Universal. Nat. & Gent. tom. 2, pag. 113 seqq.*, & Andreas DUVALIUS *de Potest. Pontific. Part. I, Qu. 1, pag. 425* tom. 3 *Biblioth. Pontificia*. Proferuntur autem pro hac sententia nonnulla PATRUM loca.

15. Sed multo sunt ea PATRUM loca clariora, quæ pro alia sententia faciunt (ut illi manifestum fiet, qui ea diligenter utrinque consideraverit); cui proinde ego adhæreo; cavillationibus ac fallaciis Aquilonarium novorum ingeniorum, præsertim PUFENDORFII, neglectis. Quam quidem optime illustrarunt Natalis ALEXANDER *Diff. 6 in H. E. Sec. 15 & 16, art. 2, num. 18*, Petrus DE MARCA *de Concord. Sacerdot. & Imper. Lib. 2, Cap. 2*, P. CARON in *Remonstrantia Hibernorum Par. 2, Cap. 3, §. 1*, in tom. 2 *Tractatum de Libert. Gallic. a Petro Puteano collectorum*, & DUPINIUS *de Ant. Eccles. Discipl. Diff. 7, Cap. 2, §. 1*; ut eos multos prætermittam, quos loco supra citato Andreas DUVALIUS recenset.

16. Neque enim est cur ii, qui populo favent, electionem populi vel hæreditariam successionem commemorent; quasi inde colligi debeat, aliunde immediate esse potestatem Imperantium, non vero a DIVINA immediata collatione. Non, inquam, est cur ista comminiscantur; quoniam aliud est, si quæras qua via quoque medio quis ad thronum perveniat; aliud, quis huic
ma-

majestatis jura conferat. Electio igitur & successio pertinent ad media, per quæ ascensus fit ad thronum; sed summum imperium novo cuique Regnanti proxime & immediate DEUS confert. "Sane dubitandum non est (dicam, cum Petro DE MARCA loc. cit.) quin Regum persona vel suffragiis populi, lorum specialiter eligatur, vel generaliter translato regnandi jure hæreditario in aliquam generosam stirpem, natalium sorte, in regium culmen assumat. Sed certum & constantissimum esse debet, unicuique Regum potestatem regiam immediate a DIVINO Numine conferri,,.

17. Vel DUVALIUS ipse in oppositam sententiam valde propensus, fassus est tamen loc. alleg., "electionem populi, aut hæreditariam successionem non impedire, quominus dici possit potestatem secularem Regum, & Principum a Deo esse immediate,,.

18. "Ratio vero, cur hæc dicantur non impedire, quominus potestas Regis a Deo sit immediate; est a simili: sicut enim ex electione Pontificis, quæ fit per Cardinales totius Ecclesiæ nomine, non sequitur Pontificem a Cardinalibus, vel ab Ecclesia suam mutuari potestatem; ita nec ex electione populi in prima Regum institutione seu origine sequitur, Reges ab illo, & non a solo Deo suam tenere potestatem; ideoque designant quidem electores personam regiam, cui tamen supremam politicam potestatem nullo intermedio Deus ipse confert,,. Perspicue hactenus DUVALIUS.

19. Addo aliud exemplum desumptum ex municipiis, ubi electio Magistratum est penes Ordines Civitatis; & illi tamen potestatem non ab Ordinibus, sed a summo Imperante obtinent. Utamur etiam exemplo e media natura desumpto: ad creationem animæ rationalis præcedant necesse est generatio, conceptio, organizatio fatus, tanquam conditiones præviæ ac necessariae; anima tamen rationalis immediate a Deo creatur. Aliis prolatis exemplis illustrat hanc rem Auctor Remonstrantiæ Hibernorum loc. indicato: ac demum colligit: "Quod ergo Reges a populo eligantur, a Pontifice vel Propheta inungantur, nihil interest, quo minus Imperia & Regna a Deo immediate accipiant,,.

20. Hoc loco igitur distinguenda est designatio novi Imperantis ab Imperantis ipsius potestate, quæ jus vitæ & necis complectitur, & plenam administrandæ reipublicæ auctoritatem. Primum solet esse proxime ab hominum facto & opere; alterum est proxime a solo Deo.

21. Sed quoniam nostris hodie hominibus magis placet suo ingenio ratiocinari, quam veteres solidæ sapientiæ fontes adire; obsequamur tantisper novo huic, sæpe tamen fallaci genio.

22. Jus vitæ & necis esse inter præcipua politici regiminis jura, omnes agnoscunt. Scire jam velim, quis hoc jus Imperantibus concefferit. Populus certe non conceffit, aut transtulit; cum homines vitæ suæ dominium nullum habeant; solusque Deus vitæ nostræ summus sit Dominus. Neceffe est ergo, ut Deus solus (quemadmodum ait DUPINIUS) potestatis hujus partem contulerit iis, qui Societates civiles regunt; ac proinde, sive Reges, sive Magistratus, sive Principes, sive Populus universus potestatem illam exerceant, necesse est eam a DEO, qui solus illam hominibus concedere potest, in ipsos immediate derivari. Igitur potestas temporalis sive Regum, sive Magistratuum est a Deo, qui illam ipsis commisit. Altius repetit, ac urget fortius hæc ipsa insignis vir Petrus NICOLE *de l'Unité de l'Eglise Lib. 3, Cap. 10, pag. 398 - - 400 edit. 1729.*

23. Neque juvabit reponere cum HERTIO in *Pufendorf. loc. cit. num. 4*, homines quidem singulos sui corporis & vitæ potestatem non habere; at habere Societatem universam in corpus & vitam singulorum. Hoc vero jus suum Regi ac Principi populum cecidisse; adeoque a populo regiam potestatem proxime esse, non autem proxime a Deo.

24. Hoc, inquam, reponere non juvabit. Etsi enim liberaliter concefferimus (id quod tamen laudato NICOLIO non valde videtur veritati consonum), Societatem totam *jure Naturæ* habere potestatem in corpus & vitam singulorum; inde effici id nondum poterit, quod isti postulant. Constat enim, a Regibus non singulos homines tantum, sed totum etiam aliquem populum coerceri opportunioribus ac gravioribus modis posse, cum res postulat; uti in defectione aut seditione manifestum est. "Princeps, (ait Dominicus SOTO de *Justit. & Jure Lib. 4, Qu. 4, art. 1* versus fin.) „ potestate fungitur ferendarum legum, quibus rempublicam coerceat: nec „ solum singulis reipublicæ membris superior est, verum & totius collectum „ corporis caput; totique adeo sic eminens, ut TOTAM etiam SIMUL „ PUNIRE valeat,,.

25. At hujusmodi potestate Societas non potitur, ut se perimere ipsa valeat. Eam ergo neque transcribere in Principes potuit. Restat igitur ut eam Principes a Deo immediate acceperint. Adeoque Principes summo imperio a solo Deo proxime donati sunt.

26. Atque huc facere item posse videntur ista Friderici GRONOVII in *Not. 85* in GROTIUM de *jure B. & P. Lib. 1, Cap. 3, num. 8*: "Po- „ pulus Regi non amplius potest dare, quam ipse habet. Non autem po- „ pulus habet jus se ipsum extinguendi, aut in corpus suum injuste sæviendi. „ Ergo neque Regibus dare hoc potuit,,. Dedit igitur Deus jus in populum, INTEGRIS tamen justitiæ ac paternæ pietatis legibus.

27. Scilicet non hoc loco a Deo derivamus usum iniquum potestatis, neque etiam dicimus, illum a Deo mitti, aut donari parte eximia potestatis divinæ, qui per fraudes & facinora pessima sibi viam vel ad Imperium, vel ad dignitates ecclesiasticas stravit. Sed recolas hic regulas eas juris publici tum civilis tum ecclesiastici, quæ locum habent erga invasores hujusmodi. „Etsi potestas Principum (ait recte Dominicus SOTO loc. cit.) „ordinatio „Dei sit, usurpatio tamen rerumpublicarum, quando violato jure fit, non „est a Deo præcipiente; sed tamen id in punitionem subditorum permit- „tente. Quemadmodum & potestatis usus quando legitime fit, inspiramen „Dei est.... nam de aliis lamentatur Isaias Cap. 10 ubi ait: *Væ qui condunt „leges iniquas; quæ revera Deo non auctore, sed permissore instituuntur*„.

28. Hæc eadem jam multo antea tradiderat Concilium VI. PARISIENSE anno 829 ab Episcopis quatuor Provinciarum celebratum *Lib. 2, Cap. 5, Tom. 9, Concilior. col. 754 edit. Venet. Colet.* „Quisquis ceteris mor- „talibus (ajunt Concilii Patres) temporaliter imperat, non ab hominibus, „sed a Deo sibi regnum commissum credat. Multi namque munere divino, „multi etiam DEI PERMISSU regnant „.

29. „Qui pie & juste & misericorditer regnant, sine dubio per Deum „regnant: qui vero fecus, non ejus munere, sed PERMISSU tantum regnant. „De talibus Dominus per Prophetam (Osee 13): *Dabo, inquit, tibi regem in „furore meo.* Et Job. 34: *Qui regnare facit hypocritam propter peccata populi.* Ut „enim Ilidorus exponit, irascente Deo talem rectorem populi suscipiunt, „qualem pro peccato merentur„.

30. Hæc si præ oculis habueris, commodior tibi aderit via ad interpretenda loca PATRUM, quæ prima fronte videntur pro opinione adversa facere.

31. Post hæc recte colligemus cum viro summo Petro NICOLE de *l'Unité de l'Eglise adversus illum Petrum Furieu Lib. 3, Cap. 10, cit. pag. 399,* populum non esse, qui illis, quos eligit, tribuat gubernandi auctoritatem, vel jus vitæ & necis; sed Deum hæc jura supremis Imperantibus immediate conferre. Et ex hoc fluere quod Reges non sint tanquam populi ministri; sed sint, secundum Apostolum, ministri DEI; quare & is qui potestatibus resistit, resistat divino decreto ac dispositioni: *Qui resistit potestati, Dei ordinationi resistit.* Rom. XIII. 2.

32. Et hinc consequi, quando placet Deo Regem populis per se ipsum designare, uti Saulem & Davidem Israelitis cunctis dedit, Jeroboamum & Jehu decem Tribubus, Azaelem Syris; hoc facto populos nullo suo spoliari jure

jure quo potiantur; sed ea potestate Deum uti per se, quæ sua propria est. Sed legas ipse integrum spectatissimi viri locum.

33. Veretur Antonius CHARLAS *Lib. 7, Cap. 4 cit.* ne ii, qui Principum potestatem Deo tribuunt tanquam proximo auctori, æqualem facere velint potestatem civilem cum ecclesiastica. Verum hunc illis scrupulum eximet laudatus BOSSUETUS *loc. alleg.* qui ad quatuor capita discrimen revocat sacerdotalem inter & civilem potestatem. Quorum primum est, quod “sacerdotalis potestas in Lege & in Evangelio a Deo ipso præsentem, atque conspicuo fuerit instituta: civile autem imperium, quamquam suo modo a Deo vel inditum, vel institutum sit, haud pari præsentia divinæ Majestatis,,.

34. Alterum est, quod “sacerdotalis Principatus forma & regimen expressæ sunt a Deo instituta: civile imperium generatim tantum traditum est, & hominum arbitrio forma relicta, sive illa monarchica, sive aristocratica, sive popularis foret,,.

35. Tertium autem, quod “verum sacerdotium, illiusque potestatis legitima administratio cum vera Religione conjuncta est: Imperia vero legitima & apud infideles vigent,,.

36. Ultimum discriminis caput est, quod “ritus consecrandi Sacerdotes omnino divinus, atque inter Sacramenta a Deo instituta numeratur, valetque interventu proprio & expresso divini Numinis, ac Spiritus: at Regum consecratio neque a Deo est universim instituta; neque huic officio absolute necessaria, sive, ut ajunt, essentialis est,,.

37. Intra hos igitur fines docent nostræ partis Theologi & Jureprudentes, potestatem civilem æque a Deo institutam fuisse, ac spiritualem, eamque singulis Principibus a Deo proxime conferri; nominatim vero Petrus de MARCA, quem quoad hoc caput Antonius CHARLAS carpit immerito; cum & ipse MARCA fateatur, “spiritualem potestatem in se dignitate præcellere, & ejus originem conceptis verbis in Evangelio a CHRISTO sancitam esse,,.

38. Sed suspicatus est iterum CHARLAS, “plurimos regiam auctoritatem nimis extollendo hoc tantum sibi proposuisse, ut ecclesiasticam dignitatem tantundem deprimerent, ac Principum ecclesiastica jura invadentium injustitiam ideo excusarent,,. Malum certe consilium; quod utrum illis infederit, locus erit cognoscendi ex iis, quæ deinceps explicabimus.

39. Sic vindicata & exposita hac sententia, jure ac merito dicemus cum eodem Illustriss. de MARCA, “non esse quod aliquis ea opinione se
,, im-

„ implicet, principatum politicum seu auctoritatem regiam a Deo per infi-
 „ tam naturæ legem manasse quidem, sed ita ut populo & universitati conce-
 „ deretur primum, & eorum deinde suffragiis in Reges conferretur, qui ple-
 „ num Imperii sui beneficium non Deo tantum sed populis accepto ferre
 „ debeant „.

40. Hac equidem opinione impliciti sunt tum interpretes juris natu-
 „ ralis nonnulli, tum theologi aliqui, uti vidimus, & in istis BELLARMI-
 „ NUS, qui scribit loc. alleg., „ politicam potestatem, a Deo positam imme-
 „ diate esse tanquam in subiecto in tota multitudine; quoniam, sublato jure
 „ positivo, non est major ratio cur ex multis æqualibus unus potius, quam
 „ alius dominetur: deinde hanc potestatem translatam esse a multitudine in
 „ unum vel plures „.

41. Hinc vero PUFENDORFIUS & BOEHMERUS comminiscuntur
 „ pacta & conventiones, quæ intercesserint in translatione dominii politici
 „ a populo ad electos imperantes.

42. Sed nimium isti proprio ingenio indulgent, dum antiquitatem, &
 „ historiam sacram serio consulere negligunt. Quam si animo libero con-
 „ sultuissent; poterant sane intelligere, ridiculos esse eos, qui primigeniam
 „ aliquam hominum æqualitatem sibi fingunt, aut qui potestatis politicæ quasi
 „ femina (ut PUFENDORFIUS loquitur), e quibus postea imperii potestas
 „ coaluerit, in singulis de multitudine sibi videntur dispersa videre.

43. Æqualitatem hanc forte invenirent, si e gremio terræ homines su-
 „ bito extitissent. At cum sacra historia doceatur, primos homines ab uno
 „ primum parente esse progenitos, atque ex his ordine natos esse alios, &
 „ ita deinceps; æqualitatem illam inter somnia febricitantium reponendam
 „ puto. Secus enim paternam auctoritatem contra naturæ leges evertimus.

44. Et in paterna quidem hac auctoritate primorum hominum ac Pa-
 „ triarcharum agnoscenda est prima civilis societatis & dominii politici for-
 „ ma. Hinc sapientissime, ut semper solet, BOSSUETUS Meldensis initia
 „ ac prima fundamenta potestatis civilis repetit ab Imperio paterno, id est, a na-
 „ tura humana; & addit, cum homines omnes sub potestate nascantur, & assuescant
 „ subesse imperio paterno; inde adduci ad caput politicum libenter agnoscendum. Legas
 „ sane nobile BOSSUETI opus, quod inscribitur *Politique tirée de l'Ecriture Lib.*
 „ 2, Art. 1, Propos. 3 -- 8.

45. „ Regii, ac supremi Imperii (ait idem BOSSUETUS in Defens.
 „ Declar. Gallic. Lib. 1, Sect. 1, Cap. 10 edit. memor.), „ in ipsa PATRIA
 „ „ POTESTATE, forma præcessit primos inter homines, quorum familiæ
 „ „ per

„per LONGISSIMAM Parentum VITAM, in quædam veluti modica ac „modesta regna succrescerent.,, Dixerat paulo ante, „primum Nemrod „nominari, qui vicinas civitates, utique jam per legitima imperia constitu- „tas, invaserit.,; cujus tamen pessimum exemplum non effecerit, quominus diutissime postea apud multas gentes mos probus & antiquus permanferit. qui ferebat, Justino historico teste, ut *intra suam cuique patriam regna finirentur.*

46. Eosdem, quos nos modo ponebamus, DOMINII POLITICI ortus agnoscit etiam Franciscus JACQUIER *Ethicor. Par. 2, Sect. 5, Cap. 2, Art. 1, in resp. ad object. 1.* Sed confer sane cum nostris ea, quæ Joannes HEINECCIUS *de Jur. Nat. & Gent. Lib. 2, §. 92, seq. (tom. 1, Oper. par. 2, edit. Genev. noviss.)* habet de *FAMILIA in statu naturali*, & de potestate patrisfamilias in eadem: unde illud etiam intelliges, opponi nobis hoc loco non posse illas juristarum distinctiones, societatis minoris, majoris, & maximæ; ac potestatis politicæ, & æconomicæ. Lege sis & Ignatium SCHWARZ *Oper. memorat. tom. 1, pag. 25 -- 28, & 38 -- 43.*

47. Hæc tamen pertinere volo ad solam dominii politici originem, adversus primigeniam illam hominum æqualitatem, quam sibi nonnulli finxerunt. Neque enim ad institutum meum pertinet dicere de primis majorum veterum regnorum originibus; quoniam hoc ad facta hominum pertinet; quæ, quocunque tandem se habuerint modo, non mutant originem dominii politici, quam nos selegimus tanquam veriolem; nec eam hominum æqualitatem adstruunt, quæ a nobis rejecta est. De istorum imperiorum ortu quærant BOEHMERUS & HEINECCIUS *locis mox allegandis.* Sed longe hos superat BOSSUETUS *art. 1, cit. Libri 2 Politices.*

48. Illud vero ex iis, quæ ponebamus de dominii politici origine, & de primæva hominum inæqualitate, sit manifestum, inutile ac vanum fore quærere, quæ causâ moverit homines ad coeundum in civitates sub certa regiminis forma: de qua re, in gratiam eorum qui quæstionibus solidioribus ac utilioribus minime delectantur, late disputant PUFENDORFIUS *Lib. 7, cit. Cap. 1, præsertim num. 5 &c.*, BOEHMERUS *Jur. publ. univers. loco cit. Cap. 1, & BARBEYRACIUS in not.* Agit de hac ipsa re HEINECCIUS *loc. memorat. §. 100 -- 107, ubi & a Pufendorffio discedit, sicut abscefferat Boehmerus; & tum brevi tum dilucida oratione plausibilia proponit.* In hoc eodem argumento brevis pariter est; & forte utilis erit Antonius GENUENSIS *de Officiis hominum Cap. 13, num. 1 -- 4, in quarto Metaphysicor. tomo.* Omitto Ignatium SCHWARZ *Oper. supra cit. tom. 2, pag. 45 -- 48.* Sed jam ad nostra redeamus.

49. Cum igitur constans sit, homines in primævo statu minime fuisse inter se æquales; constans similiter esse debet, potestatem politicam non fuisse primum a DEO positam in multitudine seu in singulis de populo; a quo translata postea fuerit in Imperantes; qui proinde imperii sui beneficium non Deo tantum sed populis accepto ferre debeant.

50. Sed etsi hujusmodi æqualitatem concederemus; sequereturne inde, Principes, non a Deo proxime, sed a populo accepisse potestatem & jurisdictionem? Minime prorsus. Hoc enim unum inde consequeretur a populo fuisse designatos Imperantes, quibus Deus per se, nullo medio, conferret potestatem, qua idem populus munere divino potiebatur ex parte, antequam per novi Principis electionem ea se abdicasset.

51. Vides jam, rem eodem semper recidere, quicquid tandem cogites de medio, quo imperantes facti sunt compotes potestatis illius, qua potiuntur.



CAPUT V.

Quenam sint CAUSÆ ECCLESIASTICÆ, seu Cause de quibus judicium est penes SOLAM Ecclesiam.

1. ROBERTUS Card. BELLARMINUS de Clericis Cap. 28 causas ECCLESIASTICAS, in quibus liberi sunt Clerici JURE DIVINO a secularium Principum potestate, hisce verbis describit: *Vocantur causæ ecclesiasticæ, quarum cognitio non pendet a legibus civilibus, sed ab Evangelio, vel a CANONIBUS Pontificum, aut Conciliorum, quales sunt controversiæ de fide, de Sacramentis, & aliæ id genus.*

2. Ne quid autem ambiguum aut incertum hoc loco relinquatur; animadverto cum Episcopo Meldensi BOSSUETO in Opere *la Politique tirée de l'Écriture Lib. 7, Art. 5, Prop. 11*, judicium Ecclesiæ esse non modo in causis fidei, sed etiam DISCIPLINÆ ecclesiasticæ; prout ex antiquitate discimus. “Non solum, ait, in negotiis fidei, sed etiam DISCIPLINÆ ecclesiasticæ definitio pertinet ad Ecclesiam; penes Principem autem est protectio, defensio, executio canonum & regularum ecclesiasticarum. Hæc est indoles Christianismi (c'est l'esprit du Christianisme), Ecclesiam regi debere per CANONES (que l'Eglise soit gouvernée par les Canones).”

3. "In Concilio Chalcedonenſi cum nata eſſet quæſtio de cujuſdam Me-
 „tropolis jure; & quoad hoc leges imperiales non viderentur cum CANO-
 „NIBUS conſentire; judices hoc legum diſſidium Patribus indicarunt. Iſti
 „vero extemplo in communem hanc vocem eruperunt: *Vincant CANO-*
 „*NES; Regule Patrum teneant;* quo reſponſo demonſtrarunt, ſi Eccleſia
 „ex indulgentia & AMORE PACIS, in quibuſdam rebus eccleſiaſticum re-
 „gimen reſpicientibus, ſeculari poteſtati cedit; ejus tamen ſpiritum, quo-
 „ties ſua LIBERTATE potitur, eſſe ut per ſuas proprias regulas regatur,
 „& ut ubique ſua decreta prævaleant,, Hæc BOSSUETUS.

4. Non minus perſpicue Petrus DE MARCA *Lib. 2, cit. Cap. 7* cauſa-
 rum ECCLEſIASTICARUM naturam explanat. Nam in ea quæſtione,
 an cenſura Clericorum legibus & judiciis Principum ſubjaceat; ita diſtinguit:
 "Aut enim, ait, de Titio movetur quæſtio ſub ea ratione qua clericus eſt,
 „aut ſub ea qua inter cives recensetur. Si de Clericorum gradibus, ordi-
 „nibus, muneribus, & conditionibus, quæ ordinandos decent, & de vitio
 „ordinationum agatur, aut de judiciis, quæ ob violatos CANONES inſti-
 „tuuntur, quæ criminis ECCLEſIASTICI nomine comprehendendi ſolent
 (vide quomodo MARCA ſimiliter cauſas eccleſiaſticas ſubſternit canoni-
 bus); „eo caſu, cum ipſum Clericorum miniſterium jure divino ſit inſtitu-
 „tum, quæ neceſſaria ſunt ad illud explicandum aut vindicandum, ei po-
 „teſtati commiſſa cenſentur, quæ jus imponendarum manuum a Chriſto Do-
 „mino noſtro accepit,,

5. "Res ergo, quæ crimini ECCLEſIASTICO materiam præbent,
 „canone perſtringi debent, non autem lege publica, niſi in ſubſidium:
 „quemadmodum nec judicium publicum de iis exerceri debet, ſed tantum
 „eccleſiaſticum,,

6. Pergit vero MARCA hæc illuſtrans ex variis antiquitatis eccleſia-
 ſticæ locis. Tum addit: "Valentinianus ſenior reſcripto ſuo apud Ambro-
 „ſium relato (in Epistoła 21 ad Valentinianum juniorem col. 860. tomi 2
 Oper. edit. Monach. S. Mauri) „hanc ſententiam fancivit, cum in cauſa
 „fidei vel ECCLEſIASTICI alicujus ordinis eum judicare debere ſtatuit qui nec
 „munere impar ſit nec jure diſſimilis; id eſt, cognitionem SYNODIS deberi, ſi
 „de Clericis, QUA CLERICI SUNT, quæſtio inſtituatur,,

Igitur Petrus de MARCA hanc ex antiquitate eruit ſententiam, cau-
 ſas eccleſiaſticas eſſe in ſola Eccleſiæ poteſtate: has vero cauſas eſſe, quæ
 tum a lege CHRISTI, tum a CANONIBUS regulam accipiunt.

Facile etiam est ex his videre, crimen ECCLESIASTICUM in Clericis, esse crimen perpetratum in re Clerici propria seu contra officium CLERICAL & DISCIPLINAM ecclesiasticam: at crimen civile Clerici, esse crimen admissum in re tum Laicorum tum Clericorum communi, seu adversus politiam CIVILEM & publicas regni sanctiones.

7. Paulo adhuc sunt ea clariora, quæ scripsit MARCA in *Interpretatione Capitis* Clericus 3, q. 4; quæ *Interpretatio* extat inter ejus Opuscula, & cum Antonio Augustino BALUZII: "Clerici (ait MARCA num. 4 illius Opusculi) „dupliciter inspicere possunt, vel quatenus divinis ministeriis inserviunt, vel quatenus sunt reipublicæ cives „.

"Sub priora illa inspectione, cum functio & ministerium illorum ex „sola Christi Domini institutione pendeat, JURE DIVINO immunes sunt „a magistratuum publicorum cognitione, qui rationem ab iis exigere non „possunt neglecti vel male gesti ministerii ecclesiastici, (quoniam hæc judicare pertinet ad Præfules ecclesiasticos).

8. "Quatenus vero sunt cives, ex divi Pauli effato Regum imperio „& jurisdictioni publicorum judicum subditi sunt,; dum tamen non obstat (addit num. 5) ecclesiastica immunitas ex indulgentia PRINCIPUM profecta. "Quæ quidem immunitas in totum rescindi non potest contrariis Principum constitutionibus, quippe quæ JUS QUÆSITUM & tam „longa CONSUETUDINE firmatum tollere non debeant, nec REIPUBLICÆ TRANQUILLITATEM, quæ his moribus fovetur, lædere, ut „elegantè docet Covarruvias, qui Clericorum immunitatem refert, non „ad jus divinum, sed ad PRINCIPUM PRIVILEGIA, quæ hodie „IMMUTARI NON POSSINT „.

9. Est igitur in Clerico duplex persona distinguenda, clerici & civis, sicuti & in MONACHO; in quo tamen, si lubeat, triplex etiam considerari persona potest, monachi, clerici, ac civis; ita ut monachus duas personas gerat ECCLESIASTICAS, & unam civilem.

Res autem, quæ personarum ECCLESIASTICARUM sunt propriæ, ad forum ecclesiasticum pertinent, seu de iis sola Ecclesia ex nativa & ingenta potestate judicat ac statuit; & ut verbo dicam, res illæ causas ecclesiasticas constituunt.

Quare de officiis & statu Clericorum, de disciplina & ordine Monachorum sola Ecclesia inquirat ac decernit; quoniam hæc sunt iis affixa & insita, quatenus (ut agebat MARCA) *divinis ministeriis inserviunt*, seu quatenus sunt divinis obsequiis specialiter mancipati.

De regula igitur & disciplina clericali, & de regula monachorum cognoscit, judicat, ac leges condit **ECCLESIA**; quoniam causæ, quæ ex iis exsurgunt, sunt *causæ ecclesiasticæ*.

10. "Ex duplici illa (pergit MARCA num. 6 & 7 ejusdem Opusculi) „quam posuimus clericorum inspectione orta est antiqua illa criminum a Clericis admissorum distinctio, ut alia sint **ECCLESIASTICA**, alia vero civilia „

„Prioris generis erunt non solum hæresis & schisma, quibus laici quodque implicari possunt, sed quæcunque **PECCATA IN REGULAS CLERICO PRÆSCRIPTAS**; ut de subintroductis mulieribus, de ordinationibus perperam vel etiam ob pecunias celebratis, & de similibus causis „

„Crimina **CIVILIA** sive secularia sunt illa, quæ legum publicarum animadversioni subjiciuntur, utpote quæ reipublicæ quietem & societatem „violant „

11. Clerici igitur ac monachi, quatenus in regulas suas peccant, iudicio subsumuntur ecclesiastico; quatenus vero delinquant in societatem, Magistratum publicorum cognitioni subjiciuntur: quia in prioribus agitur de *causis ecclesiasticis*; in posterioribus de causis secularibus. Sed redeo ad *Concordiam Sacerd. & Imper.*, ut in incepta explanatione progrediar.

12. Capite igitur 3 Libri 2 cit. num. 7 Petrus de MARCA sequitur Joannem de Parisiis, Guillelmum Ockam, & Gersonium, crimina distinguentes in ecclesiastica & secularia: illa vero constituentes in admissis directe contra fidem & Sacramenta, hæc in iis, quæ jure gentium aut **CIVILI** sunt vetita; & illorum quidem coercionem per censuras dicentes Episcopis competere; sed in secularibus distinguentes, utrum peccatum sit **ERRORIS**, an vero **FACTI**.

„Itaque fatentur (ait) penes Ecclesiam ex Christi institutione potestatem esse cognoscendi de peccato **ERRORIS**, & definiendi, an hoc vel illud factum crimini deputari debeat, eosque, qui huic definitioni refragentur, pœnis ecclesiasticis castigandi „

„Ceterum de peccatis secularibus (**FACTI**) judicia vel censuras ferre non spectare ad jurisdictionem ecclesiasticam „ (nisi pergant esse obfirmati in peccato) sed monita solum & consilia (ajunt) adhibere posse contra laicos.

13. Addit vero MARCA: „Hæc Theologorum illorum sententia jam „a trecentis & quadraginta annis in forum inveſta, etiam hodie apud tribunalia Magistratum viget. Quin & ad crimina *MIXTA* porrecta fuit, „scilicet ad adulterium, quod legem naturæ & matrimonii Sacramentum

„vio-

„violat; adeo ut in laicos adulterii reos animadvertere Episcopis vetitum
„fuerit Arrestis Curiae Parisiensis latis anno 1336 & 1380 „

Regulae ergo Fidei ac regulae MORUM, & quaestiones de ERRORIBUS, qui contra regulas illas pugnent, sunt fori ecclesiastici; eo quod ab evangelica doctrina & canonica dependeant. Hæ quoque sunt, ex MARCA, causæ mere ecclesiasticæ.

14. Cum distinctione illa peccati ERRORIS, ac FACTI comparari potest divisio quaestionum, JURIS, ac FACTI. Et hic consideranda est quaestio, quam movet Antonius Dadinus ALTESERRA Vindic. Jurisdic. ecclesiast. Lib. 6, Cap. 3: *An Judex Ecclesiasticus qui occupavit quaestionem* (principalem) *matrimonii, valeat cognoscere de quaestionibus FACTI incidentibus?*

15. Respondet autem adhibendam esse distinctionem. „Aut enim (*inquit*) quaestio incidens est meri FACTI, puta an Titius desponsaverit Cajam „per verba de praesenti, vel simul vixerint tanquam conjuges, & domi nati „sint liberi; tunc cognitio pertinet ad judicem secularem, quia est quaestio „meri FACTI, quæ nihil spirituale continet,,

16. „Aut super certo facto disputatur de JURE, puta an valeat matrimonium nec ne, quia opponitur impedimentum canonicum affinitatis vel „consanguinitatis; tunc QUÆSTIO INCIDENS (quæ licet facti sit, resolvitur in quaestionem JURIS) pertinet ad judicem ECCLESIASTICUM, „quia sine ea PRINCIPALIS QUÆSTIO expediri non potest. Alioquin vix „Episcopus cognosceret de matrimonialibus causis, & lusoria esset jurisdictio „Ecclesiæ, quæ inefficaciter cognosceret de matrimonio, eam morantibus „incidentibus quaestionibus facti,,

17. Doctus ille Jureconsultus, qui novissimam editionem Caroli FEURETI *de Abusu* adnotationibus ornavit, tam habuit persuasum, CAUSAS ECCLESIASTICAS esse illas, quarum cognitio pendet a CANONIBUS, ut huic fundamento nixus earundem causarum, itemque criminum contra Canones cognitionem soli pariter Ecclesiæ tribuendam censuerit; sicuti e converso potestati laicæ soli judicium illarum causarum vindicat, quæ pro fundamento habent LEGES SECULI. Ceterum si potestas utraque communi jure & auctoritate aut conjunctim aut separatim unam ipsam rem sanxit; tunc quisquis hanc sanctionem violaverit, ab utraque puniri poterit (nisi privilegio forte aliquo protegatur); quoniam utramque læsit; & patratum crimen est MIXTUM. *Legas Adnotationem primam ad Caput secundum Libri octavi Caroli FEURETI de Abusu.*

18. Videndum modo quid VANESPENIUS protulerit ad causarum ecclesiasticarum naturam intelligendam: „Causas ECCLESIASTICAS

(ait Jur. Ecclesiast. Univ. Par. 3, Tit. 2, Cap. 1, num 1 & 3) „communiter
 „dividunt Canonistæ in ecclesiasticas MERAS, & *non meras*. MERAS
 „vocant, quæ sunt tales ex natura sua, independenter ab omni positiva con-
 „stitutione, aut CONSUETUDINE. *Non meras*, quæ quamvis sint ex
 „natura sua TEMPORALES & profanæ, justis tamen de causis reservatæ
 „sunt ecclesiasticis iudiciis „

19. „Causæ *MERE* ecclesiasticæ sunt exempli gratia causæ Sacramen-
 „torum, & similes, quæ nihil temporalis annexum habent; sed omnino spiri-
 „tuales, & ecclesiasticæ sunt „. Iisdem causis *MERE* ecclesiasticis accenset
num. 30 causas beneficiales decimarum, præsertim ad Ecclesiasticos spectan-
 „tium, juris funerandi, juris patronatus ecclesiastici &c.

20. „Inter causas profanas (pergit Cap. 2, num. 1,) quæ jam pridem
 „iurisdictioni ecclesiasticæ subiectæ fuere, una eaque e præcipuis fuit causa
 „testamentorum „. De aliis huiusmodi profanis causis seu ecclesiasticis *non*
meris agit *Capite 3*. Ceterum hæc conferas oportet cum iis, quæ ex eodem
 VANESPENIO dabamus *Cap. 1, num. 318 &c.*

21. Has vero causas ecclesiasticas *non meras*, appellare licet etiam
mixtas: ad quam rem legere potes Antonium CHARLAS de *Libert. Gallic.*
Lib. 7, Cap. 8, num. 8 edit. recogn. „Causæ mixtæ sunt causæ temporales,
 „quæ connexionem quandam habent cum spiritualibus „: ait Ægidius Ro-
 manus Archiepisc. Bituricensis ibidem.

22. Dicam tamen obiter, variam esse notionem *causarum mixtarum*. Na-
 talis ALEXANDER *Hist. Eccl. Sec. 4, Cap. 2, Schol. 3* ponit, „Causas
 „MIXTAS esse, cum non Ecclesiæ solum, sed Reipublicæ pax & tranquillitas
 „in discrimen vocatur „. Recte forte & istud.

23. Atque hoc loco ALTESERRA de *Jurisd. Eccles. Lib. 4, Cap. 4, &*
Lib. 5, Cap. 1 Fevretum redarguit, quod definiat crimen mixtum illud, de quo
 iudex civilis in laicos, iudex ecclesiasticus in clericos notionem habet; cum
 potius, iudicio ALTESERRÆ, illud mixtum crimen intelligendum sit, de
 quo uterque iudex est competens in clericos & in laicos, ita ut locus sit
 præventioni, & cognitio sit occupantis, seu ejus iudicis, qui prius hac de causa
 aditus est. Lege sis etiam Horatium MARTA de *Jurisd. Par. 2, Cap. 1, &*
Caput nostrum XII, num. 1 - 6 infr.

24. Sed, si me audis, videtur mihi, non esse generali cuiquam harum
 causarum mixtarum definitioni præfractæ insistendum; cum jureconsultos ab
 istiusmodi definitionibus videam non raro abductos esse in absurda & incon-
 grua: id quod facili consideratione experiri ac perspicere quisque alius potest.

25. Interim ego magis ab errandi occasione nos abfuturos puto, si dixerimus, illas esse CAUSAS MIXTAS, quas per diuturnam CONSUETUDINEM, aut per CONCESSIONEM vel expressam vel tacitam alterius partis vindicavit sibi alterutrum forum. Quæ quidem causarum mixtarum descriptio consentit cum iis, quæ *Cap. XII* explicaturi sumus. Sed redeo ad priora.

26. Nuperus Scriptor, qui sub nomine Justinii FEBRONII prodiit, in *Principiis Jur. Publ. Eccles. Cap. 9, §. 11* hanc ponit regulam: “ In causis spiritualibus & ECCLESIASTICIS attenditur SOLUM Jus CANONICUM,,. Itaque ex hujus etiam sententia, CAUSÆ ecclesiasticæ sunt illæ, quæ a CANONIBUS pendent.

27. Numerat autem e vestigio causas spirituales & ecclesiasticas, scribens: “ Hoc nomine veniunt dogmata & Sacramenta: eo quoque pertinent,, omnes causæ matrimoniales; item ELECTIONES, institutiones, depositiones ministrorum Ecclesiæ, jus patronatus, decimæ, sepulturæ, foundationes & legata pia; PROFESSIO religiosa, vota, juramenta &c. Inter,, enumeratas causas tamen aliquæ, saltem ratione accessiorum & circumstantiarum, videntur esse mixtæ, quarum intuitu seculares etiam principes jurisdictionem exercent, nisi eam Ecclesiæ cesserint,,. Hæc vero intelliges melius ex iis, quæ habes supra *Cap. I, num. 318 &c.*

28. Non ab simili modo Claudius FLEURY *institut. jur. Eccles. Par. 3, Cap. 1, num. 9* inter CAUSAS ecclesiasticas refert omnes quæstiones doctrinales, sive fidem, sive MORUM spectent regulam, jus præscribendi Canones seu regulas disciplinares ad vitam interiorem directas (sive ad justitiam & pietatem finemque supernaturalem, ut ajunt, & vitam æternam; quo spectat ac tendit EXTERIOR quoque ecclesiastica DISCIPLINA; uti *Cap. II* explicavimus); jus ab earum observatione certis de causis liberandi, easque, si salus Ecclesiæ id postulet, prorsus abrogandi; Institutionem PASTORUM & ministrorum, eorum depositionem; jus correctionis, & pœnitentiarum; tandem excommunicationis.

29. Concludit autem FLEURYUS: “ Hæc sunt jura illa Ecclesiæ propria, quibus Imperatorum paganorum temporibus gavisa est, nec ab ulla,, potentia humana privari potest; licet de facto nonnunquam & vi majore,, eorum impediatur exercitium,,. Hæc ipsa latius explicat FLEURYUS in *Discours septième sur l'Histoire Eccles. num. 1. 3.*

30. Summus vero Pontifex BENEDICTUS XIV *de Syn. Diæces. Lib. 9, Cap. 9* alio sub aspectu ecclesiasticas causas dividit. Scribit enim num. 2: “ Ex causis ecclesiasticis aliquæ ratione sui, aliæ ratione PERSONARUM,, ad forum ecclesiasticum pertinent. Inter primas principem locum ob,,
,, tinent

„ tinent causæ, quæ versantur circa res mere spirituales, puta circa fidem,
 „ Sacramenta, religionem, seu cultum divinum; quas in solo foro eccle-
 „ siastico esse pertractandas nullus catholicorum ambigit: potestas quippe
 „ illas cognoscendi pendet a jure clavium „. Sed recolas cetera, quæ ex
 hoc eodem Pontificis Capite protulimus *Cap. I, num. 346 &c.*

31. „ Aliæ sunt causæ (pergit Benedictus num. 8) eidem foro addictæ
 „ ratione personarum, quas tangunt. Non vacat hic illam examinare quæ-
 „ stionem, quo jure, divinone, an humano, CLERICI in causis mere
 „ TEMPORALIBUS exempti sint a jurisdictione seculari: superfluum
 „ quippe videtur indagare primigeniam originem ejus exemptionis, qua
 „ ceteroquin certo scimus Clericos potitos, ubi primum Ecclesia, sedatis
 „ persecutionum procellis, christianos Principes nacta est „. Inquirimus
 nos de ea quæstione Capite proximo.

32. Alia ratione CAUSAS ecclesiasticas dividit Daniel CONCINA
*de Jur. Nat. & Gent. &c. Lib. 1, Diff. 4, Cap. 3, §. 3, pag. 339 Tom. sexti
 Theol. Christian.* „ Quæ in christiana Ecclesia sacra sunt, alia attinent ad
 „ Sacramenta, alia ad regimen conscientiæ internum, alia ad disciplinam
 „ exteriorem. Ex quo sequitur, triplicem esse potestatem in Ecclesia, al-
 „ teram ordinis, alteram jurisdictionis interioris, tertiam jurisdictionis ex-
 „ terioris „.

33. „ Prima Sacramenta conficienda & ministranda spectat Ad
 „ potestatem jurisdictionis interioris pertinet absolvere, & ligare conscien-
 „ tias „.

34. „ Potestas jurisdictionis exterioris controversias fidei dirimit, con-
 „ cilia convocat, & iisdem præsidet, beneficia confert, Ecclesiæ ministros
 „ constituit, in delinquentes animadvertit pœnis spiritualibus „.

35. Properandum est ad finem Capitis; cujus summa hæc est: causas
 ecclesiasticas esse illas, quarum cognitio a canonibus pendet, atque a lege
 divina per Ecclesiam declarata & proposita; sive causæ illæ tangant RES,
 sive PERSONAS; prout ex MARCA etiam intelleximus.

36. Ex hac vero regula ducitur illud pronuntiatum ejusdem Petri DE
 MARCA, non valere leges LAICAS, quæ de causis ecclesiasticis latæ CA-
 NONIBUS adversantur. Quod quidem pronuntiatum ipse late explicavit
*num. 6 &c. Capitis undecimi Libri 2, de concordia Sacerdot. & Imperii: ac postea
 in prolegomenis pag. 61* paucis verbis ac perspicuis ita proposuit:

37. „ Tutio illa, quam Principes canonibus impertiuntur, Canonum
 „ sententiam aliquo pacto egredi non debet, alioqui IRRITUM est & inane
 „ quodcunque Principis EDICTUM ADVERSUS CANONES in rebus
 „ ecclesiasticis latum „.

38. "Hæc est libera illa vox synodi Chalcedonenſis, in quam Patres
 „a iudicibus interpellati ſimul omnes eruperunt: *Contra regulas pragmat-*
 „*ticum nihil valebit. Regule Patrum teneant.* Quod ſynodi decretum
 „Marcianus ediſto ſuo firmavit: ita ut ſententia iſta in dubium adduci non
 „poſſit, nempe SOLI eccleſiaſticae iuriſdictioni ſubdita eſſe tum fidei tum
 „DISCIPLINÆ eccleſiaſticae controverſias; ad Principum officium id unum
 „pertinere, ut legibus ſuis Canonum & decretorum pontificiorum execu-
 „tionem tueantur & foveant, ea conditione, ut ſi quid adverſum CANO-
 „NIBUS decretis conſtituerint, nullum fortiatur effectum,,

39. Hoc, inquam, pronunciatum, *irritum eſſe quodcunque Principis*
ediſtum adverſus Canones in rebus eccleſiaſticis latum, ducitur ab iis prin-
 cipiis, quæ ferunt, cauſas eccleſiaſticas eſſe illas, quæ a Canonibus regu-
 lam accipiunt; & ex regulis Chriſtianismi naſci (prout jam a principio dixit
 BOSSUETUS), ut Eccleſia per Canones regi debeat.

40. Nam ad Eccleſiæ fundamentum non modo fides pertinet, ſed
 etiam DISCIPLINA; & ſi quando duarum iſtarum partium alterutra ma-
 gis ſubelliſſet legibus, quam Canonibus, ita ut adverſus Canones leges vin-
 cerent, jam per hoc rerum naturæ mutarentur, ſeu efficeretur, ut magis a
 legibus civilibus cauſæ eccleſiaſticae penderent quam a Canonibus contra
 naturam cauſarum eccleſiaſticarum, quæ, ut dictum eſt, regi Canonibus
 debent.



CAPUT VI.

De origine, & indole libertatis eccleſiaſticae ſeu IMMUNITATIS
Clericorum & rerum Eccleſiæ.

I. AFFINE eſt hoc caput ſuperiori quo inveſtigatum eſt, quænam ſint
 cauſæ eccleſiaſticae. De libertate Eccleſiæ ſeu de immunitate cle-
 ricali ſcribere innumeri, theologice tamen potius quam hiſtorice: ex qui-
 bus cum ego multos legerim; videntur mihi nonnulli inter eos, dum ni-
 miis diſtinctionibus ac diviſis poſitionibus rem explicant, deſtruere quod
 modo ædificarant, ac eo tandem devenire, ut multis licet verbis, nihil
 dicant nihilque doceant. Nominabo inter hos BELLARMINUM,
 Ant. Dadinum ALTESERRA *Vindic. Jurisd. Eccleſiaſtic. Lib. 1, Cap. 2,*
 Andream DUVALIUM Doctorem Sorbonicum, & Didacum COVARRU-
 VIAM Hiſpanum.

2. Nolo tamen DUVALIUM vel COVARRUVIAM debito honore fraudatos; cum isti videantur mihi in hoc vexatissimo capite aequiores ceteris ac cordatiores; ille quidem in libro *de Pontific. potest. Par. 3. Qu. 3. in tomo 3. Biblioth. Pontific. pag. 504*; hic vero *Practicar. Question. Cap. 31. in tomo 2. Oper.* Duvalius autem post Covarruviam scripsit, & hunc sibi proposuisse magistrum videtur. Ego, solius veritatis studio animatus, rem universam duabus primariis positionibus transfigam.

3. Primo itaque tenendum est, “in his quæ per se, & proprie spiritualia, & ecclesiastica sunt (uti DUVALIUS scribit), Clericos a potestate, & jurisdictione laica DIVINO JURE esse immunes; ut quæ spectant ad Sacramentorum administrationem, pœnarum ecclesiasticarum irrogationem, ministrorum Ecclesiæ institutionem, confirmationem, examen, & quidquid denique, ut inquit Covarruvias, ad Ecclesiam, fidemque Christianam specialiter pertinet; ut sacras literas interpretari, & alia quædam ecclesiastica munia obire,.” Positio hæc probatione non eget; cum sit catholicis omnibus comperta & rata.

4. Secundum hæc Natalis ALEXANDER in *Histor. Eccles. Seculi 5, Cap. 6, Art. 6* in scholio: “Agnosco, ait, immunitatem ecclesiasticam in iis quæ Sacramentorum administrationem sacrosque ritus, ecclesiasticæ DISCIPLINÆ constitutionem, spirituale regimen populi christiani, causarum mere ECCLESIASTICARUM judicium spectant, a Principibus & Imperatoribus non dependere, sed tamen plurimas alias immunitates in iis, quæ TEMPORALIA spectant ONERA, a christianis Principibus Ecclesiis clericisque concessas qui negaret, in ecclesiastica historia peregrinus & hospes esset,.”

5. Hæc postrema pars verborum Natalis Alexandri deducit me ad alteram primariam positionem, quam sapienter constituunt COVARRUVIAS & DUVALIUS *loc. cit.*, ac Emmanuel GONZALEZ in *Caput 4 de Immunit.* In rebus mere temporalibus & criminalibus, quæ spiritualia non attinent, Clericos, & eorum res non esse jure divino a jurisdictione Principum secularium immunes; licet Clericorum immunitas cum jure divino, & cum jure naturæ MULTUM congruat.

6. Non alia quam hæc, fuit sententia BELLARMINI, quando *de Clericis Cap. 28, Prop. 5* scripsit: “Exemptio Clericorum in rebus politicis, tum quod ad personas, tum quoad bona introducta est jure humano patenter & divino,.” Nam JURIS DIVINI nomine BELLARMINUS non intellexit illud, quod a vero Dei præcepto existit, sed illud “quod ab exemplis vel testimoniis testamenti veteris, vel novi per quandam similitudinem deduci possit,; ut ipse idem loquitur.

7. Quapropter vana est disputatio illius, quam Cap. 30 suscepit ad derivandam exemptionem illam a jure divino, adversus COVARRUVIAM: & solum valet ad turbandas, ut sæpe fit, primas theologiæ & historiæ notiones. Præterea Covarruvias accuratius sane quam Bellarminus, dixit, exemptionem hujusmodi esse a jure humano, sed eam tamen multum cum jure DIVINO & NATURALI congruere.

8. Jus HUMANUM autem hoc loco non intelligo aliud quam JUS CIVILE seu Jus Imperiale. Verissime namque Natalis ALEXANDER *Hist. Eccl. Seculi 4, Cap. 1, num. 8* de exemptione a tributis scripsit: “Pii Imperatores Clericos & Monachos tributorum immunitate donarunt. Unde quod ea non solvant, habent ex Imperatorum christianorum pietate & munificentia, : quam propositionem defendit contra censores suos in *Scholio 2* valide, ut solet in ceteris.

9. Nec video sane, quo jure Theologi non pauci Immunitatem, de qua agimus, derivent a jure ECCLESIASTICO; quasi vero religio christiana liberet a vinculo civili & ab officio erga Principes, seu quasi jus ab hoc vinculo solvendi Clericos, CHRISTUS Dominus concesserit Ecclesiæ vel Petri Successoribus.

10. Quare magnopere laborat hoc pronunciatum Constantini RONCAGLIA in §. secundo Animadversionum in Articulum 6 citatum Natalis Alexandri: “Personalis Clericorum immunitas quoad ea delicta, quæ essent CIVILIA, & profana, si non ex jure divino, ex ECCLESIAE jure est repetenda; atque ita exposcebat dignitas Ministrorum Ecclesiæ. Simile quid scribunt COVARRUVIAS & DUVALIUS; qui in ea tamen immunitate simul agnoscunt Imperatorum christianorum *consensum* & religiosam donationem.

11. Has unas igitur partes Ecclesiæ fuisse in hac re assentior, quod ipsa exemptiones, quas Clericis Imperatores tribuissent, defendit studiosè ac sollicitè adversus violatores; ac latis legibus jura sua sibi vindicavit, sive ea quæ ab Imperatoribus profecta erant, sive quæ ab usu, & a consensu tacito christianarum gentium constituta fuerant.

12. Ista sunt consona iis quæ sapientissimus Pontifex BENEDICTUS XIV, verba faciens de immunitate personali Clericorum, habet *de Syn. Diæces. Lib. 9, Cap. 9, num. 8*; ubi postquam dixit, “non vacare illam examinare, quæstionem, quo jure, divino ne, an humano, Clerici in causis mere temporalibus exempti sint a jurisdictione seculari; superfluum quippe videri indagare primigeniam originem ejus exemptionis, qua ceteroquin certo scimus, Clericos potitos, ubi primum Ecclesia, sedatis persecutionum procellis, christianos Principes nacta est,; vi scilicet constitutionis a Constantino Magno latæ, quam ibi Pontifex commemorat ex Nicephoro, subdit:

13. "Cujus quidem exemptionis tuendæ adeo Episcopi solliciti fuere, „ ut Patres Concilii Carthaginensis III habiti Anno 397 &c. Eandem immunitatem, atque exemptionem (pergit), insequentibus seculis & summos „ Pontifices, & PRINCIPES summa inter se consensione Clericis confirmasse liquet ex Auth. *hodie*, Authentic. *Clericus*, Authentic. *statuimus*, Cod. „ *de Episcop. & Cleric.* atque ex decretalium rubricis *de judiciis*, & *de for. com. „ pet.* „ Hæc BENEDICTUS XIV, melius quam RONCAGLIA & reliqui.

14. Consuluit autem sibi in longa seculorum vice magis, & magis Ecclesia in hoc immunitatis ac libertatis articulo; eo quod bene nosset, hoc jus magnopere congruere cum jure divino & naturali, ac multum valere ad conciliandam ordini ecclesiastico reverentiam, & ad sanctitatem ac eminentiam Status ac muneris eorum, CLERICIS commendandam. Prætermitto alias rationes æquitatis ac congruentiæ, ob quas Clericos in politicis decuit esse exemptos a jurisdictione seculari; quæ afferri a Theologis variæ solent; & ob quas etiam justum fuit, ne Ecclesia pateretur sibi elabi privilegia, quibus jampridem ex variis titulis potiebatur.

15. Neque vero prudens consilium fuisset, eam immunitatem negligere, quæ Juris est Gentium, ut ita loquar, seu quæ universi hominum generis consensione ac moribus nixa videtur. In quo fatentem habeo non catholicum scriptorem aut theologum, sed ex Protestantibus BOEHMERUM *Jur. Public. Universal. Part. 2, Lib. 2, Cap. 9, §. 15 in Not.*

16. "Pleræque gentes, ait, hunc sacerdotibus suis præstant honorem, „ ut eos a quibuscunque oneribus publicis IMMUNES reddant „ Apponit autem BOEHMERUS exempla ex Druidis Gallorum, ex Hebræis, ex Ægyptiis, & ex Romana ethnica. Tum pergit: "Imperatores christiani Judæorum „ sacerdotibus immunitates, quibus Clerici fruebantur, indulgebant. . . . „ Et infinitum foret, omnium populorum scita circa immunitatem sacerdotum „ referre. . . . Hæc immunitas adscribenda est venerationi & devotioni, „ quam erga sacerdotes, utpote MINISTROS DEI, habuere „ Naturæ vox hæc in BOEHMERO locuta est.

17. Ceterum cum clericalis immunitas in rebus mere temporalibus, & in criminalibus, quæ spiritualia non attingunt, sit a jure humano seu a Principum beneficentia; inde recte statuas cum DUVALIO Quæst. 3 alleg. "Laicos „ vi consuetudinis longioris temporis, jus & potestatem in Clericos habere „ posse sive pro rebus CIVILIBUS sive criminalibus. Nam etsi consuetudo „ non possit hanc exemptionem penitus antiquare, aut ita restringere, vel „ imminuere, ut inde maxima toti ecclesiastico ordini fiat injuria: in non „ nullis tamen casibus, per immemoriam atque præscriptam consuetudinem, „ hæc immunitas restringi, ac limitari potest „

18. Ex eo vero quod immunitas hujusmodi sit magnopere juri divino, ac naturali consentanea; merito colligas cum DUVALIO eodem, „Principem absque peccato eam universaliter tollere non posse, aut ad eas angustias redigere, ut hoc in opprobrium, & contemptum ordinis ecclesiastici cedat, maxime cum hæc immunitas jam ubique locorum & gentium, quibus christianum illuxit lumen, sit recepta, sitque veluti juris gentium, quod a nemine potest immutari, nedum abrogari.,,

19. Omnino autem omnis controversiarum occasio & conflictus inter utramque potestatem tolletur, si vetus POSSESSIO utrinque servetur, ac, quæstione exorta de aliquo libertatis ecclesiasticæ articulo, inspiciatur, quis ab immemorabili jam tempore possideat. Ut enim in multis aliis controversiis de finibus utriusque potestatis, ita in hac est habenda ratio longævæ præscriptionis; prout latius explicaturi sumus *Capite XII.*

20. Quam ad rem non immerito animadvertit RONCAGLIA in *Natal. Alexand. loc. cit.*, privilegia Principum, pro immunitate ecclesiastica facientia, „inter Ecclesiæ bona esse computanda, (quatenus scilicet usu longævo non sint abrogata), ac proinde in ipsius Ecclesiæ dominium transiisse; ex quo infertur, nullam modo habere Principes potestatem de eisdem vel abrogandis, vel minuendis; sicut nec ipsi Principes sibi auferri paterentur privilegium, quod ECCLESIA ipsis fuisset elargita.,. In quo, si summam rei inspicimus, consentit & Petrus DE MARCA in *interpretatione Capituli Clericus* 3, q. 4, num. 5. Vid. supr. Cap. 5, num. 8.

21. Hoc vero nec ipsum latuit Natalem ALEXANDRUM, qui in *Hist. Eccles. Sec. 15 & 16, Cap. 7 in Schol. 3 ad artic. 2* dilucide ac distincte, ut semper solet, summam nostri hujus Capituli, una cum postremo hoc articulo, proponit, scribens: „Immunitatem ecclesiasticam quoad spirituales causas, & mere ecclesiasticas juris esse divini fateor: sed quod spectat causas temporales & profanas, ut solutiones debitorum, & criminum quæ a viris ecclesiasticis, non quatenus Clerici, sed quatenus homines sunt improbi, committuntur, ut furta, homicidia, sacrilegia &c.; eorum immunitatem esse juris divini concedere non possum,,

22. „Sed si quæ sint negotiorum species, in quibus Clerici conspirante Legum & Canonum sententia exempti sint a seculari foro; in JUS DIVINUM peccare fateor, quicumque illa privilegia violaverit, quia JURE DIVINO prohibetur, ne cuiquam JUS legitime quæsitum AUFERATUR.,,

23. Intelligis ex his, vanos esse timores Jacobi GRETSERI, qui *Consideration. de Immunit. ad Theolog. Venet. Lib. 2. Considerat. 10 prope fin.*, veretur, ne, si a politicæ potestatis munificentia immunitatem ecclesiasticam in rebus

mere temporalibus derivaverimus; ipsa facultatem concessam a Prælatibus ecclesiasticis auferat, quando & prout lubet.

24. Istis vero sic constitutis; videt unusquisque, non sine cauta interpretatione admitti id posse, quod VANESPENIUS ponit in *Tractatu de Recursu ad Principem* Cap. 1, §. 5, "Exemptionem scilicet Clericorum non sic committere Ecclesiæ, quin summus Princeps, qui eam benigne indulget, possit eandem restringere, mutare, aut ejusdem legitimum usum præscribere, ubi COMMUNE BONUM id exegerit. Manet enim semper apud illos summa potestas ordinandi, statuendi, & agendi, quæ ad subditorum & reipublicæ commodum, secundum Deum judicaverint expedire,."

25. Utique si nullius alterius supremæ in suo genere potestatis id interfuit; ita scilicet rem interim accipio. Secus vero, si interfuit: tunc enim communi utriusque partis consilio & consensu res erit transigenda. Et hoc æque verum est, quando de juribus Ecclesiæ agitur, ac quando jura alterius potestatis LAICÆ invertenda fuerint; cum non inferiori conditione esse debeat illa, quam ista.

26. Quærerem sane hoc loco a VANESPENIO, an, posita communione jurium inter duos supremos Principes quoad rem aliquam, exempli causa, quoad dominium utile maris; daturus fuerit consilium alterutri Principum ordinandi ea & statuendi, alio Principe inconsulto, quæ ad reipublicæ commodum judicasset expedire. Non puto, hominem probum qui juris gentium naturalis regulas calleat, hoc fuisse insinaturum consilium. Pari ergo ratione Consilarii boni ac æqui se gerere erga Ecclesiæ jura debent.

27. Cum igitur exemptio Clericorum sit inter jura Ecclesiæ non infimi ordinis; si forte Princeps laicus eam restringere aut mutare voluerit, communi id Status ac subditorum poscente bono; jus gentium naturale, id est, jus inviolabile, postulat, ut prius audiatur Ecclesia & Romanus Pontifex, qui jure Primatus non quidem dominus, sed tamen distributor ac custos est jurium Ecclesiæ, & Ordinis clericalis, ac Cœtuum ecclesiasticorum. Videnda sunt ea, quæ scripsimus Cap. II, num. 28 - - 32.

28. Quamquam hoc admonere debeo, VANESPENIUM non ibi loqui de immunitate generatim; sed hoc unum voluisse ipsum ibi docere, immunitatem Clericorum a foro seculari non impedire, quominus Rex patrocinium præstet Clericis, qui a iudiciis ecclesiasticis vim injustam passi fuerint; seu eandem non impedire, quominus Clerici isti sic oppressi possint regium implorare patrocinium.

29. Quo VANESPENII consilio cognito, statim alius verborum illius sensus occurrit menti: scilicet exemptionem Clericorum a foro seculari variam accipere mutationem posse in gratiam eorum, quibus exemptio eadem fuit concessa. Hic vero Vanespenii sensus ex toto paragraphi illius quinti contextu amplius confirmatur.

30. Antequam finem huic Capiti imponam, non est sane omittendum videre, quanam sit sententia œcumenici Tridentini Concilii *Seff. 25, Cap. 20, de Reform.* dicentis orbiter, *Ecclesiæ, & personarum ecclesiasticarum immunitatem, Dei ordinatione, & canonicis sanctionibus constitutam*; quibus verbis videtur significasse, immunitatem ecclesiasticam esse JURI DIVINO referendam, minime autem, ut a nobis affirmatum est, juri humano CIVILI seu imperiali.

31. Theologi ac jureprudentes ista TRIDENTINI verba non uno modo interpretantur. Verior tamen ac textui Tridentino conformior interpretatio hæc est: immunitatem ecclesiasticam in politicis tum quoad personas, tum quoad bona, esse valde consonam iis, quæ in verbo Dei consignata sunt; & esse inductam ad exemplum eorum, quæ scriptura sacra proponit; uno verbo, Clericorum immunitatem magnopere congruere cum jure divino, & cum jure naturæ. Hanc interpretationem adoptat ac explanat VANESPENIUS *Jur. Ec. Univ. Part. 2, Tit. 35, Cap. 2, num. 27--31.*

32. Eademque interpretatio est Emmanuelis GONZALEZ *in Caput 4, de Immunitate num. 8*, qui tum Tridentini recitatis verbis, tum aliis prolatis Canonibus, ex quibus videbatur colligendum, hanc immunitatem esse juris divini; respondet nihilominus, “cum communi interpretum placito
 „dicendum esse, exemptionem hanc vere juris POSITIVI esse, sed quia
 „valde conformis est juri divino, juris etiam divini dici, & lato modo ad
 „jus divinum eam spectare; hanc enim esse phrasin, seu usum loquendi
 „sacrorum Canonum, in quibus jus divinum appellatur, quod habet origi-
 „nem a jure divino veteris testamenti,, Hæc tantum ex Gonzalezio. Nec plura a me dici oportere puto de immunitate & libertate ecclesiastica generatim.





CAPUT VII.

*De rebus ecclesiasticis non licet Principi laico leges novas condere, non contra Canones modo, sed neque præter CANONES: seu, non spectat ad Principem externam Ecclesiæ disciplinam
NOVE ordinare.*

1. **F**ATENTEM vidimus Petrum DE MARCA *Cap. I, num. 296, & Cap. V, num. 36 &c.*, irritum fore & inane quodcunque Principis edictum adversus Canones in rebus ecclesiasticis latum. Atque in hoc eos omnes, qui catholici censentur, convenire debere puto; quoniam secus in rebus ecclesiasticis potiorum ipsi facerent auctoritatem Principis, quam Ecclesiæ, cujus quippe Canones de ecclesiastica re cedere legibus seculi cogerentur.

2. Non desunt tamen qui non vereantur affirmare, aut insidiosè saltem indicare; pertinere ad Principem, ut externam Ecclesiæ disciplinam ordinet, suisque legibus constituat. Quod pronunciatum duos habere sensus potest: vel quod solus Princeps jure constituendi externam disciplinam potiatur: vel quod potiatur ipse æque ac Ecclesia.

3. Primus sensus, quod solum pertineat ad Regem jurisdictio exterioris disciplinæ Ecclesiæ, “mihi videtur (dicam cum ven. Josepho Card. THOMASIO *Opusc. 16, pag. 161, tom. 7 Oper. edit. noviss.*) „ continere „ hæresim oppositam revelationi divinæ, quam nobis Deus manifestavit in „ libris novi testamenti. Disciplina enim exterior & visibilis Ecclesiæ sita „ est in regimine Ecclesiæ visibilis: quod regimen non homo, sed Deus; „ non Regibus, sed EPISCOPIS dedit, ut Deus ipse revelavit per os „ Apostoli dicentis: *Attendite vobis, & universo gregi, in quo vos Spiritus sanctus posuit Episcopos REGERE Ecclesiam Dei: „ Act. 20, 28.*

4. Addit THOMASIVS & Canonem 6 sessionis 23 Concilii Tridentini: tum vero rectè colligit: “ Ex divina igitur ordinatione Episcopi constituti sunt in ecclesiastica hierarchia; & ex eadem divina ordinatione ipsi „ positi sunt ad REGENDAM Ecclesiam Dei EXTERNO regimine disciplinæ, & jurisdictione „

5. Hanc potestatem in Ecclesiam a Christo mansisse ultro fassus est vel ipse DUPINIUS *de Eccl. Discipl. Dissert. 7 Cap. 1 §. 2* scribens: "Quinta, ac postrema potestas a Christo Apostolis collata est condendarum LEGUM, quæ ad DISCIPLINAM Ecclesiæ pertineant, & constituendorum, sibi successorum, hoc est, Episcoporum, Presbyterorum, Ministrorum, quæ leges bonum SOCIETATIS ecclesiasticæ respiciunt; Ministri vero animarum curam habent,,. Hæc Dupinius his ipsis fere verbis: & Dupinio libens assentitur vexatissimus ille Petrus GIANNONE *in Hystor. civili Regni Neapolitani Lib. 1 cap. ult. § 5 & 7*.

6. Sufficit sane, ad assentiendum huic parti, primas solum tenere dictionum seu verborum notiones, ac communi hominum sensu plane non carere. Verbum enim *regere*, quo APOSTOLUS utitur loco allato, non aliud sonat audienti, quam *constituere, ordinare, ac moderari* ea omnia, quæ ad statum pertinent & oeconomiam cætus sibi commissi. Ista huic verbo notio subiecta est. Et rideret sane paterfamilias, audiens, cum sibi universæ familiæ cura, ordo & administratio sit imposita; ad se tamen non pertinere nisi SPIRITUALEM & MORALEM filiorum & domesticorum institutionem; ceteram vero domesticam disciplinam curaturos eos, quibus nunquam fuerit familia illa commissæ *REGENDA*.

7. Jam cum, Apostolo teste, Episcopi & Pastores positi sint a Spiritu sancto *REGERE* Ecclesiam Dei; quis ferat, communes verborum notiones quoad Episcopos & Pastores Ecclesiæ inverti ac mutari, repugnante vulgari conceptu ac communi hominum sensu?

8. ATQUE ex hoc uno (nisi alia suppeterent) consequitur, alterum etiam sensum, quod in externam Ecclesiæ disciplinam jus habeat Princeps æque ac Ecclesia, abesse plane a veritate, & tanquam absurdum errorem esse omnino repudiandum. De solis enim Episcopis dictum est ab Apostolo, constitutos eos fuisse a Spiritu sancto ad *REGENDAM* Ecclesiam Dei; neque vero significat, ullam in hujusmodi regimine partem esse PRINCIPIBUS concessam. Et hoc quidem in capite consentientem habemus tum Petrum de MARCA, tum inter Heterodoxos Guilielmum BEVEREGIIUM. Relege prolixa istorum loca, quæ dedimus *Cap. I, num. 290 -- 299* ex Marca, & *num. 246 -- 261* ex Beveregio. Principes Canonicas tuiti sunt Leges, sed NIHIL de disciplina NOVUM, non modo contra Canones, sed nec præter & ultra CANONES sanxerunt: & hæc perpetua est vox BEVEREGII in eo loco, quem ibi protulimus. Tene sentium BEVEREGII: de re autem nunc non quæro. Sed adeas sane MARCAM *Libro item 2 Cap. 1, num. 3*.

9. Idem docet & Franciscus SALGADO, vir item minime Regiis suspectus *de Supplicat. ad Sanctissim. Par. 2, Cap. I, num. 35 - - 39 pag. 204 edit. Lugdun. 1664.* Et digna sunt ejus verba, ut afferantur:

“Legibus, ait, quæ in jure reperiuntur de rebus sacris (intellige in primis, ex Salgadi instituto, res ecclesiasticas EXTERNAS, seu ecclesiasticam externam DISCIPLINAM) „Christiani Principes nihil per se ipsos in „his rebus definiunt; sed quæ a summis Pontificibus & sanctis Conciliorum „decretis definita & statuta sunt, obsequente & maxima reverentia ample- „ctentes, legibus suis & jussionibus muniunt atque TUENTUR, pœna- „rumque comminationibus & terrore ad observantiam faciliora reddunt,,.

“Leges namque temporales, quando conformes sunt juri pontificio, „non autem contrariæ, NEC CONTINENTES NOVAM DISPOSITIO- „NEM in rebus ecclesiasticis; licite condi possunt a Principibus tempora- „libus. Hæc SALGADUS,,.

10. Merito sane Beveregius, Marca, Salgado (ne commemorem nunc ejusdem partis alios) omnem Principi denegant potestatem NOVAS leges condendi de ecclesiastica EXTERNA disciplina, eas etiam quæ minime Canonibus adversentur; adeoque potestatem illam SOLI Ecclesiæ fuisse a Deo concreditam, merito docent. Etenim præterquam apertissima est APOSTOLI de hac re sententia a nobis prolata; pro hac eadem re omnis quoque antiquitas clamat, sive PRINCIPUM ipsorum sensum exquirimus, sive Pastorum ac Patrum vocem audimus: & ipsa præterea naturalis ratio hoc idem persuadet. Experiamur hoc primum ex antiquitate.

11. In externam Ecclesiæ disciplinam jus non habere Principem, publice testatus est BASILIUS Macedo Imperator coram octava Synodo œcumenica, in qua Photius e sede Cpolitana dejectus est, cunctis iis, quæ acta ab eo fuerant, abrogatis. In actione enim X, & ultima illius synodi, postquam recitati sunt septem & viginti Canones a Synodo editi, qui ad nostram exteriorem disciplinam spectant fere universi; orationem Imperator ad Patres habuit, in qua hæc inter cetera pronunciavit.

12. “De vobis autem laicis, tam qui in dignitatibus, quam qui absolute conversamini, quid amplius dicam non habeo, quam quia nullo „modo vobis licet DE ECCLESIASTICIS CAUSIS sermonem movere, „neque penitus resistere integritati Ecclesiæ, & universali synodo adversari, HOC ENIM investigare & quærere Patriarcharum, Pontificum, & „Sacerdotum est, qui REGIMINIS OFFICIUM sortiti sunt..... NON „NOSTRUM, qui pasci debemus..... quantæcunque enim religionis „& sapientiæ LAICUS existat....., donec laicus est, OVIS vocari non „desinet.....,,.

13. "Quæ ergo NOBIS ratio est in ordine OVIUM constitutis PASTO-
 „ RES verborum subtilitate discutiendi, & ea quæ SUPER NOS SUNT quæ-
 „ rendi & ambiendi? Oportet NOS nihil amplius quam ea, quæ sunt NOSTRI
 „ ORDINIS, requirere „. *Tom. 8 Concilior. edit. Paris. col. 1154 ex versione*
Anastasio Bibliothecarii.

14. Agnovit ergo BASILIUS Imp. nec laico cuicumque NEC SIBI ipsi
 licere vel Canonibus ecclesiasticis repugnare, vel in ECCLESIASTICAS
 CAUSAS & externam disciplinam se intrittere: cum hoc ab OVIBUS sit
 alienum; solumque sit relictum Patriarchis, Pontificibus, & Sacerdotibus, qui
 REGIMINIS officium sortiti sunt.

15. Disciplinæ exterioris partem item faciunt ea, de quibus latissime
 a NICOLAO I Rom. Pont. scribitur in Epistola 8 ad Michaellem Imperatorem
 Cpolititanum: nam de iis agitur, quæ adversus Ignatium Cpolititanum Patriar-
 cham gesta fuerant. Audiamus hunc Pontificem verba de actis illis habentem
 ad Imperatorem in eod. tom. 8 Concilior. col. 324.

16. "Nolite (ait) quæ Ecclesiæ sunt, usurpare: nolite, quæ ipsi SOLI
 „ commissa sunt, velle surripere: scientes, quia tanto nimirum a sacris debet
 „ omnis MUNDANARUM rerum administrator esse remotus, quanto
 „ quemlibet ex catalogo clericorum, & militantium Deo nullis convenit ne-
 „ gotiis secularibus implicari „.

17. Plane ad externam disciplinam spectat status & ordo Monasteriorum,
 qui descriptus est in Canone tertio Concilii Trosleiani, anno 909 ab Heriveo
 Remensi Archiepiscopo, ejusque Suffraganeis celebrati apud Troslejum villam
 Regiam in pago Sueffionico. Patres tamen illi pronunciant: quod "PRIN-
 „ CIPALIS POTESTAS putet sibi licere in causas ecclesiasticas profligare, id
 „ esse contra auctoritatem DIVINAM „.

18. "Ita inolevit malum, ajunt, quod a transactis retro cœperat annis,
 „ ut jam PRINCIPALIS POTESTAS putet sibi licere, secus, quam auctori-
 „ tas DIVINA se habeat, in causas ecclesiasticas profligare, & duce S. Spiritu
 „ statutum a Patribus Ecclesiæ ordinem pervertere „. *Legas integrum prolixum*
Canonem in tomo XI Conciliorum edit. Ven. Colet. col. 737 - - 740.

19. De exteriori disciplina universim loquutum est Concilium PARI-
 SIENSE VI anno 829 ab Episcopis Provinciarum quatuor celebratum. *Pro-*
nunciat autem lib. 3, Cap. 25 seu 26 simili modo, "contra auctoritatem DIVI-
 „ NAM esse, quod PRINCIPALIS POTESTAS, diversis occasionibus inter-
 „ venientibus, in causas ecclesiasticas proflibet „. Dabo integrum locum
 ad ecclesiasticorum etiam virorum eruditionem.

20. "Quæ causæ effecerint, ut Sacerdotes & PRINCIPES a recto tramite deviaverint, specialiter unum obstaculum ex multo tempore jam inolevisse cognovimus, id est, quia & PRINCIPALIS POTESTAS, diversis occasionibus intervenientibus, secus quam AUCTORITAS DIVINA se habeat, in CAUSAS ECCLESIASTICAS profilierit, & sacerdotes partim negligentia, partim ignorantia, partim cupiditate, in secularibus negotiis, & sollicitudinibus mundi ultra quam debuerant, se occupaverint,,; tom. 9 Concilior. edit. cit. col. 777.

21. Ad Principem non pertinere, ut exterioribus etiam se ecclesiasticis negotiis immisceat, edoctus jampridem fuerat vel ipse Arianus Princeps THEODORICUS Rex Italiæ: qui hoc sponte passus est in Synodo Romana III sub Symmacho Papa, in causâ ejusdem Symmachi seculo sexto ineunte congregata, non ad fidem stabiliendam, sed ad exteriorem Ecclesiæ statum componendum.

22. Pronunciavit ergo THEODORICUS, judicium rerum, quæ in quæstionem venerant, Synodo servatum esse, *nec aliquid ad se præter reverentiam de ECCLESIASTICIS NEGOTIIS pertinere*: tom. 5 Concilior. edit. Ven. cit. col. 459.

Et in sua *Præceptione* ad Synodum (ibid. col. 466) ait: *Quia non NOSTRUM judicavimus de ECCLESIASTICIS aliquid censere negotiis; ideo vos &c.*

23. Imperatorum quoque Romanorum legibus comprobatur, causas ecclesiasticas auctoritati episcopali relictas esse. Ad quod facere potest Constitutio Valentiniani, Theodosii & Arcadii, *post Appendicem Codicis Theodosiani de episcopali judicio lege 3*: in qua constitutum est, Episcopos & Clericos non esse ad judices laicos pertrahendos, utpote nihil cum publicis legibus commune habentes, "quantum ad CAUSAS ECCLESIASTICAS pertinet, quas decet episcopali auctoritate decidi. Quibuscunque igitur mota fuerit quæstio, quæ ad christianam pertineat sanctitatem, eos docebit sub eo iudice litigare, qui Præsul est omnium in suis partibus sacerdotum,,.

Extat hæc *extravagans* pag. 321 Partis primæ Tomi 6 Codicis Theodosiani Gothofredi edit. Venet. Sed nolo hanc legem nimium urgere, quia sunt non pauci, suspicantes, eam suppositam Imperatoribus fuisse.

24. A nemine tamen in dubium vocatur novella Constitutio 83 Justiniani Imperatoris, quæ utique extravaganti illi est valde affinis: "Si ecclesiasticum sit delictum (id est, proprium Clerici & contra DISCIPLINAM ecclesiasticam & officium clericale), ,, egens castigatione ecclesiastica & multa, Deo amabilis Episcopus (ait Imperator) hoc discernat, nihil communi- cantibus clarissimis Provinciæ iudicibus. Neque enim volumus talia ne-

„gotia omnino scire civiles iudices: CUM OPORTEAT TALIA ECCLE-
 „SIASTICE examinari, & emendari animas delinquentium per ecclesiasticam
 „multam, secundum sacras & divinas regulas, QUAS ETIAM NOSTRÆ
 „sequi non dedignantur leges,,.

25. In hac lege JUSTINIANI etsi paullo diversa occurrit species a superiori Valentiniani, Theodosii & Arcadii; fundus tamen doctrinæ unus est & idem.

26. Novellæ illius 83 simile est caput 21 novellæ Constitutionis 123 Justiniani ejusdem: “Si pro criminali causa accusatio contra aliquam eccle-
 „siasticarum personarum proponatur; sub legitima cautela accusata fiat per-
 „sona. SI AUTEM ECCLESIASTICA CAUSA EST (pertinens ad disci-
 „plinam & officium Clericorum), nullam communionem habeant iudices
 „civiles circa talem examinationem, sed sanctissimus EPISCOPUS secundum
 „sacras regulas (id est, sacros CANONES, Justiniano ipso interprete in ca-
 „pite sequenti) causæ finem imponat,,.

27. Occidentis Imperator HONORIUS ad Arcadium & Theodosium juniorem epistolam dedit de Johanne Chrysostomo, qui (ut MARCA quoque animadvertit *Concord. Lib. 2, cap. 7, num. 4*) non ob FIDEI quæstiones, sed tantummodo quoad aliquos externæ disciplinæ articulos arguebatur, ac vexabatur. Extat ea Epistola in *Tomo 1 Epist. Pontif. Constantii col. 801*.

28. HONORIUS itaque Arcadium & Theodosium admonet, “cum de
 „causa RELIGIONIS inter Antistites ageretur, episcopale OPORTUISSE
 „esse iudicium; quoniam ad illos divinarum rerum interpretatio, ad NOS
 „religionis spectat obsequium,,.

29. Quod nos ex istis Imperatorum sententiis colligimus, idem ex sententiis ac legibus similibus collegit Natalis ALEXANDER *Dissert. 12 in Hist. Eccl. Sec. 15 & 16, Art. 16, Schol. 14*. Quo in loco cum affirmet, regios iudices de causis civilibus & profanis Clericorum, ut æris alieni, secundum leges, regias constitutiones, & Regni Galliarum consuetudinem judicare posse; prolatis tamen iis Imperatorum Romanorum sententiis ac legibus comprobatur simul, CAUSAS ECCLESIASTICAS auctoritati episcopali subdi.

30. De exteriori disciplina tunc etiam sermo est, quando LUDOVICUS PIUS Augustus Episcopos admonet, eos, qui negligentes fuerint, ad se deferri; “ut nostro, ait, auxilio suffulti, quod VESTRA auctoritas exposcit,
 „famulante, ut decet, potestate NOSTRA, perficere valeatis,,. - Non solum (subdit BOSSUETUS loco postea annotando) in negotiis fidei, sed etiam DISCIPLINÆ ecclesiasticæ definitio pertinet ad Ecclesiam: penes PRINCIPEM vero est protectio, defensio, executio Canonum & regularum

ecclesiasticarum. - - Extat locus ille LUDOVICI Pii in Capitulari secundo Anni 823 ejusdem Ludovici tit. 4 *Capitularium Bakuzi tom. 1, col. 633, edit. Parisiensis*, & Concilior. Labbei tom. 7, col. 1533 edit. Paris. Extat idem locus & in libro 2 *Capitularium capit. 4.*

31. QUOD SI AD PATRES nos convertimus; non minus erit perspicuum ac expeditum, Ecclesiæ SOLI ecclesiasticam EXTERIOREM DISCIPLINAM fuisse a Deo commissam; adeoque LAICO Principi non licere disciplinam eandem NOVE ordinare. Libet hic solum audire GREGORIUM Magnum, AMBROSIUM, ATHANASIVM, & illius Defensores.

32. GREGORIUS Magnus *Lib. 6, Epist. 25* (secundum edit. Benedictinor.) Maximo Salonitano, Imperatorum jussu in causa, quæ de ipso vertebatur, obtendenti respondet, se verbis Maximi fidem non facile habiturum, & tenendum certe esse, jussionem eam imperialem fuisse per obreptionem & fraudem elicitam; quoniam “& nobis (ait) & omnibus notum est piissimos „ Dominos disciplinam diligere, ordines servare, canones venerari, & se in „ CAUSIS SACERDOTALIBUS non miscere,,.

33. AMBROSIUS vero *Epist. 21* (in editione eorund. Monachor.) Valentiniano juniore se excusat, quod vocatus non venerit ad Consistorium, adferens in CAUSA fidei VEL ECCLESIASTICA judicare nisi Sacerdotes neminem debere; idque VALENTINIANO seniore tam fuisse persuasum, ut & responso probaverit, & lege etiam sua firmatum AMPLIUS voluerit.

„ Nec quisquam (ait AMBROSIUS) contumacem judicare me debet, „ cum hoc adferam, quod augustæ memoriæ Pater tuus non solum sermone „ respondit, sed etiam legibus suis sanxit: In CAUSA fidei VEL ECCLE- „ SIASTICI ALICUJUS ORDINIS eum judicare debere, qui nec MU- „ NERE impar sit, NEC JURE DISSIMILIS; hæc enim verba rescripti „ sunt, hoc est, SACERDOTES de Sacerdotibus voluit judicare,,.

34. Ex sententia igitur & AMBROSII & VALENTINIANI I Augusti non modo causæ fidei sed DISCIPLINÆ quoque ad MUNUS spectant & AD JUS SACERDOTUM; & isti soli judicare de iis debent. Et quod hoc loco non de fide solum, sed de DISCIPLINA etiam agatur, fatentem vidimus MARCAM *cap. V, num. 6*, & potissimum *cap. I, num. 294.*

35. Nihil porro novum legibus illis suis VALENTINIANUS sanxit, nec jus concessit Ecclesiæ, quod non antea haberet. Et qui secus diceret, is jus Ecclesiæ ad causas fidei definiendas a Principis item concessione derivaret; quod homini catholico cogitare non licet. Ad munimen igitur & TUITIONEM juris, quod CHRISTUS Dominus Ecclesiæ commisit, illam VALENTINIANUS legem tulit, quam Ambrosius commemorat.

36. Cum Constantius Imperator damnationem ATHANASII ALEXANDRINI a nonnullis Episcopis exposceret; constanter sancti viri responderunt, se Imperatori illi suadere, "ne ecclesiasticas res pessumdare, nec „ Romanum Imperium cum ecclesiasticis statutis *COMMISCERET*, vel „ Arianam hæresin introduceret in Ecclesiam Dei „; prout Athanasius ipse scribit in historia Arianor. ad Monachos num. 34, pag. 364, tomi 1 edit. *Benedictin. Parisiens.* Vide hic discrimen inter ecclesiastica statuta & fidem.

37. Eandem in ATHANASIUM sententiam cum Imperator ille a magno illo HOSIO Cordubensi Episcopo per litteras extorquere conaretur; data ad Augustum Epistola HOSIUS respondit tum alia multa, tum hæc: "Quid „ nam ejusmodi a Constante actum est? Quis Episcopus exulavit? Quando „ nam ille *ECCLESIASTICIS* judicii medius interfuit? Time „ judicii diem *NE TE REBUS* misceas *ECCLESIASTICIS*: nec no „ bis his de rebus præcepta mandes; sed a nobis potius hæc edifcas. Tibi „ *DEUS* Imperium tradidit, *NOBIS ECCLESIASTICA* concredidit. „ Metue ne si ad te *ECCLESIASTICA* pertrahas, magni *CRIMINIS* „ reus fias. Hæc quod tuam curem salutem scribo: quod vero res „ spectat, de quibus scripsisti, ecce meam sententiam: Arianis minime ad „ jungor.: nec contra *ATHANASIUM* scribam, quem nos &c. „ Loc. cit. pag. 371 in *Histor. Arianor. ad Monach.*

38. Expende, quæso, in verbis HOSII gradus; primo enim generatim docet, & ad rem nostram omnino; tum vero postulatis Imperatoris respondet.

39. Tandem ATHANASIUS ipse (ibid. pag. 376 in *Historia eadem*) ita occasione suæ illius causæ CONSTANTIUM redarguit: "Si illud Episcoporum decretum est, quid illud adtinet ad Imperatorem? „ Quandonam Ecclesiæ decretum ab Imperatore accepit auctoritatem, aut „ pro decreto illud habitum est? Multæ antehac Synodi coactæ sunt: multa „ prodire Ecclesiæ decreta; sed nunquam Patres res hujusmodi Imperatori „ suafere, nunquam Imperator *ECCLESIASTICA* curiose perquisivit „, ex versione Domni Bernardi MONTFAUCON.

40. Quamvis autem cum causâ ATHANASII effet quodammodo fides Nicæna conjuncta; loca tamen hæc & similia, quæ in ATHANASII scriptis occurrunt, esse de *ECCLESIASTICA DISCIPLINA* intelligenda, vidit & professus est quoque Petrus DE MARCA *Concord. Lib. 2, cap. 7. num. 3.*

41. Quid vero *ecclesiasticæ disciplinæ* seu *causarum ecclesiasticarum* nomine intelligendum sit, explicavi jam data opera *toto Capite V*, unde petendum id erit, quod est hujus Capituli veluti fundamentum ac norma, ad verborum illorum vim & notionem tenendam.

Interim palam factum esse puto ex antiquitate, in externam Ecclesiæ disciplinam jus nullum Principi esse, sed, quicquid hujus est, id esse totum soli Ecclesiæ a Deo concreditum. Sed rem hanc illustrare iterum juvat aliunde.

42. Cum hoc sit perspicuum, a duplici potestate totum orbem regi, ecclesiastica & civili; & ad civilem sponte revocari res civiles, ad ecclesiasticam res ecclesiasticas; & laicos quoscunque pro rebus ecclesiasticis esse OVES Ecclesiæ, non Doctores; non video, quomodo laici Principes jure possint leges præscribere Ecclesiæ, etiamsi de sola externa ecclesiastica disciplina agatur. In Pastorum enim numero ipsi non sunt. Hoc BASILIUM Imperatorem audivimus fatentem *supr. num. 13*, hoc videbant veteres Principes, qui se oves Ecclesiæ libenter ac palam profitebantur; Magistris vero negabant.

43. Quo utique spectavit AMBROSIUS in *sermone contra Auxentium de Basilicis tradendis* num. 36 (col. 873 tomi 2 Oper. edit. cit. Paris.) affirmans, "nihil esse honorificentius, quam ut Imperator Ecclesiæ FILIUS esse, dicatur. Imperatorem enim intra Ecclesiam, NON SUPRA ECCLESIAM esse,; id est, esse in Ecclesia seu intra Ecclesiam, ut ecclesiasticarum rerum regulam a Pastoribus accipiat, non ipse in Pastores magistrum agat: esse intra Ecclesiam, ut Ecclesiam protegat, non ut Ecclesiæ dominetur: Imperatorem esse & Dominum, sed quoad res civiles, FILIUM esse Ecclesiæ quoad ecclesiasticas. Recolas ea quæ legisti *super cap. II, num. 19 - - 27*.

44. Si vero, quia interesse potest administrationis Reipublicæ, externam ecclesiasticam disciplinam ad Principem revocamus; quidni ad Ecclesiæ potestatem jura principis revocemus, cum interesse id Ecclesiæ regiminis magis possit? Potiori quidem jure hoc fieret, quam alterum; quanto spiritualis salus & æterna majoris est momenti, quam temporalis felicitas. Atqui hoc absurdum est, & optimo jure a cordatis Theologis rejicitur. Ergo absurdum est & alterum, adeoque a christianis regulis eliminandum.

45. Scire præterea hoc loco velim, quo regularum genere usuri sint laici Principes in legibus de ecclesiastica exteriori disciplina condendis, quæ sint præter CANONES. Regulis Ecclesiæ non utentur, ut vides; dum præter Canones agunt. Sed utenturne forte regulis regiminis civilis? At dilatat

distat administratio reipublicæ ab ecclesiastica, & differunt rationes utriusque; aliaque scientia est regiminis civilis, alia regiminis ecclesiastici; sicuti alia est juris civilis & juris publici scientia, alia juris ecclesiastici.

46. Hinc, si quando Princeps aliquis, assentatorum artibus deceptus ecclesiasticam disciplinam attingere non est veritus; experta inde est Ecclesia fructus aut nullos aut noxios; scilicet, quia constitutiones illæ laicæ non ab ea scientia profectæ erant, quæ Ecclesiæ Præfulum propria est.

47. Viderat ista LEO SAPIENS Imperator, qui legem Justiniani Imperatoris, vigesimumquintum ætatis annum ad ordinationem Subdiaconi postulanti abrogavit; ac Canonem Trullanum, non amplius quam annos viginti exposcentem, restitutum voluit de ea causa, quod in sua cuique arte & professione plus haberi debeat fidei: digna Principe sapiente ratio.

48. En LEONIS verba ex constitutione 16 inter eas, quæ sunt ad calcem Juris Justiniani: "Verbum vetus, ait, quod de rebus SUIS dicenti,, aures esse aperiendas monet. Dignum itaque sacram legem DE,, REBUS SUIS præcipientem audire &c.,". Disciplina ergo ecclesiastica, exterior etiam, sua est res Ecclesiæ, LEONE fatente; adeoque ab eo tractanda, qui ejus rei scientiam una cum ipsa re tenet. Lege sis & Ludovicum Thomassinum *Discipl. Eccles. Part. I, cap. 69, num. 1.*

49. Quare minime miror, Ludovicum THOMASSINUM *ibid.* Theodoro BALSAMONI redarguenti ordinationes adolescentum ætatis immaturæ, ac leges civiles de ætate lectorum decernentes objicienti responsum hoc dare: "Hoc certe Græcorum effatum tum denique locum habere par,, erat, cum leges sanxisset Imperator ad custodiam CANONUM munien-,, dam; vel ad interpellationem EPISCOPORUM, maxime autem Patriar-,, charum CPolitanorum, UT USUVENIEBAT plerumque; vel denique,, cum usu & ASSENSIONE Ecclesiæ convaluissent,,."

50. Vide quomodo Thomassinus leges CIVILES, de rebus ecclesiasticis latas, non aliam vim habere existimavit, quam si aut CANONIBUS nitantur, aut ad PRECES ecclesiasticorum Præfulum factæ sint, aut usu & assensione ECCLESIAE firmitatem acceperint. Scilicet vir ecclesiasticæ disciplinæ peritissimus nullam iis in legibus inesse vim agnovit, quæ in externam etiam Ecclesiæ disciplinam novum quidpiam & præter Canones intulissent. Suadeo ut legas *Caput IX, num. 24 - - 40.*

51. Sed vel ille Petrus GIANNONE tam sæpe male habitus affirmat tamen, causarum ecclesiasticarum cognitionem penes Ecclesiam SEMPER fuisse (*delle cause ecclesiastiche la cognoscenza l'ebbe SEMPRE la Chiesa*) per
P
mo-

modum iudicii & censuræ (*per forma di Polizia*). *Histor. Civil. Regni Neapolit. Lib. 2, cap. ult. §. 3, pag. 140, tomi I editionis 1723.*

52. Rifu certe dignum est, videre eos, qui toti sunt in ecclesiastica deprimenda potestate & in libertate christiana, ut ajunt, asserenda; majora adhuc multo Principi laico nunc tribuere, quam ipsa sibi ecclesiastica potestas, quando plena libertate fruebatur, vindicaret. *Mjestas regni non colitur MENDACIO sed veritate*; ut quidam graviter ajebat. Legant isti Meldensem Episcopum BOSSUETUM in Opere, quod inscriptum est, *Politique tirée de l'Ecriture Lib. 7, art 5, Prop. 9 -- 12*, scriptumque est pro institutione REGIS ET DE REGIS OFFICIIS.

JURISCONSULTI

quidam notantur: & hujus Capitis doctrina certis finibus circumscribitur.

53. **A**D externam Ecclesiæ disciplinam per leges suas ac novas ordinandam, etiam præter & ultra Canones, jus habere Principem æque ac Ecclesiam, docuisse videtur Carolus FEVRETUS *de l'Abus Lib. 1, cap. 5*, (videtur, inquam; nolim enim forte errorem gravem cuiquam tribuere immerenti). Distinguit enim *ibidem num. 1 -- 4*, potestatem & jurisdictionem ecclesiasticam in duas partes primarias; quarum prima ad fidem spectat & res pure spirituales, ut Sacramenta, Sacerdotium, Ordinationem Presbyterorum; altera regulam dat moribus, ac disciplinæ ecclesiasticæ.

54. Atque etsi neget; jus ullum esse Principi in res pure spirituales; affirmat tamen, "quoad regimen EXTERIUS (*la police extérieure*) & disciplinam morum, Principes non modo posse executionem urgere eorum, quæ ab Ecclesia statuta sunt; sed ex jure vere regali, & eorum coronæ in hærente, posse ex parte sua condere leges, edicta, & constitutiones pro Religionis veræ stabilitate, honore & dignitate ordinis ecclesiastici, conservatione personarum & divino servitio destinatarum; & pro directione morum & disciplina exteriori (*conduite extérieure*) Cleri, & populorum sibi subjectorum, adhibentes suam potestatem in re tam digna,, tamquam Episcopos extra Ecclesiam.

55. His vero positis, jus Regis in exteriorem disciplinam FEVRETUS dividit trifariam; scilicet, ad protegendos CANONES & Constitutiones apostolicas; ad violatores earum puniendos; tandem ad ea omnia constituenda, quæ ad cultum & servitium divinum, necnon Ecclesiæ disciplinam conservandam ac promovendam necessaria existimaverit.

56. Non expendo autem argumenta, quibus FEVRETUS utitur; quoniam juris canonici veteris ac rei ecclesiasticæ periti, ea percurrentes intelligent statim, quam minimum roboris habeant. Magnam eorum argumentorum partem admitto; sed nego, eo illa pertinere, quo FEVRETUS putasse videtur. Si quid enim probant, solum probant sollicitudinem Principum ac Imperatorum ad TUENDAS leges, naturalem divinam, & ECCLESIASTICAM, & ad ECCLESIAM favoribus, privilegiis, & immunitatibus juvandam. Eorum vero aliqua tam abest ut admittam; ut potius censura notanda existimem. Sed FEVRETO dimisso ad jureconsultum alium venio.

57. Est is Petrus PUTEANUS, qui in *Commentario ad articulum 10 Tractatus Petri PITHOEI de Libert. Gallic.* fatetur equidem Capitularia Regum Francorum, in quibus multa ECCLESIASTICA habentur, magnam partem ex sacris CANONIBUS & decretis Pontificum educta fuisse; adeoque ecclesiasticæ illius disciplinæ originem ordinemque ab Ecclesia derivat. Sed interim rem tenebris involvit; ita scribens: "Capitularia, etsi leges sunt magnam partem eductæ ex sacris CANONIBUS & decretis Pontificum, Reges nostri confirmarunt (*les ont autorisèz*) volueruntque in eorum regno observari ad custodiam dignitatis ecclesiasticæ & munimen Religionis,,

58. "Et quamvis ea aliunde ducant originem, & per nostros Principes (seu verius & frequentius per CLERUM in generalibus illorum temporum Conventibus, una cum Monachis & Magnatibus laicis congregatum) desumpta fuerint ex antiquis decretalibus; non ob hoc tamen habentur, tamquam leges & decreta Pontificum, sed AUCTORITATIS REGIÆ NOTAM in fronte gerunt, considerantur ut LEGES REGNI, & observantur ob SOLAM reverentiam erga Majestatem PRINCIPIS, qui ea in ditionem suam introduxit,,. (Dicendum tamen est, Capitularia quoad eam illorum partem, quæ ad res ecclesiasticas pertinet, observari etiam & maxime in honorem POTESTATIS ECCLESIASTICÆ, a qua prodierunt. Legas *Caput X*, quo loco istud edifferimus & confirmamus ex instituto).

59. Subjicit PUTEANUS in sui pronunciati explicationem exemplum legum XII Tabularum, & legum maritimarum Rhodiarum, quas aliunde Romani adoptarunt ac fecerunt suas: quasi vero Galli sui tam fuerint a potestate ecclesiastica liberi, quam erant Romani a Græcorum aut Rhodiorum dominio: aut quasi Capitularia ad res ecclesiasticas spectantia, in Conventibus Gallorum laica potestas condiderit; quod falsum esse ipsa acta producent Conventuum, unde Capitularia pleraque prodierunt; uti clarum fiet *Capite X cit.*

60. Addit PUTEANUS exemplum alterum, decretorum nempe aliquorum Concilii Tridentini, ad disciplinam spectantibus, quæ in Comitibus Blesensibus adoptata, Tridentini tamen nomine non mutantur, sed nomine & auctoritate REGIS.

61. Verum si ex indulgentia Ecclesiæ vel alio nomine, & ne legitimi Ecclesiæ Gallicanæ mores & jura vetusta mutarentur, aut titulo regie temporalis jurisdictionis, secundum temporis ac gentis usus, servandæ intactæ; Tridentina illa decreta non fuere in Galliis Tridentini Concilii nomine admissa a Rege: male ex hoc PUTEANUS argumentatur pro Capitularibus, quorum pars magna prodiit ipsorum Gallorum Præsulum opera, consilio & auctoritate, in generalibus Galliarum Conventibus una cum Magnatibus laicis congregatorum; quæ proinde plenam ECCLESIASTICAM auctoritatem ex omnium jurisconsultorum principiis in Regno & Imperio Francorum jam usque ab initio obtinuerunt.

62. Adjicit postremo loco PUTEANUS, Capitularia a Gratiano suam in *Concordiam* relata fuisse, non sub Pontificum nomine, sed nomine Regum. At quomodo, quæso, qui alias Gratianum tam sæpe redarguunt, modo in patrocinium suæ causæ Gratianum eundem advocant? Adde, Capitularia illa, quæ ibidem a PUTEANO ex GRATIANI decreto indicantur, in favorem libertatis ecclesiasticæ esse a Regibus edita. Non mirum ergo si ea GRATIANUS nomine Regum edidit, aut si eodem sub nomine prodierunt.

63. MULTO MELIORA ac faniora, quam PUTEANUS, de regia in disciplinam ecclesiasticam potestate cogitavit JOANNES DOMAT, immortalis memoriæ jurisconsultus, in quo scientiæ thesauri cum probitate certarunt, & qui in scientia tum juris naturalis, & civilis, tum JURIS PUBLICI nullos forte pares habuit. Hic *Jur. Public. Lib. I, Tit. 19 sub initium, pag. 134, tom 2 Operum edit. 1745*:

64. “ Ad potestatem & officium Principum pertinet præstare Ecclesiæ, suarum ditionum totum id protectionis & auxilii, quo potest indigere. Atque hujus rei causa Principes christiani plures edidere leges ad imperandam custodiam & executionem legum Ecclesiæ, uti videmus in Codicibus Imperatorum christianorum Theodosii & Justiniani, & in edictis (*dans les Ordonnances*) Regum Francorum, qui iis complexi sunt (*qui ont compris*) innumeras leges religionem respicientes,,

65. “ Id autem non ipsi fecerunt quasi ad condendos CANONES, vel ut se in legislatores aut judices ECCLESIASTICARUM RERUM erigerent, ac si ipsis inesset potestas ad ORDINANDAS RES ecclesiasticas, sicuti inest ad ditiones suas gubernandas (ce qu’ ils n’ont pas fait pour y établir

établir des regles, et s'en rendre les législateurs ou les juges, comme si leur puissance s'étendoit a' y gouverner, ainsi qu' ils le peuvent dans leurs Etats); „ sed fecerunt solum ad TUENDAM observantiam legum, quas „ ECCLESIA & potestates spirituales, quibus DEUS Ecclesiæ REGIMEN „ commisit, condiderunt, & ad defendendam & promovendam executio- „ nem quoad ea, quæ istis in legibus sunt ad ORDINEM EXTERIOREM „ spectantia, in quibus temporalis potestatis esse usus possit,, (où l'autorité temporelle pouille avoir son usage).

66. „ Sic enim, exempli causa, Principes minime statuunt, quæ sint do- „ gmata fidei a Deo Ecclesiæ suæ revelata, NEQUE Canones conduunt „ ecclesiasticæ DISCIPLINÆ, sed ea habentes pro veris ac bene constitutis, „ quæ in numero veritatum religionis Ecclesia posuit, & quæ pro DISCI- „ PLINA & politia spirituali decrevit; auctoritati LEGUM ECCLESIAE „ addunt eam, quæ ipsis commissa a DEO est; imperantes, quod ad dogmata „ fidei attinet, ut eorum Imperio subditi doctrinam Ecclesiæ sequantur in „ omnibus; & vetantes, ne quicquam doctrinæ illi contrarium sive publice „ sive privatim doceant; pœnasque adversum hæreticos sancientes „.

67. „ Et quod DISCIPLINAM spectat; non ipsi ea constituunt, ex- „ empli gratia, quæ celebrationem festorum, aut ceremonias cultus divini „ tangunt, sed festos dies profanari vetant, & violatores puniunt, itemque „ eos, qui ordinem turbant cultus istius causa præscriptum; & pœnas pariter „ adversus eos Ecclesiæ Ministros decernunt, qui ordinem hunc inverterint „.

68. „ Cum autem genus hoc legum Principis ordinem generalem socie- „ tatis respiciat & commune fidelium bonum; non sunt habendæ velut Ec- „ clesiæ leges, quæ characterem gerant auctoritatis spiritualis potestatum, „ quibus spirituale ministerium concreditum est (on ne doit pas les con- „ siderer comme des Loix de l'Eglise, qui ayent le caractère de l'autorité „ spirituelle des puissances qui en ont le ministere); „ sed habendæ sunt pro „ TEMPORALIBUS LEGIBUS, quas religio Principum, & eorum pro „ Ecclesia zelus edere eos jubet (les oblige d'établir) ad TUENDAM suis „ in ditionibus executionem & observantiam LEGUM religionis, & ad „ liberum earum exercitium conservandum „.

69. Hactenus ex Joanne DOMAT prolixum, sed præclarum locum vertimus. Non repugnarem autem, si nihil ultra ea, quæ Joannes DOMAT habet postremo loco, docuisset PUTEANUS, dum affirmat, Capitularia Regum Francorum *solam auctoritatis regie notam in fronte gerere, atque ob solam reverentiam erga Majestatem Principis observari*: non repugnarem, inquam, dum constaret, Regum auctoritate Capitularia, qua parte res ecclesiasticas

attingunt, prodiisse. Confer. *Caput XI, num. 11 - - 14.* Legatur quoque Joannes Petrus GIBERT *Jur. Can. Tom. 1, p. 21, col. 2.*

70. Ad Joannem DOMAT magis quam ad PUTEANUM accedere mihi videtur vir doctissimus ac celeberrimus Stephanus BALUZIUS in *Præfatione ad Capitularia Regum Francorum §. 9 ac 10*, dum sententiam suam de Capitularium eorundem auctoritate aperit. Ludit enim certe Antonius CHARLAS, ut in multis solet; & nimium BALUZII verba ex paragrapho decimo citato cavillatur *de Libert. Eccl. Gallic. Lib. 5, Cap. 10 edit. recogn.*, vir cetera acutus & eruditus.

71. Verbis Joannis DOMAT lucem addet brevis consideratio facti illius vulgatissimi MARCIANI Imperatoris, quod relatum est versus finem Actionis VI Concilii Chalcedonensis in *Tomo 4 Concilior. edit. Ven. Colet. col. 1510 seq.* Imperator enim capita quædam externæ disciplinæ Synodo proposuit approbanda. Quorum primum Monachis interdicit, ne præter Episcopi voluntatem Monasteria ædificent, & ne servos, invitis dominis, in Monasteria recipiant. Alterum Clericis prohibet, ne possessiones conducant, aut procurationem suscipiant nomine laicorum. Tertium iisdem Clericis vetat, ne ex sua Ecclesia migrent ad aliam.

72. Orsus est autem MARCIANUS consilium illud suum Patribus proponere in hæc verba: “Quædam capitula sunt, quæ ad honorem vestræ reverentiæ vobis servavimus, decorum esse judicantes, a vobis hæc regulariter potius formari per synodum, quam nostra lege sanciri.” Quibus recitatis subdit Natalis ALEXANDER *Hist. Eccl. Sec. 5, Cap. 3, Art. 13, § 17.*

73. “His verbis significavit religiosissimus Imperator, se ex reverentia in Synodum, non ex officio, hæc tria disciplinam ecclesiasticam spectantia, capita Patribus statuenda reservasse, cum de his lege lata decernere posset in Ecclesiæ bonum, ut DISCIPLINÆ conservator, maxime quia & bonum pacemque Imperii spectat, ut quisque suo se in ordine contineat, suoque officio defungatur, & ad Principis providentiam spectat prohibere, ne quis alteri inferat injuriam,”

74. “Fieret autem injuria Episcopis, si absque ipsorum venia Monachi condere monasteria aggredierentur. Fieret injuria dominis, si absque eorum consensu servi reciperentur ad professionem monasticam,”

75. “Fieret injuria Ordini ecclesiastico & Ecclesiis, si Clerici negotiorum secularium procuracionem susciperent, aut proprias Ecclesias desererent, quibus sedulum & assiduum debent ministerium,”

76. "Ne tamen (addit ALEXANDER, pro christiani Doctoris officio), ex hoc quis inferat, PRINCIPEM POSSE CONDERE CANONES, sed solum urgere LEGUM divinarum & ECCLESIASTICARUM observantiam, CANONUMQUE EXECUTIONEM imperare; & eadem legibus statuere suis, quæ divina lex vel ecclesiastica jubet. Nec aliud sibi tribuit MARCIANUS Augustus, Hæc Natalis ALEXANDER.

77. Addenda autem putavi tum ista, tum cetera ex JOANNE DOMAT; ut ea melius intelligerentur, quæ hoc Capite complexus eram; & ut quisque veluti in antecessum videat, an & quousque regiæ potestati liceat se rebus ecclesiasticis immiscere: etsi hac de re, quæ TUITIONIS REGIÆ titulum ac decus facit, dicendum est data opera *CAPITE XI*.

78. Amplius addo, nos LEGES CIVILES generatim revereri ac sequi, dum laicæ potestatis fines egressæ non fuerint. Et hujusmodi quidem legum multa sunt genera. Aliæ enim rem spectant mere profanam, neque ulla ex parte sacris Canonibus adversantur, & has sequitur etiam Jus ipsum Canonicum. "Unde fit (ait BENEDICTUS XIV de Syn. Diœc. Lib. 9, Cap. 14, num. 1), ut judex ecclesiasticus sententiam prolaturus de quæstione super re mere temporali, de qua nihil a Jure Canonico repariatur decisum, non solum possit, sed DEBEAT juri civili se conformare,"

79. "Plures etiam leges civiles (ait idem Pontifex num. 2) ECCLESIASTICIS constitutionibus robur & firmitatem adjiciunt; puta, quia in illarum contemptores & refractarios severis POENIS animadvertunt: & eæ pariter, utpote foventes ECCLESIASTICAM DISCIPLINAM, perutiliter in synodalibus Episcoporum constitutionibus allegantur,"

80. "Ob eandem rationem (pergit), quod nimirum sint ECCLESIAE favorabiles, sine ulla difficultate in medium proferri possunt a Synodis, leges civiles concedentes privilegia atque exemptiones Ecclesiis, earumque administris.

81. Addit Pontifex num. 3, fas fore Episcopo aliquid ad normam sacrorum Canonum constituenti, in exemplum afferre leges CIVILES, quid simile in re laica decernentes.

82. "Præterea (*inquit num. 4*) inopportunum quandoque non erit, commemorare severissimas pœnas, a legibus seculi in hujus, aut illius delicti fontes inflictas, puta in homicidas, adulteros, usurarios; ut hac ratione, qui ad ea crimina proclives sunt, eorundem gravitatem magis agnoscant, atque ab illis perpetrandis retrahantur,"

83. "Denique, si quæ sunt leges civiles ECCLESIASTICIS sanctionibus adſtipulantes, iisque conformes, haud interdictum erit eas commorare,"; uti factum videmus a S. GREGORIO Magno in *Epist.* 54, *Lib.* 11, (ſeu, ut in edition. Benediſtinor. in *Epist.* 45 *Libri* 13.) (Adeas & VANESPENIUM in *Traſt. Hiſt. Can. Part.* 10, *Cap.* 1, §. 6).

84. Has ergo & ſuperiores item vel ſimiles LEGES CIVILES tum colimus, tum iis proponimus, qui Principis officia in Eccleſiam enarrare conſtituerunt. Nihil in iſtis illiſve novum, ſeu PRÆTER CANONES, de EXTERNA Eccleſiæ DISCIPLINA decernitur. Iſtæ aut ſimiles a Scriptoribus illis proferantur, ſed interim abſtineant ab iis eo trahendis, quo nullo modo pertinent: neve ex iſtis colligant, juſ eſſe Principi in externam Eccleſiæ diſciplinam. Hoc enim a mente eorum, qui eas conſiderunt, longe alienum eſt.

85. Et ſecundum hæc VANESPENIUS *loc. cit.* affirmat, "nunquam Eccleſiam reſpuiſſe leges Imperatorum & Principum EXTERIOREM Eccleſiæ DISCIPLINAM concernentes, niſi inveniantur Evangelicæ aut CANONICÆ ſanctioni contrariari. Porro Leges Juſtinianeas (aut ſimiles) his minime contrariari; ſed potius CANONUM & priſtinæ Patrum diſciplinæ SYNOPSIS ſive epitomen continere,". Sed lege *Caput IX*, *infr.* ubi de Juſtinianeis Legibus inquirō.

Quenam ſint res eccleſiaſticæ EXTERIORES, quas Principum ſuorum curæ PROTESTANTES adjudicant.

86. Hoc in capite actum a nobis fuit ſolum adverſus eos, qui EXTERNAM ſeu politicam Eccleſiæ DISCIPLINAM ad Principis curas pertrahere conantur, juvabit tamen hic noſſe, vel ad memoriam revocaſſe, quid PROTESTANTES intelligant nomine rerum eccleſiaſticarum EXTERIORUM, quas ſuis Principibus tribuunt.

87. Illi enim id omne in Eccleſia EXTERNUM dicunt, quod PUBLICUM eſt, ſeu doctrina ſit, ſeu miniſterium ſacrum, ſeu DISCIPLINA POLITICA: & cuncta hæc ſuos ad Principes trahunt. "Juſ (inquit Jo. Jac. MASCOVIUS *Jur. Publ. German. Lib.* 5, *Cap.* 1, *num.* 11) ,, & auctoritatem, quæ in Imperio univerſo ſummæ poteſtati circa ſacra competit, deſiniveris JUſ circa ordinandum ſtatum religionis EXTERNUM, ad conſervandam conſcientiarum libertatem, & PACEM IMPERII PUBLICAM, legibus, pactisque (in conventu non uno Germaniæ mutuo initis Proteſtantes inter & Catholicos) ,, ſtabilitum,".

88. EXTERNA illa opponuntur INTERNIS seu privatis, & quasi arcanis cujusque judiciis de religione, fide, ac cultu religioso: hæc enim PROTESTANTES in cujusque arbitrio ponunt, & a Principis sui potestate subducunt. Hinc ab eodem MASCOVIO affirmatum est loc. cit. num. 6, “supremæ potestatis auctoritatem in ecclesiastica re non extendi ultra EXTERNUM statum, utpote qui directione aliqua opus habet. INTERNA enim (ait) ad conscientiam pertinent, in quam nullum humanæ potestati arbitrium competit,,.

89. Id omne igitur, quod PUBLICE fit & in publica hominum congregatione, Principibus suis PROTESTANTES jurisperiti disponendum ac ordinandum committunt. Et secundum hæc dixit jam nobis *Cap. I. num.* 29 GERARDUS JOANNES VOSSIUS, “primo & per se competere,, Magistratui EXTERIOREM potestatem, quæ in EXTERNA gubernatione consistit, qua RELIGIO publice sancitur, omniaque procurantur,, quæ ad bonum Religionis, qua PUBLICA est, pertinent,,.

90. Et hanc EXTERIOREM potestatem MASCOVIUS *Cap. annotato* dixit ad quinque capita præcipue referri; nempe primo ad curam doctrinæ PUBLICÆ, componendique oborta circa illam dissidia, vel illam REFORMANDI. Secundo, ad Sacerdotii erga Imperium, seu civilem potestatem, habitum vel relationem; exempli causa, quoad constituendos Ministros Ecclesiæ. Tertio, ad jurisdictionem tam in personas, quam in causas, quæ ad Religionem spectare existimantur. Quarto, ad bona ecclesiastica. Quinto, ad externi cultus ordinem in ritibus, festis &c. Hæc ex MASCOVIO.

91. Cum vero viderimus jam *Cap. I.*, a quo capitali errore hæc ducantur, & docuerimus, errorem illum fuisse jam suprema Ecclesiæ catholice sententia damnatum, & anathemate una cum defensoribus suis confixum; jam satis ab hac parte FIDEI CATHOLICÆ consultum est; neque mihi necesse est novas huc animadversiones afferre adversus errorem illum ceterosque inde natos.

92. Sed quoniam fides catholica docet, PROTESTANTES in novis illis suis placitis a doctrina CHRISTI aberrare, falsaque esse principia, quibus ad tam absurdos errores adducti sunt; nostrorum quoque erit videre, annon falsæ sint ac fallaces illæ ratiocinationes, quibus sibi ipsi videntur persuasisse, posse Principem EXTERNAM Ecclesiæ DISCIPLINAM præter & ULTRA CANONES ordinare. Ista paucis verbis declaro.

93. PROTESTANTES cum contra Catholicæ Ecclesiæ fidem in hoc sint capitali errore, nullam Ecclesiæ fuisse DIVINITUS tributam JURISDICTIONEM, non obligandi seu cogendi potestatem, non facultatem legislativam; inde adducti sunt, ut Ecclesiæ Præfulibus abjudicarent jus proponendæ CUM POTESTATE ac definiendæ fidei, ordinandi sacrorum ministerium, & disponendi DISCIPLINAM EXTERNAM seu politicam.

94. Sed cum fides, sacrorum ministerium, & disciplina sint partes præcipuæ ecclesiastici ædificii, & OPORTEAT esse fixum aliquem in istis ordinem, normam, ac modum, ne secus PAX ET TRANQUILLITAS PUBLICA Ecclesiæ & REIPUBLICÆ cum detrimento societatis humanæ turbetur; PROTESTANTES iidem a nativis & propriis Ecclesiæ Præfulibus, contra instituta CHRISTI ad extraneos Præsides, id est, ad PRINCIPES suos potestatem transfulerunt tum in fidem & religionem, tum in sacrum ministerium seu in DISCIPLINAM liturgicam, tum in DISCIPLINAM EXTERNAM sive politicam: transfulerunt, inquam, ad Principes suos hanc potestatem, quasi ea ad illos JURE IMPERII CIVILIS pertineat & tamquam ad VINDICES PACIS PUBLICÆ & tranquillitatis.

95. Jam vero cum fide catholica constet, in Ecclesiæ Præfulibus (qui soli a Spiritu sancto positi sunt Episcopi REGERE Ecclesiam Dei) esse JURISDICTIONEM, esse obligandi seu cogendi potestatem, esse facultatem legum ferendarum; ex hoc consequitur, iisdem Ecclesiæ Præfulibus commissâ pariter DIVINITUS fuisse ea, quæ bases sunt & FUNDAMENTA ECCLESIAE; hoc est, tum regulas fidei, tum disciplinam liturgicam, tum DISCIPLINAM EXTERNAM seu politicam; & hæc ab illis definiri, ordinari, ac disponi CUM POTESTATE ET IMPERIO. Et sic, quantum ab hac parte pendet, in tuto esse positam PACEM ET TRANQUILLITATEM Ecclesiæ & REIPUBLICÆ.

96. Eam igitur novam cogitationem de potestate Principis in EXTERNAM ECCLESIAE DISCIPLINAM deponere Catholici omnes debent; quippe qui sciant ac profiteantur, Ecclesiam esse JURISDICTIONE & Imperio sacro DIVINITUS instructam. Eam, inquam, deponere cogitationem debent; etiam si aliis ad id non impellerentur rationum momentis & argumentorum ponderibus.

97. Etenim sicuti everso capitali illo PROTESTANTIUM errore, quo ecclesiastica negatur JURISDICTIO & potestas, fidei & disciplinæ liturgicæ cura ad Ecclesiæ potestatem revocatur; ita ad eandem uno tempore revocetur necesse est TOTA DISCIPLINÆ EXTERNÆ & politicæ cura; cum hæc non minus ac illæ ad ordinem & structuram ECCLESIAE pertineat.

Seu,

Seu, sicuti capitali illa hæresi everfa, jus PRINCIPIS in fidem & in disciplinam liturgicam concidit; ita necesse est concidat fictitium illud jus ipfius in DISCIPLINAM EXTERNAM Ecclesiæ. Nam quorum commune est fundamentum; horum fundamento illo disiecto, oportet fit casus ac ruina communis.

98. Colligas tandem ex istis (id quod supra videndum proposui) quemadmodum falsa sunt principia, quibus ad suos errores de potestate PRINCIPIS in fidem, in disciplinam liturgicam, & in DISCIPLINAM politicam seu EXTERNAM PROTESTANTES adducti sunt; ita necessario & ex consequenti falsas esse oportere & fallaces nostrorum quorundam ratiocinationes de potestate ejusdem Principis in eandem DISCIPLINAM Ecclesiæ politicam seu EXTERNAM.



CAPUT VIII.

De Pontificiæ, & Laicæ Potestatis discrimine apud JUDÆOS; seu, ex JUDÆORUM politia sacra non recte argumentum duci ad politiam sacram Christianorum.

1. ILLUSTRISSIMUS Parisiensium Archiepiscopus Petrus DE MARCA in Opere de Concordia Lib. 2, Cap. 4 & 5, & in libello Barcinone edito & Prolegomenis ad Concordiam inserto pag. 56 &c. edit. Paris., sermonem instituit de Pontificia & Regia dignitate apud JUDÆOS, seu de discrimine jurisdictionum in Synagoga; ut inde statuatur de comparatione, quæ a nonnullis instituitur, Ecclesiæ christianæ cum Republica JUDÆORUM quoad exercitium jurisdictionum, spiritualis & terrenæ.

2. Agit autem primo de magni SYNEDRII, quasi tribunalis mixti, auctoritate, & de Synedrii Principe; deinde de REGUM Judaicorum potestate. Cum vero statuatur, in universa politia judaica tum quoad sacra, tum quoad profana, obtinuisse non levem jurisdictionum permixtionem; seu jurisdictionum terminos non ita fuisse distinctos ac fixos in Synagoga, uti postea distincti fuere a CHRISTO; ex hoc recte colligit, nullam posse in hoc capite, quo de jurisdictionum finibus quaritur, institui comparationem inter SYNAGOGAM & Ecclesiam.

3. "Neque fane (addit MARCA) de Regibus christianis bene merentur, ut existimo, qui regiae dignitatis auctoritatem in Republica christiana, ex institutis JUDAEICIS metiuntur, cum apud Reges Judaeorum non adeo soluta esset ac libera rerum gerendarum potestas, quin a magno Synedrio in rebus controversis penderet, ipsamque rerum CIVILIUM administrationem cum PONTIFICE & Senatu, in controversiis saltem ambiguis Princeps communicaret,,

4. Animadvertas hoc loco, ista a me nunc recitata MARCAE verba prolata a MARCA eodem fuisse in ea opinione, quod magnum SYNE-
DRIUM originem a MOYSE habuerit; quod hoc Synedrium supremam semper inter Judaeos potestatem exercuerit; quod tandem ei, veluti coetui sacro, vel saltem mixto, praesset SACERDOS SUMMUS, non autem *Naschi*, id est *Princeps* confessus, quem Rabbinorum (inquit MARCA) commentationes invexerunt; qui *Naschi*, Moysis locum scilicet teneret. Quae omnia cogitata a MARCA difficultate non carent.

5. Atque in primis, quod ad originem magni SYNEDRII attinet; nihil hoc pertinet ad Consilium a MOYSE institutum ex viris LXX. Etenim magnum Synedrium, si Scriptores non paucos, & inter hos Augustinum CALMET consulimus in *Dissertatione de Politia & Sanhedrio Hebraeorum*, non nisi post Captivitatem Babylonicam exortum est. "Sub Macchabæis coeptum,, Sanhedrium, vires suas, ait, in dies sub Regibus Asmonæis explicavit, ex,, imbecillioribus crepundiis in tantam adolefcens auctoritatem, ut vel ipsis,, Regibus metum incuteret,,

6. "Jonathas (scripserat superius in eadem Dissertatione CALMETUS),,, qui fratri Judæ (*Macchabæo*) in imperio successit, utraque in se,, conciliata sacerdotali scilicet, & regia dignitate, ita populum moderatus,, est, ut una cum Senatu, quin & adhibito etiam populo, de rebus deliberaret. Hebraeorum tum temporis politia veram Rempublicam referebat,, Aristocratia & Democratia mixtam. Ea occasione SANHEDRIN omnium,, ore celebratissimum coepit,,

7. Concordat Calmeto Bernardus LAMY Appar. Biblic. L. 1, Cap. 12:,, Circa magnum SYNE-
DRIUM (inquit) lites moventur valde ambiguae. ,, INCERTUM est an, quale exercebatur Hierosolymis, quando Christus passus est, jam antiquitus fuisset institutum,,

8. "Certum est a diebus, quibus decem Tribus in captivitatem deductæ,, sunt, non observatum, quod primum fecerat Moyses, nempe ut ex singulis,, Tribubus & cunctis cognationibus eligerentur seniores ad judicandum,,

9. "Perturbata est Hebræorum Respublica ab impiis Regibus suis, tum
,, ab inimicis, cum jugum subiere ,,"

10. "Verum postquam reversi sunt in patriam, & Esdras & Nehemias
,, restauravere Rempublicam; maxime cum Judæos MACCHABÆI in liber-
,, tatem asseruerunt, tunc constitutum SYNEDRIUM ea forma, quam illi
,, tribuunt Judæi in suo Talmude ,,"

11. "Et tempore quidem Assamonæorum (ait LAMY multis inter-
jectis) ,, Synedrii potestas fuit maxima: etiam magna, dum HERODES
,, magnus vixit. Postquam Judæa in provinciam redacta est, & per Procura-
,, tores Romanorum regeretur, nec omni autoritate carebat. Alibi evinci-
,, mus (pergit), Joannem Baptistam ab hujusce tribunalis judicibus in vin-
,, cula fuisse conjectum. Videre est in Evangelio, quomodo sæpe inquirebant
,, de Domino; quia ad illos pertinebat RES RELIGIONIS tractare, & de
,, iis judicare. Dic nobis in qua potestate hæc facis? Hactenus LAMY ,,"

12. Joannes NICOLAI Professor Tubingensis in *Annotationibus* ad Cor-
nelium BERTRAMUM *de Republica Hebræorum* Cap. 13 *sub initium* approbat
item nonnullorum Recentiorum sententiam, "negantium, Judicum Samuelis
,, & Regum temporibus confessum illum Synedrialem extitisse, & ortum
,, ejus demum referentium ad tempora ESRÆ & ceterorum ex Babylone
,, redeuntium ,,"

13. Synedrium hoc Judæorum derivat quidem a MOYSE Joannes SEL-
DENUS *de Synedriis Hebræorum*; & ejus successionem ac continuationem post
Moysen, non tamen sine vicibus & intermissionibus, propugnat præcipue
Lib. 2, Cap. 15, num. 1 - - 3, & Cap. 16, in cujus Capituli decimi sexti nu-
mero octavo ita etiam rem e Talmudicis contrahit: "Summa igitur est,
,, Mosem, Josuam, judices insequutos, Eli, Samuelem, Saulem, Davidem,
,, Reges ceteros, Principes fuisse SYNEDRII Magni, nisi, ut interdum, alii
,, ab eis mandatam forte jurisdictionem ac imperium cum dignitatis nomine
,, item acceperint ,,"

"Post reditum autem e Captivitate Babylonica, Ezram, Simeonem Ju-
,, stum, alios forte, quorum nomina nescimus, eandem tenuisse dignitatem ,,"
Hæc SELDENUS. Sed meliora videre datum est posteris.

14. Multa porro quæ de SYNEDRIO narrantur a nostris, non aliunde
desumpta sunt quam e Talmudistarum & Rabbinorum fabulis; in primis illud
de ejusdem Synedrii antiquitate, & de ejus constanti successione a MOYSE
usque ad Christum Domini tempora & deinceps. Sed tum istud tum cetera

regegit ac confutat late AUGUSTINUS CALMET in altera laudatæ Dissertationis parte.

Et hæc quidem Talmudistarum & Rabbinorum figmenta, nota quoque fuere Auctori Notarum in SIGONIUM *de Republ. Hebræor.*, Laurentio Maffei nempe; qui proinde in Caput 7 Libri 6 adnotandum censuit, "ea quæ narrant Talmudistæ de origine SYNEDRII a Moyse derivata, & perpetua, fere successione producta ad ultimam usque excisionem Urbis & Templi, fabulosa reputari a recentioribus Eruditis nonnullis, quibus verosimilius videtur Synedrium magnum aliquod tum demum constitutum fuisse, quum soluta Babylonica servitute in patrias sedes Judæi regressi sunt. Præsertim vero ASMONÆORUM temporibus, quibus GRÆCÆ linguæ usus aliquis, invecus est in Judæam, potentibus rerum Syriæ & Ægypti Regibus Macedonici sanguinis,,

"Nihil solidi putant elici ex sacris literis ad asserendam SYNEDRII antiquitatem ESDRÆ ævo remotiorem. In Josepho item Talmudicam doctrinam non reperiunt, quum tamen ille a Pharisæismo-sui temporis alienus non fuerit,, Abstineo a ceteris, ac remitto potius Lectorem ad accuratam de hac re HERMANNI CONRINGII *Exercitationem de Politia, sive de Republica Hebræorum*, quæ extat in *Thesaurο ANTIQUITATUM SACRARUM* Ugolini Tom. XXIV, col. 287 -- 324; atque ad JOANNIS VORSTII *Dissertationem de Synbedriis Hebræorum* ibidem Tom. XXV. col. 1103 -- 1150.

15. Hac vero fera origine SYNEDRII posita; cadit alterum de suprema auctoritate a Synedrio exercita inter Judæos, a prima MOYSIS institutione & deinceps. Fatetur Bernardus LAMY *Apparat. Bibl. Lib. 1, Cap. 12*, sub REGIBUS rarum esse de Synedrio sermonem, quidni autem, *nullum*, dixit? "Quis unquam, quæso, ex Regibus Juda (scribit Augustinus CALMET *Dissert. cit.*) ,, sive Saul, sive David, Salomon &c. ad SANHEDRIUM unquam reus adductus fuit? REGES Juda nemine prorsus repugnante, summos Pontifices exauctorabant; bellum pro arbitrio, nemine consulto, suscipiebant; judices constituebant, removebantque: uno verbo, Reges agebant, nunquam in negotiorum partem SANHEDRIO accito; nunquam ejus Senatus autoritate implorata, de Republica pro arbitrio disponebant; cui eorum authoritati, alioquin immodicæ, coercendæ nunquam SANHEDRIUM legimus restitisse,,

16. Quod unquam SACERDOS SUMMUS, Præses ac Princeps fuerit SYNEDRII, in omnibus saltem negotiis ac quæstionibus, quæ ad Synedrium, Magistratum scilicet (ex BOSSUETI sententia) politicum potius quam

quam sacrum seu ecclesiasticum, delatæ essent; negat idem BOSSUETUS Meldensis contra Baronium *Defens. Declar. Gallic. Lib. 1, Sect. 2, Cap. 7 edit. recogn. Vid. & SELDENUM de Synedriis Lib. 2, Cap. 15, num. 14, & Cap. 16, num. 11.*

17. Affirmat contra CALMETUS *dissert. alleg.* saltem pro extremis judaicæ gentis temporibus: "In libris novi testamenti, ait, summus SACERDOS Senatui, vel concilio nunquam non præest. Caiphas concilii Princeps capitalem sententiam in JESUM pronunciat: *Expedi ut unus moriatur homo pro populo.* Summus SACERDOS silentium indicit Apostolis, datis ad Principes Synagogarum literis, persequendi fideles Saulo jus asseruit &c."

18. Sed non pauci BOSSUETO aliisque adhærebunt; & ponent potius supremam Synedrii potestatem in illo *Naschi* seu Principe (de quo SELDENUS de Synedriis Lib. 2, Cap. 6, num. 1), quem ad Rabbiorum figmenta Petrus DE MARCA amandandum immerito putavit. Et pro hac sententia pugnabunt præcipue THEOLOGI illi, qui adversus Judæos contendunt, in hoc *Naschi* usque ad regnum *Herodis Ascalonitæ* continuatum esse sceptrum & dominatum in tribu JUDA & ducem; donec venit qui mittendus fuerat, secundum magnum illud JACOBI vaticinium *Genes. 49, vers. 10:* scilicet, hunc Principem SYNEDRII ex tribu JUDA, non, ut summus Sacerdos, ex tribu LEVI, delectum fuisse.

In quorum Theologorum numero est etiam Laurentius BERTI *de Theolog. Discipl. Lib. 25, Cap. 1. -- 3*, qui & SYNEDRIUM pro politico Magistratu habet; de qua re a laudato Joanne NICOLAI disputatur in *Notis in Caput 11 Reip. Hebræorum Cornelii BERTRAMI.*

19. Non ignoro tamen esse scriptores, qui sententiam illam Theologorum in ipso ejus fundamento adorianur; in quibus est Natalis ALEXANDER in *Histor. Veter. Testam. Dissert. 12, in Tertiam Mundi ætat. Proposit. 3*, affirmans, non constare, "Principem illum SYNEDRII de Tribu JUDA, semper delectum fuisse, vel ex ea necessario deligendum." Ita ille, disputans similiter de magno JACOBI vaticinio, & de ejus exitu contra Judæos, sed illud interim non ad solam Tribum Juda, sed ad totam gentem Judaicam pertinere propugnans contra oppositam Theologorum aliorum sententiam.

20. Et illud quidem Natalis ALEXANDRI assertum comprobari factò ipso potest, quando id verum sit, quod doctis viris non paucis placuit, dignitatem Principis seu *Naschi* obtinuisse in SYNEDRIO ANNAM soecurum Caiphæ; cujus non semel mentio est in Evangelio Christi tempore.

Et si

Etſi enim ANNA, *Princeps Sacerdotum*, non ſecus ac Caiphas ibi appellatus ſit; cum tamen CAIPHAS vere eſſet ſummus PONTIFEX, docti viri non pauci ANNÆ tribuendam cenſent dignitatem Principis Synedrii ſeu *Nasce*. Vide BARONIUM *ad an. Chr. 31, num. 8 -- 10, & ad an. 34, num. 70*, Jo. Bapt. DU HAMEL *in Cap. 3 Lucæ verſ. 2*; præſertim vero Joannem SELDENUM *de Succeſſione in Pontificatu Ebræorum Lib. 1, Cap. 12*, in Tomo XII Antiquitatum ſacrarum Ugolini; & Joannis SAUBERTI *de Sacerdotib. & ſacris Ebræorum perſonis Commentarium Par. 1, Cap. 5 & 6*, in eodem Tomo XII Antiq. ſacrar.

21. Jam vero ANNA ex Tribu LEVI erat, non ex Tribu Juda, Theologi tamen memorati facile hunc nodum expedient, reponendo, a ſe de illo *Nasce* ſeu Principe Synedrii non quæri niſi uſque ad regnum HERODIS Aſcalonitæ: ANNAM vero eſſe HERODE Aſcalonita poſteriorẽ. Addere præterea poterunt, de illa ANNÆ dignitate non ita conſtare, ut non ſuper eadem in varias ſententias docti viri alii abire coacti ſint; de quibus legendus erit SELDENUS Cap. 12 citat.

22. Quod ad judiciariam SYNEDRII poteſtatem attinet (cujus *num. 11* meminimus cum Bernardo LAMY) poſtremis Reipublicæ judaicæ temporibus; Benedictus Abbas BACCHINIUS *de Eccleſ. Hierarch. Originib. Par. 1, Cap. 2, num. 16* quærit, „an CHRISTI Domini noſtri morientis tempore „proximeque ſubſecuto, uſque ad Urbis Templique excidium SYNEDRIO „magno jus vitæ neciſque fuerit, nec ne,,.

23. Docet autem, Synedrio magno tunc fuiſſe jus vitæ & necis non quoad omnia crimina, ſed quoad ea tantum, „quæ ex legis judaicæ intrin- „ſeca forma violata procedebant; reſervatis AUGUSTI Procuratori, „quæ immediate Majeſtatem, juſque Romanum lædebant,,.

Diſtinctio hujusmodi clare perſpicitur in evangelica paſſionis CHRISTI hiſtoria: „& ob horum jurium diſtinctionem, in Apoſtolorum actis facile „eſt videre (inquit idem BACCHINIUS) ad SYNEDRII cognitionem „deducta, quæ Legem, Numen, Templum violatum præferre prætendeban- „tur; ſeditiones vero, & alia Status, ut vocant, rationem tangentia, ad „Præſidem relata. Cetera Bacchini prætermitto,,.

24. Carolus equidem SIGONIUS *Operis citati Lib. 6, Cap. 7* in ea quæſtione de jure vitæ & necis, quod Chriſti Domini tempore SYNEDRIO competeret, diſtinctione alia utitur; diſtinguendo ſcilicet inter condemnationem Rei, & animadverſionem in Reum: & illa quidem gavifum fuiſſe Synedrium aſſerit, non item hac, quæ erat Procuratori ROMANO reſervata.

25. "Ubi res, ait SIGONIUS, ad Romanos redacta est, Concilio (id est, Synedrio) relicta tantum est condemnatio, animadversio vero erepta, sed Procuratori ROMANO permissa. Quod in judicio CHRISTI evenit. Nam Concilium damnavit Christum & morti addixit, populus vero a Concilio incitatus a PILATO Procuratore poposcit, ut crucifigeretur: atque ille, ut ita fieret, judicavit,,.

26. Sed Sigonii distinctio non caret difficultate, ut demonstrare facili negotio possem. Et adest in tomo XXVI *Thesauri ANTIQUITATUM SACRARUM* Ugolini col. 1183 -- 1196 brevis & accurata Dissertatio Salomonis DEYLINGII de *Judæorum Jure Gladii tempore CHRISTI*; in qua diligens scriptor pluribus ac variis recitatis hac de re sententiis illi quidem adhæret, quam ex BACCHINIO attulimus; illam vero simul rejicit ac repudiat, quam modo ex SIGONIO audivimus, aut quæ saltem a Sigoniana non multum discrepat. Repudiat, inquam, hanc in BERNARDO LAMY, qui illam non multum a Sigoniana dissimilem proposuit in *Apparatu Chronol. ad Harmoniam Evangelic. Par. 2, Cap. 3, & in Harmoniæ Lib. 5, Cap. 31.*

27. Bernardus enim LAMY in *Apparat. loc. cit.* §. 4 putavit, inter discordes sententias de tempore, quo ablatum sit judicium animarum a Synedrio magno, istam iniri forte posse concordiam; scilicet sub Procuratoribus ROMANIS Synedrium non omni caruisse judiciaria potestate, sed illam non potuisse exercere nisi IMPETRATA VENIA A PRÆSIDE ROMANO.

Et in *Harmonia* cum agnoscat, ab Augusti temporibus arctiorem factam esse Synedrii magni potestatem, cum pars Judææ potior in Provinciam fuit redacta; existimat tunc fieri potuisse, ut SINE PRÆSIDIS ROMANI CONSENSU neminem mortis supplicio afficere licuerit Judæis: servata interim reliqua judiciaria potestate, ut scilicet Judæis non esset vetitum, ex jussu SYNEDRII LEGUM PATRIARUM ET AD RELIGIONEM PERTINENTIIUM violatores in vincula compingere.

28. DEYLINGIUS contra adsentitur iis, qui existimant, "Judæos sub ipsis Procuratoribus ROMANIS, & tam diu fere, quoad Urbs & Templum superfuit, potestate gladii, seu jure vitæ & necis gavisos, eodemque adversus RELIGIONIS ET LEGIS SUÆ violatores usos esse,,. Itaque "si quis Judæus (inquit) IN PATRIAS PECCARET LEGES, ET ADVERSUS RELIGIONEM aliquid committeret, poterat a summo gentis senatu, sive a SYNEDRIO puniri non modo carcere, flagris, aliisque minoribus pœnis, sed capitis etiam supplicio, pro facinoris enormitate,,.

29. At ab opposito, “ facinora contra Leges Romanas, Majestatem „ Imperatoris, & Status publici tranquillitatem commissa, seditio, per „ duellio, conjuratio, tumultuationes, & similia crimina, non ad Senatus „ judaici, sed ad Procuratoris Romani tribunal pertinebant „.

30. Hanc sententiam DEYLINGIUS validis argumentis confirmat; atque a momentis oppositis vindicat etiam & præcipue adversus eos multos, qui putarunt, “ supplicia capitalia Judæis fuisse adempta vel quadra „ ginta annis ante ultimum Templi & Reipublicæ judaicæ excidium, anno „ Tiberii Cæsaris decimo quinto; vel uno & sexaginta annis ante Jerosoly „ morum casum, quando Judæa post Archelaum in exilium missum in for „ mam Provinciæ redacta est „.

31. Hæc de magno SYNEDRIO Judæorum explicare placuit, utpote de quo non solum agant Scriptores Rerum Judaicarum, sed etiam illi, qui de jurisdictionis finibus in Ecclesia CHRISTIANA inquirunt; ex quibus nunc nominabo Petrum DE MARCA, & Michaellem ROUSSELIUM in *Historia Jurisdict. Pontific. Lib. 1 Cap. 1, Lib. 4 Cap. 1, & Lib. 7 Cap. 1.*

32. Jam cum præcipua eorum, quæ de Synedrio narrantur, incerta sint aut falsa; minime nos cum Petro DE MARCA ad istius potestatem confugiemus, quo silentium iis Scriptoribus imponamus, qui per exempla e REGIBUS Judæorum desumpta vellent aliquam christianis Principibus in res ecclesiasticas potestatem tribuere.

33. Nam hujusmodi hominibus alia ratione occurrimus tum verius, tum validius; dicendo nempe, MARCA etiam consentiente, jurisdictionum fines in Republica JUDAICA non ita fuisse distinctos, ut illinc liceat ad Rempublicam CHRISTIANAM argumentari. Ita iis Catholicis respondebimus, qui exteriorem nescio quam Ecclesiæ DISCIPLINAM pertrahere ad Principes terrenos volunt, desumpto exemplo a Regibus Judæorum.

34. Hoc responsum suppeditant nobis viri Rerum Judaicarum peritissimi, & in sacris veteris Testamenti libris exercitatissimi. Audiamus Bernardum LAMY Appar. Bibl. Lib. 1 Cap. 12 alleg. “ Religio Hebræorum, ait, sic „ conjuncta erat cum ipsa eorum politia & administratione rerum CIVI „ LIUM, ut non perinde ac in aliis Rebuspublicis, distinctio esset causarum „ sacrarum & civilium. Omnia a Deo ordinata erant, non ea solum, quæ „ attinerent ad sacrificia, & ad cultum sibi in templo & alibi exhibendum; „ sed in genere, quæ vitam spectabant, victum, artes, pacem, bellum, „ emptiones, venditiones, matrimonia, & in genere jus, quo Respublica „ conservatur. Qui (forte *Quia*) in templo perinde ac in foro causæ majore „ res

„res agitabantur; & dirimendis litibus, fontibus plectendis vacabant SA-
 „CERDOTES perinde ac sacrificiis. Quod animadvertisse operæ pre-
 „tium erit,,.

35. Augustinus CALMET in Differt. laudata de *Politia*, & *Sanhedrio Hebræor.* credit, „consilium habuisse Moysem, ut is Reipublicæ judaicæ
 „status constitueretur, in quo SACERDOTES una cum Principibus, sive
 „Judicibus a Deo suscitatis, nec non inferioribus aliis Judicibus in singulis
 „urbibus præpositis res gubernarentur (legerem, *gubernarent*); ita tamen
 „ut Sacerdotes, majori quippe scientia instructi atque minus rebus geren-
 „dis occupati, de causis legis & religionis (soli & seorsim) cognoscerent,,.

36. „Voluit insuper, ut Judicum summus Princeps atque supremus Ju-
 „dex summus SACERDOS agnosceretur, ad quem arduas omnes & majoris
 „momenti causas deferri iussit,,. (Vides, credo, hæc ad id maxime tem-
 pus pertinere, quando nondum institutum fuerat SYNEDRIUM novum
 seu Talmudicum).

37. „Principem occupatum esse voluit rebus belli & pacis tractandis,
 „politia legibusque asserendis, ac tandem exerto GLADIO Legum DIVI-
 „NARUM violationem ulciscerentur, etiam atque etiam præcepit,,.

38. „Ita contemperata Republica *Regale Sacerdotium*, seu MIXTUM
 „SACERDOTE & Rege imperium invexit,,. Sed hoc loco fateri
 nos oportet cum eodem CALMETO, „si varia hebraicæ Reipublicæ tem-
 „pora inter se conferantur, variasse etiam apud illos politiam, nec eam,
 „quæ a MOYSE sancita est, constanti traditione ad Judices & Reges
 „transiisse,,.

39. Ceterum & HUGO GROTIUS inter Protestantes agnoscit, juris-
 dictionum commixtionem in Republica judaica fuisse de *Imper. summar. Potest.*
circa Sacra Cap. 9, num. 4, pag. 222 seq. edit. tertia.

40. „Magistratum (ait GROTIUS) gessisse SACERDOTES vel
 „illud unum arguit, quod morti addicitur, qui Sacerdotis imperio non pa-
 „ruerit, qua lege Sacerdos summus summo judici æquatur. Neque vero
 „de sacris tantum, sed & PROFANIS DE REBUS jus dixere, ut-
 „pote legis totius optimi interpretes, NON DIVISA eo tempore juris
 „divini humanique prudentia,,.

41. „Hinc ad illos non minus quam ad summum judicem relatio facta
 „est de cædibus ac vulneribus, & omne genus controversiis,,. Ab affe-
 rendis ceteris abstineo.

42. Quibus sic positis nihil nobis curæ est, an vere an falso dictum sit a Petro de MARCA tum in Libello laudato, tum in *Concord. Lib. 2, Cap. 4*, Regum judaicorum potestatem in disciplinam Ecclesiæ JUDÆICÆ nixam fuisse *Juri Regio*. Conferatur cum Marca Petrus CUNÆUS de *Republ. Hebræor. Lib. 1, Cap. 14* in Tomo VIII Critic. Sacrorum. Unum illud (ut vidimus) negandum est, quod idem Petrus de MARCA affirmat, Reges in sua potestate exercenda, ex SYNEDRII præscripto aliqua ex parte pependisse: ab eo quippe, quod non extaret, pendere non poterant.

43. Priori responso non alienum erit hic & illud adjicere, quod non immerito adhibuerunt alii; Regum judaicorum potestatem, qua in res Ecclesiæ judaicæ nonnunquam usi sunt, non aliud fuisse, quam meram executionem legum Synagogæ & divinarum, ei parem, quam christianis Principibus commissam scimus. Ita fere Andreas DUVALIUS de *Potest. Pontif. Part. 3, Q. 2, pag. 501* tomi 3 *Biblioth. Pontif.*, & Daniel CONCINA de *Jur. Nat. & Gent. Lib. 1, Diss. 4, Cap. 3, §. 4, pag. 342* tomi sexti *Theolog. Christianæ*.

Adversus PROTESTANTES hic steterunt tum alii plurimi, tum idem Concina *loc. cit.*, & Ignatius SCHWARZ *Jur. Publ. Univers. tomo 1, pag. 270* &c. edit. *Venet.*, quos consule, si vacat.

44. Siquis ergo ad dilatandam Principum laicorum potestatem in res & causas ecclesiasticas ea nobis objecerit, quæ a Regibus JUDÆORUM de Synagogæ rebus decreta ac facta fuisse constat; superiora in unum colligendo dicemus cum Meldensi Episcopo BOSSUETO, "notum equidem nobis esse, Reges Israelitarum rebus sacris se immiscuisse, sed hoc demum eos fecisse in EXECUTIONEM antiquarum regularum & mandatorum, quæ Deus dederat, & fecisse insuper una cum Pontificibus, Sacerdotibus, Prophetis. Ceterum in NOVO Testamento res sacras, quæ sacerdotali Ordini reservantur, manifestius adhuc discretas esse (sont encore plus clairement distinguées) a rebus civilibus & temporalibus, quæ Principibus commissæ sunt," Bossuet *Politique tirée de l'Ecriture Lib. 7, art. 5, Prop. 10*.


45. Hujus autem accuratioris distinctionis fundamentum recte a MARCA petitur ex CHRISTO, quando respondit, quæ sunt Cæsaris, reddenda Cæsari, & quæ sunt Dei, Deo. "Quo divini verbi oraculo (ait MARCA in Libello memorato) generalibus verbis secretio duarum potestatum constituta est; ita ut nec Pontifici, nec magno Synedrio jus aliquod residuum fuerit in gravium & criminalium causarum discussione, nec Cæsari in cognitione rerum sacrarum,"

46. "Quare (colligit MARCA) nulla potest in hoc quidem capite
 „institui comparatio inter Synagogam & Ecclesiam: quia quæ apud illam
 „erant permixtæ & CONFUSÆ jurisdictiones, apud hanc sunt discretæ &
 „omnino separatæ „ Gemina horum scripserat antea *Concordiæ Lib. 2,*
Cap. 5, num. 5 & 6.

47. Etsi vero affirmamus, jurisdictionum fines in Republica JUDAICA
 non fuisse ita distinctos, uti postea a Christo Domino factum est; non in-
 ficiamur tamen, sua fuisse propria munia Regis, sua Pontificis. "Distincta
 „enim erant (uti recte MARCA in eodem Libello scribit) munia Sacerdo-
 „tum & Regum, etsi non iis FINIBUS, qui apud christianam Rempublicam
 „præscripti sunt „

48. "Belli gerendi & imperii administrandi ratio ad solum REGEM
 „pertinebat, ut sacrificiorum, rerumque sacrarum in templo administratio
 „penes solos Pontifices erat „

49. "Quæ vero de rebus sacris & profanis oriebantur CONTENTIO-
 „NES, ad Regem, ad Pontifices, & CONSILIA devolvebantur, ita ut
 „quædam esset jurisdictionum COMMIXTIO „ Paria habet MARCA
Concordiæ Lib. cit. Cap. 4, num. 3.



CAPUT IX.

*Ex legibus JUSTINIANI Imp. minime demonstratur, spectare
 ad Principem, externam Ecclesiæ disciplinam NOVE ordinare.*

I. SOLENT ab iis, qui in societatem ordinandæ externæ ecclesiasticæ di-
 sciplinæ laicam potestatem vocant, objici tum Regum Francorum
 Capitularia, tum Leges a JUSTINIANO Imperatore de rebus ecclesiasticis
 latæ; quibus legibus tum Liber primus CODICIS refertus est, tum ma-
 xime abundant NOVELLÆ Constitutiones. "Quamplurimi (ait Petrus
 DE MARCA Concord. Lib. 2, Cap. 11, num. 2) „qui tantum res FO-
 „RENSES attigerunt (adeoque ecclesiasticarum, & theologicarum sunt
 ignari) „præjudicio harum constitutionum Justiniani, potestatem liberam
 „de disciplina ecclesiastica decernendi Principibus vindicant „; qua in re
 gravissime ab iis PECCATUM ESSE, antea pronunciat MARCA. No-
 tatur autem ad oram paginæ in hac sententia Carolus MOLINÆUS ille
 notissimus. De Capitularium origine & indole dicendum est *Capite proximo:*
 de JUSTINIANO videamus modo. Utar autem Interpretibus minime
 suspectis.

2. Illustrissimus Meldenſis Epiſcopus BOSSUETUS *Deſenſ. Declar. Gallic. Lib. II, Cap. 15 edit. recogn.* Petro DE MARCA non injuria tribuit *ingenium verſatile, & in utramque partem æque compoſitum*; cujuſmodi quidem ingenium ſi alicubi, apparet maxime in Opere de *Concordia Sacerdotii & Imperii*, factu hominis ceteroquin doctiſſimi, per quem poſteri multum profecerunt. Suo hoc ingenio forte actus MARCA, de memoratis JUSTINIANI legibus aliqua cum inconstantia ac varietate pronunciavit; ſed veritatem tamen non valuit obtegere:

3. Dividit MARCA *Cap. II cit. num. 3* Constitutiones JUSTINIANI in duo capita; in eas ſcilicet quæ perſonas, & in eas quæ res eccleſiaſticas reſpiciunt. Primæ aut de Præſulum juribus, privilegiis, & officiis quoad ordinationes, judicia, & eccleſiaſtica negotia feruntur, aut totius Cleri functionem, aſſiduum in Eccleſiis obſequium reſpiciunt, & ordinandorum mores & ſtatum, ac Monachorum & Sanctimonialium exercitationem. “Quæ omnia, ait MARCA, hauſta ſunt e Canonibus aut e receptis moribus, quemadmodum JUSTINIANUS ipſe proſitetur, qui ſe illa omnia SECUNDUM CANONES decernere diſerte pluribus in locis ſcribit, ac præſertim in NOVELLIS Constitutionibus,,

4. “Quod autem attinet (pergit MARCA) ad res eccleſiaſticas, de earum conſervatione ſollicitum ſe ubique præſtat. Oeconomum juxta Canones Chalcedonenſes conſtitui jubet; adminiſtrationiſque modum, reddituum augendorum, & rationum reddendarum illi præſcribit; numerum Clericorum Eccleſiæ Conſtantinopolitanæ coercet, ne redditus exhauriantur; multaque de emphyteuſibus & impedienda bonorum alienatione conſtituit. Hæc omnia, quæ res ipſas reſpiciunt, non in conſequentiam CANONUM, ſed JURE SUO ſe decernere proſitetur,,

5. Jure quidem ſuo iſta JUSTINIANUS decreverit, ſed non contra aut PRÆTER CANONES. Et quod illud attinet, de NUMERO Clericorum Conſtantinopolitanorum minuendo; illud ſane diligenter conſiderandum eſt, Juſtinianum per ſuas NOVELLAS, tertiam, ſextam *Cap. 8,* & decimam ſextam, non aliud eo de capite decreviſſe (ſola dempta Conſtantinopolitana Eccleſia majori), niſi ut ne novi in Eccleſiis aliis ſive URBIS Regiæ ſive extra URBEM Clerici ordinarentur, donec ad eum numerum ventum eſſet, qui fuerat vel antiqua conſuetudine, vel per fundatores definitus, pro modo proventuum, quos adſignarunt; quem ipſum numerum in poſterum etiam retineri juſſit.

6. Et hujus præterea decreti ferendi cauſam præbuit æs alienum, quo Eccleſia Conſtantinopolitana, & Eccleſiæ aliæ, ob exuberantem Clericorum

corum copiam opprimebantur. Vere proinde in proœmio Novellæ tertiæ JUSTINIANUS affirmavit, similem rem a se alias fuisse sancitam *bene & regularum sacrarum digne*.

7. Ceterum Justinianus ipse Codici suo inseruit legem Arcadii & Honorii Imperatorum, quæ est undecima tituli *de Episc. & Cleric.*; in qua generatim dictum est, "pro magnitudine, vel celebritate uniuscujusque vici, „ Ecclesiis certum, JUDICIO EPISCOPI, clericorum numerum ordinari „ oportere „ JUDICIO EPISCOPI, inquiunt id faciendum esse; & sapienter id quidem. Nam scientia ecclesiastica, necnon usu ac experientia rerum ecclesiasticarum opus est ad judicium de hac re ferendum; ne, dum Clericorum numerum ressecamus, detrimentum cultui divino afferatur, vel subtrahatur fidelibus pabulum religionis, vel cætuum ecclesiasticorum status & disciplina enervetur, dum ii desunt, qui utiles aut necessarii fungendis Ecclesiæ vel familiæ ecclesiasticæ muneribus essent.

8. Potius igitur tutorem ac vindicem Canonum se JUSTINIANUS exhibuit, tum etiam cum illam de Clericorum illorum numero legem tulit. Proinde quoad leges Justiniani ejusdem de causis ecclesiasticis latas generatim visum erat Petro de Marca *num. 2*, "jure suo usum fuisse JUSTINIANUM, qui legibus latis NON CANONES condidit, sed conditos „ FOVIT & amplificavit; quia jus illud TUTIONIS ecclesiasticæ „ Principibus christianis a Deo commissæ exigit, ut leges pro Religione divina ferant. Hanc sibi mentem fuisse docet quoque Justinianus, ut vetustatis & Canonum se vindicem præstaret, non NOVAS regulas in Ecclesiâ invehendo, sed veteres augendo in melius „.

9. Infidiosum est ac artificiose additum illud, quod attinet ad Canones *amplificandos vel augendos*; etsi id videtur, fateor, ex JUSTINIANO ipso desumptum. Amplificatos autem & auctos a Justiniano Canones intelligit; "quia nempe (ait *num. 3 cit.*) quæ generaliter a Canonibus erant decreta, „ modo rei gerendæ & judiciorum ordine præscripto, his constitutionibus „ erant sigillatim comprehensa „.

10. Sed hoc clarius ætate ipsa Justiniani explicavit Joannes Scholasticus Patriarcha CPolitanus in Præfatione ad suum *Nomocanonem pag. 604 tomi 2 Biblioth. Jussellianæ*: "Novellæ constitutiones (ait) non solum CANONIBUS consentaneæ sunt, verum etiam imperiali potestate auctoritatem „ (illis) tribuunt, cum adjectione legitima & Deo grata „. A MARCA etiam hic JOANNIS Scholastici locus, ex liberiori tamen sua interpretatione, prolatus est *num. 4 Capitis annotati 11, Libri 2*, ubi e vestigio subdit:

11. "Non solum Joannes eos articulos Novellarum amplectitur, qui „ Canonum verba *κατὰ πόδας* sequuntur, sed etiam eos qui Canonum mentem jurisdictione suppleverunt, id est, *adjectionibus quibusdam legitimis & Deo gratis* (legendum est, *adjectione legitima & Deo grata*, secundum græcum Joannis textum) „ Canonum sententiam interpretando, quæ videbantur, „ omissa addiderunt „.

12. "Quin etiam eas leges, quæ Canonibus per interpretationem alii, quid adjiciunt, quæque modum rei gerendæ & ordinem judiciorum præscribunt, inter ea recenset, quæ vocant *συνάδοντα νόμιμα τοῖς ἐκκλησιαστικοῖς κανόσιν* (*concinentia*, seu *consentientia*) jura ecclesiasticis Canonibus „.

13. Quæcunque vero hoc loco fuerit sententia MARCÆ aut JOANNIS Scholastici de amplificatione illa Canonum; ea certe amplificatio *CANONUM* sententiam aliquo pacto egredi non debuit, auctore ipso MARCA in Prolegomenis ad *Concordiam*: immo neque NOVA ulla per eam amplificationem induci per ecclesiasticam disciplinam debuerunt: & per JUSTINIANUM nulla ferme NOVA fuisse inducenda, fateri oportet MARCAM, si ex animo scripsit *Cap. 7, num. 8 hujus libri secundi*, "VIX ullam proferri „ posse constitutionem Principum, quæ de ritibus, ceremoniis, Sacramentis, „ CLERI CENSURA, functione, conditionibus, & DISCIPLINA, lata „ fuerit ex mero potestatis secularis imperio „.

14. Dixi, nulla ferme NOVA per JUSTINIANUM fuisse inducenda, oportere fateri & MARCAM. Sciebam enim, notum Marcæ fuisse Decretum illud Justiniani in *Novella 137, Cap. 6*, quo verba consecrationis Eucharistiæ in sacra Liturgia elata voce, non autem demissa proferri iussit; ut qui locum tenet idiotæ, *amen* succinere posset: quod Decretum jure a MARCA improbatum est. "Præterquam quod enim (ait *Cap. 6 ibid. num. 6*) de ritu „ sacrificiorum decernere tentat, quæ pars disciplinæ solis Sacerdotibus competit, „ petit, antiquos Ecclesiæ mores sollicitat; qui, ut reverentia mysteriis „ conciliaretur, preces mysticas demissa voce proferri induxerant, ut testatur Basilus „.

15. Ex hoc autem quod pauca FORTASSE ea sint, quæ in ecclesiasticam disciplinam NOVA & præter Canones JUSTINIANUS induxit, inde forte permotus est Guilielmus BEVEREGIIUS Anglus, ut nulla eorum ratione habita pronunciaret, Justinianum eundem & Imperatores veteres reliquos "quoad ecclesiasticas personas & res NIHIL DE NOVO „ constituisse, sed ea tantum, quæ ab ecclesiasticis Synodis prius constituta „ fuerant, ipsos sua etiam auctoritate confirmasse „.

16. "Adeo ut quæcunque in CODICE, aut in NOVELLIS de
 „ personis causisve ecclesiasticis asserantur, ab ECCLESIASTICA ali-
 „ qua Potestate antea sancita fuerint, quam illuc relata; ut ex singulorum
 „ istiusmodi locorum inductione cuivis Canonici pariter atque Politici perito
 „ juris facile patebit.,,

17. Scilicet non tantum si de Fide loquamur christiana, sed etiam de *Legibus ad ecclesiasticam spectantibus DISCIPLINAM*; "ipsi etiam Impera-
 „ tores Christiani (ait Beveregius) ingenue multoties professi sunt, NIHI-
 „ L SIBI JURIS in istiusmodi sancendis rebus tributum esse.,, Relege in-
 tegrum BEVEREGII locum, quem dedi Cap. I, num. 247 - 249.

18. Eodem certe sensu actus VANESPENIUS non dubitavit scribere
 in *Traët. Hist. Can. Par. 10, Cap. I §. 6*: "Leges Justinianæ Evangelicæ
 „ aut CANONICÆ sanctioni minime contrariari; sed potius CANONUM
 „ & pristinæ Patrum disciplinæ synopsis sive epitomen continere, earum
 „ diligens scrutator agnoscet.,,

19. Quia vero Constitutiones eæ JUSTINIANI omnes aut fere omnes,
 secundum Canones erant decretæ; ideo (ait Marca *cap. II cit.*) & multo
 applausu exceptæ sunt, & fuerunt a posteris laudatæ; & ab ipsis etiam
 Pontificibus Romanis allegabantur. De hac re legas etiam Vanespenium
loc. cit.

20. Porro non est hoc loco prætermittenda conjectura Ludovici THO-
 MASSINI *Discipl. Eccl. Part. 2, Lib. 3, cap. 46, num. 3*, JUSTINIANUM
 leges, quas de rebus ecclesiasticis conditurus esset, ad eos EPISCOPOS
 referre consuevisse, qui Constantinopolim, negotiorum causa solebant
 convenire frequentes, ac quoddam veluti perpetuum Patriarchale Conci-
 lium constituebant. "Probabiliter illud quoque creditur, ait Thomassinus,
 „ ad hos maxime EPISCOPOS (seu ad illud Patriarchale Concilium), „ retu-
 „ lisse JUSTINIANUM de iis Canonibus & regulis ecclesiasticis, quas in-
 „ ferebat ipsemet illis Constitutionibus, quæ ejus nomine & auspiciis in
 „ lucem exibant: ut quas (suo in Palatio) cum Episcopis elimasset, ac
 „ trutinatus esset, pervigiles cum iis noctes crebro traducens.,, prout a
 PROCOPIO narratum est *de Bello Gotthico* Lib. 3, Cap. 32 & 35, pag. 539
 & 549, edit. Paris. 1662, adeas & Petrum DE MARCA *Concord. Lib. 4,*
Cap. I num. 5.

21. Hæc de JUSTINIANO placuit proferre ex illustrioribus legum &
 Canonum Interpretibus, ut fieret manifestum, eos quidem excessisse verita-
 tis ac religionis fines, qui (ut in principio Capitis dixit nobis MARCA)
 „ præjudicio Constitutionum Justiniani potestatem liberam de DISCIPLINA
 S
 „ eccle-

„ecclesiastica decernendi Principibus vindicant „, Illos scilicet in hac sua sententia id pro fundamento sumere, quod aperte fallum sit.

22. Sed ista præterea eam etiam ob causam protulimus, ut constaret, eos quoque æquitatis leges violasse, qui, „parum perpenso hujus Principis „ consilio (ut inquit idem MARCA loc. ibi cit.) eum sacra divinaque pro- „ fanis miscuisse existimant „.

Illud certe JUSTINIANI leges nonnullas, præcipue NOVELLAS constitutiones aliquas vel percurrenti solum, compertum fiet, optimas ac præclaras in iis occurrere sententias ac præcepta sanctissima, quæ cum Patrum regulis gravitate ac sanctitate certent.

23. Sed utrum aliquando an pluries JUSTINIANUS sit fines suæ potestatis prætergressus, nunc non quæro; nec mihi sane opus est id vel investigare, vel definire, qui *Cap. XII* demonstraturus sim, in controversiis de finibus utriusque potestatis parum profici, si ex factis, vel LEGIBUS etiam temporum præteritorum argumentari voluerimus. Viam scilicet exemplorum ac factorum, legum etiam, admodum esse infidam & incertam (nisi fundamenta firmiora accesserint), ubi de Juribus quæritur alterutrius potestatis quoad res plures, quæ in controversiam veniunt inter sacerdotium & imperium.

Expenditur illa potestas, quam sibi JUSTINIANUS Imperator tribuit, amplificandi CANONES seu AUGENDI IN MELIUS.

24. Unum est quod, antequam hinc discedo, præterire nolo sine animadversione: illud scilicet, quod *num. 9* dixi, Justinianum sibi tribuere potestatem amplificandi CANONES seu AUGENDI IN MELIUS. Hanc sane potestatem sibi videtur JUSTINIANUS asserere in Rescripto ad Dacianum Metropolitam Bizacii in Africa, quod BARONIUS recitat *ad an. Chr. 541 num. XI & seq.*

25. Affirmat equidem Imperator eo in Rescripto, semper sibi curam fuisse *servande vetustatis*; additque, Imperatores esse *tutores vetustatis & vindices*; & magnifica de Canonibus & Patrum regulis loquitur. Sed eo ipso tempore honorem hunc, quem disciplinæ ac Canonibus habet, detorquet ad disciplinam ipsam & CANONES IN MELIUS AUGENDOS. Do Justiniani verba:

26. "Semper nostræ Serenitati cura fuit SERVANDÆ VETUSTATIS, maxime disciplinæ, quam nunquam contempsimus, nisi & IN MELIUS AUGEREMUS: præsertim quoties de ecclesiasticis negotiis contingit quæstio, quæ Patrum constat regulis definita, immo adventu SUPERNI NUMINIS inspirata: quia constat calitus institutum, quicquid apostolica decrevit Auctoritas.....,,

27. "Si quid igitur Metropolitano Carthaginis, vel Primatibus Numidiæ, vel Bizacii Conciliorum auctoritas præstitit, & inoffensa consuetudo servavit, hoc sibi quisque optet, sibi vindicet: hoc NOSTRA sperent SANCTIONE firmari. Nos TUTORES sumus VETUSTATIS & vindices. Nec deerit &c. ,,

28. Hæc ex Justiniano; in quibus verbis ad illa, puto, advertisti animum, quæ sunt de disciplina in melius augenda. Hujus vero sui studii ac propensionis ad disciplinam in melius, ut sibi videbatur, augendam, exemplum non unum nobis JUSTINIANUS reliquit. Sed duo sunt maxime consideratione digna, utpote ad EXTERIOREM & publicam DISCIPLINAM spectantia.

29. Unum extat in *Lege* 42, §. 1, *Cod. de Episc. & Cleric.*, quod in Novellis postea inculcavit non semel. In ea igitur *Lege* 42 Justinianus eos vetuit ad Episcopatum assumi, quibus liberi essent aut nepotes: cujus decreti, quod præter & ULTRA CANONES est, duas profert causas. Earum prima desumitur ex curis, quas secum affert de liberis sollicitudo; altera ex periculo, ne Episcopus facultates Ecclesiæ in propriam sobolem & cognatos impendat.

30. Exemplum alterum extat in *Novella* 123 *Cap. 13*, quo decretum est, ordinari non debere Subdiaconum minorem viginti quinque annis; quando Canones in eo non amplius postulabant quam annos viginti.

31. Videamus tamen, quodnam LEO SAPIENS Imperator suis in Novellis de duobus hisce JUSTINIANI Decretis judicium tulerit. Quoad primum de vetita Episcopi ordinatione, cui vel nati sint vel nepotes; tam absuit, ut per id LEONI Imperatori visus sit Justinianus Canones IN MELIUS AUXISSE, ut potius violasse putaverit; quo eodem in loco LEO SAPIENS & causam simul redarguit, qua motus JUSTINIANUS legem illam tulit; & legem præterea in audaciæ pœnam abrogat. Audiamus LEONEM in sua novella Constitutione secunda:

32. "Cum sacrosancti divinique Canones, & quicunque alii de Sacerdotio ac Episcoporum creatione statuere, IN OPTIMUM numerisque omnibus plenum editi sint modum; mirari subit, quomodo non veriti

„ nonnulli sint, sacras divinasque leges, TANQUAM ILLÆ ABSOLUTÆ NON ESSENT, promulgatis aliis legibus ABROGARE „. Vide ex Leonis Sapientis Imperatoris sententia, quid illi tandem agant, qui proponunt sibi AUGERE CANONES IN MELIUS.

33. Pergit Leo referens memoratum JUSTINIANI Decretum. “ Quod „ ideo (subdit) fortasse in animum induxerunt, quod istiusmodi affectione „ quadam erga liberos sacras facultates (Episcopus ille) oblatus videatur. „ VERUM non recte sese illa ratio habet. Sic namque ne fratribus aliisve „ cognatis superstitibus accessum quisquam ad Episcopatum haberet: siquidem & ad hos sanguinis propinquitatisque affectio respicit „.

34. Tandem decernit, “ ut a lege, quæ contradicere ausa fuit (Canonum sententiæ ac Patrum iudicio) „ IN AUDACIÆ POENAM perpetuum in futurum exigatur silentium „.

35. Nunc LEONEM Sapientem Imperatorem audiamus, alteram JUSTINIANI legem de Ordinatione Subdiaconorum emendantem in sua Constitutione 75: “ Sacra decreta in suis rebus civilibus legibus prævalent. „ Sexta Synodus vicenarium Hypodiaconum ordinari posse sancit: huic vero „ civilis lex contradicens viginti annis quinque admetiri jubet „.

36. “ Nos itaque, uti SACRAM LEGEM sacer Ordo sequatur, convenire rati, ut ad Hypodiaconatum, qui quidem eo digni sunt, anno ætatis „ suæ vigesimo admittantur, sancimus „.

37. Sed hac ipsa de re legem ediderat jam LEO in novella Constitutione 16, usus contra JUSTINIANUM ea ratione, quam ipsum naturæ testimonium dicat, edicens nempe, huiusmodi res secundum CANONES esse ordinandas, quia in sua cuique arte & professione plus haberi debet fidei: “ Vetus verbum (ait) quod DE REBUS SUIS dicenti, aures esse apeririendas monet Dignum itaque SACRAM LEGEM DE REBUS „ SUIS præcipientem audire Imperatoria nostra Majestas rata, & in eandem „ cum illa sententiam descendit & statuit &c. „.

38. Video cuncta hoc loco Imperatoria Majestate ac sapientia digna; video TUTOREM VETUSTATIS AC VINDICEM; video CURAM SERVANDÆ VETUSTATIS: video tandem Principem sibi caventem ab insidioso illo ac fallaci studio disciplinam ac Canones IN MELIUS AUGENDI.

39. Ista addere visum est pro interpretatione sententiæ illius JUSTINIANI in Rescripto ad Bizacenum Metropolitam; quæ ceteroqui satis est tum anceps, tum ambigua.

40. Regulæ vero universalis loco hic sit sententia NATALIS ALEXANDRI, viri candidi & ingenui, ac folius Catholicæ Veritatis amici, in Histor. Eccl. Seculi sexti Cap. 7, Art. 2: "Si quas novas leges tulit de ecclesiastica DISCIPLINA JUSTINIANUS, vim illæ non habuerunt ullam, nisi quia sunt ab Ecclesia receptæ & approbatæ. Sicut enim leges de rebus MERE CIVILIBUS in Conciliis promulgatæ nullius sunt roboris, nisi quia ratæ habentur a Principibus laicis: ita nec leges de REBUS ECCLESIASTICIS a secularibus Principibus conditæ nullius sunt momenti, nisi ab ECCLESIA ratæ habeantur". Cui sententiæ nemo qui sapiat, non lubentissime subscribet.



CAPUT X.

Ex CAPITULARIBUS Regum Francorum non demonstratur, licere Principi laico Leges novas de rebus ecclesiasticis condere, non solum contra Canones, sed nec præter & ULTRA CANONES. Origo & indoles CAPITULARIUM narratur & exponitur. Adduntur aliqua de MISSIS DOMINICIS seu Legatis Regalibus mediæ Ævi.

1. IN minutis quorundam Scriptorum libris nihil hodie frequentius est quam videre allegari CAPITULARIA Regum Francorum. Quod eorum factum non alio pertinet, nisi ad turbandos fines Jurisdictionum, spiritualis & terrenæ, seu ad excitandum in Principe laico studium disponendi externam seu publicam Ecclesiæ disciplinam proprio arbitratu, sin contra Canones, saltem præter & ULTRA CANONES.

2. Sed huic suo consilio patrociniū profecto non quærent ex CAPITULARIBUS, nisi ignorarent, quæ sit origo & indoles Capitularium, seu qua ratione sint condita, & quibus ex fontibus educta. Videamus modo de primo, seu de methodo, qua condita fuerunt CAPITULARIA.

3. Monitum tamen simul Lectorem volo, hanc me suscipere istius rei explanationem, tantum ut doceam, quomodo res se vere habuerit, non ulla defensionis necessitate. Nam argumentis omnibus, quæ ab exemplis & factis, vel ex LEGIBUS præteritorum temporum peti solent, generatim occurrimus Cap. XII eo defensionis genere, adversus quod nulla calliditas, nullave consilia valebunt. Sed venio ad rem.

I. *Ratio rerum tractandarum in Synodis generalibus seu CONVENTIBUS MIXTIS Regni ac Imperii Francorum exponitur ad CAPITULARIUM ORIGINEM assequendam.*

4. **U**BI primum adnoto, in Regno ac Imperio Francorum quoties status rerum politicus disponendus erat, aut erant populis dandæ LEGES AD CIVILEM POLITIAM spectantes, fuisse in more positum, ut generalia Regni Comitata convocarentur, ad quæ Ordo uterque, Laicus & SACERDOTALIS conveniebat, ut sententiam suam & ASSENSUM CUM SUBSCRIPTIONE interponeret.

5. Atque hoc plane ritu CAPITULARIA ea, qua rebus CIVILIBUS ac secularibus ordinem dant, condita fuere. Quod probatione non indiget, postquam ex Capitularium ipsorum testimonio in plena luce fuit positum a Stephano BALUZIO in *Præfatione ad Capitularia* num. 7 & 8.

6. Sed ne cui forte mirum vel novum contingat, eam legum secularium ferendarum rationem olim obtinuisse; admonebo, hos ipsos mores sub LONGOBARDIS quoque Regibus, & post eos diutius in Italia obtinuisse, uti MURATORIUS ex ipsis Longobardorum Principum legibus & ex posterioribus evincit in *Antiquit. Medii Ævi Dissert. XXII.* Hic sola Muratorii verba recito:

7. "Tunc leges (ait) non ab uno arbitrio ac providentia Principis, ejusque Consistorii manebant (forte *manabant*); sed opus erat, ut iis accederet *consilium & consensus* Ordinum & Primatum Regni,"

8. "Singulis ergo annis consueverunt Italiæ Reges generalia Regni COMMITIA habere. Eo hac de causâ confluiebant præter Palatinos etiam Proceres Regni, hoc est, *Duces & Judices*, qui *Comites* sub Francis postea sunt nuncupati, sive Præsides urbium, & militiæ Præfecti,"

9. "EPISCOPI quoque, præsertim SUB FRANCIS & GERMANIS coibant illuc. In iis Comitibus, non secus atque in sacris Episcoporum Conciliis NOVÆ LEGES edendæ proponebantur, expendebantur. Neque antea illas promulgare mos fuit, quam eas probasset Procerum cætus. In calce sui Edicti ROTHARIS Rex hæc scribit &c.,"

10. Recitatis verbis Longobardorum plurium Regum; pergit MURATORIUS: *Quas etiam CAROLUS MAGNUS Italico Regno observandas proposuit, ipse non aliter sanxit, quam congregatis in unum Episcopis, Abbatibus,*

bus, viris illustribus, *uti ex ejus Præfatione didicimus.* Excurrit MURATORIUS per posteriores Principes usque ad FRIDERICUM I. Imperatorem: tum finem facit dicendo:

11. „Neque aliam consuetudinem in ferendis novis legibus fuisse „FRANCORUM, Alemannorum, aliarumque gentium Regibus, tum veterum monumenta, tum SCHILTERUS, alique juris publici germanici „scriptores, multis ostendunt „.

12. Ab hujusmodi ergo generalibus Regni Comitibus occasione sumpta, Episcopi Regni ac Imperii Francorum præsertim, quoniam magno numero erant in unum collecti, SYNODUM de rebus ecclesiasticis eo ipso in loco celebrare seorsim a laicis viris consueverunt: itemque ABBATES & Monachi suas sibi res seorsim decernebant.

13. Sed eodem tempore LAICI quoque Proceres in separatum item locum collecti ea parabant vel dirimebant, quæ ad disciplinam politicam spectarent. Quod si causæ natura id exposceret, tres isti divisi cæus subinde in unum iterum coibant.

14. Et earum quidem SYNODORUM episcopalium plurimæ suis cum Canonibus seu Capitulis ad nos usque pervenerunt; & reperiuntur tum in collectione maxima Conciliorum, tum in editione CAPITULARIUM Baluziana.

15. Nec solum istæ nobis Synodi servatæ sunt; sed LEGES etiam LAICALES separatim habemus, quæ in generalibus illis Regni & Imperii Francorum Comitibus communi Procerum, EPISCOPORUM, ABBATUM consensu, & subscriptione latæ fuerunt: & istas quoque leges videre licet frequentius in collectione CAPITULARIUM laudata.

16. Hæc quæ proposui, oportet nunc monumentis ac testibus comprobem; ad evincendum, CAPITULARIA, qua parte ECCLESIASTICAS res tangunt, a solis ecclesiasticis Præsulibus condita fuisse, occasione illorum generalium Comitiorum Regni & Imperii Francorum, ad statum rerum publicum seu civilem disponendum ex ordine ecclesiastico & laico congregatorum.

17. Docebo istud primo loco ex ADALHARDO Abbate Corbejensi, propinquo & consiliario CAROLI MAGNI, in libro *de Ordine Palatii*; cujus libri synopsis debemus HINC MARO Remensi, qui eam refert in Opusculo suo 14, num. 12 & seqq. pag. 206 &c. *tomi 2 Operum edition. SIRMONDI.*

18. Inter *Placita* seu Regni Conventus, qui bis anno quolibet, Carolo Magno imperante, habebantur; erat unus, solemnior ac altero frequentior; in quo (ait HINCMARUS num. 29 & 30) *generalitas univrsorum majorum tam Clericorum quam laicorum conveniebat.*

19. Sed Conventus alter seu minus solemnis a Rege cum *senioribus tantum & præcipuis consiliariis habebatur; in quo futuri anni status tractari incipiebantur.*

20. In eo solemniori ac frequentiori conventu “ utraque seniorum „ suscepacula (inquit num. 35), sic in duobus divisa erant, ut primo omnes „ EPISCOPI, ABBATES, vel hujusmodi honorificentiores Clerici ABS- „ QUE ULLA LAICORUM COMMIXTIONE congregarentur. Simili- „ ter Comites, vel hujusmodi Principes sibimet a cetera multitudine primo „ mane segregarentur „

21. “ Qui cum separati a ceteris essent, in eorum manebat potestate, „ quando simul, vel quando separati residerent, prout eos TRACTANDÆ „ CAUSÆ QUALITAS docebat, sive de Spiritualibus, sive de Seculari- „ bus, seu etiam COMMIXTIS „

22. Vides hoc loco *Placitum* seu Conventum generalem Regni; simul vero vides SYNODUM, ubi de rebus ECCLESIASTICIS seorsim agunt & deliberant EPISCOPI.

23. Huic rationi disponendi statum ecclesiasticum, ac ordinandi politiam Regni in generalibus Francorum Comitibus lucem afferet *Præfatio* Concilii MOGUNTINI, CAROLI MAGNI jussu anno 813 celebrati.

24. “ Convenit nobis (ajunt), de nostro communi collegio clerico- „ rum, seu laicorum, tres facere turmas, sicut & fecimus. In prima autem „ turma confederunt EPISCOPI cum quibusdam notariis, legentes atque „ tractantes sanctum Evangelium, nec non epistolas & actus Apostolorum, „ CANONES quoque ac diversa sanctorum Patrum opuscula, pastora- „ que librum Gregorii, cum ceteris sacris dogmatibus; diligenti studio per- „ quirentes, quibus modis statum ECCLESIAE Dei, & christianæ plebis „ profectum sana doctrina & exemplis justitiæ inconvulsam perficere & con- „ servare potuissent „

25. “ In alia vero turma confederunt ABBATES ac probati MO- „ NACHI, regulam sancti Benedicti legentes, atque tractantes diligenter, „ qualiter monachorum vitam in meliorem statum, atque augmentum cum „ Dei gratia perducere potuissent „

26. "In tertia denique turma federunt **COMITES & JUDICES**
 „ in mundanis legibus decertantes, vulgi iustitias perquirentes, omniumque
 „ advenientium causas diligenter examinantes, modis quibus poterant iusti-
 „ tias terminantes „. *Concillor. Tom. IX col. 327 edit. Ven. Colet.*

27. Habemus hic Conventum tergeminum, ubi Synodus Episcoporum,
 Capitulum Monachorum, Curia Magistratuum uno tempore habebantur.

28. Simili modo Anno 852 jussu **LUDOVICI** Regis Germanici alia
 habita est **MOGUNTINA** Synodus, ubi separatim Episcopi de rebus ec-
 clesiasticis, Proceres **UNA CUM REGE** de temporalibus pertractarunt; uti
 ex **ANNALIBUS** Francorum **FULDENSIBUS** discimus *pag. 552*
Tomi 2 Scriptorum Francorum DUCHESNII.

29. "Habita est Synodus (ajunt Annalista) ex voluntate atque præ-
 „ cepto Principis in civitate Mogontia Metropoli Germaniæ, præside
 „ **HRABANO** ejusdem urbis Archiepiscopo, cum omnibus Episcopis atque
 „ Abbatibus Orientalis Franciæ, Bajoriæ, & Saxonix. Et illi quidem de
 „ absolvendis quæstionibus **ECCLESIASTICE** tractatum habebant, **REX**
 „ **VERO CUM PRINCIPIBUS** & Præfectis Provinciarum publicis causis
 „ litibusque componendis insistens, postquam &c. „.

30. Ne rem pluribus exemplis onerem; satis fuerit ea protulisse, quæ
ANNALES LAMBECIANI narrant de Synodo **AQUISGRANENSI**
 anno 802, & seq. jussu **CAROLI MAGNI** habita:

31. "Domnus Cæsar Carolus congregavit **UNIVERSALEM** Synodum,
 „ & ibi fecit **EPISCOPOS** cum Presbyteris relegi universos Canones, quos
 „ sancta Synodus recepit, & decreta Pontificum „.

32. "Similiter in ipsa Synodo congregavit universos **ABBATES ET**
 „ **MONACHOS**, qui ibi aderant; & **IPSI INTER SE CONVENTUM**
 „ **FACIEBANT**, & legerunt regulam sancti Patris Benedicti..... „.

33. "Sed & ipse **IMPERATOR**, **INTERIM QUOD IPSA SYNO-**
 „ **DUS FACTA EST**, congregavit Duces, Comites; & fecit omnes leges
 „ in Regno suo legi, & tradi unicuique hominum legem suam „: *Rer. Ita-*
licar. Scriptor. Tom. 2, Par. 2, col. 115, seq. Et gemina habet CHRO-
NICON MOISSIACENSE ad annum 802 pag. 144 tomi tertii Scriptorum
DUCHESNII.

34. Atque in hac Synodo Aquisgranensi (quod sine animadversione
 non est prætereundum) Stephanus **BALUZIUS** per justam conjecturam
 ponit factum fuisse **CAPITULARE** primum **ECCLESIASTICUM**
 anni 803 a se editum *col. 379, seqq. tomi 1, edit. Paris.*

35. Sequitur autem in eodem Capitularium tomo col. 391, *segg* Capitulare tertium anni ejusdem 803, totum fere res mere TEMPORALES ET CIVILES respiciens; quod item ex eo generali AQUISGRANENSI Conventu prodiisse argumento est Nota, quæ illi subjicitur: "Hoc fuit,, datum ad Aquis in tertio anno imperii Domni Karoli Augusti, QUANDO SYNODUS ibi magna fuit,,. Legantur Notæ BALUZII in tomo altero Capitularium col. 1058, & seq.

36. Sic vero Synodi seu Conventus istius mixti Aquisgranensis non modo Capitula ecclesiastica Clericorum, sed civilia quoque laicorum ad nos pervenerunt. Et vide, quæso, tam ex Nota illa (si in ea bene video), subiecta Capitulari tertio, quam ex postremis Annalium Lambecianorum verbis (non secus ac in Annalibus FULDENSIBUS ante prolatis) perspicuam apertamque distinctionem inter cætum Imperatoris, Ducum & Comitum de politia civili deliberantium ex una parte; & inter Synodum Episcoporum & Abbatum de ecclesiastica disciplina decernentium ex alia.

37. Hac vero cognita methodo in Capitularibus ecclesiasticis condendis usitata, cujus ad nos memoriam ex ADALHARDO Corbejensi HINC-MARUS transmisit, & quæ ex ipsis actis Comitiorum seu Synodorum Regni generalium comprobatur: patefacta nobis est via ad plurima intelligenda loca tum CAPITULARIUM ecclesiasticorum, tum Synodorum Carolingica progenie imperante habiturum.

38. Intelligendum scilicet est, etsi ibi laicorum non rara sit mentio, Capitula tamen ea seu ecclesiasticas leges ipsos sibi Viros ecclesiasticos digressisse ac decrevisse, seorsim a laica potestate; etsi id minus sit in Synodorum illarum actis expressum.

39. Et merito sane Ludovicus THOMASSINUS *Discipl. Eccles. Par. 2, Lib. 3, Cap. 47 & 51* plures Synodos seculi octavi & noni, in quibus Ordo uterque, ecclesiasticus & laicus reperitur commemoratus; eo modo se habuisse intelligit, sicuti ea se habuerunt, quæ supra protulimus. Harum vero ipsarum Synodorum decretis collectio CAPITULARIUM Regum Francorum referta est.

40. Hoc ergo modo THOMASSINUS statuit de Concilio LIPTINENSI Carlomanno Principe celebrato, & de SUESSIONENSI anni 744; quod utrumque concilium in Tomo 1 Capitularium Francorum BALUZII repositum est.

41. Pari modo THOMASSINUS cogitat de Conciliis Carolo Magno & progenie illius regia imperante celebratis; non modo de MOGUNTINIS duobus a nobis allatis superius, verum etiam de AQUISGRANENSIBUS
duo-

duobus, uno anni 817 Abbatum Franciæ cum Monachis suis; altero, anni 819, (de quo mox dicam) sub Ludovico Pio: item de Concilio ATTINIACO anni 822, (de quo dicam postea); & de Conciliis aliis.

42. Ex laudato AQUISGRANENSI Concilio seu mixto Conventu Aquisgrani habito anno 819 servatum nobis est inter CAPITULARIA Regum Francorum Capitulare primum anni ejusdem, Ludovici Pii, ad TEMPORALIA ordinanda spectans: & in Baluziana Editione Capitularium Parisiensi extat *Tomo I. col. 597 seqq.* cum hac præfatione:

43. “Hæc Capitula Dominus Hludouvicus Imperator cum universo cætu „populi in Aquisgrani palatio promulgavit atque Legi Salicæ addere præce- „pit. Ipseque postea &c. „ Lege Not. Baluzii *Tom. 2 col. 1105.*

44. Sed Decreta ECCLESIASTICA Episcoporum hujus Synodi an ulla superflint, ignoro. Nam in Tomo nono Conciliorum *edit. Venet. Colet. col. 611* pauca hoc de Concilio narrantur; nec aliud præterea profertur.

45. Interim ex hoc item Concilio secretio illa evinci posse videtur, quæ inter ecclesiasticas res ac civiles eo tempore obtinebat, & quam proposui supra.

46. Iisdem Capitularibus Regum Francorum BALUZII *Tomo 1 cit. col. 631 &c.* insertum similiter est ex memorato Concilio seu generali Conventu ATTINIACENSI anni 822 Capitulare Ludovici Pii “admonitionem „generalem continens ad UTRIUSQUE ORDINIS homines, cum in- „structione MISSORUM dominicorum, quos Imperator in diversas regni „provincias destinabat „. Assentitur enim BALUZIUS in Notis Sirmon- do, qui Capitulare illud in Conventu Attiniacensi editum fuisse putat.

47. Jam istius quoque Capitularis fontem vides; unde videre etiam licet, quam non sit difficile, primas Capitularium origines eruere. Adeas & Tomum nonum citat. Conciliorum *col. 623--634.*

II. Regum Francorum CAPITULARIA nunc propius inspiciuntur

48. His positis si lubeat BALUZIANAM Capitularium editionem propius inspicere; cuncta erunt (quantum ad rem nostram attinet) expedita ac perspicua; & docebimur, ecclesiasticos Viros Capitularia ECCLESIASTICA solos constituisse.

49. Exempli causa in Præfatione Capitularis SUESSIONENSIS dati anno 744 in Sueffionensi memorata Synodo ita PIPPINUS Francorum Princeps proloquitur *pag. 155 Tomi 1 Capitularium Edit. Parisiensis*: “Dum pluribus

„ non habetur incognitum, qualiter nos una cum consensu Episcoporum sive „ Sacerdotum vel fervorum Dei consilio, sive Comitum & Optimatum Francorum, COLLOQUII apud Succionis civitatem Synodum vel Concilium facere decrevimus: quod ita in Dei nomine & fecimus, „ Quibus „ verbis Capitula ecclesiastica subjiuntur.

50. Per quæ verba etsi PIPPINUS Princeps primas sibi in eo ecclesiastico Capitulari condendo tribuere forte partes videatur; secus tamen se res habet. Quod ut ita statuamus, cogit nos Capitulum ultimum, in quo ecclesiastica illa decreta non amplius Principi adscribuntur, sed Episcopis.

51. „ Si quis hoc decretum, quod XXIII Episcopi cum aliis Sacerdotibus vel servis Dei UNA CUM CONSENSU PRINCIPIS Pippini „ vel Optimatum Francorum CONSILIO constituerunt, transgredi vel „ legem irrumpere voluerit, vel despexerit, judicandus sit ab ipso Principe „ vel Episcopis vel Comitibus „.

52. Episcopi ergo Capitulare ecclesiasticum constituerunt, Princeps autem est assensus una cum Optimatibus; etsi Capitularis prologus ipsa statim fronte præ se ferat oppositum.

53. Relatum est inter Capitularia Regum Francorum *Tomo I ejusdem edit. col. 579 & seqq.* celebre Capitulare AQUISGRANENSE de vita & conversatione MONACHORUM, conditum anno 817 in Conventu Aquisgranensi, quem cum THOMASSINO memoravimus paulo superius, quo Abbates Franciæ cum Monachis suis confluerant, præter Imperatorem LUDOVICUM Pium, Episcopos, & Regni Proceres.

54. Sed Capitulare illud soli sibi ABBATES cum Monachis sanxerunt, communi autem consilio totius Conventus, seu Regis, Episcoporum, ABBATUM, & Procerum ordinata fuere, ut moris erat, TEMPORALIA.

55. Hæc ecclesiasticarum rerum a civilibus discretio, & tractatus ecclesiasticus a civili distinctus apperte ibi cernitur: nec est, cur ullus Capitulare illud Monasticum Decretis REGALIBUS accenseat; quod immerito factum hoc tempore vidi. Profero in primis præfationem Capitularis:

56. „ Anno Incarnationis D. N. Jesu Christi 817, cum in domo Aquisgrani palatii Abbates complures una cum suis resedissent Monachis (alios hic residentes non video) „ hæc quæ subsequuntur capitula communi consilio „ ac pari voluntate inviolabiliter a Regularibus CONSERVARI DECREVERUNT „. Tum ponuntur Capitula octoginta ad disciplinam monasticam spectantia.

57. Proxime vero sequitur Decretum ad TEMPORALIA negotia disponenda spectans: & videamus sane hujus Decreti prologum: "Anno Incarnationis D.N. Jesu Christi 817 HLUDOUVICUS Augustus conventum fecit apud Aquis sedem regiam (id est, Aquisgrani) Episcoporum, Abbatum, seu totius senatus Francorum; ubi inter ceteras dispositiones IMPE-
 ,, RII statuit atque constitutum scribere fecit, quæ monasteria in regno vel imperio suo dona vel militiam facere possunt, quæ sola dona sine militia,
 ,, quæ vero nec dona nec militiam, sed solas ORATIONES pro salute Imperatoris vel filiorum ejus & STABILITATE IMPERII,,. Prologo subjicitur enumeratio hujusmodi Monasteriorum: in fine vero adduntur ista:

58. "His prædictis monasteriis præfatus Imperator, sicut supradictum
 ,, est, statutum scribere fecit, atque MANU SUA FIRMAVIT, & ANNU-
 ,, LO SUO imperiali sigillare fecit,,.

59. Horum nihil simile video vel initio vel in fine Capitularis de disciplina MONASTICA: non aliam scilicet ob causam, nisi quia, etsi MIXTUS ibi haberetur CONVENTUS, Abbates tamen soli cum Monachis illud sibi seorsim constituerunt, ut moris erat.

60. Considerandum pariter est ad annum 801 pag. 358 Capitulare, quod minime Regibus Francorum, sed EPISCOPIS adscribitur. Nam titulum habet: *Capitulare EPISCOPORUM*. Proœmium autem est hoc modo: "Hæc sunt Capitula ex divinarum scripturarum scriptis, quæ electi SACER-
 ,, DOTES custodienda atque adimplenda censuerunt,,. Expecto, dum in hoc quoque Capitulari Regiam Potestatem videre sibi quispiam forte videatur.

61. Nunc postquam novimus, eodem loco ac tempore habitum fuisse Placitum laicorum, & Synodum ecclesiasticorum; nulla nobis divinatione opus est, ut sententiam assequamur capitis XII, anni 779. (*Capitular. Baluz. tom. 1, cit. col. 197*), ubi Carolus Magnus sic effatur: "Capitula quæ bonæ
 ,, memoriæ genitor noster Domnus Pippinus Rex in suis PLACITIS constituit
 ,, & in SYNODIS, conservare volumus,,.

Proponit enim hoc loco CAROLUS custodiam eorum, quæ de causis civilibus per Magistratus & Primores Regni decreta fuerant in PLACITIS seu Conventibus publicis totius Regni Ordinum; & eorum quæ de causis ecclesiasticis sancita fuerant in SYNODIS per Episcopos, occasione eorundem Conventuum seu Comitiorum Regni.

62. Agnosco tamen, inter eas SYNODOS, quas capite XII recitato jubet Carolus observari, eas quoque numerandas esse, quæ extra tempus ac locum generalium Comitiorum convenerant jussu PIPPINI; cujusmodi inter

alias fuit Synodus VERNENSIS; quam in tomo primo Capitularium Baluzii habes pag. 167 &c.; & ad quam Pippinus “ universos pene Galliarum Episcopos aggregari fecit, recuperare aliquantisper cupiens instituta canonica,,; ut in Concilii Præfatione dictum est.

63. Agnosco etiam, eas ibi pariter Synodos Episcoporum intelligi debere, quibus, cum nullus tunc Conventus Regni generalis haberetur, adfuerat Rex ut promotor ac PROTECTOR; seu ut Ecclesiæ, ita & Synodi defensor, & pacis ac ordinis vindex.

64. Quo eodem PROTECTIONIS nomine CAROLUS CALVUS manifeste professus est se adesse Synodo Sueffionensi anno 853 celebratæ; quam Synodum habes inter illius Imperatoris CAPITULARIA Tit. XI tom. 2, Capitularium edit. Parisien. cit. col. 50 &c.; una cum mandatis ad MISSOS DOMINICOS, quorum mandatorum mentio fit in septimo ejusdem Concilii Canone. Relecta enim sunt in Synodo, Imperatore jubente, & ab EPISCOPIS approbata. Dabo ex ea Synodo verba Proæmii:

65. “ Episcopis juxta instituta Canonum Synodum celebrare volentibus annuit Rex Karolus; ubi ipse quoque Rex adesse dignatus est, ut non solum devotione Ecclesiæ SE FILIUM ESSE ostenderet, verum etiam, sicubi opus esset, PROTECTOREM regia potestate monstraret,,.

66. Adeo vero Regibus & Imperatoribus Francorum perspectum erat, quodnam inter res civiles & res ecclesiasticas, solum etiam EXTERIORES, discrimen eos ponere oporteret, & quantum inter PLACITUM seu Curiam Magistratum & Procerum, & SYNODUM Episcoporum interesset; ut in Placito Imperiali ipsi exercent mandata; in Synodis vero ab Episcopis discerent quid sequerentur, idque reverenter exciperent.

67. Atque huc faciunt in tomo altero Capitularium col. 7 & 19 Præfationes Synodi ad Teudonis villam & Synodi Beluacensis, quæ anno 845 celebratæ sunt; ubi Imperatores promittunt, se Capitula Synodorum religiose servaturos. Præfationis seu inscriptionis primæ verba hæc sunt:

68. “ Sequuntur capitula quæ acta sunt in Synodo fecus Teudonis villam,, habita, quæ Hlotharius, Iludouvicus, & Karolus ante se fidelesque eorum, relectæ adprobaverunt, & SE EADEM SERVATUROS auxiliante Domino promiserunt,,.

69. Præfatio autem Beluacensis Synodi hæc habet de Karolo Calvo: “ Hæc capitula collata sunt inter Principem Domnum Karolum & Episcopos Regni sui: & eadem idem Princeps Deo teste sub fidei suæ assumptione SE SERVATURUM PROMISIT erga omnes Ecclesias & Episcopos,, pos

„pos Regni sui: quæ ad vicem omnium Episcoporum sui Principatus, qui
 „erant, quique futuri erant, de manu Episcoporum conservanda suscepit „.

70. Ad hæc advertere animum eos oporteret, qui in Collectionibus
 CAPITULARIUM nihil legunt, quin simul regiam ibi in res ecclesiasticas
 potestatem videant. Etinamne regiam ibi in ecclesiasticas res potestatem
 vident, ubi Imperatores Franci professi sunt, iudicium quodpiam ecclesiasti-
 cum vires suas excedere, illudque ideo se Synodo relinquere?

71. Hujusmodi sane est Capitulum anni 803 de purgatione Sacerdo-
 tum ab objectis criminibus; quod CAROLI MAGNI est, & locum habet
 in tomo primo Capitularium edit. Paris. pag. 386. “Ista vero omnia (ait
 „Carolus), quia vires nostras excedunt, in iudicio Episcoporum JUXTA
 „CANONICAM SANCTIONEM definienda relinquimus; ut hæc, quando
 „orta fuerint, ita definire satagant, ut &c. „.

III. *Ad faciliorem Capitularium Francorum interpretationem agitur de SYNODIS REGIIS sub Regibus ac Imperatoribus FRANCORUM usitatis.*

72. Etsi in Capitularibus inter ecclesiastica & politica, seu inter Pla-
 citum & Synodum distinctio frequens ponatur; desideratur ea tamen non-
 nunquam. Sic vix ulla quoad personas distinctio extat in Capitulari Caroli
 Magni anni 779; cujus hoc est Proœmium (tom. 1 cit. Baluz. pag. 195):
 “Anno undecimo Regni Domni nostri Karoli, factò Capitulare, qualiter
 „congregatis in unum synodali Concilio Episcopis, Abbatibus, virisque
 „illustribus Comitibus, una cum piissimo Domno nostro pro causis op-
 „portunis consenserunt decretum „.

73. Sed istius rei causa fuit, quia Capitulari hoc plura mere TEM-
 PORALIA seu civilia decernuntur, quam ecclesiastica: quare oportuit ea
 communi sententia decerni seu communi nomine promulgari, quæ ad Ordinem
 utrumque, ecclesiasticum & laicum, spectarent.

74. Et erravit sane Petrus DE MARCA *Concord. Lib. 6, cap. 15, num.*
 5, qui videns, Capitulare hoc fuisse decretum ex sententia Episcoporum,
 Abbatum, & COMITUM cum consensu REGIS; cogitavit, id ob eam
 causam factum esse, “quia cum CANONES de disciplina lati ad Rempu-
 „blicam spectarent, materia hæc ab Episcopis simul cum laicis tractabatur,
 „nec aliud Episcopis solis permittebatur quam quæstiones MERE SPIRI-
 „TUALES „. Sed labitur MARCA; & aliunde id natum esse vidisset,
 ipsos Capitularis articulos obiter percurrando.

75. Propius forte ad verum attigisset MARCA, Conventum illum, unde istud prodiit Capitulare, accensendo illis SYNODIS REGIIS, de quibus & ipse locutus est in Opere de Concord. *ibid.* Cap. 24, num. 5 & Cap. 32: & quæ speciem a Synodis ecclesiasticis distinctam faciunt, quibus soli Episcopi, Abbates, & Presbyteri pro rebus ecclesiasticis in ordinem redigendis intererant.

76. Scilicet SYNODUS REGIA erat ea, "quæ non solum ex Episcopis constabat, sed etiam ex Optimatibus & Comitibus regni; in qua omnium suffragiis condebantur statuta ad disponendam politiam ecclesiasticam ET CIVILEM", ut MARCA ipse cap. 24 loquitur; in quo ei suffragatus est BENEDICTUS XIV de Synod. Diæces. Lib. 1, cap. 1 num. 2.

77. De qua SYNODO REGIA interpretari licet Canonem quartum Synodi VERNENSIS anno 755, habitæ (in tom. 1 Capitular. Baluz. col. 169), ubi edicitur, "ut bis in anno Synodus fiat. Prima Synodus mense primo, quod est Martias Kalendas, ubicunque Dominus Rex jusserit; IN EJUS PRÆSENTIA. Secunda Synodus (ecclesiasticam MARCA intelligit) Kalendas Octobris ubi in Martias Kalendas (occasione Synodi Regiæ) inter ipsos Episcopos convenit".

78. Inter has vero Synodos Regias recensere item licebit Synodum TICIENSEM (in Tom. 2 Capitular. Baluz. pag. 239), Carolo Calvo Imperatore anno 876 celebratam, & in Synodo PONTIGONENSI eodem anno confirmatam. In qua Synodo Ticinensi tum de re ecclesiastica tum de SECULARI "Dominus Imperator Karolus fecit capitula una cum consensu & suggestione venerabilium Episcoporum & illustrium Optimatum reliquorumque fidelium suorum". Capitulis autem illis subscribunt, ut moris erat, Episcopi omnes & Optimates.

79. Inter easdem Synodos Regias reponere similiter possumus Synodum PISTENSEM, quæ eodem Carolo Calvo Imperatore anno 862 congregata est, & cui una cum Imperatore adfuerunt Episcopi, Abbates, & Comites, ceterique fideles; & extat in tomo 2 laudato Baluz. col. 153 seqq. Incipit autem Caput Synodi primum: "Reges & EPISCOPI, qui ante nos fuerunt, cum ceterorum fidelium Dei consilio atque consensu plura STATUERUNT capitula".

80. Adversus rapinas autem & deprædationes bonorum, præcipue ECCLESIASTICORUM, pænæ decernuntur temporales & spirituales, nunc communi placito, nunc a solis Episcopis seorsim. Rem soli EPISCOPI absolvunt, pronunciantes: "Nos quoque Episcopi auctoritate Dei & facrorum Canonum, ut hæc Capitula, ita & illa omnia quæ in superscriptis locis,

„locis, scilicet in CARISIACO (anni 857, de qua Synodo hic proxime dicam), „ & apud Valentianas collecta & constituta sunt, observari „ PRÆCIPIMUS, & omnes communiter CONFIRMAMUS.....; „ & propriis manibus his subscribere communi consensu decrevimus „.

81. Intelligis jam, quam merito Synodum hanc PISTENSEM inter *regias synodos* computaverim. Quare & SIRMONDUS in Notis ad hanc Synodum (*col. 788 tomi 2 Capitularium BALUZII*) admonendum censuit, eam „in privilegio de libertate S. Dionysii appellari SYNODUM REGA- „ LEM, quia Rex aderat, & synodum universalem, quia ex diversis pro- „ vinciis convenerant Episcopi „. Lege & PAGIUM *ad an. Chr. 862 num. 10 & seq.* Hanc ipsam Synodum habes auctiorem in *Collectione Conciliorum Tom. X col. 245 -- 258 edit. Ven. Colet.*

82. In numero *Synodorum Regiarum* habeo pariter Synodum CARISIAM antea commemoratam (*in altero Baluzii Capitularium tomo col. 87 -- 98*) ab eodem Carolo Calvo Imperatore anno 857 cum Episcopis ac fidelibus habitam; in qua pari ratione modus quaesitus est ad vim, injurias, & RAPINAS conspiratione potestatis utriusque, ecclesiasticæ & laicæ, comprimendas; & ex qua Capitula item quædam regalia ad MISSOS DOMINICOS ea ipsa de re fuere data; quæ ibi pag. 95, (ut in SUESSIONENSI quoque vidimus num. 64), dicuntur *confirmata fuisse ab Episcopis, Abbatibus, Comitibus, atque reliquis regni fidelibus.*

83. In SYNODORUM REGIARUM numero habenda pariter videtur Synodus illa Wormatiensis, e qua Capitulare WORMATIENSE Ludovici Pii anni 829 prodiit, quod in Tomo primo Baluziano extat *col. 661 -- 674*. In eo Capitulari nulla fit personarum distinctio; ea scilicet de causa, quod ibi plura decernantur ad TEMPORALE Imperii, quam ad ecclesiasticam politiam spectantia.

84. Et aliunde illud constat (etsi id in ipso Capitulari aperte non sit declaratum), hoc Capitulare Wormatiense fuisse editum in SYNODO ac PLACITO generali Ordinis utriusque, ecclesiastici & laici, apud WORMATIAM, post habitas eas quatuor Synodos, quas LUDOVICUS Pius imperaverat.

85. Scilicet sicut Carolus Magnus ultimo Imperii sui anno (ut post dicam uberius) Concilia Episcoporum jussit in quinque locis haberi; ita Ludovicus in Conventu AQUISGRANENSI, Augusti Parentis exemplum secutus anno 828 in quatuor locis Concilia imperavit, Moguntiae, Parisiis, Lugduni & Tolosæ; quorum Conciliorum ad tempora nostra pervenit solum PARISIENSE Provinciarum quatuor, quod *Parisiense sextum* appellamus; & in editione Concilior. cit. ponitur a pag. 702 *Tomi noni.*

86. Proximo autem post eas Synodos anno LUDOVICUS Imperator Synodum ac Placitum generale Episcoporum ac Procerum congregavit WORMATIÆ, ubi Wormatiense illud Capitulare sancitum est. Leges, Notas BALUZII col. 1113 *Tomi alterius Capitularium*; seu potius PAGIUM *ad an. 828, num. 6, & an. 829, num. 5 & 6*. Hæc igitur Synodus WORMATIENSIS inter SYNODOS REGIAS videtur item referenda.

87. Ad quod idem genus multo magis licebit revocare Conventum AQUISGRANENSEM a Carolo Magno anno 813 habitum; e quo prodiiit CAPITULARE primum anni ejusdem 813, decerptum e quinque Conciliis eo anno in Imperio Francorum celebratis; & spectans *ad causas quæ erant necessariae Ecclesiæ Dei, & christiano populo*; de qua re ex CHRONICO MOISSIACENSI dicam num. 109 etc.

88. Atque hoc ipsum opinari possumus de Conventu illo, unde Capitulare AQUISGRANENSE anni 816 prodiiit; quod habes in eodem Capitularium tomo pag. 561 -- 570. In Epistola enim Capitulari eidem præfixa quasi auctor princeps agit LUDOVICUS Pius Imperator; & in Capitulis illius modo Imperator, modo Conventus totus, modo soli EPISCOPI decernunt. Sed Capitularis titulus sic se habet;

89. "Hludovicus Imperator Christianissimus ac piissimus ex omni Imperio suo fecit Conventum EPISCOPORUM, ABBATUM, Comitum, vel majorum natu Francorum, ut SANCIRENT CAPITULA pro utilitate totius Ecclesiæ. Quod ita factum est,,

90. Hæc visum est de SYNODIS REGIIS diligentius perquirere, ac latius enarrare; quoniam per hoc nova aperitur via ad veriores Capitularium Francorum interpretationem.

91. Ubi tamen cavendum est, ne has Synodos Regias cum iis Conventibus mixtis confundamus, quos sub initium Capituli describebam cum HINC-MARO REMENSI, ac deinde ex ipsis Conciliorum ac CAPITULARIUM actis comprobabam. Nam in illis Conventibus mixtis ecclesiastica soli fiebant viri ecclesiastici, secularia vero sæpe, etsi non semper, soli tractabant laici; secus ac in Regia Synodo fiebat, ubi cuncta promiscue ac indistincte ab Ordine utroque decernebantur.

92. Sed non repugnabo, si cui quandam Synodi regie speciem placeat agnoscere in HINC-MARI verbis postremis, ubi is affirmat, separatos cætus quandoque in unum convenisse, *si tractandæ causæ qualitas postularet*, præcipue si de rebus COMMIXTIS ageretur.

93. Illud quoque providendum est, ne generalia REGNI COMITIA, de quibus in ipso Capitis exordio dixi; ideo *Synodis Regiis* annumeremus, quia ad illa similiter Ordo uterque, laicus & sacerdotalis conveniebat, ut rebus decernendis sententiam suam & assensum cum subscriptione interponeret.

94. Hujusmodi enim Regni COMITIA ad statum rerum politicum disponendum spectabant, ad bellum parandum, ad ærarii pecuniæque publicæ causas, & ad disciplinam populorum ac provinciarum constituendam.

95. Et solum data istorum Comitiorum opportunitate EPISCOPI & Abbates Conventum ecclesiasticum pro Ecclesiarum disciplina ordinanda seorsum a laicis celebrabant.

At contra Synodi regię communi Ordinis ecclesiastici & laici consilio de rebus quidem POLITICIS deliberabant, sed frequentius pro ecclesiasticis negotiis congregabantur.

96. Sed & illud harum Synodorum *regiarum* occasione videndum est, ne quis velit inde colligere, posse Regiam Potestatem de ecclesiasticis rebus statuta NOVA condere, quandoquidem in *Synodo regia* una cum secularibus negotiis ecclesiastica etiam ordinarentur. Hoc, inquam, ex eo *Synodi Regię* ritu colligendum non est.

97. Nam secus & mihi pro mea vice integrum erit colligere, posse ecclesiasticos Præsules publicorum seu CIVILIUM NEGOTIORUM cognitionem ac iudicium pro suo jure ad se trahere; quandoquidem ipsi quoque in *Synodo Regia* conjunctim cum Rege disponderent temporalia.

98. Potius igitur ad hæc concilianda oportebit considerare, augusta CAROLI MAGNI stirpe imperante, fuisse quandam Sacerdotii & Imperii societatem sanctam, & jurium communicationem mutuam; unde eveniebat non raro, ut absque ulla æmulatione vel altercatione politicæ simul res & ecclesiasticæ communi utriusque potestatis conspiratione ordinarentur.

99. Scilicet sicut in partem publici regiminis Imperator Episcopos ac Præsules alios ecclesiasticos vocabat; ita ecclesiastici Præsules æquo animo ferebant, Imperatorem ad res ecclesiasticas UNA CUM IPSIS componendas sententiam operamque suam interponere. Quod tamen non impedit, quominus distinctos agnoscamus potestatis utriusque fines; ut politicæ curæ Regi, ecclesiasticæ Sacerdoti sint commissæ.

100. Atque ex hac communione jurium & amica Sacerdotii & Imperii societate natum est, ut in Concilio TRIBURIENSI habito anno 895 sub Rege ARNULFO (*Concilior. edit. cit. Tom. XI, pag. 627 etc.*), in FRANCOFORDIENSI anni 794 (*Concilior. Tom. IX, col. 99 etc.*), aliisque nonnullis,

Canones aliqui REGIS & Concilii nomine & verbis enunciarentur. Nam cum in Canonibus illis de REBUS MERE TEMPORALIBUS, ut puta de monetis, de criminibus secularibus seu civilibus, de judicio adversus Episcopum in crimine læsæ Majestatis, de pretio rerum promercialium, aliisve rebus similibus agatur; mirari non debemus, si illis suam Rex auctoritatem interposuit.

101. Adde his, in re ecclesiastica Regem quandoque intervenire ut DEFENSOREM Ecclesiæ ac TUTOREM Canonum; quibus proinde Canonibus ad novæ auctoritatis cumulum, seu ad CIVILEM executionem, publicarum legum auctoritatem IN FORO CIVILI seu VIM LEGIS REGIÆ aliquando addit.

102. Quod ita JUSTINIANUS Imperator expressit *in capite primo Novellæ* 131, quatuor priora œcumenica Concilia sanctione quoque sua communians: "Sancimus vicem LEGUM obtinere sanctas ecclesiasticas regulas, quæ a sanctis quatuor Conciliis expositæ sunt aut FIRMATÆ,,

103. Atque ad hunc sensum Petrus etiam DE MARCA *Concord. Lib. 2, cap. 24, num. 3* coarctat verba quædam laxiora Concilii illius SUESSIO-
NENSIS, quod num. 49 etc. commemorabam, anno 744 PIPPINO Rege Francorum habiti: cujus quippe Concilii canones concepti sunt Regis nomine his verbis: *decrevimus, constituimus, statuimus, diximus.*

104. Admonet enim MARCA, mentem suam longe esse, ut ex illis canonum verbis *removere velit Episcopos a conditione canonum*: nam hoc qui cogitaret, contra convictum iri *ex verbis ultimi canonis, in quo pœna decernitur adversus eos, qui canones illos violarent AB EPISCOPIS CUM CONSENSU PRINCIPIS & Optimatum decretos.*

105. Aliud vero fuit in causa, cur CAROLI MAGNI judicio ac emendationi Canones suos subjicerent Patres Conciliorum trium, ex illis nempe quinque, quæ ejusdem Imperatoris jussu celebrata uno eodemque anno in quinque Imperii locis fuisse dicemus paullo post. Id præstitero inter illa Concilia ARELATENSE, MOGUNTINUM, & CABILLONENSE.

106. Nimirum cum Patres illi (ut sapienter ac vere NATALIS ALEXANDER explicat in *Histor. Ecclesiast. Seculi IX ac X, cap. 4, art. 3*) "ejus Majestatem plurimum Episcopis deferre, & eorum consiliis leges suas & Capitularia condere, atque Rempublicam regere, nullamque præmittere occasionem de Ecclesiâ bene merendi feliciter experirentur; id honoris ipsi tribuere voluerunt IN GRATI ANIMI significationem, ut conditos a se Canones ejus judicio subjicerent, quod ecclesiasticæ disciplinæ cum primis utile futurum noverant,,

107. Vides jam in iis, quæ Carolingica Progenie imperante gesta fuere vel in Imperii administratione, vel in Ecclesiæ regimine, non raro sistendum menti esse *Imperium illud Sacerdotale, & Regale Sacerdotium*, quod ævo illo cum summa Sacerdotii & Imperii concordia viguit, & cum magno Regni & Ecclesiæ emolumento; neque id pro jure semper habendum esse, quod ab alterutra Potestate, ut inter amicos solet, actum sit in Potestatis alterius jura.

108. Hæc vero amica jurium communicatio, hoc *Imperium Sacerdotale, & Regale Sacerdotium* sicubi apparent, maxime emicant in SYNODIS REGIIS; quarum occasione hæc a me oportuit explicari, ut illa eo magis evaderent expedita, quæ ad verum & sanum CAPITULARIUM Francorum intellectum sunt necessaria.

IV. De INDOLE Capitularium ecclesiasticorum, seu de FONTIBUS, ex quibus Capitularia plura educta fuere.

109. Ceterum (ut jam ad alteram istius Capituli partem accedam) agnosco libenter, CAPITULARIA nonnulla ad rem ecclesiasticam spectantia ab ipsis produsse Regibus & Imperatoribus Francorum. Sed simul admoneo, ea aliud nihil esse, quam excerpta, facta ex Conciliis & Synodis EPISCOPALIBUS. Et deinde addo, excerpta eadem Capitulorum synodalia facta sæpius fuisse (ut moris erat in publicis negotiis quibuscunque) in supra explicatis CONVENTIBUS MIXTIS seu synodis publicis Regni & Imperii Francorum. Rem declaro ac confirmo illustri exemplo.

110. CAROLUS MAGNUS ætate jam provecta cupiens integre ab EPISCOPIS ecclesiasticam disciplinam restaurari, in publicis Regni Comitibus anno 813 decrevit, ut Episcopi Galliarum Concilia agerent in quinque locis, id est, Arelate, Moguntia, Remis, Turonis, & Cabillone. Et eo quidem ipso anno, prout Imperator jusserat, in designatis locis ea habita sunt Concilia, quæ adhuc supersunt, & in Tomo IX Concilior. edit. memor. occurrunt a pag. 319 & deinceps.

111. Istorum vero Conciliorum canones aliquos cum Imperator vellet Capitularibus suis commendatos; horum canonum excerptum fecit ex more in generali totius Imperii conventu EPISCOPORUM, ABBATUM, & Procerum, quem eo ipso anno habuit AQUISGRANI. In eo enim coram Imperatore habita est collatio Constitutionum, quæ in Synodis quinque factæ fuerant; & inde (ut bene SIRMONDUS in Notis ponit) eodem in conventu decerptum & editum est CAPITULARE primum anni 813, quod extat in Tomo primo BALUZIANO Edit. Paris. col. 501 etc.

112. Quorum omnium testimonium habemus in **CHRONICO MOISSIACENSIS** Cænobii ad annum 813 *pag. 146 Tomi tertii Scriptorum Francorum DUCHESNII*: “Hoc anno (ait Chronicon Moissiacense) sedit Karolus Imperator apud Aquis Palatium, & habuit ibi **CONSILIUM** magnum cum Francis: & decrevit quatuor Synodos fieri (legendum est *quinque*, auctore **EGINHARDO** in Annalibus ad hunc annum *pag. 258 Tomi secundi Duchesnii*)....., mandavitque, ut quidquid in unamquamque Synodum definitum esset ad **PLACITUM** constituti Imperatoris renunciassent, quoad ita factum est. Et in ipso anno mense Septembri jam dictus Karolus fecit **CONVENTUM** magnum populi apud **AQUIS** Palatium de omni Regno vel Imperio suo,,

113. “Et convenerunt **EPISCOPI**, **ABBATES**, & **Comites**, & **Senatus Francorum** ad Imperatorem in Aquis, & ibidem constituit Capitula numero **XLVI**, (corrigendum amanuensis, & lege *Capitula numero XXVI*), „ de causis, quæ erant necessariae Ecclesiæ Dei, & christiano populo „

114. Accurate ergo scribit **PAGIUS** ad hunc annum 813, num. 15: “Celebratis prædictis quinque Synodis Imperator mense **SEPTEMBRI** **Conventum Aquisgranum** habuit, in quo **Canones prædictarum Synodorum** coram se legi præcepit, & ex iisdem Conciliis **CAPITULARE** in **XLVI** **Capitula** (mendum in numero corrigit **PAGIUS** postea num. 19) „ distinctum decerpit,,. Lege præterea **SIRMONDI** *Not. in hoc Capitulare Tomo 2 Capitular. Baluzii edit. cit. col. 754.*

115. Sed discere unicuique licet ex innumeris locis Collectionis Capitularium Baluzianæ, & in libris **ANSEGISI**, sed **BENEDICTI LEVITÆ** potissimum; id esse verum quod in Præfatione sua num. **IX** **BALUZIUS** affirmat, “**PLURIMA CAPITULARIA** sumpta esse ex Conciliis & Synodis episcopalibus,,. In quo tamen forte & id haberi pro vero potest, quod idem **BALUZIUS** eo ipso in loco ponit, “**Excerpta illa capitulorum** **SYNODALIIUM** non semper facta fuisse in conventibus aut **SYNODIS** **PUBLICIS**, sed cum delegatione Principis in privatis **EPISCOPORUM** virorumque ecclesiasticorum cætibus, qui tum forte in comitatu erant,,.

116. Nam id non sine omni prorsus fundamento a **BALUZIO** dici, colligi fortasse potest ex Capitularibus secundo & tertio ad annum 814, *col. 519 & 523 tomi 1 cit. Baluziani*; quorum utriusque titulus sic habet: “**Capitula a Domno Karolo Imperatore & filio ejus Hludovico ac sapientissimis IPSORUM EPISCOPIS** excerpta,,. Quorum similia habet **BENEDICTUS LEVITA** in præfatiuncula libri septimi Capitularium *ibid. pag. 1031.*

117. Et paullo clarius idem BENEDICTUS LEVITA in fine Præfationis ad suos quatuor libros Capitularium, ordinem eorum librorum describens: "Tertio in libello, *ait*, quædam ex CANONIBUS a Paulino Episcopo „ & Albino Magistro reliquisque jussione Karoli sparsim collecta sunt inserta „ capitula „: pag. 806 Tomi illius cit. Baluziani.

118. Scilicet (ut cum BALUZIO loquar ex num. IX allegat.) ea cura KAROLO erat, ut cum religionem christianam salvam incolumemque esse vellet, moresque præterea CHRISTIANORUM ad optimum exemplar componi, sanctissimarum institutionum capitula colligi faceret ex placitis ANTIQVORUM PATRUM ET CANONIBUS CONCILIORUM.

119. Atque hoc certe nomine TROSLEJANUM Concilium in pago Sueffionico anno 909 congregatum Francorum Regum Capitularia vocat *CANONUM PEDISSEQUA*: Can. 3, pag. 738 Tomi XI Concilior. edit. Venet. Colet.

120. "Prohibent sacri Canones (ait Concilium), ne aliquis LAICUS „ de religione præsumat. Itemque & canonum præcipiunt instituta, simul „ que eorum PEDISSEQUA Regum Capitularia, sicut in libro primo capitulorum imperialium continetur capitulo vigesimo octavo; ut Clerici „ & Monachi etc. „

121. Audire etiam placet quid de suo tertio Capitulari anni 884 professus sit KARLOMANNUS Rex Ludovici II filius *in tomo altero Baluziano pag. 283*. "Cum ad palatium Vernis convenissemus, & pars fidelium nostrorum nobiscum, placuit ut quædam statuta SACRORUM CANONUM, „ nec non quædam capitula Antecessorum nostrorum RENOVARENTUR., præcipue illa quæ contra malum rapinæ & deprædationis etc. „

122. Ex hoc eodem Collectionum genere erit forte CAPITULARE sextum anni 806 CAROLI MAGNI, quod inscriptum est: *Capitula excerpta DE CANONE*: in Tomo I Capitular. cit. col. 455.

123. Est vero præcipue *ibid. pag. 210 - - 242* considerandum Capitulare AQUISGRANENSE ejusdem CAROLI MAGNI, five Capitulare primum anni 789; cujus Capitularis capitulo cuique CANONES SYNODORUM adjunguntur & decreta Pontificum.

124. Sed animadvertendum est maxime, quam perspicue in istius Capitularis Præfatione CAROLUS Imperator jus suum in Imperium distinguat a suis in ECCLESIAM officiis.

125. "Ego Karolus (inquit) Rex & Rector regni Francorum, & DEFENSOR sanctæ Dei ECCLESIAE DEFENSOR HUMILISQUE ADJUTOR omnibus ecclesiasticæ pietatis ordinibus, seu secularis potentia dignitatibus salutem. Aliqua capitula EX CANONICIS INSTITUTIONIBUS, quæ magis vobis necessaria videbantur, subjunximus etc.,"

126. Quo in loco CAROLUS Imperator nullam in res ecclesiasticas aut EXTERIOREM ECCLESIAE DISCIPLINAM sibi potestatem tribuit, sed solum *devoti Defensoris officium humilisque Adjutoris* curas: quod quidem officium, easve curas si cui placeat Regiæ Majestatis juribus annumerare; per me licet, assentior immo lubentissime.

127. Intelligis interim, quam bene nosset Imperator vere magnus, Præfules ecclesiasticos eos esse, quibus unis & solis SPIRITUS SANCTUS Ecclesiam commisit REGENDAM & disponendam quoad ea omnia, quæ Ecclesiæ ejusdem bases sunt & fundamenta; cujusmodi sunt regulæ credendi & agendi, spirituales res EXTERIORES, & res sacræ, ac ordo politiæ ecclesiasticæ seu EXTERNA Ecclesiæ DISCIPLINA.

V. Summa totius CAPITIS & Conclusio.

128. Atque hoc tandem loco summam istius CAPITIS hanc facio: Capitularia Regum Francorum illa, quæ de rebus ecclesiasticis edita sunt, prodierunt opera, consilio, & potestate ipsorum ecclesiasticorum Præfulum IN SYNODO ECCLESIASTICA eo ipso tempore ac loco congregatorum, quo generales MIXTI CONVENTUS Regni ac Imperii Francorum habebantur.

129. Vel eadem Capitularia ecclesiastica sunt condita in Synodo ECCLESIASTICA, extra tempus ac locum MIXTI CONVENTUS, præfente Rege velut DEFENSORE Ecclesiæ ac PROTECTORE.

130. Vel eorundem Capitularium ecclesiasticorum aliqua condita sunt in SYNODO REGIA; in qua tamen multo etiam plus juris Episcopis concedebatur in TEMPORALIA Regni negotia, quam daretur Regi in res ecclesiasticas; & in qua mutua solum erat & amica communicatio jurium, sine potestatis alterutrius læsione aut detrimento.

131. Aut tandem, si quando ea Capitularia ecclesiastica ab ipsis Regibus & Imperatoribus Francorum prodierunt; non fuere nec sunt aliud quam EXCERPTA CANONUM, facta a Regibus ope EPISCOPORUM virorumque ecclesiasticorum ex Conciliis & Synodis episcopalibus, tanquam a Tutoribus & ADJUTORIBUS Ecclesiæ.

132. Vides ergo, quænam sit CAPITULARIUM illorum ORIGO, quænam item eorundem sit INDOLES ac natura. Et vides, quam immerito Scriptores nonnulli hodierni ex istis Capitularibus nitantur persuadere, spectare ad Principem EXTERNÆ seu publicæ ecclesiasticæ DISCIPLINÆ curam, ita ut latis legibus possit eandem ordinare RRÆTER & ULTRA CANONUM præscripta.

133. Atque his ita constitutis non mihi opus esse puto confugere hoc loco ad Legationem APOSTOLICÆ SEDIS, quam non paucis memoratorum seu Conventuum MIXTORUM, seu Conciliorum & Synodorum, iis præsertim, quæ sub KARLOMANNO Principe ac PIPPINO Rege sunt habita, interfuisse testatus est semel & iterum BENEDICTUS LEVITA in sua Capitularium Collectione; quod LEVITÆ testimonium explanat optime Stephanus BALUZIUS *num. 12 -- 14 Præfationis ad Capitul.*

134. Etsi enim istiusmodi LEGATIO ad cumulum valitura esset, mihi tamen satis est methodum considerasse ac rationem, qua condita sunt Capitularia ecclesiastica; ad eos convincendos erroris, qui ex Capitularibus iisdem demonstrari fortasse credunt, licere Principi LAICO leges NOVAS de rebus ecclesiasticis EXTERNIS condere, sin contra Canones, saltem præter & ULTRA CANONES.

135 CUM VERO EXEMPLA ALIA, ALIÆVE LEGES aut ex remotiori antiquitate, aut ex posterioribus seculis desumptæ urgeri soleant ac opponi ad asserendam Principi potestatem ordinandæ disciplinæ præter id, quod Ecclesiæ Præfulibus jampridem visum est de ea decernendum; adversus hæc omnia opponemus responsum generale *Cap. XII memorato.*

136. Quo in Capite XII etsi prima fronte videri forte cuipiam possim quasi distinctam speciem ponere; excurrimus tamen per totam hanc rem nostram, quanta esse unquam potest; ita ut nullus cuicunque vel callidissimo exitus relinquatur ad evadendum, unde Principum jus aliquod in EXTERNAM ECCLESIAE DISCIPLINAM valeat ex legibus aut exemplis hujus vel illius loci aut temporis ulla iusta ratione comprobare.

137. Sistamus tamen hoc loco adhuc paulisper, ac aliud quoddam disciplinæ publicæ caput MEDIÆVI expendamus; nulla quidem necessitate, sed ut tempori potius, ac nostrorum Eruditorum genio serviamus.

DE MISSIS DOMINICIS

ad Disciplinam Ecclesiasticam.

138. Capitularium auctoritati Recentiores illi nostri addunt solemnem illum morem, qui a Regibus & Imperatoribus Medii Ævi frequenter usurpatus est constituendi seu mittendi extra ordinem per Regnum & Imperium MISSOS DOMINICOS seu Legatos regales publicarum rerum causa, & ad populorum querimonias audiendas, ad iustitiam oppressam vindicandam, ad cognoscendum simul de Comitibus & Iudiciis aliis inferioribus, atque ad emendandam universam locorum ac provinciarum disciplinam; simul etiam ALIQUANDO ad inquirendum, an Episcopi, an inferiores Pastores, an Abbates & Abbatissæ munere proprio incorrupte ac religiose defungerentur; ad videndum de reparationibus Ecclesiarum, de disciplina & statu Monasteriorum, de moribus Canonicorum; & ad causas Clericorum & Ecclesiarum dirimendas.

139. Sed hic mos non id convincit, quod isti volunt. Primo enim illud Missorum Dominicorum munus demandabatur plerumque Viris ecclesiasticis, Archiepiscopis, Episcopis, Abbatibus; hoc est iis, qui DISCIPLINÆ ecclesiasticæ indolem & statum callerent. "Familiare fuit Francis Augustis (ait MURATORIUS loco infra annotando), „Episcopos & Abbates de-
„ligere ad hoc munus, quod ii aptiores quam SECULARES homines fo-
„rent ad dignoscendas sacrorum locorum, & CLERI utriusque, & sacrarum
„Virginum necessitates, eorumque mores componendos,, Etiam causas,
quæ Clericos & Ecclesias spectarent, Missi iidem in SYNODO cum Episcopis
& Sacerdotibus dirimebant.

140. Si vero aliquando, etsi RARO, dirigerentur Comites soli; juebantur tamen nihil moliri nisi communicato cum EPISCOPO loci consilio, immo eodem præeunte; & cum ABBATIBUS, ubi res agebantur Monasteriorum.

141. Ii præterea MISSI Dominici frequenter ab ipso Ecclesiasticorum Cætu POSTULATI sunt; id est, a SYNODIS. "Nihil frequentius (inquit Franciscus de ROYE *de Missis Dominicis parte 3 cap. 2*) „in Conciliis
„Ecclesiæ Gallicanæ sub secunda Christianissimorum Regum stirpe habitis,
„quam ut Prælati ab iis petant MISSOS Dominicos, qui ecclesiasticam
„DISCIPLINAM (secundum methodum modo designatam) restituant,,
Volentibus autem non fit injuria; ut vulgatum fert adagium,

142. Quod si hæc non satis adhuc convincunt; illud saltem omnino valebit; MISSOS scilicet illos non ad NOVAM DISCIPLINAM constituendam venisse, sed ad fariendam veterem secundum CANONES & secundum statuta Patrum. Verissimum enim est, & ex illius ætatis monumentis aperte confirmatum, “ nec Carolo Magno, nec Ludovico Pio (uti THOMASSINUS scribit *Discipl. Par. 2, Lib. 3, Cap. 92, num. 17*), „ ubi „ Episcopis censores se, monitoresque paullo austeriores exhibuere, pro- „ positum quicquam aliud fuisse, ac ne in Capitularibus quidem suis; quam „ ut ecclesiasticos CANONES pristino restituerent vigori, & ad eorum „ scrupulosam observantiam imperatoriam ipsi auctoritatem suam inter- „ ponerent,,.

143. “ Quibus ita constitutis, nullæ jam possunt justæ solidæque cujus- „ quam in animo residere suspiciones, de MISSIS DOMINICIS, quos „ Princeps in Provincias missitabat, ut excubias agerent in Episcopos; cum „ ea cura eo tantum conniteretur, ut statuta EPISCOPORUM religio- „ sissime fervarentur,,.

144. Hæc Thomassinus. Sed de MISSORUM Dominicorum origine, ordine & CONDITIONE, officiis ac POTESTATE, & tempore quo desierunt, satis jam multa narrata sunt tum ab aliis, tum a THOMASSINO eodem accuratissime *in eo Capite 92*, a MURATORIO in *Dissertatione Nona Antiquit. Ital. Med. Ævi*, a DUCANGIO in *Glossario Latinit. verbo Missi*, & latissime omnium a Francisco de ROYE Jcto, & Antecessore Andegavensi in libro omni rerum varietate ornato, *de Missis Dominicis, eorum officio & potestate*; qui tamen liber supplendus in aliquibus & emendandus adhuc erit ex Muratorio & Thomassino.

145. Monumenta non pauca ad eosdem *Missos* spectantia, habes in Tomo IX Concilior. *edit. Ven. Coleti*; ne modo commemorem Collectionem Capitularium Baluzianam. Interim perpende, ut novi nostri Magistri sunt accurati in disciplina veteri tum exploranda tum exponenda.





CAPUT XI.

Quenam sit TUITIO, quam impendere Principes seculi Canonibus ECCLESIAE tenentur; seu, cujusmodi sit illa TUITIO; quousque protendatur; ac quis illius sit ordo.

1. **N**EMO dubitat aut dubitavit unquam, laicæ potestatis munus esse eximium ac nobile, TUERI Ecclesiam, & illius dogmata ac leges; seu conferre vim suam ad præsidium ecclesiasticæ potestatis, quoties opus fuerit. Scilicet antiquitas omnis hoc clamat; & de suo hoc regio officio Imperatores ac Principes admonet studiose.

2. Hanc tamen antiquitatis sententiam non est affecutus HUGO GROTIUS, qui *de Imper. Summar. Potestat. circa Sacra Cap 1, pag. 8 - - 13, edit. 1652* loca ejusdem antiquitatis, ad Tuitiorem hanc spectantia, pertrahere nisus est ad hæreticum Protestantium systema, quo summis potestatibus Imperium circa sacra tribuunt; quod jus non partem tantum summi Imperii, sed potissimam atque præcipuam ipsi vocant.

3. Non cum solis tamen Protestantibus res agitur, sed etiam cum Catholicis. Diu enim est quod Aulici Tuitiõis illius titulo abusi sunt ad jurisdictionem ecclesiasticam invadendam, & ad pertrahendam ad forum laicum magnam externæ ecclesiasticæ disciplinæ partem. Hoc vero me impellit ad investigandum, ducibus iis Scriptoribus, qui minime sint Aulicis suspecti, cujusmodi sit illa Tuitio, quam impendere Canonibus Principes tenentur; quousque illa valeat protendi; ac quis illius esse ordo debeat.

4. Quod antequam præsto, admonendi sumus hoc loco, ut in summo Imperante distinguamus officium Tutoris Ecclesiæ & Canonum ab officio defensoris Regni, ac jurium regionum. Sunt enim hæc duo distincta; neque id Principi tribuendum est velut Tutori Ecclesiæ, quod ab ipso fit cum a Defensore jurium regionum: neque si quid Rex hoc secundo titulo fecerit; inde licet inferre, aggredi illud idem potuisse tanquam Tutorem Ecclesiæ.

5. Permissent sæpe ista duo interpretes jurium minus accurati. Immo ob neglectum discrimen, quod inter duo illa intercedit, accidit olim non raro, ut de invasis Ecclesiæ juribus ipsi Imperantes accusarentur; cum ab hac tamen injuria animus eorum plane esset alienus.

6. Distinctionem hanc defensoris Regni ac tutoris Ecclesiæ inter ceteros neglexit & Petrus GIANNONE in *Histor. Civili Regni Neapolit. Lib. 2, cap. ult. §. 2, pag. 134, Tom. 1, edit. 1723*, dum pronunciat, olim in confesso apud omnes fuisse, quod “Principes vi suæ auctoritatis & protectionis, quam Ecclesiæ præstabant, possent laudabiliter ipsius canonicæ disciplinæ curam ac sollicitudinem gerere, & id emendare, quod REGNO damnum & perturbationem allaturum videretur,, (ed emendar ciò, che allo STATO avrebbe potuto essere di nocumento, e di disordine). Ubi video duo, quæ sunt plane distincta, in unum confundi. Sed hac re interim dimissa ad ipsum rei caput accedo.

7. Parisiensium Archiepiscopus Petrus DE MARCA de *Concord. Sacerd. & Imper. Lib. 4, cap. 1, num. 2* admonet in primis, discrimen constitui oportere inter executionem Canonum & Tuitionem. “EXECUTIO enim Canonum, ait, jurisdictionem ecclesiasticam respicit; cujus partes sunt, ut judicia canonica reddat, pœnis canonicis, id est, excommunicatione, degradatione, suspensione, & ceteris ejusmodi reos plectat, & ut omnia uno verbo complectar, ligandi & solvendi pontificium exerceat,,. Hæc episcopali potestati reservata est.

8. “TUITIO vero Canonum (pergit), quæ a Principibus pendet; Canonum custodiæ prospicit, & NULLITATEM rerum adversus Canones gestarum aliquando (incidente scilicet appellatione, ut ajunt, *ab abusu*), declarat, atque omnia in integrum restituit. Sed ultra non progreditur, scilicet ad executionem Canonum, quam ab Episcopis implendam indicit,,.

9. Hic tamen Antonius CHARLAS de *Libert. Gallic. Lib. 5, cap. 3, num. 7 edit. recogn* recitato hoc MARCÆ loco, eundem sic emendat: “Ecclesiæ est illam NULLITATEM declarare, Principum autem post hujusmodi declarationem Ecclesiam juvare ad omnia in integrum restituenda,,.

10. Addit MARCA *ibid. num. 3*, per vulgatissimam illam JUSTINIANI sententiam a Gratiano in corpus Decreti relatam, quæ CANONES legum vim habere decernit; “non solum reverentiam debitam Canonibus conciliari & eorum executioni, servato judiciorum publicorum ordine, consuli, sed etiam jus Principis ad custodiam CANONUM, ut ceterarum legum a se conditarum, procurandam asseri. Quare Principis auctoritatem proinde lædi violatis Canonibus & decretis Pontificum ac si Rei publicæ & REGNI LEGES everterentur, quia Canones vim LEGIS REGIÆ susceperunt,,.

11. Hæc MARCĀ; quæ quidem omnia valent potius ad vim, effectum, & usus TUTIONIS exhibendos, quam ad Tutionem & ejus munia describenda. Supplebit tamen ista laudatus alias Jurisconsultus nobilis Joannes DOMAT, qui in Opere præclaro *le Droit Public Lib. 1, Tit. 19 sub initium, Tom. 2 Oper. pag. 137, edit. 1745*, inter officia TUTIONIS Regiæ ponit, ut Princeps curet, a subditis suis obedientiam potestatibus spiritualibus exhiberi in omnibus, quatenus pertingere temporalis potestas valet tuendo, protegendo ac imperando executionem legum ecclesiasticarum; puniendo eos, qui leges istas ita violant, ut inde ORDO EXTERIOR turbetur; & leges etiam condendo ad conservationem legum Ecclesiæ & ecclesiasticæ disciplinæ.

12. Affertur autem a Joanne DOMAT in exemplum cultus festorum dierum; quorum violatoribus cum solas spirituales pœnas imponere Ecclesia valeat; Principis erit officium iis temporales infligere. Addit aliud exemplum, Residentiam nempe Pastorum; quos Princeps sua potestate ac vi coget fervare ecclesiasticas leges de hoc capite latas.

13. In gratiam igitur legum ECCLESIAE (pergit DOMAT) potiuntur Principes jure condendi leges ac statuta, ad executionem imperandam earundem legum: quod videmus factum ab Imperatoribus Romanis, & a Regibus Galliarum, *quia ea quæ de rebus ad Ecclesiam spectantibus decernunt, legum POLITICARUM nomine appellant* (qui appellent ce qu' ils ordonnent sur les matieres qui regardent l'Eglise des Loix politiques), & *se dicunt Protectores, Custodes, Conservatores & Executores rerum earum, quæ Ecclesia docet & constituit.*

14. In quo quidem potestas temporalis non attentat quicquam supra auctoritatem spiritualement, sed Ecclesiæ potius obsequitur; & hoc præsidium, quod Principes præstant Ecclesiæ, *partem facit regiminis temporalis* (fait une partie de la police temporelle), *cujus ordo postulat, ut Religionis etiam ordo servetur.* Hæc ex Joanne DOMAT contraximus in pauca. Confer. *Caput VII num. 63 - - 69 supra.*

15. "Huic officio (ait MARCA Oper. cit. Lib. 2, cap. 10, num. 3.) „ Theodosius Imperator se adstringi fatetur iis literis, quas ad Synodum „ Ephesinam dedit. Ex iis patet societatem & cognationem quandam inter „ cedere inter religionem & rempublicam, ad Principis studium pertinere „ ecclesiastici Status æque ac Imperii pacem, regii muneris esse, ut eum fir „ mum & inviolatum præstet ex omnium consensu, pietatis religionisque „ sinceritatem tueatur, curetque, ut eorum qui CLERO adscripti sunt, „ emendata sit castigataque vita,,

16. Ceterum (videndum est enim modo, quousque tuitio protendi valeat) si agatur exempli gratia de admissa appellatione *ab abusu*, seu de protegendo Reo contra ecclesiasticum tribunal a violatione CANONUM in iudicio perpetrata; “Cavere debent Iudices (inquit idem MARCA *Lib. 4 Cap. 20 num. 2*) „ ne patrociniū ultra quam par sit in detrimentum ecclesiasticæ „ iurisdictionis proferant. Quod varie accidere potest, scilicet si non solum „ se Canonum exactores præstent, sed etiam executores; id est, si pronun- „ ciantes de abusu admissō eo gradu non hæreant, sed etiam de negotio ec- „ clesiastico iudicium ferant „.

17. In eadem appellatione *ab abusu* afferri pariter potest ecclesiasticæ iurisdictioni detrimentum, “si iudices ad cavillationum angustias disceptationem istam redigant, quæ matura cognitione dirimi debet, et eo solum casu „ institui, cum abusus est APERTISSIMUS notorius & manifestus, juxta „ veterem harum appellationum formulam, quæ *ab abusu notorio* inscribatur. „ Alioqui in specie DUBIA & controversa satius est ecclesiasticis iudicibus „ litem relinquere „.

18. Ita MARCA sapienter, & in usus etiam alios apposite & opportune; cui in hoc consentientem habeo Antonium CHARLAS *de Libert. Gallic. Lib. 6, Cap. 9, num. 7 edit. recogn.* scribentem, executionem regiam Canonum “certam & evidentem Canonum sententiam sequi debere, quæ rei cognitionem „ iudiciariam non requirat; & tunc tantum a Principibus curandam esse, „ cum eam Ecclesia consequi non potest „. Hæc ille, *executionis* verbum sumens pro *tuitione*.

19. “Necesse est enim (dicam cum MARCA *ibid. num. 3*) „, ut Iudices regii hoc sibi proponant, Iudicia CANONICA NULLO MODO „ ad iurisdictionem regiam pertinere, sed communi EPISCOPORUM & „ Principum consensu ab ipsis christianæ religionis primordiis ecclesiasticæ iurisdictioni addicta. Quare si necessitate cogente in eas cognitiones regia iurisdictione aliquando excurrit, ita se gerere debet, ut lineas a majoribus hac „ in re defixas non egrediatur „.

20. Causas autem excurrendi in eas cognitiones duas potissimum esse dicit MARCA hoc loco; periculum scandali & offensionis publicæ ob APERTISSIMAM Canonum violationem & oppressionem iniquam in iudicio ecclesiastico, ut accidit in causâ ATHANASII.

21. Hactenus quidem & quæ sit TUIITIONIS natura vidimus, & quousque tuitio ea Canonum protendi valeat. Considerandum modo, quis illius esse ORDO debeat. Docet MARCA *Lib. 2, Cap. 10, num. 1*, “non „ solum

„ solum interpellatos & rogatos Principes ministerium suum ad CANONUM
 „ observationem commodare posse, sed etiam ex officio in eam curam in-
 „ cumbere teneri , ex eo scilicet, quod nomen suum CHRISTO de-
 „ derint, eique caput suum & ipsam REGIAM dignitatem devoverint „.

22. Sed contra Antonius CHARLAS *Oper. cit. Lib. 6, Cap. 13 num. 7* affirmat, „ Regis esse, legum politicarum custodiæ debito modo invigilare,
 „ ecclesiasticarum autem executionem (id est, observationem & custodiam)
 „ tantummodo curare, POSTULANTE ECCLESIA, non autem ha-
 „ rum judicem agere. ALIAS sacris Canonibus derogatur, dum opera
 „ dari dicitur, ne derogetur „.

23. Istud CHARLÆ pronunciatum explicat plenius Joannes Anto-
 nius BIANCHI in Opere adversus Petrum GIANNONE, *della Potestà, e della Polizia della Chiesa Lib. 2, Cap. 3, §. 2, num. 10 in Tomo 4.* Pro qua re distinctionem posuerat jam num. 5 & 6 inter tutorem Canonum & custodem; & inter Principis quidem officia ponit TUTIONEM Canonum; at CUSTODIÆ jus Principi eidem denegat.

24. Nimirum *custodis* nomine hoc loco intelligit judicem; & nomine *custodiæ* intelligit jus temperandi Canones, vel eos interpretandi, aut NOVAS regulas de rebus canonicis præscribendi (*di moderare i Canonì, o interpretargli, o NUOVE regole intorno alle Canoniche materie prescrivere*); vel etiam jus per se ipsos emendandi abusus contra Canones, aut admittendi appellationes quascunque ab abusu eorundem Canonum (*di cognoscer d'ogni abuso contro i Canonì, e di ricevere ogni ricorso contro gli Ecclesiastici per tale abuso.*

25. Et Constantinus RONCAGLIA in *Animadversionib.* in Dissertationem 21 Natalis Alexandri *Hist. Eccl. Sec. 4 §. 2* lubens dat, Principes Canonum Ecclesiæ & latorum sententiarum executionem promovere teneri, quando ipsamet Ecclesia obtinere non potest id, quod latis legibus, vel pronunciata in aliquem sententia intendit, & quando ab eadem in auxilium advocati fuerint; scilicet *ut quod non prævalet Sacerdos efficere per doctrinæ sermonem, potestas hoc imperet per disciplinæ terrorem*; prout est in vulgato ISIDORI Hispalensis dicto. Et paria post Concilium VI. PARISIENSE anni 829 sequitur Ludovicus THOMASSINUS *Discipl. Part. 2, Lib. 3, Cap. 92, num. 14.*

26. „ Verum quod attinet (subdit RONCAGLIA) ad vulgaria judicia,
 „ quid opus est Principum ministerio? Et si fortasse ejusdem indigerent,
 „ Judices ecclesiastici exposcerent, iisque exposcentibus Principes, qui
 „ Canonum custodes sunt & executores, præsto esse debent „.

27. "Et quando etiam iudices ecclesiastici in Canones peccarent, cum
 „ ipsi CANONES mandaverint Superiorem (*ecclesiasticum*) esse adeundum,
 „ qui illatas injurias corrigat; si Principes velint esse Canonum custodes & ex-
 „ cutores, in hoc incumbere debent, ut, qui de inferioribus iudicibus jure
 „ queruntur, ad superiores ECCLESIAE iudices confugiant „

28. Si mea in isto Auctorum dissensu quaeratur sententia; dicam, eam
 mihi opinionem videri veram, quæ habet, tunc Principem tanquam Protecto-
 rem Ecclesiæ & Tutorem Canonum suscipere cognitionem debere de violatis
 Canonibus, quando interpellatus ab Ecclesia fuerit; nisi graves ac manifestæ
 politicæ rationes aliud illi non tam ut Ecclesiæ defensori quam ut tutori RE-
 GNI aliquando persuaferint: vel saltem quando apertissima ac manifesta in-
 tervenerit violatio Canonum eorum, unde status disciplinæ ac morum probi-
 tas pendet; non eorum, quibus mutabiles disciplinæ articuli continentur, &
 qui a LONGO jam tempore contrariis moribus a bonis & piis abrogati cen-
 sentur.

29. Et sane quod alterum caput attinet (primum enim nulla interpreta-
 tione indiget), nisi ratio illius habeatur; continget, id quod factum non raro
 vidimus, turbari ac inverti ecclesiasticam omnem DISCIPLINAM, dum
 titulo TUTIONIS cujusdam male intellectæ urgetur executio Canonum
 vel morum, qui mutati jampridem sunt, succedentibus in locum eorum aliis
 moribus, qui cum casta Ecclesiæ disciplina in nullo pugnant.

30. Est igitur hic habenda ratio sapientissimæ illius regulæ, quam præscri-
 bit doctus & acutus Auctor libri inscripti: *Justification des Discours & de l'Hi-
 stoire Ecclesiastiq. de M. Fleury Tom. 1, Part. 3, §. 1, Reg. 1*: "Postquam pede-
 „ tentim caput aliquod disciplinæ mutatum est, si accedat Decretum Concilii
 „ generalis, vel ROMANI Pontificis cum consensu cætus Pastorum (d'un
 P A P E suivi du corps des Pasteurs) „ ad approbationem NOVÆ Disciplinæ;
 „ tuto pronuntiandum est, novum hoc caput etsi veteri mori contrarium non
 „ esse aut contra Fidem, aut contra bonos mores; adeoque illud non esse
 „ inter abusus habendum, quoniam nunquam id Ecclesia confirmat,
 „ quod sit aut Fidei aut bonis moribus contrarium „

31. Hæc ignorant novi quidam Scriptores, qui restitutionem quorun-
 dam Canonum ac Legum inculcare solent, quorum abrogatio tum est antiqua,
 tum legitima, cum nihil plane cum Jure Naturæ aut divino pugnet: nec vi-
 dent, dum hoc isti agunt ut restituantur, a se impeti jura variarum Ecclesia-
 rum, & variorum Ecclesiæ cætuum, ac præscriptionem & consuetudinem le-
 gitimam contemni.

32. Non vident etiam, si aliqua hodiernam ecclesiasticam disciplinam in commoda in mutatis articulis comitantur; id a pravitate hominum proficisci, non a disciplinæ vitio; & quodcunque tandem rerum systema fuerit positum, non defuturam tamen unquam hominum malitiam, quæ sanctis ac castis sanctionibus abutatur in obsequium suæ cupiditatis. Ridiculi ergo sunt Scriptores illi leves, qui tuitionem regiam ac protectionem ad ista disciplinæ capita revocant.

33. Pietas certe Regum non eo usque se decipi patietur, ut novis istis magistris aures præbeat. Norunt enim, hæc aggredi nihil aliud esse, quam dominos ecclesiasticæ disciplinæ se constituere & magistros ac doctores Ecclesiæ: nihilque id aliud esse quam tuitionem CANONUM vertere in manifestam everisionem.

34. Velim profecto mihi dicas, an nunc potior habenda sit ratio Canonum ac morum, qui exoleverunt, an eorum potius, quibus nunc stat disciplina? Isti certe nunc sunt Canones, quibus Ecclesia vim tribuit, & quos postulat custodiri. Igitur si Principes istos sibi sumpserint mutare, eversores erunt Canonum, non tutores; auctores disciplinæ NOVÆ suæ, non autem protectores ecclesiasticæ.

35. "Tuitio enim (ut dicebat nobis Illustr. de MARCA Cap. 1, num. 296) „ Canonum sententiam aliquo pacto egredi non debet. Alioqui IRRITUM est & inane quodcunque Principis Edictum ADVERSUS CANONES in rebus ecclesiasticis latum „.

36. Fac vero modo, speciem esse dubiam ac controversam, nec certam & evidentem esse CANONUM & Ecclesiæ sententiam; seu fac, dubium esse, pugnent, necne; nonnulli receptæ disciplinæ articuli cum vera ecclesiastici status indole; vel non constare, quos Canones, quos disciplinæ articulos, quos mores probet Ecclesia in specie aliqua peculiari.

37. In hac certe dubitatione sententia expectanda est Ecclesiæ; cum ipsi uni depositum commissum sit doctrinæ ac disciplinæ, & cum par sit, unumquemque esse iudicem in sua arte & professione, prout LEO Sapiens Imperator iudicavit Cap. superiori VII, num. 47 seq.

38. Qua, quæso, ratione tutum iudicium ab Aulicis de disciplina illius Cætus feretur, cui ipsi adscripti non sunt, & in qua constituenda vel ii ipsi aliquando falluntur, qui tum scientia ecclesiastica, tum diutina experientia sunt præditi? Experimur, heu! nimium, quam infelices exitus habuerint præscripta quædam laicorum Magistratuum ad res ecclesiasticas spectantia. Deplorat Ecclesia detrimenta disciplinæ ac morum, quæ inde profecta sunt. Scilicet iudicium ac scientiam sibi usurpantes rerum, quas nec norunt, nec nosse, credo, tenentur, dati sunt a Deo in perversum sensum.

39. Quod affirmavi, quando dubium est, pignent, necne, nonnulli receptæ disciplinæ articuli cum vera ecclesiastici Status indole; tunc hac in dubitatione expectandam esse Ecclesiæ sententiam; id illi quoque fassi sunt, qui pro laicæ potestatis juribus accuratius scripserunt; quos inter videtur mihi vindicare sibi locum JOANNES PETRUS GIBERT.

40. Iste Tit. 3, Sect. 8 *primæ Partis Prolegomenor. ad Jus Canonicum* hoc in una specie fassus est; unde transferri ad rem universam potest. „Magi-
„stratus, ait, usurparent auctoritatem quæ sibi non competit, si appellatio-
„nes tanquam ab abusu admitterent, cum sententia de qua appellans con-
„queritur, non est EVIDENTER contraria legibus Ecclesiæ, quia hoc
„in casu agitur de INTERPRETATIONE CANONUM, QUÆ
„NON COMPETIT PRINCIPI: Legis interpretatio pendet ab eo,
„qui ejus ferendæ auctoritatem habet,,.

41. Maneat ergo, tunc tantum Principem tanquam Tutorem Ecclesiæ & Protectorem Canonum de violatis Canonibus aut de corrupta disciplina suscipere cognitionem posse aut debere, quando APERTISSIMA AC MANIFESTA intervenerit violatio Canonum eorum, unde status disciplinæ, aut MORUM PROBITAS pendet; non eorum, quibus mutabiles disciplinæ articuli continentur, & qui contrariis jam moribus a bonis & piis legitime abrogati censentur.

42. Habent autem illius generis multa tum Principes, tum Aulici; contra quæ zelum suum bonum exerant.

43. Alias autem Princeps tanquam Protector Ecclesiæ & Tutor Canonum suscipere cognitionem debet de violatis Canonibus, postquam interpellatus ab Ecclesia fuerit; id est, quando ipsamet Ecclesia id obtinere non potest, quod latis legibus, vel pronunciata in aliquem sententia intendit. Quod vel ipsum *Tutoris* nomen satis persuadet.

44. „Nam quemadmodum (ait Auctor *Tractatus de l'Autorité des Rois, touchant l'Administration de l'Eglise*, editi sub nomine TALONII Regii Advocati celebris, Par. 2, Dis. 1, pag. 84) „Tutores ac Curatores pupillis da-
„mus, ut eos adjuvent in illis, quæ præstare ex seipsis non valent; ita Dei
„Filius suæ Ecclesiæ, quam in terris quasi infantem pupillam posuit, Reges
„dedit quasi Tutores, ut eam protegerent, eique præsto essent in omnibus
„illis, ubi suis se viribus sustinere ipsa non posset,,.


*Quis esse debeat ordo inter officium TUTORIS Ecclesiæ,
& officium DEFENSORIS Regni.*

45. Distinctis initio istius Capitis duobus officiis in Rege, Tutoris Ecclesiæ & Canonum, & DEFENSORIS REGNI ac jurium regionum; videndum est nunc, quæ sit via conciliandi bina hæc Regis officia, si quando inter ea aliquis existat conflictus, ita ut unum destruere alterum videatur: inquirendum est, inquam, ea in pugna, quodnam duorum cedere alteri debeat.

46. Ubi hoc; non est dubitandum, in pari causa DEFENSOREM REGNI, Tutori Ecclesiæ dare locum oportere, seu utilitates Ecclesiæ spirituales præire debere rationibus Regni temporalibus. Quod ipsa rerum natura persuadet; quando tantopere & dignitate & finibus spiritualia præstant temporalibus.

47. Hoc vidit & acutus Auctor Tractatus vulgati sub nomine TALONII Par. 2, Differt. I, citat. pag. 89, edit. Amstelod. 1700. "Rebus,, paribus, ait, aut etiam non multum inæqualibus dubitare nemo potest, ,,quin rationibus, ut ita dicam, Dei quam longe debeat utilitas hominis ,,cedere,, (que l'interêt de l'homme doit infiniment ceder aux interêt, pour ainsi dire, de Dieu).

48. Sed cum incidere possit quæstio Sacerdotium inter & Imperium, intersitne magis Imperii, an Ecclesiæ, Decretum aliquod sive ecclesiasticum, sive civile fieri, vel tolli, aut suspendi; jam & hoc oportebit videre, in quo homine controversiarum hujusmodi judicium & arbitrium resideat. Istud vero reservo explicandum Capite XIII: inde certe satis lucis ad hoc intelligendum ac definiendum habere poterimus.



CAPUT XII.

In Judicio de Rebus, quas Mixtas appellamus, Scholasticorum ratiocinationes non raro fallunt, HISTORIA quoque parum saepe juvat. Igitur ad Quaestiones de Rebus Mixtis finiendas, habenda est vetustæ POSSESSIONIS ratio. Confectaria hujus doctrinæ.

I. Quoad Res Mixtas Scholasticorum ratiocinationes non raro fallunt.

I. RECOLENDUM hoc loco est id, quod *Cap. V, num. 24 seq.* declaravimus, a nobis CAUSAS MIXTAS eas intelligi, quas per diuturnam consuetudinem; aut per concessionem vel expressam, vel tacitam alterius partis vindicavit sibi alterutrum forum, ecclesiasticum, aut laicum.

Quam tamen notionem deferat, qui volet; id enim in cujusque potestate relinquo: & aliunde non alio meum hoc Caput spectat quam ad omnes causas seu prætextus præcidendos, per quos seu Imperii seu Sacerdotii jura legitima impugnari solent.

Sed si quis tamen a me forte peteret CAUSARUM MIXTARUM descriptionem ab ipsa rei natura petitam; non autem indefinitam, promiscuam, & quasi suspensam, ut illa est, qua nos utimur; omnes, puto, illam præ omnibus probabunt, quam protulit JOANNES PETRUS GIBERT in *Prolegomenis ad Jus Canonicum Tit. VIII, Sect. 3.*

Posit ille causas seu res esse posse *mixtas* ex duobus capitibus. Primo, quando ex vario respectu, sub quo considerantur, ad diversas potestates referuntur; veluti est Matrimonium apud Christianos, quod tum habet rationem contractus civilis, tum rationem Sacramenti, & hinc habet quoque tum effectus civiles, tum spirituales.

Secundo res esse possunt *Mixtæ* ob influxum earum tum in statum temporalem tum in spiritualement; exempli causa, quando id, quod spiritualement potestatem respicit, tantam (ait GIBERTUS) cum civili administratione connexionem habet, ut leges ecclesiasticæ effectum fortiri nequeant, nisi aliqua regimini Reipublicæ mutatio inferatur. Atque huc spectant pleraque ex impedimentis, quæ matrimonium dirimunt ex potestatis humanæ præcepto; vel, exempli gratia, Testamenta Beneficiariorum; & ejusdem generis alia.

In qua rerum seu causarum MIXTARUM descriptione includuntur definitiones illæ, quas dedere nobis *Cap. V, num. 21 - 23* Ægidius Romanus, Natalis ALEXANDER, & ALTESERRA; ut fiet consideranti manifestum. Sed plura non explico; quoniam quicquid ad *causarum mixtarum* naturam definiendam protulero, id omne non magnos ad rem nostram usus habiturum fore video. His præmonitis venio ad rem.

2. Atque ut ordiar ab eo, quod ponebam, in quæstionibus de rebus MIXTIS, SCHOLASTICORUM ratiocinationes non raro fallere: si mentis nostræ ratiociniis in rebus, quæ *Mixtæ* appellantur, inniti voluerimus; facile erit in alterutrum ex extremis impingere, & nostris potius præjudiciis obsequi, quam veritati servire. Nam frequenti experientia docemur, quam facile sit leves vanasque rationes nostro ex ingenio eruere ad probandum, quicquid jam animo conceptum tenemus, seu ad confirmandum errorem, qui forte animum occupaverit.

3. In primis autem industrii sumus, ubi animum excitat aut cupiditas, aut susceptæ defensionis ardor. In scientia etiam nostra multi sunt errores, in quos ii lapsi sunt, qui ex humano ingenio metiri divina ac interpretari sunt ausi: ad quam rem juvabit revolvissè memoria Annales ecclesiasticos Seculi præsertim undecimi & consequentium. Cujusmodi errorum aliquos habes quoque descriptos ac notatos a FLEURYO in suo *cinquième Discours sur l'Histoire Ecclesiast.*

4. Atque illi errores adoptati sunt & novis etiam accessionibus aucti a plurimis nostrorum interpretum: "Quorum tandem contentionibus (dicam cum Archiep. Parisiensi Petro DE MARCA in Præfatione ad libros de Concord. Sacerd. & Imper. §. 1) „prope effectum est, ut sinceram cognitionem istiusmodi negotiorum amiserimus, & a concordia & societate illa „pene exciderimus, ad quam fovendam jussu divini Numinis adstringimur,„

5. Et istorum quidem methodum cum idem Petrus DE MARCA considerasset, ab ea sibi recedendum putavit: "Longe enim (ait in Litura Censuræ

sura Romanæ, contra libros illos *de Concordia* latæ Prolegom. pag. 54) „ di-
„ versa ab ea, qua Scholastici utuntur methodo; de rebus propositis disputo „

6. „ Scholastici enim subtilium argumentorum acumina sectantur ad pro-
„ positi sui probationem, vel in recentiori Decretalium aut sane hujus vel su-
„ perioris seculi Scriptorum allegatione ut plurimum immorantur „

7. Hoc tamen in loco nolim quis existimet, a nobis momenta rationum
contemni, quæ e rei natura petita docendi aut argumentandi causa sint a no-
stris allata, habita ratione antecedentium & consequentium omnium; ita ut
cuncta illis sint mente prævisa ac comprehensa ratione: & nihil vitii in eorum
ratiocinationibus lateat. Ista enim ego & approbo, & laudo & sequor, ubi
opus sit.

8. Itaque ea tantum rejicio rationum momenta, quæ pugnant cum An-
tiquorum sensu, & quæ ab antecedentibus non derivantur, & a consequenti-
bus evertuntur, quia scilicet sine justa rerum circumstantium comparatione
fuisse conficta: nec sunt aliud quam complexio fallaciarum *in vocibus* & *in re*,
ut Logici loquuntur.

II. In Judicio de rebus eisdem Mixtis HISTORIA quoque parum sæpe juvat.

9. Quid ergo? An potius in Mixtis Historia consulenda, atque ex factis
& ab exemplis judicandum? Hanc quidem sibi viam tenendam censuit MAR-
CA; pergit enim ibidem: „ Ego autem res ipsas ab origine repetens, argumenta
„ momentaque rationum, historiæ ecclesiasticæ & canonum legumque aucto-
„ ritati conjungo, ut ecclesiasticam jurisdictionem suis fundamentis stabilitam
„ ipsoque usu Principibus & populis accepto confirmem „

10. Sed clarius mentem suam aperuit MARCA in Responsione ad Notas
Luæ Holstenii in Tomum primum *de Concordia* num. 6, pag. 51 Prolegome-
norum: nam cum HOLSTENIUS objecisset, a Marca viam factorum &
exemplorum tantum insisti, etiam eorum, quibus vulnus aliquod jurisdictioni
ecclesiasticæ inferri videtur; regebat MARCA: „ Gravis sane accusatio, si
„ juris disputationem in rebus controversis promississem, a qua tamen de in-
„ dustria me recessurum dixi, ne de finibus utriusque Jurisdictionis ego pri-
„ vatus homo transigere viderer. FACTI disceptationem in me suscepi,
„ ut pateret, quid gestum in expansa annorum serie, sine ullo animorum dis-
„ sidio, vel cum acerrimis CONTENTIONIBUS, & ex eo viri pruden-
„ tes colligerent, quid in simili specie sequendum vel fugiendum foret „

11. Verum neque hanc methodum probare possum, cum sit multis ma-
gnisque incommodis obnoxia. Primo enim nemini non notum est, quam
multis

multis tenebris Historia rerum & factorum sit involuta, & in tanto annorum intervallo temporumque vicissitudinibus quam multa interierint monumenta, ex quibus accuratius de re tota edoceri possemus. Hinc sæpe difficillimum accidit statum rerum ac factorum integre retegere, eorum præcipue, quæ variis fuerunt implicata circumstantiis. Notum est autem, unius circumstantiæ mutatione aut omissione naturam seu speciem rei aut facti sæpe mutari.

12. Ponamus, exempli causa, legem latam fuisse laicam, unde ecclesiastica Potestas læderetur; & adversus hanc legem ecclesiasticos Præsules esse conquestos; aut, si forte tacuerunt, ea de causa tacuisse, quod tempora clamare vocemque extollere non finerent. Narretur autem hujusmodi factum sine alterutra harum circumstantiarum, & lex sola recitetur. Jurene ac recte hoc ex facto circumstantia sua exuto atque ex hac lege argumenteris in gratiam laicæ Potestatis?

13. Ponamus iterum, ab ecclesiastica Potestate prodiisse legem de temporali re decernentem; sed hanc legem fuisse latam petente laico Principe, aut aperte assentiente; vel etiam contradicente, & de suis juribus expostulante. Nemo sane in gratiam Potestatis ecclesiasticæ argumentum ex ea lege duxerit, omittendo circumstantiam petitionis & assensus, vel contradictionis & querelarum.

14. Vel ipse Petrus de MARCA laudatus in *Præfatione ad libros de Concord. Sacerd. & Imper. num. 2*, etsi proposuerat sibi in hac re se intra facti inquisitionem, & in solo antiquorum monumentorum examine continere, dissimulare tamen non potuit, "viam istam multis insidiis & veluti LATRO-
,, NUM prætenturis expositam esse: quia scilicet in expansa illa seculorum
,, serie varia occurrunt exempla hinc & inde USURPATÆ jurisdictionis,
,, quæ ancipitem animum ad desperationem inveniendæ veritatis adigant,,.

15. Deinde si ad Codices Legum oculos convertimus; non pauca ibi dubia, obscura & fallacia occurrunt. Evolve Collectiones omnes CANONUM tum antiquas, tum Medii Ævi, Latinas, Græcas, Orientales; scrutare Codices Theodosianum & Justinianum, ac Basilicorum volumina; exscribe Capitularia; profer leges Longobardorum, Visigothorum, Salicam, Ripuariorum, Bajuvariorum, & alias, si quas habes, Medii Ævi leges: an tandem te inde valde profecisse speras, ut sequester in quæstionibus de violata jurisdictione sis tum doctus tum verax? Quid vero si frequenter ignoras, qua ratione, qua methodo, a quibus conditæ leges fuerint? aut unde earum sententia fuerit derivata, & quarum antiquarum legum auctoritate nitantur? Recole ea, quæ de CAPITULARIUM Regum Francorum origine & indole exhibebam *Cap. X.*

16. Quid si non primigenias leges sub oculis habeas quandoque, sed mutatas, inversas, aut truncas, vel ad diversum sensum inflexas? cujus rei exempla in antiquis Canonum collectionibus etiam habemus. An temporum historiam tenes perfecte, unde legum illarum modos ac vices varias describas accurate? Gentiumne antiquarum varios mores calles plene, ad hoc ut leges illas nostris aptare moribus possis? Quid etiam si aliquando nec rerum, nec verborum vim tenes, quæ iis in legibus occurrunt? Exemplum insigne erroris, in quem ob ignoratam vim sententiamque verborum lapsi sunt Viri ceteroqui nominatissimi, habes *Cap. ultimo istius Commentarii num. 20-- 22.*

17. Ut vero de factis & exemplis dicamus aliqua separatim, nihil ex omni sani hominis sententia magis est subdolum, quam ex factis quibusdam nullo diuturno tempore continuatis, nullo certo more confirmatis, aut assensu Potestatis utriusque probatis, velle JUS constituere. Facta enim pro hominum genio seu cupiditate, potentia & voluntate sunt varia. Et sicuti absurdissimum esset, leges præcipue *naturalem & divinam* interpretari ex eo, quod a plerisque hominibus tum corruptis, tum cupiditate excæcatis fieri quoque videmus; seu ex factis velle juris privati regulas colligere; ita absurdum est, velle ex factis Jus Publicum constituere.

18. Neque si ea aliquamdiu patienter tulit Ecclesia, etiam probasse dicenda est: hoc enim silentium postulat aliquando Ecclesiæ causa ad majora vitanda mala. Itaque ex hujusmodi silentio non possumus de sententia Ecclesiæ judicare.

19. Quam sit res incerta ac lubrica ex gestis quibusdam vel Regum, vel Pontificum velle de juribus Potestatum judicare, ostendit Petrus de MARCA in Præfatione illa §. 2: "Non me latet (ait) eandem controversiam diversis seculis varie temperatam pro moribus Principum & utilitatibus Reipublicæ, idemque jus varie disceptatum TOLERATIS uno seculo, quæ altero damnata sunt, iterumque reposta,,

20. "Unde colligere licet disceptationes istas non omnino juxta exquisiti juris rationes componi solitas; sed ex æquo & bono, unitatis & CONCORDIÆ alendæ studio ex utraque parte quam plurima remissa fuisse,,

21. Hæc MARCA; qui ista quidem & similia cum pervidisset, testatus est quoque, nolite se ex præteritis exemplis jus, certissimum saltem, colligere. Subdit enim e vestigio ibidem: "Quare ea mente in explorandis veterum,, exemplis versabimur, ut inde non inferamus juris, quod alterutri Potestatum competet certissimam probationem, sed indulgentiæ & REMISSIONIS usum in simili specie,,

22. Et §. 4 Magistratus admonet, “ ne putent ex præjudiciis rerum judicatarum **EX AMBIGUO**, ut fit **PLERUMQUE**, jure regulas **NOVÆ** „ **Disciplinæ ecclesiasticæ** constituendas, sed potius ex receptis & veris majorum **REGULIS** judicia componenda „.

23. Tandem ut apertissime demonstrem, admodum esse infidam & incertam viam tum factorum & exemplorum, tum multarum etiam legum, ad definienda jura alterutrius Potestatis in rebus pluribus, quas *mixtas* appellamus; placet paululum per vetusta tempora veteremque disciplinam excurrere. Sed illud primum animo recolendum est, genus humanum a duplici potestate regi, temporali & spirituali; a temporali quoad corpus; a spirituali quoad animam: & hanc duplicem potestatem fuisse homini necessariam ad hoc, ut totus idem homo regi posset, tum quoad corpus scilicet, tum quoad animam.

24. Cum præterea corpus & anima sint in homine res una conjuncta, & se invicem adjuvent, sintque unius ejusdemque operationis principia; oportuit, potestatem quæ corpori præest, & potestatem, quæ regit animum, conjunctis quasi consiliis operari, ne ex oppositis Potestatis alterutrius præceptis ulla in hominem pugna induceretur. Sed maxime oportuit, utramque Potestatem mutuum sibi præstare adjutorium; ad id scilicet supplendum, quod alterutri deesset; spirituales adjuvari a temporali, ut fortior sit ac validior, & ne sine effectu piæ pro animarum salute sollicitudines cadant; temporalem sustineri a spirituali, quo magis Regni ac populorum stabilitati consulatur.

25. Hanc vero operam mutuam sibi præstiterunt olim Potestates spiritualis & temporalis. Vide Antonii HOTMANNI *Tractatum de Libert. Gallic.* num. 24 -- 26 in Tomo I *Collectionis Petri PUTEANI*.

26. Neque solum mutuam sibi operam præstabant; verum etiam tanquam sociæ fœderatæque aliquas propriæ potestatis partes sibi mutuo communicabant: interim vero non ignorabatur, hoc vel illud non esse innatum, sed adventitium ex alia potestate; multoque minus querelæ aut disceptationes de invasivis alienis finibus exoriebantur.

27. Ad quam rem optime Ludovicus THOMASSINUS scribit Discipl. Par. 2, Lib. 3, Cap. 110, num. 2. “ Innumera propemodum leges de rebus „ ecclesiasticis ab Imperatoribus editæ sunt; de rebus & personis Clericorum „ judicia ab eisdem sexcenties manarunt. Quamdiu justitia & majestas „ **CANONUM** honori fuit, & curæ, de jurisdictione **NULLA** facta est controversia, nihil non summo **DEFENSORI SUO** condonante **ECCLESIA** „.

28. “ Vicissim autem Principes, qui tantum sibi sumebant in rebus & „ causis **ECCLESIAE**, plurimum & ipsi **EPISCOPIS IN CAUSIS**
CIVI-

„**CIVILIBUS** tribuebant; eaque **CONCORDIA** certe accommodatissima
 „erat, tum sanctitati iudicibus & iudiciis civilibus, tum authoritati firmi-
 „tatiq̃ue ecclesiasticis vindicandæ „.

29. Sapienter ergo dictum ab Episcopo Meldensi **BOSSUETO** in De-
 fension. Declarat. Gallic. Lib. 4, Cap. 5, edit. recogn., “non esse semper
 „pro vero innatoque Ecclesiæ jure reputandum id, quod ea egerit, habuerit,
 „decreverit, tacentibus Regibus; sed diligentissime secernenda, quæ a Christo
 „concessa sint, ab iis, quæ Regum auctoritate, consensu, permisso, conni-
 „ventia, silentio denique gesserit, aut habuerit. Quod itidem usu venit in
 „ecclesiasticis rebus, quas sæpe videmus **REGIBUS** attributas „.

30. “Sic Imperatores id sibi sexto etiam seculo & Gregorii Magni tem-
 „pore vindicabant, ut nemo in Cathedra Petri etiam electus federet, nisi
 „qui ipsis probaretur „.

31. “Sic in Episcopatus omnes Reges Franci, primæ quoque dynastiæ
 „tempore, atque aliarum gentium Reges id sibi juris tribuebant, ut non-
 „nisi eorum voluntate ac jussu Episcopi fierent: eoque res devenit, ut
 „edita formula, a se designatis prædicationis munus injungerent, ac *Ponti-*
 „*ficalem in nomine Dei committerent dignitatem*: eos denique a Metropolitanis,
 „ceterisque Coepiscopis benedici præciperent „.

32. Sic denique a tot seculis tot præbendas, tot ecclesiasticas dignitates,
 „tot alia beneficia cum cura & sine cura, vel *regalium*, vel alio quocunque
 „nomine, pleno etiam jure conferunt „.

33. “Non ideo adversarii hæc omnia **REGIBUS ESSE INNATA**
 „per se, imo vero ab **ECCLESIA** manasse decernent: ac tametsi nullæ
 „concessionibus producuntur, valere tamen ea omnia ex consensione **TACITA**
 „facile demonstrabunt. Quid ita? Quia scilicet ipsa rerum **NATURA**
 „docet, ecclesiastica nonnisi **PER ECCLESIAM** haberi posse „.

34. “Sic ubi **ECCLESIA** feudos adimit, concedit, aut aliud quid
 „ex civili potestate decerpit, ea **CIVILIS** Potestatis consensu saltem
 „tacitæ accepta referemus „.

35. Hic cogor eximium hunc **BOSSUETI** locum abrumpere, ut ad-
 moneam, hanc explicandi rationem non esse unius Bossueti, utpote qui ex
 episcopali esset ordine, propriam ac peculiarem; sed eandem occurrere pa-
 riter in *Traſtatibus de Libertat. Gallicanis* a Petro **PUTEANO** collectis &
 editis.

36. Antonius enim HOTMANNUS ex Advocatorum cœtu *num. 38 sui Tractatus* (qui ibidem extat in tomo 1, pag. 133 etc.) ad concessionem ECCLESIAE, & ad ecclesiasticum privilegium refert similiter jura, quibus Francorum REGES fruuntur, investituram dandi EPISCOPATUM, Regalium, & alia generis similis. Adeas & Jacobum Josephum DUGUET *de Institutione Principis Par. 4, Cap. 4, art. 1*; unde & istius sententiæ petere FUNDAMENTA poteris.

37. DUPINIUS quoque *de Ecclef. Discipl. Diss. 7, Cap. 1, §. 5 sub initium* agnovit, REGES debere Ecclesiæ *MULTA ecclesiastica MUNIA* quibus fruuntur.

38. Ex his vero fit, ut non mirari non possim, Stephanum BALUZIUM, virum scilicet in antiquitate exercitatissimum, scripssisse in Notis in epistolam 81, LUPI Ferrariensis pag. 416, “merito rejiciendam esse sententiam illustrissimi Card. Baronii; qui ex hoc Lupi loco (in epist. citata) collegit, jus illud, quo per eas tempestates (seculo nimirum IX, quo LUPUS florebat), in dandis Episcopatibus, non ex ipsorum auctoritate fluxisse, sed ex concessione Sedis apostolicæ, nullum enim penitus in rebus ecclesiasticis jus habere Reges,.” Quid enim respondet BALUZIUS, ut merito rejectum Baronium doceat?

39. “Sane diffitendum non est (reponit), quin ita cum Baronio sentiant Transalpinae gentes. Nos vero Galli REGES nostros non summovemus prorsus a rebus sacris, ab iis nimirum quæ disciplinam ecclesiasticam respiciunt, & EXECUTIONEM regularum ecclesiasticarum,.” Ubi vides, Lector, a BALUZIO res misceri, ac quæstionis statum mutari. Sufficiat dicere, morem illum dandi EPISCOPATUS nullo modo esse in executionem regularum ecclesiasticarum; quoniam *regule ecclesiasticæ* electionem canonicam per plurimum SUFFRAGIA postulant.

40. Cum superioribus doctis viris concordat Natalis ALEXANDER *Hist. Ecclef. Sec. XV & XVI, Diss. XI, Art. 6, num. 7*; cujus verba eo libentius profero, quod inde pandatur nobis via ad leniendum æqua interpretatione allatum modo BALUZII dictum.

41. “Non prohibetur Principibus, (ait Natalis ALEXANDER), ne EPISCOPOS Ecclesiis designent, si id ipsis ECCLESIA concesserit, vel permiserit: quod quidem eo casu præstabunt NON JURE IMPERII, sed præsidii, ad Ecclesiam juvandam; & nominatio Regia vim electionis habebit, quatenus Rex ut Ecclesiæ DEFENSOR, & ut populi caput, seu ut persona inter Clerum & laicos media, utrumque Ordinem in negotio
„ electio-

„ electionis Episcoporum repræsentat, sive utriusque jura exercet, ECCLE-
 „ SIA concedente „.

42. Secundum hæc ergo interpretari licebit BALUZIUM, ubi indicat, regiam ad Episcopatus nominationem pertinere ad *executionem regularum ecclesiasticarum*.

43. Sed iterum pergo cum BOSSUETO: „ Passim occurrit, *ait*,
 „ in Imperatorum Regumque authenticis & capitularibus, ut qui hæc &
 „ hæc fecerit, sacro ordine deponatur, excommunicetur, in pœnitentiam
 „ redigatur: quæ haud minus intelligimus CANONUM auctoritate fieri;
 „ tametsi non id semper expressum est „.

44. „ Multa etiam a Regibus de Ecclesiis ordinandis edicta sunt, quæ
 „ in Canonibus vix ac ne vix quidem invenire possumus, CONSENSU
 „ ECCLESIAE valere ea facile intelligimus „.

45. *Sit etiam id exempli causa positum. Decernit ita Carolus Calvus: Hæc si* quis transgressus fuerit, anathematis vindicta feriatur, & comitis districtione constringatur: *quæ uno licet tenore posita, tamen ad suos fontes quæque revocamus.*

46. „ Sic cum Pontifices eodem contextu ecclesiasticis CIVILIA mi-
 „ scent, sane meminerimus haud minus discernenda esse, quæ ipsis per sese
 „ competant ab iis, quæ a civili potestate mutantur „.

47. „ Nempe utriusque potestatis sancta SOCIETAS postulabat, ut
 „ altera alterius munia in speciem usurparet eo jure, quo AMICI amicorum
 „ rebus utuntur: his certe omnibus communi societate & CONSENSIONE
 „ valituris „.

48. Addit BOSSUETUS „ quo jure Reges ex Canonibus super
 „ animarum statu toties cum Episcopis decreverunt; eodem jure Pontifi-
 „ ces in Conciliis Lateranensibus III & IV super temporalia cum Re-
 „ gibus Synodo adhærescentibus atque præsentibus ex legum auctoritate
 „ decrevisse „: de quorum Conciliorum Decretis prolixè agit BOSSUE-
 „ TUS in hujus ejusdem Libri quarti capitibus primo, secundo, tertio,
 „ & quarto. Et de similibus Decretis pœnas scilicet temporales inferenti-
 „ bus, quæ a Conciliis Constantiensi & Basileensi prodierunt, differit idem
 „ Præsul ibidem cap. decimo.

49. Ea autem omnia eo pertinent tantum, „ ut & Pontificia ab Re-
 „ giis distinguantur officia (*ait cap. 5. cit.*), & liquido appareat, sic Re-
 „ gem inter & Pontificem consentire, ut si quid alter ex altero usurparit,
 „ id ambobus volentibus consensione mutua, tacita vel expressa factum,
 „ neutri fraudi esse possit „.

50. *Hoc societatis ac mutue amicitie jure Lucius III capite ad abolendum de hereticis statuit*, ut Comites, Barones, Rectores, & Consules civitatum & aliorum locorum nisi requisiti Ecclesiam adjuvent contra hæreticos, honore quem obtinent spolientur, neque ad alios assumantur. *Leges*, ejusdem BOSSUETI *Librum 2, cap. 29.*

Alios loquendi modos horum fere similes in priscis monumentis frequentes depromsit ac explicavit Ludovicus THOMASSINUS *Discipl. Par. 2, Lib. 3, Cap. 92, num. 12, -- 14, 16.*

At multo plura eo de genere collecta habemus a JOANNE PETRO GIBERT in Prolegomenis ad jus Canonicum *Par. 1, tit. VIII, pag. 14--22, tomi 1.* Hoc in loco Vir doctus plurima congerit Decreta, ab ecclesiasticis Præfulibus circa res temporales sancita; multasque vicissim profert leges, quas Principes de rebus mere ecclesiasticis condidere: ubi & illud videre est, ait in sectione illius tituli altera, Concilia persæpe reticere, a quo teneant auctoritatem, qua Decreta illa sua faciant; utrum a Christo, an vero a Principibus eam potestatem acceperint? Et par silentium esse in legibus PRINCIPUM circa res mere ecclesiasticas; eos enim perraro dicere se ideo statuere, ut procurent EXECUTIONEM legum Ecclesiæ.

Unde duo ille colligit. Primo, utrum leges auctoritate spiritali, an autem temporali conditæ fuerint, dignosci non posse ex eo, quod in *Conciliis* existant, aut in *constitutionibus Principum*. Judicium scilicet ferri debere ex natura materiæ, quam præcipiunt aut vetant.

Secundo, eum fore in errore qui contenderet, Deum dedisse Principibus potestatem determinandi quid credendum sit, & ordinandi res mere ecclesiasticas; quia inter leges Principum Christianorum quædam tales existunt.

At nihilo verius dictum iri, Ecclesiam accepisse a Christo veram potestatem circa res temporales; quia *Concilia* sæpe leges super iis rebus tulerunt. Utramque ratiocinandi viam æqualiter perniciosam fore; utriusque vitium ac falsitatem facile ex prædictis detegi.

Si quis fane velit, quasi sponsione facta, provocare ad exempla, & leges priscæ ætatis, ut ex iis de juribus utriusque Potestatis statuatur; nocebit Imperio forte magis quam Sacerdotio. Quam ad rem Auctor Tractatus (qui prodiit sub nomine TALONII Jëti Galli notissimi) *de l'autorité des Rois touchant l'administration de l'Eglise* in fine Partis primæ, non dubitavit affirmare, qui certare exemplis vellet, eum inde multo grandius formatum volumen pro Sacerdotio, quam pro Imperio (*feroit un volume plus gros de beaucoup.*)

Omni-

Omnino autem adversus allegantem pro Imperio leges & exempla superioris ætatis unicuique vicissim erit integrum, pro Ecclesiæ juribus provocare ad leges & exempla a Sacerdotio profecta non unius speciei, nec temporis aut loci unius. Sed tandem utriusque conatus ac labor recideret in nihilum, quoniam instabili ac fluxo fundamento uterque inædificaret.

Ergo quoniam habemus (dicam cum laudato GIBERTO *loc. cit.*) decreta Superiorum ecclesiasticorum circa omnes fere res temporales; & paucae vicissim sunt spirituales, circa quas non habeamus leges Principum, hæc legum ecclesiasticarum & secularium quasi confusio circa res easdem spirituales aut temporales non aliunde est derivanda, quam ex ea concordia, qua ecclesiastica Potestas ac laica jungi invicem debent, ex eoque studio, quo utraque SECUNDUM SPIRITUM DEI, officio suo satisfacere satagebat..... ambæ Potestates mutuo auxilio indigent; Deusque illarum auctor vult eos, quibus alterutram committit, sibi mutuam necessariamque ad continendos in officio populos opem ferant.

51. Colligamus ergo iterum cum BOSSUETO, non esse semper pro vero innatoque Ecclesiæ jure reputandum id, quod ea egerit, habuerit, decreverit tacentibus Regibus, & idem usuvenire in ecclesiasticis rebus, quas sæpe videmus REGIBUS attributas. Colligamus item rursus cum Joanne Petro GIBERT, utrum leges auctoritate spirituali, an autem temporali conditæ fuerint, dignosci non posse ex eo, quod in Conciliis sint, aut in Constitutionibus PRINCIPUM; sed judicium ferri debere ex natura materiæ, quam præcipiunt aut vetant.

Et colligamus tandem ex istis, ubi de Juribus quæritur alterutrius Potestatis quoad res plures, quas *mixtas* appellamus; quam infida sit & incerta via tum LEGUM, tum exemplorum & factorum, per quæ nunc unum disciplinæ caput arripitur, mox aliud, quæve nullo diuturno tempore, nullo ordine continuata fuere, nullo fixo more confirmata, nullo firmo Potestatis alterius assensu probata.

III. *Ad Quæstiones de Rebus Mixtis finiendas habenda est vetustæ POSSESSIONIS ratio.*

52. Quæret ergo aliquis, quæ sit via expeditior ac tutior ad Quæstiones de Rebus MIXTIS finiendas. Respondeo, in hisce rebus habendam esse rationem vetustæ POSSESSIONIS; seu videndum, quis Patrum nostrorum memoria possederit; & tunc Patrum terminos movendos non esse.

53. Habenda igitur est ratio PRÆSCRIPTIONIS immemorabilis, etiam in iis disceptationibus, quæ de Jurisdictione incidunt inter Sacerdotium & Imperium. Hæc est via ad pacem, amicitiam & concordiam veterem revocandam ac restituendam inter utramque Potestatem. Hac via pax inter Reges ac inter Regna stat; eademque via concordia inter privatos viget. Cur eodem PRÆSCRIPTIONIS jure querelæ inter Sacerdotium & Imperium non terminentur? Non minoris certe facienda est pax inter Ecclesiam & Regnum, quam Regum inter se, aut privatarum familiarum.

54. Si originem ac fontem Jurium multorum Sacerdotii ac Imperii investigamus, ac sua unicuique parti reddere volumus; aliqua forte adhuc ab Ecclesia auferre alicubi oportebit; at multo plura de REGNO demenda erunt. Quid ergo ob ista excitamus dissidia, quæ tandem in magnum Regni & Ecclesiæ damnum recidunt?

55. Atque hic audire juvat non Episcopos forte aliquos, non Monachos, qui fortasse dicerentur pro domo sua perorare, sed Jureconsultos ex laicorum cætu. Eximius Comes CHRISTIANI in urbe Mediolano Magnus Cancellarius usque ad annum 1758, quo mortuus est, in tractatu *de Asylo sacro*, quem italico idiomate scripsit, exponit primo, quam multis abhinc seculis Ecclesia sola potiat jure imponendi Asyilis sacris leges: tum subdit pag. 41:

56. „Cum igitur nec legale sit, nec facile possessionem & morem
„invertere adeo antiquum, tum quoad hoc caput, tum quoad alia, quæ
„turbarent in PRINCIPATIBUS universa, si ANTIQUOS rerum
„status conquirere ac investigare vellemus; NEQUE enim quicquam
„esset IN PRINCIPATIBUS stabile ac tutum: propterea amore PACIS,
„quæ summum est hominum bonum, in vetustis POSSESSIONIBUS
„origo LEGITIMA præsumitur (si presume ne' posselli antichi il dritto
„di origine) „

57. Ita sane; nisi societatem generis humani subversam plane volumus. Sed Italo Jurisconsulto succedat Gallus. Est is Antonius HOTMANUS, quem *Libertatum Gallicanarum scientissimum* nominat Petrus PUTEANUS sub initium Commentarii ad Petrum PITHÆUM de iisdem Libertatibus. HOTMANNI tractatum jam citavimus supra num. 36; is itaque *ibidem* num. 40 -- 45 tum possessionem ac PRÆSCRIPTIONEM Romani PONTIFICIS agnoscit in rebus non paucis, quas ex innato jure non habeat, tum TITULUM hujus præscriptionis assignat.

58. Hunc Titulum reponit in SUPERIORITATE, ut ait; seu in eo quod Romanus PONTIFEX supra Ecclesias ceteras positus est.
„ Quando

“ Quando enim Superior quicquam sibi more vindicavit, id ei loco TITULI est. Atque id habet SUPERIOR commodi, quod ea, quæ sibi consuetudine asseruit, juribus SUPERIORITATIS tribuantur „

59. “ Et hinc subsidia, quæ Pontifices ab Ecclesiis inferioribus percipiunt, juribus illius adscribuntur. In præscriptione immemorabili non opus est ostendere titulum, sed illum allegasse sufficit: & non immerito TITULUS frequentior est SUPERIORITAS: quemadmodum, causa exempli, vectigalia & tributa non solvuntur nisi in agnitionem superioritatis „

60. “ Hanc ergo ob causam alienum videri non debet, si Pontifices sua tueantur jura, etsi ea titulo in scriptis exhibito probare non valeant. Præminentia enim supra Ecclesias reliquas ad hoc Pontifices juvat, ut putentur in antiqua possessione esse ex bona & justa causa. Quando cum possessione conjungitur justus tituli species seu TITULUS apparens, ut SUPERIORITATIS; tunc Doctores dicunt, sufficit allegare titulum „

61. “ Sed hanc possessionem necesse est esse IMMEMORABLEM. Quod non sic tamen intelligendum est, quasi oporteat hæc jura ita esse vetusta, ut credantur a prima Ecclesiæ origine fuisse imposita. SUFFICIENT enim impositionis hujus seu perceptionis jurium initia esse extra hominum memoriam; hoc est, possessionem ita esse antiquam, ut nemo viderit aliter fieri, nec a majoribus suis audierit, id aliter fuisse factum „ Omnium est opinio nec audivisse, nec vidisse, cum id opus fieret, nec ex iis audisse, qui vidissent aut audissent. I. si arbiter, de probat.

62. *Cicero de amicitia*, verum est quod a Tarentino Archita dici solitum nostros senes commemorare audivi, ab aliis senibus auditum; & hæc est vera consuetudo seu possessio immemorabilis; ad quam rem allegare licet id quod Imperatoris Valentiniani est. Quis ferat institui jurgia, quæ Avi Proavique nescierunt? Quæ alia improbum litigatorem tam valida defensio summovebit, si non secula in infinitum transacta defendunt? Novel. 8.

63. “ Et quidem PONTIFICES multis potiuntur juribus, quæ ab antiquo immemorabili tempore soliti fuerunt percipere; quæ absurdum esset nunc in quæstionem vocare; & possunt id dicere, quod Judicum XI legimus: *Quando habitavit Israel in Hesebon & viculis ejus per trecentos annos, quare tanto tempore nihil super hac repetitione tentastis „?*

64. Concludit HOTMANNUS: “ Data opera immoratus sum in hac IMMEMORABILI possessione, quia pleraque JURA ecclesiastica infinitis contentionibus sunt obnoxia, quæ nisi per hanc tolli non possunt „ Profert deinde querelas tum S. BERNARDI tum Joannis GERSONII,

tum aliorum adversus Romanam Curiam & Pontifices: tum meritissime colligit, " tam abesse ut hujusmodi querelæ auctoritati Pontificum Romanorum „ officiant; ut potius valeant ad confirmandum, ab IMMORABILI „ TEMPORE Pontifices esse in POSSESSIONE „.

65. Hæc brevi spatio contraxi, ac conjunxi in unum ex prolixo loco HOTMANNI. Placuit autem hæc omnia recitare, utpote bonis jurisprudentiæ luminibus referta; & simul apprime opportuna ad id confirmandum, quod propofui.

66. Ceterum hæc HOTMANNUS valere vult pro rebus etiam mere temporalibus. Scribit enim jam a principio: " Certum est Pontifices acqui- „ sisse sibi quibusdam in regionibus jura non pauca superioritatis (des droits de supériorité) „ non solum spiritualia, sed etiam TEMPORALIA, „ non solum supra Ecclesias, sed supra REGNA & Principatus, & a tam „ antiquo tempore, ut adversus eos omnes præscripserint, qui ea jura revo- „ care in dubium tentant „.

67. " Et quidem PONTIFICES Jura feudalia sibi afferunt (pretendent des droits féodaux) „ supra Regna Angliæ, Neapolis, Siciliæ, & Prin- „ cipatus alios plures; & hæc sunt bona temporalia: sed aliis præterea juri- „ bus potiuntur, in quibus TITULUM habent, & quibus potiti sunt per „ longum temporis spatium. Hanc ob causam INNOCENTIUS III „ dicebat, præter Sedis Apostolicæ jura ordinaria esse alia, quæ ipsi sunt „ acquisita per speciale Privilegium vel CONSUETUDINEM „, *cap. novit. de judic.* Loquitur autem ibi INNOCENTIUS de judicio in quæ- stione de Feudo.

68. Anno 1539 FRANCISCUS I Rex Galliarum jurisdictionem ecclesiasticam supra LAICOS edicto suo coarctavit ad causas Sacramentorum, & alias pure spirituales & ecclesiasticas; interdicto facto judicibus Ecclesiæ ne laicos juberent coram se sisti in actionibus pure personalibus. At tamen his in causis pure PERSONALIBUS eos judices declaravit exceptos fore, qui contrario titulo aut POSSESSIONE niterentur. Scilicet naturæ vocem non potuit Princeps sapientissimus negligere. Non quæro autem, quæ inde postea consecuta sint: discas hoc tamen ex *Cap. XVIII hujus commentarii num. 31 seq.* De laudato Decreto consulas Carolum FEVRET. *de Abusu Lib. 4, Cap. I, num. II.*

69. Jus quod ex PRÆSCRIPTIONE existit, agnovit & Claudius FLEURY *Institut. Jur. eccles. Par. 3, Cap. I, num. 10*: cum enim num. præced. ea Ecclesiarum jura numerasset, quibus a nulla humana Potestate privari Ecclesia potest; addit: " Cetera jura, quorum possessionem Ecclesia „ stici

„fici & olim habuere, & etiam num nonnullibi habent, nihilominus legi-
„time acquisita sunt, & a Regibus vel expresse vel tacite concessa „.

70. „Nam quemadmodum bona immobilia fundi & dynastiæ iis datæ,
„ita dari quoque potuit potestas judicandi, multas dictandi, carcerem,
„apparitoresque & alios officiales habendi, & corporis afflictiones magis per
„modum castigationis quam supplicii imperandi. NEC minores causas
„HÆC JURA conservandi habet Ecclesia, quam cetera BONA sua „.

71. In notissima illa disceptatione, quæ de jurisdictione ecclesiastica est
habita Anno 1329 Vincennis & Parisiis coram Philippo Valesio, Cardinalis
BERTRANDUS pleraque ecclesiasticorum jura in causas temporales &
mixtas tuitus est adversus Petrum de CUGNERIIS advocatum regium
titulo Consuetudinis & POSSESSIONIS, itemque PRINCIPUM concessione
expresse vel tacita. Habes disceptationem illam, seu disceptationis summa-
rium & acta in tomo 1 *Traſtatum de Libertat. Gallican.* a Petro PUTEANO
collectorum.

72. „Multa possunt (ait Ludovicus THOMASSINUS Discipl. Eccles.
Par. 2, Lib. 3, Cap. 65, num. 5) „ & jure suo possunt PRINCIPES terreni
„in causis rebusque ECCLESIASTICIS, quæ tamen potestas non aliter
„ipsis parta, quam LONGA consuetudine & antiquissima POSSESSIONE „.

73. „Sunt consimiliter Pontificibus & Prælatibus jura non pauca in res
„CIVILES & temporales, de quibus controversia illis fieri jam non potest,
„ubi diutina illis POSSESSIONE firmata sunt „. Sapienter de more
Thomassinus.

74. Juvat etiam hodiernam ecclesiasticam jurisdictionem seorsim con-
siderare. Demus, multa esse, aut (id quod tanquam veritati propius ponit
Petrus DE MARCA *Concord. Lib. 3, cap. 6*) esse aliqua tantum hodiernæ ec-
clesiasticæ disciplinæ summa capita, quæ originem suam debeant decretalibus
illis suppositis & tam vexatis ISIDORI Mercatoris. Propterea ea mo-
venda erunt, quæ in exercitio ecclesiasticæ jurisdictionis, secundum Epistolas
eas decretales constituta fuerunt, & quæ abhinc multa secula servantur?
Ab utraque parte Epistolæ illæ fuerunt tandem in usum deductæ: atque etsi,
cum subditiæ essent, per errorem habitæ sunt veræ; Romani tamen Ponti-
fices defendebantur tum titulo apparenti, ut ajunt, tum bona fide; quæ
sunt præcipua legitimæ PRÆSCRIPTIONIS requisita.

75. Et si ea, quæ occasione illarum Epistolarum innovata sunt in eccle-
siastico regimine, movere loco volumus; juri POSSESSIONIS, quæ ho-
minum memoriam excedit, vim inferimus: nec video, qui tandem status
rerum futurus sit fixus ac tutus, si hunc, de quo sermo est, invertimus.

76. Licebit autem argumentari pari modo pro universo jure ecclesiastico hodierno, quoad ea scilicet capita, in quibus disciplina mutata est, moresque inducti sunt ab antiquis discrepantes. Nam jus hoc ecclesiasticum hodiernum receptum fuit in omnibus Ecclesiis, & per spatia plurimum seculorum in solemnem usum deductum universo orbe consentiente. Sed hæc obiter dicta sint.

77. Fixum interim sit ac certum, nullam esse expeditiorem ac tutiorem viam ad quæstiones de Rebus *Mixtis* tollendas ac finiendas, præterquam viam vetustæ possessionis, seu PRÆSCRIPTIONIS, quam appellamus immemorabilem.

78. In hac erit finis litium ac dissidiorum; quando reliqua componendarum istarum disceptationum media sunt aut deceptioni, & fallaciis obnoxia, aut incerta, obscura, difficilia.

IV. *Conseſſaria Doctrinæ hoc Capite propositæ.*

79. Consequitur autem ex his, LAICAS Potestates rata habere debere jura & privilegia particularium Ecclesiarum, quæ in earum Regnis sunt, sive ea acquisierint ex munificentia superiorum Principum, sive longa possessione ac USU; sive sint jura ipsis pecuniaria, sive sint illis cum Clero aliorum etiam Regnorum communia; sive in Corpore Juris contineantur, sive extra Corpus Juris sint.

80. Sane cuique suum tribuendum est ac conservandum a Principe, qui Pater est ac Custos positus suorum subditorum tum quoad corpus, tum quoad bona & jura temporalia. De onere, quod Principi incumbit, conservandi privilegia subditorum, legas BOSSUETUM *Politiq. tirée de l'Ecriture Lib. 8, Art. 3, Prop. 2 seq.*, & GRONOVIIUM in Grotium de Jur. B. & Pac. *Lib. 2, Cap. 7, num. 27, not. 33.*

81. Si vero contingeret, ut ob publicam causam, quæ reparari alia via non posset, demeretur a Principe pars aliqua privilegii aut juris cujuscumque clericalis alicujus societatis; tunc ex iis regulis, quas circa *eminens Dominium* in bona subditorum præscribunt juris naturalis interpretes, tenebitur PRINCEPS summus tantundem aliunde compensare, quantum de memorato jure aut privilegio demtum fuerit; ea solum parte oneris excepta, quæ e distributione facta super capita omnium subditorum ad illam clericalem societatem pervenit.

82. Bene enim HUGO GROTIUS scribit *de Jure Belli & Pacis Lib. 2, Cap. 14, num. 13*: “Sunt quædam beneficia quæ Rex de suo facit, & quæ vim habent perfectæ donationis. Hæc revocari non possunt, nisi in pœnam, aut ob utilitatem publicam CUM compensatione si fieri potest,,. Consonat Joannes Frider. GRONOVIVS in Not. dicens, si beneficia illa revocentur, quia “ea reipublicæ detrimento esse cæperint; tum pro jure quæsito, quod aufertur aliquid PAR subjectis restituendum esse,,. Reliqui ex eo GROTII loco nunc non expendo.

83. Huc facit & id, quod GROTIUS habet *num. 8 Capituli 14 cit.* “Ubi dominium aut jus aliud alicui legitimo modo partum est, id ne sine causa, ei auferatur, juris est naturalis. Contra, si REX faciat, haud dubie teneatur reparare damnum datum: facit enim contra verum jus subditi,,. Agit autem ibi GROTIUS de jure quæsito ex vi legis CIVILIS.

84. Rationem omnibus tamen perviam dabit Samuel PUFENDORF *de Jur. Nat. & Gent. Lib. 8, Cap. 5, §. 7*: “Naturalis est æquitatis (ait) ut, si ad communem quampiam rem conservandum ab iis, qui de eadem participant, conferendum quid sit, singuli ratam duntaxat partem conferant, NEC UNUS supra ceteros graviter oneretur,,.

85. CONSEQUITUR secundo ex dictis, ad Clericos & maxime ad ecclesiasticas Potestates pertinere, ut jura Ecclesiarum tueantur, non ea modo quæ communia sunt cætus ecclesiastici universi, verum etiam ea, quæ vigent in uno tantum regno, provincia, aut urbe; etsi forte eadem, cum in regnis ceteris non ita pridem obtinerent, hisce postremis temporibus fuerint abrogata.

86. Exemplum sit in immunitate a tributis. Ponamus, adhuc superesse urbem aut provinciam, cujus Clerici aliqua privilegii istius particula potiantur: velit autem harum ditionum Dominus eam tollere. Jure sane & ex officio hac in specie Clerici & ecclesiastica Potestas reliquias immunitatis hujusmodi tueri studebunt.

87. Jure quoque & ex officio tuebuntur privilegia particularia, quæ mirum non sint aut fuerint Clericorum omnium communia, seu quæ non extent clausa in Corpore Juris. Merito tandem & ex dignitatis suæ munere Pontifices Romani jura sedis suæ defendent, sive ea ab omnibus Regnis percipiantur, sive ab aliquibus tantum. Confer hujus *Commentar. Cap. ultim. num. 12 - - 14.*

88. Ex officio ab ecclesiastica Potestate hæc defendenda fore dixi. Jura enim hæc Clerici & ecclesiastici Prælati non modo possunt defendere, sed

etiam tenentur; sicut tutor jura pupilli tueri debet; cum ipsi non domini sint jurium ac bonorum suæ Sedis, sed administratores ac tutores.

89. **CONSEQUITUR** tertio, jura unius Principis non debere nos metiri ex juribus alterius; seu iniquos eos fore, qui vellent politiam unius Regni componere ad normam politiæ Regni alterius. Etenim cum possessio vel præscriptio ex parte vel Sacerdotii vel Imperii sit diversa pro diversitate Regnorum ac Regionum; una forma regiminis aut ecclesiastici aut civilis non valet in Regna omnia induci, quin simul jura Ecclesiarum lædantur aut Principum, quorum dissimilis est possessio vel præscriptio.

90. Nam si uno in Regno Ecclesia amplioribus uteretur juribus, quam in alio; illa per politiam Regni istius pateretur in re sua detrimentum. Contra vero si restrictioribus juribus potiretur; tunc inducendo externam politiam inferretur injuria Potestati **CIVILI**.

91. Non ergo ex Gallicana Politia, exempli causa, Hispanarum Ecclesiarum jura metiatur Hispanus; neque Hispanam Politiam quærat Gallus ad definienda jura Ecclesiarum Galliæ: sed Regnis & Ecclesiis singulis jura servantur sua secundum terminos a Patribus constitutos.

92. Ad hanc rem **BENEDICTUS XIV** *de Syn. Diæces. Lib. 9, Cap. 9, num. 12 seq.* sapientissime admonet Episcopos, videndum illis esse primo, „ne Princeps secularis sibi unquam arroget jus sacrorum; hoc est, ne in „ullo rerum eventu se immisceat in causis mere spiritualibus & **ECCLE-** „**SIASTICIS**„.

93. „Secundo, ne Judex laicus eam quoque partem ecclesiasticæ jurisdictionis invadat, quæ hætenus perseverat intacta; nisi enim Episcopus „ejus vindicem statim se præbeat, hanc pariter pedetemptim amittet „.

94. „Tertio denique, ubi aut privilegio, aut legitima consuetudine „fori ecclesiastici limites **ULTRA** juris communis sanctiones ampliati sunt, „quod ceteroquin perquam raro contingere scimus; curabit Episcopus, ne „sua incuria aut conniventia contrahantur„.

95. Exempli gratia si contra juris communis regulam obtineat, prout vere aliquibus in locis obtinet; ut Clericus actor non sequatur forum rei laici in causa mere **CIVILI** & profana; mos iste defendendus sane erit ab Episcopo: „neque conqueri poterunt laici (ait Pontifex), quod Episcopus „hoc secularis jurisdictionis minimum frustulum consuetudine acquisitum „sibi vindicet; cum ipsi sola **CONSUETUDINE**, quæ ab initio dici „potuit **ABUSUS** & corruptela, fere integram devoraverint jurisdictionem „ecclesiasticam„. Hæc **BENEDICTUS XIV**.

96. Si quando ergo graviore aliqui inciderint rerum articuli in jurisdictionis ecclesiasticæ detrimentum; utendum tunc est Episcopis evangelica libertate, ac exerenda episcopalis constantia exemplo AMBROSII, CHRYSOSTOMI, GREGORII Turonensis, HINCMMARI Remensis, HILDEBERTI Cenomanensis, IVONIS & FULBERTI Carnotensium Episcoporum, ANSELMII & THOMÆ Cantuariensium, CAROLI tandem Borromæi & aliorum, quorum sunt clara nomina in Ecclesia, & qui dati sunt posteris ad imitandum.

97. Sed ad constantiam & virtutem excitandam Episcoporum in tuendis Ecclesiæ & sedium suarum tum juribus tum legibus præclaræ ex omni antiquitate regulæ & nobilissima exempla extant collecta a THOMASSINO *Discipl. Eccl. Par. 2, Lib. 3, Cap. 58 - 61, 63*, & ab illustri viro Jacobo Josepho DUGUET *Institution. Principis Par. 4, Cap. 15*.

98. Pro eadem re legere præstat epistolas S. AMBROSII, vicesimam ad Sororem, & vicesimam primam ad Valentinianum Augustum, necnon sermonem Ambrosii ejusdem contra Auxentium de Basilicis tradendis *col. 852 - 873 Tomi 2 Oper. edit. Benedictin.*; itemque ejus epistolam 40 ad Theodosium Augustum *col. 946 ibidem*; & sancti GREGORII Magni epistolam 40 libri 5 ad Mauricium Imperatorem, *in eorundem Monachor. edit. tom 2, col. 765*; ut innumera alia tum istorum tum aliorum Ecclesiæ Patrum & Scriptorum ecclesiasticorum ac Præfulum scripta prætermittam.

99. CETERUM illud quoque ecclesiasticis Præsulibus videndum est, ne, dum nimia sibi petunt, totum perdant. Cedendum præterea aliquando temporum perversitati, ut damna majora vitentur. Quod in solis tamen illis rebus intelligo servandum, quæ a lege naturali non pendent, aut a lege divina & evangelica, sed solum a lege humana.

100. Et secundum hæc IVO Carnotensis vir sanctitate clarus “Pascha-
lem II (animadvertente Thomassino *Discipl. Eccl. Par. 2, Lib. 3, Cap. 29, num. 1*), commonefecit, quam provide & quam necessario toleranda essent
fidei sacramenta, quæ tum REGES ab Episcopis exigebant, quamquam
ea tunc Canonicis Constitutionibus prohiberentur,”

101. “Cum æterna enim lege non interdantur, sed iis tantum Ecclesiæ decretis, quæ libertati ecclesiasticæ patrocinantur; hæc sane tum necesse est relaxari decreta, ubi servari non possunt, nisi ingenti discrimine
PACIS, unitatis & concordie labefactandæ, Ecclesiæque Imperio collidendæ,”

102. Scitum est illud BOSSUETI Ep. Meldensis *Defens. Declar. Gallic. Lib. 4, Cap. 12 edit. recogn.* “Non promoveri aut augeri, sed potius
,, atteri

„ atteri rem ecclesiasticam nimis aut præposteris incæptis „: id quod semel & iterum admonet pariter BENEDICTUS XIV *cap. 9, citato Libro 9, de Synod. Diœces.*

103. DEINDE jura quædam Ecclesiarum onus grave inferentia oportet aliquando interpretari in gratiam potius Principum quam Ecclesiæ. Nec male forte colligit Petrus DE MARCA *Concord. Lib. 6, Cap. 22, num. 7*, „ non ita severe accipienda esse verba CANONUM, quando de iurisdictione seculari agunt, ut ab iis discedere nefas esse putemus vel transversum unguem; contra æquum esse, ut explicentur ac terminis quibusdam circumscribantur, eaque modificatio adhibeatur, quæ legibus antiquis & PRINCIPUM POSSESSIONI congruat, ne REGIA Auctoritas detrimentum patiatur. Ea porro regula in primis uti oportebit quoad posteriorum seculorum Concilia, quæ maxime tentarunt imminuere regiam Potestatem in res & personas ecclesiasticas „.

104. Videtur tamen mihi MARCA hoc loco aliud nihil dicere, nisi PRÆSCRIPTIONIS antiquæ & possessionis PRINCIPUM laicorum in memoratis rebus esse rationem habendam; & secundum hanc oportere CANONES interpretari; id quod jam nos posuimus in antecedentibus.

105. SI VERO contigerit quoad aliquam rem ex iis, quas *mixtas* nominant, & cujus iudicium jure præscriptionis soli debeatur Ecclesiæ, a laica Potestate læsam fuisse ECCLESIAM; prudens mihi videtur illud ejusdem Petri DE MARCA consilium; ut legem de ea re a Principe latam non ipsa ecclesiastica Potestas abroget, sed per eundem revocandam curet, qui eam tulit.

106. „ Leges (ait Lib. 2, Cap. 11, num. 8) „ quæ Canones infringunt, „ sunt quidem NULLÆ ipso jure, sed nec Pontifices nec Synodus æcumenica hoc sibi arrogarunt, ut eas decretorum suorum auctoritate rescinderent, verum id a Principibus exorarunt „. Atque hic consentientem habeo Ludovicum THOMASSINUM in Concilia Dissert. XII, §. 49--51.

107. Cetera inter exempla ad auctoritatem huic consilio seu monito conciliandam allata a Petro DE MARCA est præsertim factum illud vulgarissimum GREGORII M. occasione legis MAURITII Imp., qua decernebatur, ne militibus Monachismum liceret amplecti: ex quo facto idem quod Marca, colligit & Meldenfis BOSSUETUS *Defens. Declar. Gallic. Lib. 2, Cap. 8 edit. cit.* Liceret vero mihi indicare præterea exemplum summi ac sapientissimi Pontificis BENEDICTI XIV; de quo consulas Thomam Mamachi *Del Diritto libero tom. 4, pag. 486 in not.*

CAPUT XIII.

In controversiis, quæ incidunt inter Sacerdotium & Imperium, an ad ecclesiasticam Potestatem spectet judicare, utrius Partis clarius ac firmitus sit jus.

1. **H**ac postrema ætate inventus est nonnemo (*Dialogi de' Morti pag. 379--381, edit. Ven. 1770*), qui Pastores Ecclesiæ tanquam a causa propria excludendos voluit a judicio de controversiis, quæ incidunt inter Sacerdotium & Imperium; quando etiam inter partes litigantes non conveniat, utrum res juris divini in disceptationem cadat, an non; seu, utrum res, de qua disputatur, sit spiritualibus annumeranda, an temporalibus.

2. Vult ille contra ad terrenas potestates judicium illud pertinere, si earum Consiliariis visum fuerit, controversiam esse tantum de re temporali. Hæc est summa sententiæ; quæ in illius disputatione continetur, vel saltem ex disputatione illius colligitur manifeste.

3. Sed hic cogitandi modus est insidiosissimus ac periculi plenus; quem si sequamur, nihil erit in Ecclesia firmum ac tutum; neque enim unquam defuerunt assentatores Principum, adjudicantes regio throno causas ecclesiasticas quascunque, sive dicendo agi de re temporali, sive publicæ tranquillitatis causam obtendendo, sive jus TUTITIONIS regiæ allegando. Vetustum esse hunc morbum, is fatebitur, qui historias legit; & licebit illius initia ducere, saltem jam inde a CONSTANTII Imperatoris Semiariani gestis.

4. Et, si vellemus generatim huic principio insistere, neminem in causa propria audiendum, utpote qui se judicem & partem constituat; „nullus violator legum (dicam cum Natali ALEXANDRO Dissert. ultima in Histor. Eccles. art. 16, num. 17), „nullus Reipublicæ perturbator, nullus „Majestatis reus a Principe, vel a iudicibus ejus auctoritate constitutis in „judicium vocari ac damnari posset, quia rei excipere possent, ipsius causam agi, & æquitati repugnare, ut iudicis & partis disceptatricis personam „idem sustineat „.

5. "Nullus Novator, nemo Hæresiarcha, & cujuscunque sectæ perfidæ, auctor damuari unquam legitime potuisset: Quis enim Arius, Macedonius, Nestorius, Eutyches; quis postremis temporibus Servetus & Socinus, expostulare non potuit adversus Ecclesiam, Concilia, Pontifices, vel alios, quoscunque suis erroribus infestos, ipsos judices legitimos in eorum causa, esse non posse, cum Ecclesiam, quæ ipsos damnavit, novitatis & corruptelæ circa fidem pariter postularent,?"

6. Quis vero non videat, eadem fere imminere pericula, si in controversiis, quæ incidunt inter Sacerdotium & Imperium, rejiciamus judicium Ecclesiæ, velut illius, quæ judex sit & pars simul? si rejiciamus, inquam; simul ac Consiliario cuiuspiam in mentem venerit dicere, quæstionem esse de re mere temporali; vel agi de bono publico regni & de quiete subditorum; vel adesse jus regium seu officium TUTIONIS Ecclesiæ, disciplinæ ecclesiasticæ, & religionis.

7. Præterea dum circa jus disceptant Sacerdotium & Imperium; quæ æquitatis lege Sacerdotis rejecto judicio jus sibi Imperans adjudicabit, sequæ cum sit pars, constituet etiam judicem? Si hoc non licet Sacerdoti, non licebit sane nec Imperanti. In causa enim propria versatur non Sacerdos solus, sed Rex quoque.

8. Sed forte fallor concedens versari Sacerdotem in causa propria, & esse judicem simul & partem. Profecto non summi Pontificis, exempli gratia, causa est, sed Ecclesiæ, cujus ille pro sui Primatus officio conservator & custos est. Tuetur Pontifex, tuentur Episcopi jura Ecclesiæ; ideoque ECCLESIA pars est in ea disceptatione ac judicio. Cui, quæso, venit unquam in mentem, Prælatos esse jurium Ecclesiæ dominos; & Prælatorum rem agi, quando defensionem eorum jurium suscipiunt?

9. Concedent, credo, Politici, Reges etiam non aliud esse quam conservatores & custodes Regni & JURIMUM illius. Falsum ergo ponunt ii, qui in controversiis inter Sacerdotium & Imperium autumant, eos esse partes, qui simul sunt & judices.

10. Habeant ergo sibi novi Politici sua hæc sophismata cum acutis illis inventis *causæ propriæ, judicis & partis*, quæ in controversiis de juribus & finibus utriusque potestatis nullum certe, ut mihi videtur, locum habent.

11. Et si nova non sunt hæc inventa; usurpata quippe proxima ætate fuerunt ab Hæreticis seu Protestantibus adversus Pontifices Romanos & Concilium TRIDENTINUM; prout videre licet apud Natalem ALEXANDRUM loco allegato.

12. Ineamus ergo viam tutiorem ac veriore, quam *Cap. II, num. 28 etc.* designavimus; ac dicamus, in controversiis inter Sacerdotium & Imperium distinguenda esse tria causarum genera. Vel enim quæritur de juribus, quæ ad solam Ecclesiam pertinere constat ex divinis oraculis, & ex traditione; vel dissidium est circa eas res *mixtas*, quas vetus POSSESSIO vindicavit Ecclesiæ, vel Imperio; vel demum ambigitur, utri Partium res debeatur, quæ in controversiam venit.

13. Si de primo causarum genere agatur; audire oportet Ecclesiam, cui soli divinitus commissæ est juris divini interpretatio; & tunc Rex velut ovis ac filius Ecclesiæ fidem habere eidem debet; ne secus agendo terminos sibi divinitus constitutos temere mutet.


14. Si autem vetus POSSESSIO rerum *mixtarum* fuerit violata; postulant justitiæ leges sua possidenti servari jura.

15. Quod verum est, etiamsi jura sint Ecclesiæ in res mere temporales; quæ alias Rex natura rei inspecta deberet in sua potestate habere. Neque enim bene pronunciat nuperus Scriptor supra memoratus, nunquam audiendam esse Ecclesiam, si de re mere temporali agatur. Non dubium sane quin hoc quoque loco habenda sit ratio longævæ POSSESSIONIS: eo plane modo quo Ecclesia intactam servat possessionem terrenarum potestatum in rebus non paucis, quæ mere sunt ecclesiasticæ, ex sententia non modo magni illius BOSSUETI Meldensis, verum etiam DUPINII, Jacobi Josephi DUGUET, & Antonii HOTMANNI inter illustratores Libertatum Gallicanarum celebris. Sed de hac re adeas *Cap. XII, num. 29 etc.*

16. Quemadmodum igitur Ecclesiastica non pauca REGES sibi vindicant ex concessione saltem tacita Ecclesiæ; ipsique ægre ferrent, se ab hac possessione deturbari; ita, si quo jure mere temporali potiatur Ecclesia in Regna aliena, non est loco movenda possessio illius vetusta.

17. DENIQUE si dubium sit utri Partium sit causa adjudicanda; neque finiri quæstio possit vel jure divino, vel ex possessione: tunc oportebit mutuis consultationibus ac æqua compositione omnem controversiam tollere; eo saltem modo quo cum aliis summis Imperantibus fit. Neque enim decet, causam ECCLESIAE esse deteriore, quam alterius Principis.

18. Tres isti canones, quos ad controversias inter Sacerdotium & Imperium componendas existimo tenendos, ratione persuadentur & naturali æquitate: & familiares sunt in communi vita hominum; ita ut solis barbaris ignoti esse possint; quos nolim imitentur Consiliarii quidam inconsulti, qui auctores esse solent dissidiorum inter Imperium & Sacerdotium, ac sanctæ illius pacis & concordiae rumpendæ, quæ, si usquam, maxime est necessaria Sacerdotem inter & Regem, utpote qua stet felicitas Ecclesiæ & Regni.



CAPUT XIV.

Quo Jure potiatur Imperans in redditus & fundos Ecclesiarum sui Regni.

I. **S**CRIBEBAT Carolus FEVRET. *de l'Abus* Lib. 1, Cap. 8, num. 1,
„ Patrimonium Ecclesiæ, etsi, dum seorsim a titulo beneficii confi-
„ deratur, nihil de spirituali natura participet; non ob hoc tamen esse in
„ libera Potestatum secularium dispositione; quoniam DEO donatum ac con-
„ secratum est: sed esse solum sub TUTIONE ac protectione REGIS,
„ & sub regis auctoritatis defensione,, (sous la garde et protection du Roi,
et sous l'appui de son autorité).

2. „ Et quia Ecclesia Gallicana dotata non fuit ac ditata nisi a magni-
„ ficentia & liberalitate REGUM; ideo ipsos in sacrum hoc ac temporale
„ patrimonium Ecclesiæ nonnulla sibi reservasse jura, inter cetera jus pote-
„ statis seu imperii, vel, ut Recentiores appellant, dominii eminentis,,
(le droit de supériorité).

3. Hujus vero potestatis seu imperii partes sunt, eodem auctore FE-
VRETO num. 4: Condere leges, & edicta promulgare pro ejusdem sacri
ecclesiastici patrimonii conservatione & administratione; ne eodem eccle-
siastici viri abutantur, sed ad Ecclesias reparandas, ad alendos egenos, & ad
victum beneficiariorum uti debeant.

4. Hinc prodierunt, ait, edicta & statuta Regum, quibus ecclesiastici
viri vetantur temporalia Ecclesiæ bona alienare, nisi necessitas coegerit aut
utilitas evidens, & non servatis solemnibus formulis. Quibus item prohi-
bentur proceras arbores prædiorum ecclesiasticorum cedere: jubentur con-
tra nemorum recentium tertiam partem reservare, ut arborum majorum
copia futuris beneficiatis suppetere valeat. Quibus, ut verbo dicam, iis
omnibus consultum est, quæ necessaria erant ad bona ecclesiastica protegenda
& in utilitatem Ecclesiæ conservanda.

5. Auctore igitur FEVRETO hoc maxime ad Imperium & potestatem
Regis pertinet, ut reddituum ac fundorum Ecclesiæ TUTOR sit ac defen-
sor. Ceterum nunquam illi venit in mentem dubitare an penes Ecclesias
esset

effet PROPRIETAS bonorum ecclesiasticorum; ac multo minus eo venit infantiæ, ut bonorum illorum proprietatem Principi ac fisco adjudicaret, administratione sola & solo usu, seu usufructu ecclesiasticis catibus relicto. Immo in tanta licentia cogitandi ac scribendi nullus (quod sciam) catholicorum hactenus ausus est proprietatem illam adscribere Principi seu fisco.

6. Etsi hoc ita est; verum est tamen, non defuisse hoc tempore quosdam, qui, sin aperte, obliquis tamen modis ac fraudulentis proprietatem illam Principi tribuere viderentur. Scilicet isti exuerunt lumen illud rationis, quod SENECA impulit, ut scriberet de Benefic. Lib. 7, Cap. 4: *Ad Reges potestas omnium pertinet, ad singulos PROPRIETAS*. Notissimus est locus; in cujus sententia ETHICI reliqui concordant: qui de privatis familiis prolatus multo magis pro Ecclesiis singulis facit.

7. Se ipsum autem SENECA explicat clarius *Cap. 5* dicens: “Sub optimo Rege, omnia Rex imperio possidet, singuli DOMINIO,,. *Et Cap. 6*: “Cæsar omnia habet, fiscus ejus privata tantum ac sua: & universa in imperio ejus sunt, in patrimonio propria. Quid ejus sit, quid non sit, sine diminutione imperii quæritur,,. Hæc ille pag. 135 Operum edit. Parisiens. 1627. Sed legendum propono Caput ejus Libri tertium usque ad septimum.

8. Suorum itaque cujusque Ecclesiæ bonorum proprietas & dominium est penes illam, seu (si ita loqui mavis) penes personam illam *moralem*, quam Pastorum, Clericorum, aut Monachorum congregatio constituere intelligitur in unaquaque Ecclesia; minime vero penes Clericos vel Monachos singulos, multoque minus penes Principem.

9. “Proprietatem ergo bonorum Ecclesiarum inferiorum (dicam cum Natali ALEXANDRO Hist. Eccl. sec. 15 & 16, Diss. 9, art. 6, num. 13) ,, ipsis ECCLESIIS particularibus vindicamus, administrationem & dispensationem PRÆLATIS earundem Ecclesiarum,,.

10. Ad REGES vero sola *potestas & imperium* pertinet; hoc est, illa TUTITIO ac Defensio, de qua antea dicebat FEVRETUS; & quod inde scatet, jus tributorum, vectigalium, & similium ad regni incolumitatem tuendam imperandorum; dum tamen exactionem hujusmodi super Clericos non impediunt vetusta privilegia a beneficentia Principum olim profecta, & quæ hactenus integra vigeant.

11. Sensu igitur explicato ad singulas Ecclesias proprietas & dominium pertinet, ad Reges potestas omnium & imperium. Ad quam rem sine errore intelligendam plenius legi poterunt interpretes Juris Naturæ & Gentium

saniores, ubi isti differunt de Principis imperio seu potestate in bona subditorum, sive, ut nostri loquuntur, *de dominio eminenti*.

12. Quorum tamen juristarum doctrinam jam antea præocupaverant tum alii multi, tum Dominicus SOTO *de justit. & jure lib. 4, quæst. 4, art. 1, concl. 1* docens, "Neque Imperatorem, neque Principem ullum esse proprietarium honorum omnium regni sui. TURCAM enim esse, qui ut fertur, illa dominatur tyrannide, ut cunctas subditorum substantias tantam quam suas proprias sic possideat, ut pro libitu, universa sibi, ut putat, possit usurpare."

13. "Jure autem naturæ facultatibus subditorum Principem uti non posse, nisi quando eidem reipublicæ tuendæ & administrandæ necesse fuerit." Quæ postrema verba Dominici SOTO decantatissimum illud dominium EMINENS repræsentant; ac solum in iis desunt modus & ratio, quæ in usu illius domini sint tenenda.

14. Sed ad rem propius accedamus. Et ne de verbis lites hoc loco cum Catholicis quibusdam ferere velle videamur; habemus Ecclesias velut collegia. Ita enim loqui amant illorum nonnulli, etsi diversa mente ab ea, qua Protestantes solent.

15. Jam vero "corpora, collegia, & universitates (judice ex Protestantibus Justo Henn. BOEHMERO jur. publ. universal. part. 2, lib. 2, cap. 10, §. 7, in not.), instar privatorum & subditorum judicantur, & ita bona eorum non sunt BONA reipublicæ, sed PRIVATA."

16. Hinc Joannes HEINECCIUS (Element. jur. secundum institut. lib. 2, tit. 1), ex l. 6, §. 1, D. de divis. Rer. & ex l. 14, D. de acquir. rer. dom. hanc promit regulam: "Res universitatis, quod ad proprietatem sunt universitatis; quod ad usum, sunt singulorum ex ea universitate."

17. UNIVERSITATIBUS porro BOEHMERUS *ibid. lib. 3, cap. 3, num. 5, in not.*, ex juris civilis placitis recte accenset provincias, urbes, pagos, vicos sub unius Principis imperio posita: scilicet, "isti cætus singuli (ait) inter se peculiarem constituunt universitatem, uti vocantur in jure romano, & peculiaria jura inter se habent."

18. "Agunt (pergit) inter se adinstar singulorum. Possident bona in commune. Unde respectu summi imperantis adinstar PRIVATORUM sunt, quod recte observarunt jurisconsulti romani, qui civitates Imperio romano subjectas privatorum instar esse judicarunt. Quæ bona ad civitatem, pagum & vicum spectant, sunt in ejus PATRIMONIO, NEC confundenda cum bonis reipublicæ."

19. "Sunt tamen (addit) suo modo publica, quatenus imperanti plus
 „juris in illa competit, quam in singulorum patrimonium, cum ejus interfit,
 „hæc bona universitatibus PERPETUO conservari, & bene administrari.
 „Plura sunt permessa singulis in res proprias, quam universitati in res suas „
 Legi meretur ad hunc locum Joannes HEINECCIUS de Colleg. & Corpor. Opific. cap. 2, §. 17, pag. 415, tomi 2, Oper. part. 1, edit. Genev. 1771.

20. Cum talis sit collegiorum & universitatum indoles, & talis sit natura bonorum, quæ ab illis possidentur; vident omnes quid ex hoc consequatur. Consequitur nimirum, iis non magis posse collegia ac universitates privari, quam possint privati quique. Quod æque verum est, si illa bona a privatorem donationibus derivata sint, si ab ipsius Principis munificentia.

21. Bene propterea Jacobus MASCOVIUS *Princip. jur. publ. Germ. Lib. 5, Cap. 4, §. 3* affirmat, vel ipsas " terras fiscales Imperii, æque ac redditus, quæ in manus potestatemque Statuum Imperii dudum pervenerunt, si per concessionem in feudum, si per foundationes & DONATIONES PIAS, per oppignorationem, aut longam denique ac sæpius agnitam confirmatamque possessionem; hæc, inquam, vindicare Imperatori amplius fas non esse „.

22. Atque idem pronunciat merito HEINECCIUS *de jur. Nat. & Gen. Lib. 2, §. 176, in schol.* de ECCLESIIS verba faciens: "Quum tam profusa fuerit (ait) veterum Imperatorum & Regum liberalitas in bonis Domanialibus, maxime in ECCLESIAS transferendis, ut ex iis hodie vix quidquam superfit: nemo tamen dixerit, licere Imperatori, ea vindicare, cum eas alienationes jam pridem ratas habuerint Imperii Ordines „.

23. "Immo quamvis Imperator promittere soleat, se imperii jura & redditus recuperaturum, id tamen ita intelligendum est, ut id falvis legibus publicis fiat „.

24. Nituntur illi regulæ lumine naturali notæ, quam Hugo GROTIUS habet de jur. B. & Pac. Lib. 3, Cap. 20, num. 9, "dominium ex qualicunque causa ortum sit, nempe seu ex gentium jure, seu ex jure civili, suos semper effectus habere ex ipso JURE naturali, ut scilicet auferri nequeat nisi ex causis, quæ aut dominio insunt suapte natura, aut ex dominorum facto ortum habent „.

25. Idque apertius proponit Georgius Adamus STRUVIUS *Syntagm. Juris Feudal. Cap. 5, §. 6, pag. 161*, scribens: "Quæri solet, an Imperator bona subditorum auferre, ac alteri in feudum dare possit? Quod negandum: ubi enim dominium aut aliud jus alicui legitimo modo partum est, id

„ id ne ei auferatur, juris est NATURALIS, quod etiam Principem ob-
 „ ligat: adeoque ne ex plenitudine potestatis illud transgredi ipsi licet.....
 „ ac potius id abusus, quam usus esset legitimæ potestatis, atque in TYRAN-
 „ NIDEM declinaret „.

26. Addit vero STRUVIUS, secundum regulas dominii eminentis,
 „ si evidens reipublicæ utilitas ac necessitas exigat, ut de bonis subditorum
 „ feudum constituatur; quod reipublicæ causa unus subditorum præstitit,
 „ id ipsi ex publico, vel aliorum subditorum collectis refundendum esse: ne
 „ PLUS oneris præ aliis sustineat „.

27. Placet hic tantisper subsistere, ut distinctionem quamdam sane fe-
 stivam referam, quam memini mihi factam in sermone familiari cum amico.
 Distinctio ponebatur inter ea collegia, quæ coaluerunt ex cessione juris sin-
 gulorum collegarum, seu quæ si arcam communem, ædes & alia communia
 habent, hæc habent, quia ad ea formanda singuli collegarum contulerunt de
 suo: & ea collegia, quæ fundatorem habent extraneum, seu quæ a corpore
 collegarum per communes collationes formata non sunt.

28. Primo igitur collegiorum generi assentiebatur titulum competere
 proprietatis & dominii in sua bona: alteri vero generi dicebat non deesse
 qui titulum illum negarent.

29. Ego vero minime miror non deesse, qui hunc titulum collegiis istis
 fortasse negent. Nam quid adeo certum ac evidens est, quod non insana
 nostrorum temporum licentia fallaciis vanissimis ac cavillationibus obscu-
 rare tentaverit?

30. Deinde animadverto, jurisconsultos faniore proprietatem bono-
 rum æque concedere collegiis generis alterius, ac collegiis generis prioris;
 prout intelligimus ex supra dictis. Provinciæ enim, urbes, pagi, vici, Status
 Imperii plerique sunt ex iis collegiis seu universitatibus, quæ fundatæ
 seu dotatæ fuerunt a persona extranea; ut ab Imperatoribus & Regibus;
 adeoque collegia sunt generis secundi. Quibus tamen jureprudentes laudati
 suam bonorum proprietatem tribuunt ac vindicant.

31. Nec solum vindicant illis, sed etiam ECCLESIIS, quarum item
 fundatores fuerunt extranei; quarum proinde redditibus ac fundis compa-
 randis nihil Clerici de suo contulerunt.

32. Meritissimo autem hujusmodi etiam collegiis suam bonorum pro-
 prietatem jurisconsulti vindicant; cum personam *moralem compositam*, ut appel-
 lant, tam ista constituent quam illa priora. Hæc enim est, cui affixa est pro-
 prietas in quacunque societate, & in ipsa Republica seu ARISTOCRA-
 TICA, seu Democratica.

33. Habeantur ergo ECCLESIAE, ut libet, velut Collegia, jam vi-
des, hoc solum nomine proprietatem bonorum ecclesiasticorum ipsis vindici-
cari; Principe ab ea proprietate prorsus excluso.

34. Atque id quod de redditibus & fundis Ecclesiarum dicebam, ex
pari fundamento transferre cum proportionem oportet ad jurisdictiones &
jura feudalia, Comitatus, Ducatus, & similia; quæ ad lautiorum conditio-
nem spectant. De quibus verba faciens FLEURYUS in suo quarto *Discours
sur l'Histoire ecclesiast.* num. 9 merito affirmavit, *ea jura cuncta esse legitima,
nec magis permixtum esse, ut questio de iis moveatur ECCLESIAE, quam laicis.*
Loquitur autem FLEURYUS tam de Abbatibus Monachorum, quam
de Episcopis.

35. Majora istius proprietatis Ecclesiarum fundamenta ponemus *Cap.
seq.* ducibus etiam iis, quorum principiis usi hætenus sumus, nempe Pro-
testantibus. Quorum tamen Majores quam liberales fuerint erga Imperan-
tes, quo primum tempore facta est discessio ab Ecclesia catholica, notum
est omnibus.

36. Isti vero eorum posterii, cum naturalis legis dictatis resistere am-
plius non possent, nec ulla amplius utilitatis ac lucris spe foverentur, exue-
runt errorem, quem a Majoribus hauserant: elataque voce proprietatem ac
dominium sic ECCLESIAE asseruerunt, sicuti privatis quibusque familiis
asserendam videbant: de qua re legas Capituli indicati numeros 91--97.

37. Nihil vero tam suam cuique Ecclesiae ac Sodalitati PROPRIE-
TATEM bonorum vindicat, quam vindicant aperta ac clarissima PIARUM
DONATIONUM verba Ecclesiis ac MONASTERIIS factarum. Quarum donationum
formulas non paucas speciminis loco prolaturi su-
mus *Cap. XVII*; unde compertum cuique fiat, quæ de proprietate ac domi-
nio mens fuerit Donatorum in transferendis redditibus suis ac fundis ad Ec-
clesias & Monasteria.

38. Inde enim intelligemus, hos proprietatem ac dominium, quæ sibi
in propria bona competeant, transfuisse declaratione expressa & aperta
ad Monasteria & Ecclesias.

39. Modo placet nonnulla dare, & primo quidem loco ex Annalibus
CAMALDULENSIBUS, seu ex appendice veterum monumentorum
& diplomatum folius tomi tertii eorundem Annalium. Ibi num. 73 Albe-
ricus Comes ait: "Prænominatum itaque fundum do & dono, offero, & a
„ mea proprietate translato & transfero tibi prælibato Abbati recipienti pro
„ te & toto collegio dicti monasterii in perpetuum „

40. Et num. 160 Raimundus filius Gerardi donat Eremo Camaldulensi sua jura in castra Tuilliani & Laurentiani, „ sicut mihi pertinent (ait) PRO-
„ PRIETARIO jure, aut quocunque modo, ut omni tempore suprascriptæ
„ res IN PROPRIETATE prædictæ Ecclesiæ permaneant „.

41. Vix vero aliquid esse potest expressius aut fortius, quam sit formula donationis in Carta 318 ejusdem appendicis spectante ad Monasterium SS. Hippoliti & Laurentii de Faventia: “ Hanc itaque rem (ajunt pii Donatores) „ nos damus & donamus, & a nostro jure nostroque dominio irre-
„ vocabiliter alienamus supradicto monasterio. Ita ut eam a præsentī die
„ absolute pleno jure habeat & teneat JURE PROPRIETATIS ET
„ ALLODII in perpetuum „.

42. Alia item donatio sub num. 186 hæc habet: “ A præsentī die dare,
„ & tradere, atque offerre providi in Ecclesia sanctæ Mariæ, ubi Martinus
„ presbyter præfens esse videtur, in perpetuum pro futuris temporibus pos-
„ sidendum do, concedo, offero, trado & transfero, perpetualique trans-
„ acto facio de meo jure meoque dominio meisque heredibus, alieno &
„ transcribo & subduco in jure & DOMINIO ipsius Ecclesiæ, ut omni
„ tempore ad jura PROPRIETATEM (*sic*) de ipsa Ecclesia ad habenden-
„ dum, tenendum etc. „. Similem formulam lego in Charta 201. Horum
vero similia habes frequenter in tomo altero Bullarii CASINENSIS, col-
lectore D. Cornelio MARGARINO.

43. Et in *Codice donationum piarum*, Auberto MIRÆO collectore Cap. 35, anno 962 a quodam Comite Monasterio Blandiniensi conceditur villa; tum adjicitur: “ Hæc omnia, sicut præfatus sum, ad idem venerabile
„ Cænobium Blandiniense trado, transfundo, atque transcribo, & DE JURE
„ MEO CEDENS EI, JURIS POTESTATISQUE DOMINIUM (*sic*)
„ ejusdem loci destino atque concedo, ut ipsi servi Dei amodo & dein-
„ ceps hæc recipiant ad utilitatis suæ profectum, habeant, teneant, possi-
„ deant etc. „.

44. Lotharius autem Lotharingæ Rex primus, Lotharii Imperatoris filius, anno 860 dat Monasterio San-Dionysiano mansum unum in hæc verba: “ Nos igitur sancto & gloriosissimo Dionysio Martyri, seu venera-
„ bili loco mansum unum AD PROPRIUM largimur, jure perpetuali
„ inibi mansurum, ac DE JURE NOSTRO ET DOMINATIONE IN
„ POTESTATEM IPSIUS LOCI tradimus atque transfundimus;
„ faciatque JURE PROPRIETARIO quidquid elegerit vel voluerit dein-
„ ceps „. Extat diploma apud MIRÆUM Cap. 2 Libri 2 Diplomatum Belgicor.

45. Carolus Crassus Imp. simili formula dono dat Curtem quandam cum parte Sylvæ Monasterio Prumiensi, in Præcepto, quod evulgavit Edmundus MARTENE col. 216 tomi I Collectionis suæ Monumentor. & Scriptor. Veterum: “ Jure perpetuo tradimus (inquit) atque DE NOSTRA DOMINATIONE IN JUS ET DOMINATIONEM IPSIUS MONASTERII
 „ donamus atque transfundimus; ea videlicet ratione, ut Rectores ipsius monasterii de supradicta curte, & tertia parte prænominatæ Sylvæ liberam
 „ ac securam habeant potestatem ordinandi, regendi, & disponendi secundum suum libitum, & utilitatem sæpe fati monasterii & Fratrum ibidem
 „ Deo famulantium „

Pares formulæ ex hoc quoque genere occurrunt frequenter in memorato Bullario CASINENSI per MARGARINUM collecto.

46. Addo nunc diploma Ottonis III Augusti primo vulgatum a MURATORIO in tomo quinto *Antiquitatum Medii Ævi* col. 647; per quod iste Imperator Leoni Episcopo Vercellensi, ejusque Ecclesiæ duas insignes Cortes, ut tunc nominabant, elargitur in hæc verba: “ Dedimus sancto Eusebio,
 „ cui Dominus Leo Episcopus præesse videtur, duas Cortes juris nostri
 „ ut tam Leo Episcopus, quam omnes sui successores habeant, teneant;
 „ quia omnino DE NOSTRO JURE, ET DE NOSTRA PROPRIETATE IN JUS PROPRIUM ET PROPRIETATEM
 „ sancti Eusebii Vercellensis Episcopi contulimus, ut omnem potestatem tam
 „ Leo Vercellensis Episcopus etc. „

47. Adeo vero res erat comperta, PROPRIETATEM bonorum in Ecclesias per Donatores pios transferri, ut aliquando cartis donationum adderetur, ne quis proprietate eadem in posterum spoliare Ecclesiam auderet. Exemplum adest mihi in alio diplomate ejusdem OTTONIS III pro donatione Curtis cum Castello facta Canonicis Ecclesiæ Parmensis; quod item primus in lucem eduxit MURATORIUS *ibidem* col. 555.

48. “ Nos (ait Imperator) interventu Sigefredi sanctæ Parmensis Ecclesiæ venerabilis Episcopi, maxime vero ob Dei omnipotentis honorem,
 „ suæ sacrosanctæ Sedi in honore gloriosissimæ Virginis, Deique Genitricis
 „ constructæ AD JUS ET PROPRIETATEM Canonica (sic) ibidem
 „ Deo modo inservientium, & in futuro succedentium concedimus etc. „

49. “ Inde præcipimus, ut nullus Dux, Marchio, Comes, Vicecomes,
 „ nullaque Imperii nostri magna parvaque persona prædictæ Ecclesiæ Canonicos DE JAM HABITA PROPRIETATE DISVESTIRE
 „ aut molestare præsumat „

50. In idem ferme recidit formula donationis anno 722 factæ Monasterio Prumiensi a Bertradana cum Chariberto filio, in tomo primo Collectionis MARTENII pag. 23: "Donamus atque transfundimus de jure nostro
 „ IN JURE ET DOMINATIONE ipsorum fervorum Dei, ut ibidem perpetualiter proficiat eis. Si quis vero contra hoc testamentum
 „ a nobis factum venire tentaverit, aut hoc IMMUTARE VOLUERIT;
 „ inprimis iram Dei omnipotentis incurrat etc. „. Bertradanam Prumienses faciunt aviam Berthæ Regis Pippini uxoris; uti in subiecta adnotatione MARTENIUS scribit.

51. Et in Libro 2 *Donationum Belgicarum* per Aubertum MIRÆUM collectarum Cap. 14 Carolus Calvus Imperator variis possessionibus Monasterium Nivellense donat; declarans: "Hæc omnia prædicti Monasterii usus,
 „ bus concedimus; eo videlicet modo, ut prædictæ res usibus fororum seu
 „ fratrum deserviant, & a nullo deinceps seniore ALITER QUAM
 „ A NOBIS DEPUTATÆ SUNT, per futura tempora VALEANT
 „ IMMUTARI „.

52. Sunt hæc argumenta apertissima PROPRIETATIS Monasteriorum & Ecclesiarum; quam iterum omni amota verborum circuitione fatentur Henricus II Lotharingiæ inferioris & Brabantiae Dux ejusque filius Henricus in diplomate anni 1247 pro Abbatia Indensi S. Cornelii, *Diplomat. Belgicor.* Auberti MIRÆI Lib. 1, Cap. 84, "consentientes, ut Venerabilis
 „ Abbas Monasterii Indensis ac ejusdem loci Conventus, QUORUM NO-
 „ SCITUR ESSE PROPRIETAS ET DOMINIUM, de dictis
 „ Wastinis possint ordinare, prout eis visum fuerit expedire „.

53. Et PROPRIETAS ea transfertur in locum illum, quem Donator elegit, & in Monachos Ordinis, qui est eo loci constitutus. Sic in præcepto sancti Henrici Imperatoris pro Monasterio Prumiensi ex anno 1020, *col. 380 tomi cit. MARTENII* dicitur: "Ad monasterium sancti Salvatoris situm
 „ in loco qui dicitur Prumea, IN USUS FRATRUM DEO INIBI
 „ SUB REGULA S. BENEDICTI servientium concessimus, & IN
 „ PROPRIETATEM DONAVIMUS, ut per omnia succedentium
 „ temporum curricula eidem Monasterio firmum atque stabile in æternum
 „ permaneat „.

54. Pari modo Godefridus Virdunensis Comes & uxor ejus Machtildis anno 979 varia prædia in Monasterium Blandiniense S. Petri transferunt in charta apud MIRÆUM *Diplomat. Belgicor. Lib. 1, Cap. 23.* "Hæc igitur
 „ omnia (ajunt) a præsentis in futurum jugi ævo possidenda, in JUS &
 „ POTESTATEM ipsius loci tradimus & transcribimus, & ipsis Dei
 „ fa-

„famulis, regularis vitæ studiis, SUB MONACHALI HABITU, in
 „eodem cœnobio Christo famulantibus, donata atque firmata esse volumus;
 „quatenus hæc etc. „. Alia hoc de genere expressiora ac luculentiora dabi-
 mus *Cap. XVII cit.*

55. Sed vide, quam aperte PROPRIETATEM eandem Monasteriorum
 testetur, & ab omni calumnia vindicet diploma Zuendeboldi Regis Lotharin-
 giæ Arnulphi Imperatoris filii (Zuenteboldum appellat HEINECCIUS
de Lotharing. Prærogativ. §. 3), datum anno 895 pro Monasterio Stabulensi,
 & a MARTENIO vulgatum in *Tomo secundo laudatæ Collection. col. 34*. Ibi
 Proprietas seu DOMINIUM DIRECTUM Monasteriorum opponitur
 USUFRUCTUI seu DOMINIO UTILI ejus, qui rem teneat in bene-
 ficium seu feudum. Locum enim, quem Lintfridus Comes habebat a Rege
 in beneficium, Rex idem Stabulensi Monasterio concedit perpetuo habendum
 JURE PROPRIETARIO. Profero verba diplomatis:

56. „Lintfridus fidelis & dilectus Comes noster adiit culmen Serenitatis
 „nostræ deprecans, ut quasdam res JURIS NOSTRI quas prius IN BENE-
 „FICIUM habuit, ad monasterium sancti Petri traderemus. Nos
 „vero concessimus præfatum locum ad idem cœnobium, ut illud
 „JURE PROPRIETARIO ÆTERNALITER consistendum (*sic*)
 „cum curtilibus & ædificiis, familiis, mansis etc. etc. „. Sed addamus ea,
 quæ aliquibus interjectis sequuntur:

57. „Jussimus quoque hoc præfens Auctoritatis nostræ præceptum inde
 „conscribi, per quod decernimus, ut præscriptus donationis nostræ locus
 „ab hodierna die & deinceps perpetuis temporibus AD ANTEDICTUM
 „MONASTERIUM IN USUS FRATRUM IBI DOMINO FAMULAN-
 „TIUM, nullo inquietante, perpetim consistat, liceatque ipsis fratribus
 „eundem locum VELUTI CETERA IPSIUS MONASTERII LOCA
 „juxta commoditatem suam possidere atque disponere etc. „.

58. Eadem forma scripta est donatio Ludovici III Germaniæ Regis
 facta Monasterio Ratisponensi S. Emmerami, quæ extat in Codice Diplo-
 matico Ratisponensi *pag. 41, partis tertie tomi I Thesauri Anecdotor. D. Ber-*
nardi PEZ: in qua Rex villulam quandam, quam Gundboldus Comes te-
 nebat in *beneficium*, sancto Emmeramo tradit in PROPRIETATEM.

59. „Tuto (ait Rex) reverendus sanctæ Ratisponensis Ecclesiæ Præsul
 „nostram precatus est Clementiam, ut quandam villulam, ad fan-
 „ctum Emmeramum donaremus. Statimque nos, consentiente
 „Gundboldo ejusdem BENEFICII possessore, præfatum villulam ad

„ Christi Martyrem Emmeramum, jure perenni delegavimus IN PRO-
 „ PRIUM Volumus, ut ipsa concessionis nostræ villula nunc &
 „ deinceps tempore perpetuo jure firmissimo sine ulla contradictione per-
 „ sonæ integritèr AD MEMORATUM DEI ELECTUM pertineat, & ir-
 „ refragabiliter consistat „ In hoc ipso Codice diplomatico Ratisponensi
 occurrunt formulæ aliæ superiorum similes; quas brevitatis gratia præ-
 termitto.

60. Neque opus est alia addere hoc loco. Plura enim reservo pro-
 ferenda *Cap. cit. XVII, num. 35--62*, ubi PROPRIETATEM cujusque
 Ecclesiæ, Sodalitatis, aut Ordinis in clara luce iterum ponemus ex aliis do-
 nationum tabulis & donatorum verbis.

Hoc solum admonéo in usus tum istius tum memorati capitis decimi
 septimi, eadem ratione eodemque modo ex publicæ politiæ norma con-
 scriptas olim fuisse a publicis Notariis DONATIONES PIAS CETERAS;
 sicuti nunc testamenta, contractus, & cetera humanæ societatis negotia so-
 lent secundum statas ac receptas FORMULAS a Notariis publicis scripto
 consignari.

Id vero cognoscere is poterit, cui formulas a MARCULFO, SIR-
 MONDO, BIGNONIO, LINDENBROGIO, & BALUZIO
 collectas, & Capitularibus Baluzianis subjectas percurrere placuerit; qui-
 bus formulis continetur modus & ratio DONATIONUM PIARUM
 veterum, testamentorum, venditionum; & aliorum contractuum, prout
 ab antiquis NOTARIIS perscribi, ac in tabulas publicas sive in acta re-
 ferri consueverunt. Ex istis, inquam, formulis id, quod affirmo, fit ma-
 nifestum.

Nam formulæ istæ, quantum ad DONATIONES PIAS attinet,
 cum nostris supra allatis consentiunt; quod argumento est, formulas supra
 allatas fuisse expressas ex istis ex politiæ publicæ præscripto.

Recte enim ac sapienter pro sua in his rebus peritia adnotavit MU-
 RATORIUS in Antiquitatib. Italic. Med. Ævi: "Sicuti nunc typis im-
 „ pressos habemus complures libros, ubi variorum instrumentorum for-
 „ mulæ pro negotiorum diversitate præscribuntur, & specimina Testamento-
 „ rum, Codicillorum, ceterorumque publicorum contractuum exhibentur;
 „ ita paria ANTIQUIS etiam fuisse præsidia, NULLAMQUE RE-
 „ GIONEM AUT CIVITATEM fuisse, cui non aliquod FORMU-
 „ LARIUM suppeteret, atque usurparetur a Notariæ artis alumnis „

“Omniū vero antiquissimū formularū ejusmodi collectorem GAL-
 „LIAM nobis servasse MARCULFUM, cujus libros illustravit erudi-
 „tissimus BIGNONIUS, eique veteres alias formulas addidit a SIR-
 „MONDO, LINDENBROGIO, atque a se ipso collectas, quas ha-
 „bemus a clariss. BALUZIO editas tom. 2 Capitularium Regum Fran-
 „corum „.

“Sed nullum dubitationi locum esse, quin & pro ITALICIS Tabel-
 „lionibus suæ forent ac peculiares FORMULARUM collectiones, quam-
 „quam eas tempus absumpsit jamdiu videatur. Antiqua vero illa Formu-
 „laria in desuetudinem abire, & sensim contemni cepisse, ex quo Roma-
 „narum Legum usus & studium seculo Christi XII magna contentione ani-
 „mi in scholis & in foro restitutum est. Sublata vero prorsus fuisse secu-
 „lo XIII, quum nempe Rolandinus Bononiensis *summam artis Notariæ* evul-
 „gavit, cujus adhuc formulæ & præcepta plurima usurpantur in publicis
 „tabulis conscribendis „.

Addit præterea MURATORIUS, “auctorem esse eundem Rolan-
 „dinum, non defuisse ITALIS alia ANTIQUA FORMULARIA;
 „sed quod ibi desiderarentur subtilitates terminorum & cautelarum, quas
 „recentiores invexerant, propterea in animum induxisse novam construere
 „ad Artem Notariam manuuctionem „.

Hæc MURATORIUS Dissertat. XII, quæ de *Notariis* inscribitur. Et si
 vero tempus forte (ut Muratorio visum est) absumpsit formularum ITA-
 LICARUM Collectiones; hic illarum interitus non effecit, ne sciremus,
 formulas piarum donationum ITALIS NOTARIIS usitatas non discrepasse
 a formulis aliarum Nationum. Non discrepasse enim videmus tum ex su-
 perioribus, tum constabit amplius ex *Capite cit. XVII*. Respondent scilicet
 italicæ donationum formulæ formulis donationum piarum Transalpinis &
 FORMULARIIS, quæ MARCULFUS & ceteri nobis servarunt; adeoque
 formularia ITALICA quoad hoc caput fuerunt Transalpinorum similia.

Ex his vero, quæ explicata sunt hætenus, quid tandem consequitur?
 Ex istis consequitur, ut quod de donationibus piis nonnullis demonstraveri-
 mus, id ad ceteras sit transferehdum: neque sit opus, Ecclesiarum singula-
 rum chartas donationum proferre, ut de Donatorum mente aut de donatio-
 num earundem ratione & modo judicemus.

De istis enim ferendum est judicium secundum alias ejusdem temporis
 & loci; quoniam secundum receptas ac PUBLICAS FORMULAS do-
 nationes omnes piæ a publicis NOTARIIS scripto consignabantur.

Itaque qui aliquas piarum donationum formulas legit, hic se legisse ceteras putet: nam omnes in summa rei conveniunt, sive omnes ad eundem aut verborum aut sententiarum modum revocantur.

*ERROR quidam insanus de PROPRIETATE bonorum
ecclesiasticorum coarguitur.*

61. Ne quis existimet, nos hoc loco munere nostro jam esse plene defunctos. Ad se enim nunc nos vocant inconsulti illi Scriptores, quos initio memoravimus; quibus (*Confermat. del Ragionam. intorno ai beni Eccl. Part. 1, pag. 152 seg., 150, 177: Dialoghi de' Morti pag. 251 -- 253*), hoc subiit in mentem dicere, redivit ac fundos Ecclesiarum a pietate Christianorum non fuisse donatos Clero, sed universitati fidelium, quatenus Laicis constat & Clericis.

62. Hinc vero Imperanti non modo horum bonorum tuitionem tribuunt; verum etiam illi facultatem asserunt eosdem fundos ac redditus a Clero ad Laicos transferendi; nixi ea ratione quod sic nihilominus bona illa adhuc maneant in Ecclesia, quæ Laicis constat & Clero, & cui revera collata fuerunt. Hæc aperta fronte scribit *Auctor Dialogorum* præsertim.

63. Unde autem probant, bona ecclesiastica fuisse dono data universitati fidelium, adeoque etiam Laicis? Probant ex eo, quia Clerici, quicquid eorum victui ac vestitui superfuerit, tenentur conferre in egenos orphanos, pupillos, viduas. Scilicet liberam bonorum ecclesiasticorum dispositionem non habere Clericos, sicuti libere atque ex arbitrio de suis bonis disponere possunt Laici.

64. Miror sane, acutum hoc inventum effugisse mentem Joannis Wiclef & Joannis Hus aut discipulorum; qui nec tantam tamen in bona ecclesiastica potestatem tribuerunt summo Imperanti; prout *ex Capite seq.* intelliges. Hoc invento evitassent, credo, quoad hoc caput damnationem Concilii generalis CONSTANTIENSIS. Sed novis hisce Doctoribus respondendum est, & brevissime quidem.

65. Nemo est, qui neget, ad Laicos pertinere proprietatem bonorum fuorum, quamvis & ipsi teneantur, æque ac Clerici, id quod superfuerit, dare pauperibus; juxta apertum CHRISTI Domini præceptum non semel in Evangelio inculcatum, perpetuamque sanctorum Patrum doctrinam, immo ipsa JURIS NATURALIS præscripta. Ergo par bonorum ecclesiasticorum proprietates immerito cæteris ecclesiasticis negaretur, etsi isti, quod superest, dare debeant pauperibus, seu egenis, orphanis, pupillis, viduis.

66. Qui autem ex adverso dicit, libere & ex arbitrio de suis bonis disponere laicos posse; hunc remittimus ad prima christianæ doctrinæ elementa addiscenda. Plura quidem ea sunt, quibus prospicere oportet Laicos, quam ea quæ prospicienda sunt Clericis. Attamen Laici æque ac Clerici, quando necessitatibus proprii status secundum LEGES modestiæ, frugalitatis ac temperantiæ CHRISTIANÆ satisfecerunt, tenentur ea quæ superfuierint, conferre in egenos, orphanos, pupillos, viduas.

67. Maneat ergo, SINGULOS quidem Clericos esse meros bonorum ecclesiasticorum administratores, minime autem Dominos: sed maneat etiam, dominium & proprietatem eorundem bonorum esse penes singulas ECCLESIAS & Sodalitates ecclesiasticas; nec magis eas per quamcunque Potestatem posse bonis suis spoliari, quam spoliari valeat privata qualibet laicorum familia.

68. At addunt acutissimi jurium Correctores, bona ecclesiastica adstricta esse legibus reparandi ædes sacras aliaque pietatis opera faciendi, ac præcipue legibus foundationum & donationum; unde colligunt, ad Ecclesias non pertinere eorundem bonorum dominium & proprietatem.

69. Ego vero eos admonebo, familiarum quoque laicarum hæreditates & bona variis legibus ac vinculis esse frequenter adstricta, aut erga familias alias, aut erga aliquem de ipsa familia, aut erga defunctos, vel erga alios; & hætenus tamen nemini in mentem venit, ulli laicorum familiæ ob huiusmodi onera & vincula proprietatem bonorum abrogare; ergo neque erit Ecclesiis abroganda propter ulla leges ac vincula, quibus redditus earum ac fundi teneantur.

70. Sed huiusmodi homines negligamus; id unum eos monere contenti, ne nimium ludant (ut faciunt) in nomine tutoris Ecclesiæ, quo Princeps potitur; & ne tutorem istum ad leges tutorum civilium exigant: nam secus erunt absurdi & ridiculi: cum notum sit, eam fuisse, & esse solere tutorum civilium potestatem, ut pupillus sine tutoris auctoritate nec possit promittere, donare, commodare, remittere, tradere, nec possit contractus emptio-nis, venditionis, locationis, conductionis, mandati, depositi, in scio tutore inire, ex quibus ipse pupillus obligatus maneat. Nota hæc sunt ex Institutionibus JUSTINIANI *Lib. 1, tit. 21*; sed adire etiam juvabit HEINECCIUM in hunc ipsum titulum *tom. 5 Oper. part. 1, edit. memoratæ*.

71. Absit ergo, ut Principes piissimi pravis istorum vel similium assentationibus inducantur ad violanda jura & PROPRIETATEM Ecclesiarum in sua bona. Curent profecto pro sua pietate Principes, ut Clerici laicis exemplo præeant in christiano bonorum ecclesiasticorum usu; ita tamen

D d

ut

ut laicis criminatoribus non faciles statim aures præbeant; immo nec proprio etsi sapientissimo fidant iudicio: sed antequam aliquid in administratione ecclesiastica innovandum præcipiant, Clericos ipsos administratores audiant, utpote quibus ecclesiasticæ administrationis rationes ac causæ magis sunt perspectæ, quam ceteris. Scilicet non raro contingit, ut malignis aut ignavis id inordinatum appareat, quod revera non est; & hinc falso apud Principem crimentur administratores Clericos.



C A P U T X V.

Longe abest, ut Imperanti liceat Reditus, Prædia ac Fundos Ecclesiarum a Clericis transferre ad Laicos, vel FISCO Regio addicere: ubi ERRORER de Reditibus & Fundis Ecclesiarum referuntur; & Errorum istorum proscriptio ab ECCLESIA facta narratur.

I. **A**D vindicandam Ecclesiis PROPRIETATEM reddituum ac prædiorum, quibus illæ a pietate fidelium donatæ sunt, *Cap. super.* verba fecimus hominibus, quatenus ratione utuntur, seu solo naturali lumine præditi sunt. At *hoc Cap.* ad eandem Ecclesiarum proprietatem vindicandam, loquemur CATHOLICIS, qui ut veri Ecclesiæ filii sint parati vocem ECCLESIAE audire ac sequi.

2. Scilicet hoc loco mihi propositum non est, nisi ERRORER narrare, invecos ab Hæreticis & a Schismaticis adversus DOMINIUM rerum ac fundorum Ecclesiæ; ac primigeniis ex fontibus docere, quam sententiam adversus errores eos ECCLESIA Catholica tulerit.

3. Ex quibus quidem cuique deinde licëbit de hodiernis christianæ politices hostibus ac everforibus judicare, quorum minuti libri, erroribus solum ac audacia grandes, typis dati hisce postremis annis fuere.

I. ARNALDUS *Brixienfis*.

4. " Arnaldus (scribit OTTO Frisingens. Episcop. de gestis Friderici Imp. Lib. 2, Cap. 21), ex Italia civitate Brixia oriundus, ejusdemque Ecclesiæ Clericus, ac tantum Lector ordinatus, Petrum Abailardum olim Præceptorem habuerat "

5. " Is a studio a Gallis in Italiam révertens religiosum habitum, quo amplius decipere posset, induit Dicebat nec Clericos proprietatem, nec Episcopos Regalia, nec Monachos possessiones habentes, aliqua ratione salvari posse. Cuncta hæc Principis esse, ab ejusque beneficentia in usum tantum laicorum cedere oportere. Præter hæc de Sacramento Altaris, Baptismo parvulorum non sane DICITUR sensitse "

6. " In magno (*Lateranensi* 2) Concilio Romæ sub Innocentio (*secundo*) habito accusatur. Romanus Pontifex, ne PERNICIOSUM DOGMA ad plures serperet, imponendum viro silentium decernit: sicque factum est,, Hæc & alia de Arnaldo OTTO Scriptor coævus; secundum editionem Muratorii in Tomo sexto *Scriptor. Rer. Italicar.*

7. Fateor vero, in Lateranensi generali Concilio II habito anno 1139 Innocentio II Pontifice, nullam reperiri apertam Arnaldi damnationem. Si summam doctrinæ spectes; ad rem facere aliqua parte posset Canon 25, qui sic se habet in tom. 12 Concilior. edit. Ven. Colet. col. 1505: " Si quis præposituras, præbendas, vel alia ecclesiastica beneficia de manu laici acceperit, indigne suscepto careat beneficio. Juxta namque decreta sanctorum Patrum, LAICI, quamvis religiosi sint, NULLAM tamen habent disponendi DE ECCLESIASTICIS FACULTATIBUS POTESTATEM,, Cujus Canonis secunda pars consentit cum Canone 4 Concilii Lateranensis I, quod anno 1123 a Callisto II celebratum est.

8. Qui idem Canon quartus apud Stephanum BALUZIUM in Additione ad Caput 21 Libri 8 de Concord. Sacerd. & Imperii inter hujus Lateranensis I Concilii Canones ab eo recusos *ex pervetusto Codice MS. Monasterii Anianensis in prima Narbonensi*, est octavus. Damus nos tamen illum ex tomo allegato 12 Concilior. col. 1333. " Juxta beatissimi Stephani Papæ sanctionem statuimus, ut LAICI, quamvis religiosi sint, NULLAM tamen de ecclesiasticis rebus aliquid disponendi habeant facultatem; sed secundum Apostolorum canones omnium negotiorum ecclesiasticorum curam Episcopus habeat, & ea velut Deo contemplante dispenset ,,"

9. " Si quis ergo PRINCIPUM, aut laicorum aliorum, dispensationem, vel donationem rerum sive POSSESSIONUM ecclesiasticarum

„ sibi vindicaverit, ut SACRILEGUS judicetur „. Legit BALUZIUS ex Codice Anianensi: *Si quis ergo Principum aut aliorum vel laicorum dispositionem, vel donationem rerum etc.* Sed mendosa lectio certe est.

10. Etsi vero recitatus ARNALDI error non inveniatur damnatus manifeste in Lateranensi II Concilio; nihil tamen adjumenti ex hoc capere quispiam potest; quasi Concilio visum sit, erroribus Arnaldi ceteris damnatis, hunc præterire. Etenim nec alius quispiam Arnaldi error in hoc Concilio commemoratus invenitur aut damnatus.

11. Quare non erat, cur quidam jactaret (*Ragionam. intorno ai Beni Eccles. pag. 36 - - 39*), Lateranense Concilium II damnassee quidem errores Arnaldi reliquos. At illis damnatis eum tanquam parvi momenti præterisse, qui fert, „ nec Clericos proprietatem, nec Episcopos regalia, nec monachos „ possessiones habentes, aliqua ratione salvari posse. Cuncta hæc Principis „ esse ab ejusque beneficentia in usum tantum laicorum cedere oportere „.

12. Intelligi sane non potest, unde ille ista didicerit, aut discere unde potuerit; præcipue cum admodum incertum sit, an quo tempore illud Lateranense Concilium est habitum, alium errorem ARNALDUS disseminaret præter eum, de quo diximus. Eos igitur errores damnare in Arnaldo Lateranenses Patres non potuere, quos tunc nondum cæperat spargere: damnassee autem, ex actis illis Concilii quæ supersunt, vel etiam ex scriptoribus ARNALDO coævis, doceri a nemine poterit.

13. Quæ vero fuerit Pontificum & Scriptorum illius ætatis de recitato Arnaldi ERRORE sententia; quod item sancti BERNARDI judicium de Arnaldo; satis jam notum est, & plenius docemur a Natali ALEXANDRO in *Hist. Eccl. Sec. XI & XII, Cap. 4, Art. 8*, & a MAMACHIO *Del Diritto libero Lib. 1, Cap. 5, §. 2 - - 6, pag. 331 - - 346 tom. 1.* Et in decursu præterea *hujus Capituli* multo fiet exploratius; quid de errore illo sentire Catholicos universos oporteat.

II. MARSILIUS Patavinus, & Joannes de JANDUNO.

14. Natalis ALEXANDER *Hist. Eccl. Sec. 13 & 14, Cap. 3, Art. 13* scribit, „ Marsilius de Menandrino Patavinus, & Joannes Jandunus Perusinus, Aristotelici magis quam CHRISTIANI, Politici magis quam Catholici, venales calamos Ludovico Bavaro schismatico Imperatori adversus Joannem XXII P. Max. & ecclesiasticam auctoritatem commodarunt. „ Marsilius pestiferum librum de Jurisdictione Imperiali & Pontificia anno „ 1324 ipsi nuncupavit, quem inscripsit *defensorem pacis*, cui etiam confarci- „ nando damnatissimam operam JANDUNUS impendit „.

15. *Hos errores homines impii propugnarunt*, I. Christum Dominum, quando solvit tributum Cæsari, id ex necessitate & obligatione non ex pietate fecisse, quod res ejus temporales Imperatori subessent: ex quo inferebant, res Ecclesiæ temporales ita Imperatori subjectas esse, ut velut suas pro libitu repetere illas possit VII. Ecclesiam bona temporalia possidere non posse. XII. Principis esse numerum Ecclesiarum sacrorumque Ministrorum decernere, & beneficia ecclesiastica conferre; Religiosos Ordines approbare, de rebus temporalibus ad PIAS causas destinatis disponere

16. "Errores præcipuos erudite ac prolixè refellit JOANNES XXII „in sententia illa sua, quam apud Odoricum Raynaldum ad annum 1327 „num. 27 legere est „ Hæc P. ALEXANDER.

17. Hæc Joannis XXII constitutio ad annum memoratum RAYNALDI tenet numeros 28--35, pag. 326 etc. tomi 15, edit. Colon. Agrippin. 1691. Pauca hæc damus ex ea: "In primis itaque isti viri reprobi (ait Pontifex) „dogmatizare præsumunt, quod illud, quod de Christo legitur in „Evangelio B. Matthæi, quod ipse solvit tributum Cæsari, quando staterem „sumptum ex ore piscis, illis, qui petebant didrachma iussit dari, hoc fecit „non condescensive e liberalitate suæ pietatis sed necessitate coactus”

"Ex prædicto autem dicto suo nituntur concludere præfati viri reprobi, quod omnia temporalia Ecclesiæ subsunt Imperatori, & ea potest accipere velut sua. Videntur enim supponere, quod ex hoc, quod Christus tributum solvit ex debito, res temporales ejus Imperatori subessent; & per consequens, quod res Ecclesiæ temporales sint Imperatori subjectæ, & eas possit recipere velut suas. Quæ quidem conclusio nullatenus ex præmissis sequitur, nec sequi potest etiam apparenter”

Secundo isti filii Belial dogmatizare præsumunt etc. pergit Pontifex; & quinis schismaticorum illorum articulis recitatis ac sermone prolixo confutatis; sententiam adversus eos subjicit edicens:

"Articulos prædictos, videlicet quod illud, quod de Christo legitur in „Evangelio beati Matthæi, quod ipse solvit tributum Cæsari, quando staterem sumptum ex ore piscis, illis, qui petebant didrachma iussit dari, hoc fecit non condescensive & liberalitate suæ pietatis, sed necessitate coactus; item etc.; velut S. Scripturæ contrarios & fidei catholicæ inimicos, hæreticos, seu hæreticales & erroneos; necnon & prædictos MAR-SILIIUM & JOANNEM (Jandunum) HÆRETICOS, immo hæresiar-chas fore manifestos & notorios sententialiter declaramus, Si quis

„ doctrinam prædictam defendere, vel approbare præsumpserit ;
 „ tanquam HÆRETICUS ab omnibus confutetur „.

18. Pergit autem RAYNALDUS num. 36 ibid.: *Alvarus Pelagius in libro de planctu Ecclesiæ Lib. 1, Cap. 68 duas alias hæreses insuper MARSILIUM commisisse memorat his verbis: Dicit enim ille perfidus Marsilius, quod etc. Insuper quod dicit ille impius, subdolos, & sophista, quod Ecclesia temporalia habere non potest, falsum est, quia nedum laici, sed etiam Clerici possunt habere temporalia & proprium. Sed illa de antiqua hæresi traxit; hi sunt enim hæretici, qui condemnant proprium habentes in hoc mundo, 24 quæst. 3. Quidam versic. Apostolici. Alii etiam sunt, qui dicunt, quod a tempore Silvestri Papæ, qui recepit donationem a Constantino, de qua 96 di. Constantinus, Ecclesia non fuit in statu salutis.*

19. Sed mentita est iniquitas sibi; nam Ecclesia primitiva habebat pecunias & proprium in communi. Deinde fideles dederunt eis possessiones, quæ in ditione Episcoporum consistunt, 12. q. 1. *Videntes*, de prædiis Ecclesiarum, 12. q. 2, quasi per totum. Quod autem & Episcopi & alii Clerici possint habere proprium in speciali, qui religiosi non sunt, clarum est etc.

20. *Sparsi sunt* (subdit RAYNALDUS num. 37), *præter memoratas hæreses plures alii errores in venenatis MARSILII libris etc.* Adeas, si placeat, Tomum 3 Bibliothecæ Maximæ pontificiæ pag. 244 - - 251, ubi in citato Capite 68, Libri 1 *de Planctu Ecclesiæ* plura legere poteris ab ALVARO PELAGIO Episc. Sylvensi in Lusitanorum Algarbiis scripta adversus multiplices MARSILII Patavini errores.

III. WALDENSE.

21. Joannes de POLEMAR Archidiaconus Barcinonensis, apostolici Palatii caesarum auditor in oratione, qua civile dominium Clericorum in BASILEENSI Concilio anno 1433 defendit adversus Bohemos, scribit tom. 17 Concil. edit. cit. col. 1216: “ Fuit quidam Cancellarius Parisiensis, „ qui sic initiat suum tractatum: Error Waldensium fuit, successori- „ bus Apostolorum, videlicet Papæ & Prælati ecclesiasticis repugnare do- „ minium in temporalibus, nec eis licere habere divitias temporales „ Hanc opinionem erroneam omnes putant . . . Prælati enim Ecclesiæ non „ repugnat habere dominium in temporalibus & jurisdictionem „. Hæc, nec multo plura Polemarius de hac re.

22. Natalis vero ALEXANDER Hist. Eccl. Sec. XI & XII Cap. 4, Art. 13, §. 2 hos Waldensium errores circa ecclesiastica temporalia bona recenset: XIII. *Dectimas solvendas non esse: siquidem Ecclesiæ primitivæ non solvebantur.* XIV. *Clericos possessiones habere non debere, secundum illud Deuteronomii 18: Non habebunt Sacerdotes etc.* XV. *Clericos & claustrales præbendas habere non debere.* XVI. *Episcopos & Abbates jura regalia obtinere non posse.* XVIII. *Malum esse fundare dotareque Ecclesias & claustra. Item non esse condenda Ecclesiis testamenta etc.* Lege sis ibidem & §. 7 de Waldensium damnatione & impugnatoribus.

IV. WICLEFI Errores postremi, & Errorum fundamenta.

23. Joannes WICLEF Anglus, Doctor Theologus, Ecclesiæ de Luthleworth Lincolnienfis Diæcesis Rector docuit articulo 10 inter eos, quos Synodus CONSTANTIENSIS Sess. 8 damnavit, *contra Scripturam sacram esse, quod viri ecclesiastici habeant possessiones.* Articulo 32: *Ditare Clerum esse contra regulam Christi; & horum similia in articulis reliquis.*

24. Sed considerandus in primis est articulus 16, qui sic est: *Domini temporales possunt ad arbitrium suum auferre bona temporalia ab Ecclesia, possessionatis habitualiter DELINQUENTIBUS, id est, ex habitu, non solum actu delinquentibus.* Vid. Concil. tom. 16, col. 120 seq. edit. Ven. Colet.

25. Hoc articulo 16 recitato subjungit Natalis ALEXANDER Hist. Eccl. Sec. 13 & 14, Cap. 3 cit. Art. 22, §. 3: “Facilitatem revocandi do-
,, nationes & rescindendi dotationes Ecclesiarum colligebat Wiclefus ex jure
,, Regaliæ, quo Rex Angliæ fruebatur,,: Constat, *inquit*, ex Regalia Regis Angliæ, quod decedente Episcopo vel Abbate, aut quocunque notabiliter dotato de Anglia, temporalia ejus ad denotandum Regalia Regis cadere debent in manum ejus: & non procedetur ad electionem, nisi obtenta Regis licentia, nec habebuntur ab electo mortificata Regni dominia, nisi Rege noviter approbante.

26. Contineat ergo se Rex ab innovatione delicti, maxime Progenitorum suorum, & in brevi erit totum Regnum purgatum a mortificatione stolidi bonorum temporalium, quæ jam sunt in manu mortua. *Hæc Hæresiarcha apud Thomam Waldensem.*

V. WICLEFI Errores PRIMI. Dammati.

27. Ceterum Wiclefus ab initio errores suos aliquanto aliter ac lenius, proposuerat; quemadmodum videre licet in Epistola GREGORII XI. ad Archi-

Archiepiscopum Cantuariensem, & Episcopum Londinensem de iisdem erroribus (sunt autem universim XIX) data anno 1377, quam habes in tomo XV Concilior. edit. cit. col. 917 - - 919.

28. Ad rem nostram faciunt articuli hujus Epistolæ *sextus*: "Si Deus,, est, domini temporales possunt legitime ac meritorie auferre bona fortunæ,, ab Ecclesia DELINQUENTE,,," *septimus*: "Numquid Ecclesia est in,, tali statu vel non, non est meum discutere, sed Dominorum temporalium,, examinare, & posito casu confidenter agere, & in pœna damnationis,, ejus temporalia auferre,,," *decimus septimus*: "Licet Regibus auferre temporalia a viris ecclesiasticis ipsis abutentibus habitualiter,,," *decimus octavus*: "Sive Domini temporales, sive sancti Papæ, sive Sancti, sive caput,, Ecclesiæ, qui est Christus, dotaverint Ecclesiam bonis fortunæ vel gratiæ,, & excommunicaverint ejus temporalia auferentes; licet tamen propter,, conditionem implicitam DELICTO proportionatam eam temporalibus,, spoliare,,."

29. Hos vero cum ceteris primos Wiclefii errores GREGORIUS XI ex Cardinalium consilio (ait ALEXANDER art. 22, memor. § 6, num. 1) damnavit. Wiclefii dogmata pleraque cum damnatis Marsilii Patavini & Tanduni erroribus congruere monuit in literis ad Anglos datis, quæ in memorato XV tomo Concilior. editæ sunt col. 914 - - 917. Sunt autem epistolæ duæ; & utraque inscribitur *Archiepiscopo Cantuariensi, & Episcopo Londoniensi*.

30. Idem Pontifex in alia supra citata Epistola affirmat, Wiclefii conclusiones non solum esse erroneas in FIDE; sed si bene advertatur, innuunt, ait, omnem destruere POLITIAM.

31. Regni Comitiiis sive Parlamento Londini anno 1382 congregato, has inter ceteras Propositiones Wiclefus obtulit: *Secundam*: "Quod nec,, curiæ Romanæ, nec Avenionicæ, nec alicui exteræ emittatur Regni pecunia, nisi doceatur hoc esse debitum ex Scriptura,,." *Quintam*: "Quod,, Regni communitas non oneretur tallagiis infuetis, antequam totum patri- monium, quo Clerus dotatur, deficiat. Patet quia omnia ista sunt bona,, pauperum charitative exponenda ad eorum egentiam, vivente Clero in,, perfectione primariæ paupertatis,,."

32. *Sextam*: "Quod quocunque Episcopo vel Curato dotato de Anglia,, in contemptum DEI notorie incidente, nedum liceat Regi, sed teneatur,, sua temporalia confiscare,,."

33. "Has Wiclefii propositiones (ait Natal. ALEXANDER §. 6 annotat. num. 10),, refert Walsinghamus in Richardo secundo. Illas Anglicani,, Proceres, ut par erat, REJECERUNT,,."

34. Anno vero 1388 Rex, ut idem ALEXANDER narrat, libros Wiclefi & sequacium proscripsit, ac igni tradi iussit; erroresque propugnari prohibuit.

35. Habetur in tomo 15 Concilior. citato col. 961 sub anno 1382 ejusdem RICHARDI Regis edictum, datum ad preces Willelmi de Courtenay (de quo dicemus num. 39 - - 43), per quod auxilium coercionis secularis adversus Wiclefitas concedit, ac Regiis Ministris mandat, ut Episcoporum petitionibus obsequantur, quoties fuerint ab istis requisiti contra defensores errorum, quos Courtenayus cum Suffraganeis in Synodo Londinensi damnaverat.

36. *Wiclefistas edictis suis* (pergit ALEXANDER) *pariter infectati sunt & coercuerunt Henricus IV & Henricus V Reges, ut Nicolaus Harpsfeldius in Historia Wiclefiana Cap. 17 observat; Unus, inquit, ex præcipuis scopis quo Wiclefiani collimabant, ille erat, ut possessiones omnes Clero excuterent, atque in summa illum egestate constituerent*

37. Jactabant itaque temporales Ecclesiæ possessiones, quas monastici Viri, & alii ex Clero, male & perditæ (ut isti aiebant) collocabant, posse insignem & incredibilem Regi Regnoque fructum afferre. Possè ex his emolumentis 15 comites, 1500 Equestris Ordinis homines, duo millia armigerorum (ut appellamus) ad reipublicæ defensionem atque tutelam foveri. Possè præterea centum pauperum hospitia ædificari, præter viginti mille librarum annuos proventus qui Regio Fisco accederent. Hoc certe fuit novum SUB PIETATIS SPECIE aucupium, quo Reges facile irretiendos existimabant

38. Sed privatis REGES compendiis Dei & Ecclesiæ honorem profusa sua pietate prætulerunt HENRICUS præterea uterque Wiclefianorum insolentiam SEVERISSIMIS LEGIBUS coercuit. Henricus Pater maximorum comitiorum auctoritate constituit & sancivit etc. etc.

VI. Iterum de WICLEFI erroribus POSTREMIS; & de variis sententiis adversus eos latis.

39. Ut ad errores Wiclefi postremos, quos Constantiense Concilium damnavit, redeamus: eos anno 1382 commemorato notaverat jam Synodus Londini habita in conventu FF. Prædicatorum a Primate Cantuariensi Guillelmo Courtenayo seu de COURTENAY & septem Episcopis, cum omnium ordinum Theologis ac juris canonici Doctoribus.

40. Eorum errorum aliquos proclamavit *hæreticos & determinationi Ecclesie repugnantes*; alios erroneos & *determinationi Ecclesie repugnantes*. Ad primum genus pertinet ille: *Est contra Scripturam sacram, quod Viri ecclesiastici habeant possessiones temporales*.

41. Alteri generi Synodus annumerat illum: *Domini temporales possunt ad arbitrium auferre bona temporalia ab ecclesiasticis habitualiter DELINQUENTIBUS; & populares possunt ad arbitrium Dominos delinquentes corrigere*. Habes hanc Synodum in tomo 15 Concilior. edit. memor. col. 951 - - 962.

42. Hac ipsa in Synodo habita est quæstio in Nicolaum Hereford, Philippum Rapyngdon Canonicum regularem, & Joannem Ayshton, WICLEFI discipulos. Priores duo vocibus ambiguis errores ex propositis præcipuos ejurarunt; hinc datis induciis jussi sunt fidem suam clarius profiteri.

43. Tertius petulantius respondit; ac hæreseos statim convictus atque damnatus est. HEREFORDIUS & Rapyngdonius articulum illum: *Est contra Scripturam*, in prima declaratione sic explicaverunt: "Afferere quod
,, est contra Scripturam sacram, quod viri ecclesiastici habeant possessiones
,, temporales, adjuncta pertinacia, concedimus quod EST HÆRETI-
,, CUM,,. Ad aliud caput, *Domini temporales*, sic exposuerunt: "Quod
,, Domini temporales possunt ad arbitrium eorum auferre bona temporalia
,, ab ecclesiasticis habitualiter delinquentibus; concedimus quod EST ER-
,, ROR, ad hunc sensum, quod possunt LEGITIME sic auferre bona
,, temporalia ecclesiasticorum extra casus limitatos in legibus ECCLESIAE
,, & regnorum,,.

44. Ad Concilium Londinense, anno 1396 celebratum a Thoma ARUNDELIO Cantuariensi Archiepiscopo cum Suffraganeis, mortuo WICLEFO, inter articulos alios XVIII excerptos ex *Trialogo Wiclefi* delati sunt & isti:
"XI. Numerorum 18 & Ezechielis 44 præcipitur simpliciter negative, quod
,, nec Sacerdotes Aaronitæ, nec Levitæ habeant partem hæreditatis cum
,, aliis tribubus, sed quod pure vivant de decimis & oblationibus. XII. Non
,, est major hæreticus vel Antichristus, quam Clericus qui docet, quod lici-
,, tum est Sacerdotibus & Levitis legis gratiæ dotari cum possessionibus tem-
,, poralibus: & si aliqui ex prævaricatione in lege Dei sunt hæretici, apostata,
,, vel blasphemi, sunt illi Clerici, qui hæc docent. XIII. Non solum
,, domini temporales possunt auferre bona fortunæ ab Ecclesia habitualiter
,, DELINQUENTE: non solum eis hoc licet, sed debent hoc facere
,, sub pœna damnationis æternæ,,.

45. En autem censuras ad hos articulos a Londinensi ARUNDELI Concilio datas. “*XI* articulus pro HÆRESI condemnatus. *XII* articulus pro ERRORE condemnatus. *XIII* articulus, ut HÆRETICUS in suo universali intellectu condemnatus,, Hæc extant in Tomo 15 Concilior. cit. col. 999 -- 1002.

46. Prætermitto hic mentionem facere Decreti, quod anno 1413 sanxit Joannes XXIII in Synodo Romana contra libros Joannis WICLEFI, *dialogum, trialogum, & alios plures*, eorumque doctrinam; & adversus eos, qui hos libros legerint, *exposuerint, docuerint, vel tenuerint*. Nam in hoc Decreto articuli speciatim non indicantur; sed generatim de libris & doctrina sententia fertur. Illud habes in Tomo Concilior. allegato col. 1379 -- 1382. Lege sis ibi & Concilium Londinense anno eodem habitum adversus Wiclefi sectatores a laudato ARUNDELIO.

VII. SENTENTIA Concilii Oecumenici CONSTANTIENSIS contra POSTREMOS WICLEFI Errores.

47. Synodus CONSTANTIENSIS (quod num. 23 commemoravimus) Sess. VIII errores WICLEFI quadragintaquinque proscripsit. Sed sententiam prolatura præmonet in primis, quomodo eosdem “Reverendissimi Patres, tres Archiepiscopi, Episcopi, pro tempore CANTUARIENSIS & Eboracensis Sedis Apostolicæ Legati in Angliæ, & Pragensis in Bohemiæ Regnis, condemnarunt,,

48. Tum subdit iis suo jussu examinatis, “repertum esse (prout in veritate est) aliquos & plures ex ipsis fuisse & esse notorie hæreticos, & a sanctis Patribus dudum reprobatos; alios non catholicos, sed erroneos; alios scandalosos & blasphemos, quosdam piarum aurium offensivos, nonnullos eorum temerarios & seditiosos,,

49. “Propterea in nomine Domini nostri Jesu Christi hæc sancta Synodus, ait, SENTENTIAS prædictorum ARCHIEPISCOPORUM RATIFICANS & approbens prædictos articulos & eorum quemlibet reprobat & condemnat; inhibens omnibus & singulis Catholicis sub ANATHEMATIS interminatione, & ne de cetero dictos articulos, vel ipsorum ALIQUEM audeant publice prædicare, dogmatizare etc. ,,

50. Anno vero 1418 VIII Cal. Martii per tempus Sessionis Constantiensis XLI, Martinus V. anno Pontificatus sui 1, sacro approbante CONCILIO per Constitutionem: *Inter cunctas*, commisit omnibus Archiepiscopis & Episcopis,

pis, ut “ tamquam HÆRETICOS judicarent, & velut hæreticos seculari
 „ Curiae relinquerent *eos, qui ARTICULOS* seu libros & doctrinas hære-
 „ siarcharum Joannis WICLEFI, & Joannis HUS, & Hieronymi, per Con-
 „ stantiensem Synodum cum suis auctoribus damnatos, tenere, credere &
 „ dogmatizare præsumperint; & ut omnes infamatos seu suspectos
 „ de tam pestifera labe ad singulos articulos (Wiclefi & Hussi)
 „ juxta infra scripta interrogatoria ad quemlibet articulum convenientia re-
 „ spondere compellant „.

51. Inter reliqua autem interrogatoria hæc ad rem nostram faciunt:
 “ Utrum credat, quod liceat personis ecclesiasticis absque peccato hujus
 „ mundi habere possessiones & bona temporalia. Item utrum credat, quod
 „ LAICIS ipsa ab eis auferre potestate propria non liceat; immo quod sic
 „ auferentes, tollentes & invadentem bona ipsa ecclesiastica, sint tanquam
 „ SACRILEGI puniendi, etiam si MALE VIVERENT personæ ec-
 „ clesiasticæ bona hujusmodi possidentes „.

52. “ Item, utrum credat, quod hujusmodi ablatio & invasio cuicum-
 „ que Sacerdoti etiam MALE VIVENTI temere vel violenter facta
 „ vel illata inducat SACRILEGIUM „. Vid. Concilior. tom. 16 edit.
 Ven. Colet. col. 751 - - 765; & ibid. col. 1482 *Concilii Oecumenici Constan-*
tienfis Factos ab Hermanno Von der Hardt in compendium contractos.

53. Recte igitur a Natali ALEXANDRO in *Hist. Eccl. Sec. 15* & 16
Cap. 2, Art. I, §. 3, num. 18 ad hanc rem adnotatum fuit; “ Hussitarum (&
 Wiclefitarum) „ hæresim damnavit rursus (post Constantiense Concilium)
 „ Martinus V, seu damnationem a Synodo Constantiensi factam promulgavit
 „ & executus est, formamque habendæ in ipsos quæstionis Archiepiscopis,
 „ Episcopis & Inquisitoribus hæreticæ pravitatis encyclicis literis, quæ inci-
 „ piunt: *Inter cunctas*, datis Constantiæ octavo Kalendas Martii anno 1418 „.

VIII. HUSSITÆ & Joannes HUS. Sententiæ Theologorum Constantiensium de WICLEFITARUM Erroribus.

54. Notum est, HUSSITAS Wiclefitis in plerisque erroribus adhæsisse.
 Hinc Martinus V. (quod *num. 50 - - 52* vidimus) utrosque simul damnandos
 censuit. Et Synodus CONSTANTIENSIS sicut errores Wiclefitarum
 Sessione VIII proscripserat, ita HUSSITIS anathema intulit Sessione XV.

55. Sunt in tomo 16 cit. Concilior. col. 244 isti HUSSITARUM
 errores circa dominium bonorum ecclesiasticorum: “ Dominus Papa, Epi-
 „ scopi

„ scopi, omnes Religiosi vel puri Clerici titulo perpetuæ possessionis dotati
 „ debent renunciare illis in manibus brachii secularis: Quod si pertinaciter
 „ noluerint, per seculares debent regi. Non est major hæreticus vel Anti-
 „ christus, quam ille Clericus, qui docet, quod licitum est Sacerdotibus &
 „ Levitis legis gratiæ dotari in possessionibus temporalibus „.

56. Tandem: “ Non solum possunt domini temporales auferre bona
 „ Ecclesiæ ab habitualiter DELINQUENTIBUS: nec solum hoc eis licet,
 „ sed debent hoc facere sub pœna damnationis æternæ „.

57. Sequitur autem *ibi col. 246* sententia ei fere per omnia similis, quam
 ex Sessione VIII describebam *num. 47 - - 49*. Ista acta sunt anno 1415.

58. Biennio ante, id est anno 1413 “ Sacra Facultas Parisiensis (ait
 Natalis ALEXANDER Hist. Eccl. Sec. 15 & 16, Cap. 2, Art. 1, §. 3,
 cit. num. 6) “ Auctore Gersone Cancellario, Joannis HUS errores ex illius
 „ Tractatu de Ecclesia excerptos damnavit. Hos articulos & censuram sin-
 „ gulis inustam refert Auctor hæreticus Historiæ Joannis Hus, initio ejus
 „ Operum editæ „. Hæc ALEXANDER. Do autem articulum. *Quod*
ecclesiastici MALE VIVENTES possunt & debent per laicos coerceri per sub-
tractionem decimarum, & aliorum emolumentorum temporalium. En censuram Fa-
 cultatis; *Error perniciosissimus & scandalosus, ad SACRILEGIA perpetranda*
seculares inducens, & ecclesiasticam subjiciens libertatem.

59. In Appendice Concilii Constantiensis *num. XXII col. 846 - - 870*
tomi 16 Concilior. habemus Theologorum Constantiensium brevem censuram XLV
articulorum WICLEFII. 1415 in Concilio proditam. Et ibid. num. XXIII
col. 870 - - 939 extat Theologorum Constantiensis Concilii diffusa condemnatio XLV
articulorum WICLEFI. Ex his articulis, decimum & decimum sextum jam
num. 23 & seq. protulimus; & sic exordiantur: Contra Scripturam; & Domini
temporales.

60. Auctores itaque censuræ brevioris ita de Articulo X censent; “ Ista
 „ conclusio est erronea & seditiosa. Sacra enim Scriptura non contradicit....
 „ Legimus de Christo, quod ipse habuit loculos. Item 1 Corinth. 3, & ad Tit. 1:
 „ Oportet Episcopum esse bene præpositum domui suæ, & esse hospitem,
 „ quod esse non posset, nisi domum & hospitium possideret. Unde Augu-
 „ stinus ad Bonifacium, ubi loquens de se etc. Item est seditiosa & incitatoria
 „ secularium ad recipiendas possessiones Ecclesiasticorum & Clericorum „.
Vid. loc. cit. col. 850.

61. At in proluxiori censura ad eundem Articulum X ita lego: “ Iste
 „ articulus est contra legem divinam. Nam secundum legem divinam Clerus
 „ veteris legis habebat 48 civitates etc. Nec populus christianus minus debet

„offerre Domino sacrificia, oblationes, consecrare agros, possessiones & similia. . . . Nec clericatus novæ legis est minus idoneus habere sacrificia, oblationes, decimas Domini, possessiones consecratas. Nam & Episcopum oportet esse hospitalem etc. Est igitur prædictus Articulus „HÆRETICUS,,. *Vid. col. 883.*

62. Ad XVI Articulum, *Domini temporales*, venio. De hoc Articulo sic Censor primus judicat col. 853 tomi 16 alleg.: „Ista assertio invitat „Dominos temporales ad avaritiam, rapinam & SACRILEGIA, contra „bonos mores. Nam viri ecclesiastici possunt habere bona temporalia. . . . „Qui auferunt bona temporalia ab Ecclesia., nocent etiam PAUPERIBUS, quod est crudele,,.

63. Censor vero alter Articulum hunc 16 appellat „HÆRETICUM „errorem, *cum* ei Scriptura sacra contrarietur; & *quia* bona Ecclesiæ sunt „specialiter bona DEI. . . . SACRILEGIUM est subtrahere bona ecclesiastica Domino, & suo divino juri, auferendo ea ab ECCLESIA,,.

64. „Consecrantur autem & sanctificantur talia bona temporalia Domino, „institutione (id est, *sine*), possessione, per verbum Dei principaliter, active, „& per orationem Ecclesiæ ministerialiter, impetrative. Error prædictus obviat directe sacre Scripturæ. Nam Levit. ultimo dicitur: *Omne quod Domino consecratur* etc. Et in eodem capitulo dicitur post alia: *Possessio consecrata ad jus pertinet Sacerdotum*,,.

65. „Christus Dominus Deus est Rex, habens regnum ecclesiasticum „super terram, ad cujus regni coronam pertinent bona temporalia Domino „consecrata. Et cum servi talis Domini, scilicet CLERICI, sunt „officiales & MINISTRI ecclesiastici in illo regno, possessio consecrata „pertinet ad jus talium.; & non pertinet ad jus temporalium Dominorum, quia tales non sunt ministri & officiales ecclesiastici. Per „consequens administratio ac DISPENSATIO talium bonorum temporalium Ecclesiæ suæ, ad officiales & Ministros ecclesiasticos pertinet; „non ad Dominos temporales,,.

66. Ultimo loco Auctor istius censuræ ex morte Ananiæ & Saphiræ, seu ex illis Petri, *Non es mentitus hominibus, sed Deo*, tria colligit. *Primo*, „quod bona temporalia ecclesiastica sunt bona Dei, & non hominum, quomodo Anania & Saphira mentiti sunt Deo, & non hominibus. *Secundo*, „quod qui fraudat de bonis ecclesiasticis, injuriatur Deo & non hominibus. *Tertio*, patet ex ipso facto, quam gravis est culpa fraudare de bonis Ecclesiæ, & quam gravem IRAM DEI fraudantes incurrant,,. *Vid. col. 891 & seq. tomi illius 16 Concilior. edit. Veneto-Labbeana.*

Hæc vero ex CENSURIS istis exscribebam non alio consilio, quam Historiæ prosequendæ errorum WICLEFI, seu ut Theologorum etiam illorum de his erroribus sententiam ac iudicium palam facerem.

IX. Recentior quidam Scriptor redarguitur ex Decretis CONSTANTIENSIBUS.

67. Ea omnia, quæ diximus a num. 23 ad hunc usque locum, si expenderimus diligenter, ac una simul omnia contulerimus; intelligemus statim, nonnisi imperitissime ab Auctore libri, qui inscribitur *Dialoghi d' Morti pag. 12 & seq. edit. Ven. 1770* affirmari potuisse, propositiones WICLEFI ad temporalia Ecclesiæ bona seu redditus & fundos ecclesiasticos spectantes, reportasse *la marca non di Eretiche, ma di erronee, e scandalose*.

68. Quid enim eum juvat, quod *il dotto Dupin nel compendio della sua Istoria della Chiesa al secolo XVI. ei faccia sapere, che le Proposizioni ERRONEE riguardavano i Beni temporali della Chiesa, e gli Ordini Religiosi?* Ea omnia, quæ in causâ Wiclefitarum acta sunt, diligenter expendisse oportuit: tum vero de mente Concilii pronunciare.

69. Tulitne *la marca non di eretico, ma di erroneo, e scandaloso*, ille etiam WICLEFI articulus, *ditare Clerum est contra regulam Christi*; aut ille, *Silvester Papa, & Constantinus Imperator erraverunt Ecclesiam dotando?* Ita profecto, si hunc hominem audimus, qui inter alios de redditibus & fundis ecclesiasticis articulos recitat & istos; & eodem modo de istis ac de aliis pronunciat. Confer. *Cap. XIV supr. num. 61 etc.*

70. Atqui Archiepiscopi COURTENAYUS in sua Synodo articulum cum istis prorsus affinem HÆRESIS nomine notavit. CONSTANTIENSE autem Concilium *ratificavit & approbavit* tum istius, tum aliorum Episcoporum sententias; prout vidimus *num. 47 - - 49*, & notavit tanquam hæreticum eundem articulum Theologus Constantiensis in censura prolixiori a me *num. 61* relata. En articulum pro HÆRETICO a Synodo COURTENAYI habitum: *Est contra Scripturam sacram, quod Viri ecclesiastici habeant possessiones temporales.*

71. Quod autem spectat articulum: *Domini temporales possunt etc.*; in primis eum moneo, ut advertat ad notam ipsi illatam per Archiepiscopum ARUNDELIUM, de qua *num. 44 & seq.* diximus; itemque per Theologos Constantienses prolixioris Censuræ auctores; id quod *superiori num. 63* videre licet.

72. Tum suadeo, ut consideret interrogatoria a nobis *num. 50 - 52* memorata, ad quæ MARTINUS V. eos responsuros decrevit, qui Wiclefum aut Hussum olerent. Item, ut aspiciat ad SACRILEGII crimen, cujus ibi a Martino fit mentio; quemadmodum facta est & in BASILEENSI Concilio per Joannem POLEMARIUM, & eodem tempore per ipsam PRAGENSEM Bohemorum Academiam; sicuti *num. 122 seq. & num. 127 seq.* visuri sumus.

73. Expendat quoque censuram Facultatis Parisiensis in eundem articulum auctore GERSONE latam; quam afferebamus *num. 58*.

74. Proxime præterea *num. 114 - 119* CLARIUS constabit, ablationem illam fuisse a damnatis Hussitis eo tantum nomine propugnatam, quatenus loco pænæ imponeretur. Itaque ex Hussitica erronea opinione oportebit primum, ut in iudicium vocati ecclesiastici Viri criminis damnentur, ac gravi POENA ob commissa crimina declarentur digni; tum ut in delictu pænæ imponendæ ablatio hæc potius decernatur, quam alia gravis pœna, quæ Clericorum manifestis delictis jure ac lege debeatur.

75. Sed adhuc hæc ipsa sic temperata Hussitica opinio ab Ecclesia, a Theologis, & ab Academiis declarata est ERRONEA & scandalosa; ne graviora commemorem. Et hoc fuisse Ecclesiæ de ea re iudicium, non inficiatur interpres noster. Omnes sane censent, Hussiticam illam opinionem SACRILEGIIS viam pandere; esse regulam morum impiam: atque huc recidit nota, quam noster admittit, *articuli scandalosi*.

76. ERRONEUM autem, seu ERRONEA PROPOSITIO quid sit, docebit nos Melchior CANO de Locis Theolog. Lib. 12, Cap. 10, pag. 388. *Error, ait, qui & minus quiddam quam aperta hæresis, & CATHOLICÆ doctrinæ tamen contrarius est, propositio ERRONEA vocatur.*

77. Scilicet, ut ibi paullo ante explicat CANUS “quædam sunt catholicæ veritates, quæ ita ad fidem pertinent, ut his sublati fides quoque ipsa tollatur. Quas nos usu frequenti non solum catholicas, sed fidei veritates appellavimus,”

“Aliæ veritates sunt etiam ipsæ catholicæ & universales, nempe quas universa Ecclesia tenet, quibus licet evertis fides quatitur, sed non evertitur tamen,”

“Quæ igitur propositiones hujus posterioris generis veritatibus contradicent, eas equidem ERRONEAS appello: quæ quoniam doctrinæ catholicæ adversantur, errores sunt HÆRESI PROXIMI, hæreses non sunt,” Hæc CANUS.

78. Sed ut catholico viro invifus fiat articulus propofitus, *Domini temporales*; fufficit quod Concilium CONSTANTIENSE, fuper. num. 49, *inhibuerit omnibus & fingulis Catholicis sub ANATHEMATIS interminatione, ne de cetero articulos WICLEFI & Huffi, vel IPSORUM ALI- QUEM audeant publice prædicare, dogmatizare etc.*

79. Neque enim audaciam Scriptoris illius purgat, quod in Constantienfi Concilio *con la violazione del Salvocondotto in perfona di Giovanni Hus, e di Girolamo di Praga fiasi data occasione ai Boemi Difcepoli di Wiclef, di involvere in fanguinoſe guerre la Germania ſotto la condotta del valoroſo Ziſca* (apprime tamen impii, & crudelis) *capo de' Taboriti*. Non puduit catholicum virum has calumnias, alias jam plene protritæ adverſus hæreticos, in Occumenicum Eccleſiæ Concilium jactaſſe?

80. Quinam Huſſo, & Hieronymo Pragenſi Salvoconductus datus fit per Concilium & per Sigifmundum Imperatorem, ſeu quibus liberi commeatus litteris iſti fuerint donati, & an vere fides hæreticis iſtis data, violata fuerit; didiciſſet ſane, ſi, depravatis fontibus relictis, legiſſet potius Acta Seſſionum Constantienſium 6, 19 & 21 in *tomo 16 Concilior. cit.*; aut ſi adiſſet ſaltem Natalem ALEXANDRUM in *Hiſt. Eccl. Sec. 15 & 16, Diſſert. 7*; cujus Diſſertationis hoc thema eſt: “*Sacra Synodus Constantienſis fidem hæreticis, violandam non docuit: NEC AB EA, aut etiam a Sigifmundo Imperatore, Joanni Hus, & Hieronymo de Praga violatam unquam probabitur,.*”

X. Idem nuperus Auctor refellitur ex poſterioribus eccleſiaſticis monumentis; ex ipſorum PROTESTANTIUM ſententia; & ex theologicis Principiis.

81. Quid autem? Anne ſacroſanctum Oecumenicum Concilium TRIDENTINUM inique judicavit, an erravit, quando *Seſſ. XXII Cap. XI de Reformat.* cenſuit graviffimam pœnam decernendam in quosunque bonorum Eccleſiæ cujuſcunque, aut pii loci invaſores? Catholicus hoc non dicet, & ſi dixerit, non is erit, qui videri vult.

82. “*Si quem Clericorum (ait ſancta Synodus) vel laicorum, quacun- que is dignitate, etiam IMPERIALI aut REGALI præfulgeat, in tantum malorum omnium radix cupiditas occupaverit, ut alicujus Eccleſiæ, ſeu cujuſvis ſecularis vel regularis beneficii, montium pietatis, aliorumque piorum locorum JURISDICTIONES, bona, cenſus ac JURA etiam FEUDALIA & emphyteutica (jurisdictiones & jura feudalìa conditionem*

lautiorem faciunt, & affluentiore potentioreque statum. Hoc vero non sine causa a me adnotari ii sciunt, qui venalium quorundam Scriptorum hujus temporis libellos percurrerunt), „ fructus, emolumenta seu quascunque obventiones, quæ in ministrorum & pauperum necessitates converti debent...., „ quocunque quæsito colore in proprios usus convertere, illosque usurpare „ præsumpserit; is ANATHEMATI tamdiu subiaceat, quamdiu „ JURISDICTIONES, bona, res, jura, fructus & reditus, quos occupaverit, VEL QUI ad eum quomodocumque etiam ex donatione superpositæ personæ, PERVENERINT, Ecclesiæ, ejusque administratori „ sive beneficiato integre restituerit, ac deinde a Romano Pontifice absolutionem obtinuerit „

83. „ Clericus vero, qui nefandæ fraudis & USURPATIONIS „ hujusmodi fabricator seu consentiens fuerit, eisdem pœnis subiaceat, nec „ non etc. „.

84. Ex his omnibus & singulis adductus sane est BENEDICTUS XIV in *Constitut.* 90 data ad Episcopos Germaniæ, quæ in tomo I Bullarii hujus Pontificis extat pag. 308 - - 310 edit. Rom., ut „ secularizationem aliquot „ Ecclesiarum Germaniæ, aut earumdem REDITUUM IMMINUTIONEM „ a quibusdam propositam reprobareret, & nunquam tolerandam ediceret „.

85. Scilicet *ad rerum in Germania statum componendum, pacemque in ea stabilendam* nonnulli hanc rem moliebantur. Et præterea „ non desunt (ait num. 3) „ catholicis Principibus laxioris conscientiæ Theologi, & ASSENTATORES, qui ad eorum aures insusurrare non dubitant, fieri quidem „ non posse, ut ecclesiastica bona in secularem statum redigantur; posse „ tamen EA MINUI; tum propter illorum abusum, tum propter immoderatum luxum „.

86. „ Nos (pergit) haud prætermisimus sententiam adeo PERNICIOSAM refutare atque diluere: neque ob unius vel alterius „ ABUSUM generale aliquid statui debere, quo Ecclesia vetustissimis „ juribus (Principatus adnexi episcopatus) exuatur, quoque successoribus in „ perpetuum adimatur facultas ejusmodi bonis utendi in Ecclesiæ emolumentum, & juxta laudabilem piamque majorum institutionem „.

87. Præter hæc dixerat Pontifex num 1, „ se pro viribus enixe curaturum, ut omnia & singula Ecclesiarum Germaniæ PRINCIPATUS, jura, „ JURISDICTIONES, HONORES, bona integra atque „ intacta permaneant; neque unquam concessurum, aut assensu comprobaturum, adversum hisce quidpiam fieri, ulloque modo attentari; cum omnino „ parati simus (ait) SANGUINEM potius nostrum omnem effundere, „ quam

„ quam pati, ut Ecclesiæ jura ac libertas violentur, & conscientiæ nostræ
 „ MACULA per ejusmodi assensum afferatur „.

88. Ipse itaque Rom. Pontifex passus est, nec sibi licere assensum dare, ut
 „ Episcopatus, insignesque Abbatiae, SECULARI PRINCIPATU cum eis
 „ conjuncto, præclarissimis juribus, spectabilibus honorificentis spolientur;
 „ aut in profanos usus Ecclesiæ PATRIMONIA convertantur, aut IM-
 „ MINUANTUR illis OPES, quarum possessionem per non intermissam
 „ tot seculorum memoriam Episcopi Catholici integre sancteque ferverunt;
 „ atque ea bona, quæ Ecclesiis summa pietate ac liberalitate a Majoribus do-
 „ nata fuerant, per abusum maxime reprehendendum in sumptus & propria
 „ commoda usurpentur „.

89. „ Curavimus (inquit) ut hæc ipsa Principibus sedulo inculcarentur
 „ ab Apostolicis Nunciis, qui apud illos sunt. Testati sunt, sibi consilia
 „ hujusmodi haudquaquam probari „. Hæc ex laudatis BENEDICTI XIV
 litteris.

90. Discere ergo poterat noster ille, quid de ecclesiasticis juribus & redi-
 tibus christiana ferat doctrina, discere poterat a Conciliis, a Pontificibus,
 a Principibus ipsis; ne spernenda exponeret vera jura Principis, dum falsa &
 aliena ei asserere conatur.

91. Quodsi quem forte gravat Concilia & Ecclesiæ Pastores ac Patres
 audire; Ecclesiæ ipsius hostibus aurem saltem præbeat. Hieronymus SCHU-
 ARFF Jurisconsultus Witembergensis in Comitibus Spirensibus Lutheri patronus
Centur. I. Consil. 48, num. 2 ita pronuntiat: „ Invadens res Ecclesiarum com-
 „ mittit horrendum crimen SACRILEGII Sequitur quod PRIN-
 „ CIPES & aliæ Potestates seculares usurpantes & invadentes RES eccle-
 „ siarum ordinationi Dei resistunt „.

92. Joachimus MORLINUS Lutheri & Melanchtonis discipulus apud
 Casparum Alock *Tom. 1, Conf. 35, num. 107*, & apud Besoldum in *Docum. re-
 diviv. Monast. Wirtemb. pag. 21 seq.* „ Ecclesiis (ait) subtrahere bona, est opus
 „ Juliani Juxta effatum S. Augustini, NON remittitur peccatum, nisi
 „ restitatur ABLATUM, ut scribit LUTHER Docendi sunt
 „ MAGISTRATUS, nequaquam ipsis jus competere in bona ecclesiastica „.

93. WESSEMBECIUS Lutheranus apud Arnoldum *Hist. Eccles. &
 Hæres. lib. 16, cap. 6, num. 2* ita scribit: „ Ut in usum & fiscum (Principis)
 „ Ecclesiæ proventus convertantur, nulla ratione potest effici
 „ Nec possunt res Deo Ecclesiæque semel dicatæ profanari, vel in profanos
 „ usus redigi ne quidem propter abusum, cum potius in meliorem

„ tunc usum sint convertendæ Quodsi contra fiat, a SACRILEGIO
 „ & homicidio non multum id putatur abesse „.

94. Philippus MELANCTHON in Catechesi tit. de Red. Eccl. pag. 19 edit. Witemb. 1562 T. 1 Oper. Theol. “ Dominium (inquit) rerum (ecclesiasticarum) „, pertinet non ad Pontifices, aut PRINCIPES, aut populum, sed
 „ AD ECCLESIAM: hoc est, nec Episcopis, nec Principibus, nec populo licet hos redditus transferre ad alios usus, quam ad conservationem ministerii & studiorum. Hinc facile judicari potest multiplicia esse FURTA
 „ in hoc genere Sicut enim milites dividunt VESTES CHRISTI, &
 „ de eis fortiuntur; ita PRINCIPES & potentes partiuntur inter se Episcopatus & Sacerdotia neglecto ministerio & neglectis studiis „. In edit. Opp. Melancthonis Basileensi 1541. Adeas tomum tertium pag. 242 & seq.

95. LUTHERUS ipse in Cap. 6 Amos Oper. Tom. 3 Edit. Jenens. p. 529 sic de quibusdam Principibus ac Catholicis loquitur: “ Ita per omnia nostri
 „ hodie Principes eadem IMPIETATE laborant Misere dissipari
 „ Ecclesias sinunt, dum neque ipsi docent; nec qui doceant, alunt. Nam redditus, quos habent collegia Sacerdotum, quibus præsunt, fundi, ARCES,
 „ OPPIDA in hunc usum juvandæ Ecclesiæ a PIIS HOMINIBUS primum eis donata sunt „.

96. Idem LUTHERUS in *Synopsiacis edit. Aurifabr. 1567 pag. 193* dixit: “ Experientia testatum facit, bonis ecclesiasticis potitos (LAICOS) denique ad MENDICITATEM redigi „. Burchardo Hundio Johann. Electoris Saxonie Consiliario familiare fuit hoc testimonium: “ Nos Nobiles BONA
 „ Monasteriorum equestribus nostris BONIS adjunximus. Jam vero MONASTERIORUM BONA DEVORARUNT NOSTRA equestris, & ita consumserunt, ut NEC ILLA, NEC HÆC amplius habeamus „.

97. Plures si cupis hostium Ecclesiæ Catholicæ sententias pro re, de qua nunc agitur, legas Opus *del Diritto libero della Chiesa* Auctore Thoma MAMACHIO Tomo 4 pag. 407 -- 420 edit. 1770.

98. Sed Dialogorum Scriptor cautiorem, credo, se præbuisse, si regulam illam Theologiæ Christianæ considerasset, quæ habet, hæreticum plerumque esse illum, qui adhæret propositioni ab Ecclesia damnatæ sub quacunque nota, sive tanquam hæreticæ, sive tanquam scandalosæ, vel falsæ, vel erroneæ, vel simili nota; hæreticum, inquam, plerumque esse ex hoc solum capite, quia dum hujusmodi propositioni assensum præbet, simul judicat ut plurimum, Ecclesiam in sua illa definitione errasse: quod utique hæresis est.

99. Nimirum, ut S. Thomas docet *1^a 2^a in Caput XI Epistolæ I. ad Corinth.* pag. 74 Tomi 16 Oper. Edit. Rom. 1570: “ Pertinet aliquid ad disciplinam fidei

„ du-

„ dupliciter. Uno modo directe: sicuti articuli fidei, qui per se credendi pro-
 „ ponuntur Quædam vero INDIRECTE pertinent ad fidei di-
 „ sciplinam, in quantum ex negatione eorum sequitur aliquid con-
 „ trarium fidei: sicut si negetur Isaac fuisse filium Abrahamæ, sequitur aliquid
 „ contrarium fidei, scilicet sacram Scripturam continere aliquid falsi
 „ Sic igitur PERTINACIA, qua aliquis contemnit in his, quæ sunt fidei
 „ directe vel INDIRECTE, subire iudicium Ecclesiæ, FACIT HO-
 „ MINEM HÆRETICUM „

100. Hoc eodem S. Thomæ loco recitato, subdit doctissimus ille ac vere christianus Theologus MERBESIIUS *Summ. Christian.* prima secundæ q. 55, Concl. 2, pag. 164 tom. 1 Edit. Paris. “ Ergo personæ possunt esse hæreticæ „ non solum repugnando iis, quæ directe pertinent ad fidem, verum etiam iis, „ quæ INDIRECTE pertinent ad eandem fidem, si nimirum in iis, quæ „ utroque illo modo spectant ad fidem, ECCLESIAE iudicium subire renuant „

101. Positæ regulæ certe innixus MARTINUS V. in Constit. *Inter cunctas*, de qua num. 50 - 52 verba fecimus, edixit, ut “ iudicaretur tan- quam HÆRETICI, & velut HÆRETICI seculari Curiaë relinqueren- „ tur ii, qui articulos WICLEFI, Hussi & Hieronymi Pragensis, per CON- „ STANTIENSEM Synodum damnatos tenere, credere, & dogmatizare „ præsumpissent „; in quo nullam fecit distinctionem inter Defensores Arti- culorum, qui hæretici, aut qui scandalosi, vel erronei essent: immo singulos paribus *interrogatoriis* supponi voluit.

102. Regula autem modo posita tunc maxime evidens cunctis est, quan- do de præceptis MORUM agitur. *ECCLESIA enim in MORUM do-ctrina eorum, qui ad salutem necessarii sunt, errare non potest*; ut bene ait Mel- chior CANO. Atqui, ubi quæritur, liceatne PRINCIPI temporalia Eccle- siarum bona tollere aut MINUERE, agitur de articulo MORUM gravi, adeoque ad salutem necessario. Ergo hæreticus est ille, qui Ecclesiæ articu- lum hunc definienti non acquiescit: iudicat enim illam errasse in ea re, in qua vi divinarum promissionum errare non potest; prout discere licebit ex eodem CANO *de Loc. Theolog. Lib. 5, Cap. 5, q. 5, Concl. 1, pag. 168 Edit. Patav. 1727.* Est autem id Catholicis omnibus compertum, ut non sit necesse in hoc con- firmando morari diutius.

103. Quacunque igitur sub nota memoratos WICLEFI errores CON- STANTIENSE Concilium damnaverit; ille notam HÆRESIS ac damna- tionem non effugiet, qui illis post solemne Ecclesiæ iudicium adherere ausus fuerit CUM PERTINACIA.

104. Hæc pauca obiter dicenda fuerunt, ut Catholicis minus peritis confuleremus, qui in libellum Dialogorum forte incidissent; ne incauti deciperentur. Redeo nunc ad historiam errorum circa dominium fundorum ac reddituum Ecclesiæ. Dicendum autem de iis est, quæ in causa HUSSITARUM post Constantiense Concilium acta sunt.

XI. HUSSITÆ mitiores seu Pragenses Calixtini, & Thaboritæ.

Prima Gesta in Concilio BASILEENSI cum Pragensibus, & Thaboritis.

105. Hussitæ, qui *Thaboritæ* nominati sunt a civitate *Thabor* in Bohemia, immo & Pragenses ipsi, qui mitiores fuere Hussitæ, & sunt *Calixtini* appellati, sententiæ Catholicorum, & Ecclesiæ in Constantiensi Concilio congregatæ definitioni non acquieverunt, sed anno 1421 Capitanei, Consules, totaque communitas Civitatis Pragensis conjurarunt tum de tribus aliis articulis propugnandis, tum de hoc, qui ad nostram rem pertinet, defendendo: “Quod
,, dominium seculare super divitiis & bonis temporalibus, quod contra præ-
,, ceptum Christi Clerus occupat, in præjudicium sui officii, & damnum bra-
,, chii secularis ab ipso auferatur, & ipse Clerus ad regulam evangelicam &
,, vitam apostolicam, quam Christus vixit cum suis Apostolis, reducatur,,.

106. Et de hoc articulo simul & de reliquis anno 1433 in Concilio BASILEENSI latissime disputatum est. Vid. *Histor. Eccles. Natalis ALEXANDRI* *Sec. 15 & 16 Cap. 2, Art. 1, §. 2, num. 16.*

107. In ea Synodo adversus illum articulum Bohemis per triduum responsionem fecit Joannes de POLEMAR Archidiaconus Barcinonensis, Causarum sacri Palatii Auditor: cujus Orationem legere potes post Acta Concilii Basileensis in *Tomo 17 Concilior. Edit. Veneto-Labbeanae col. 1207 -- 1269.* Inscripta est: “Joannis etc. Oratio, qua in Concilio Basileensi anno 1433
,, per dies tres refutavit quartum articulum Bohemorum de civili dominio
,, Clericorum, quem proposuit per triduum Petrus RAYNE Anglus,,; (alibi in eodem tomo non semel legitur *Payne*, sed mendum est).

108. Ad ea, quæ duobus præcedentibus annis 1431, 1432 acta fuerant inter Catholicos & Bohemos, spectant Epistolæ & alia, quæ sunt in eodem Conciliorum tomo col. 443, 807 -- 811, 242 -- 246, 612 -- 615, 637 -- 639, 779, 798 -- 804, 686 -- 705, 1355 -- 1366.

109. Eum articulum sic Petrus RAYNE proposuerat, prout videre licet in Oratione POLEMARII tom. 17 cit. col. 1217: "Secularis possessio, sicut
 „ & civile dominium, jure divino & humano Doctorum sanctorum sententiis
 „ & ratione efficaci tempore legis gratiæ prohibetur Clero Christi „.

110. Deinde vero teste eodem Polemar. col. 1235 *tom. cit. Conc.* Bohemi
 „ in schedula ultimo data dixerunt, quod usus bonorum temporalium est ipsi
 „ Clero licitus, refecata omni SUPERFLUITATE & abundantia vitiosa „.

111. Tandem "cum constrictus a me (inquit idem Joannes de Polemar col. 1255 *ibid.*) „ pridem rationibus esset (Petrus RAYNE); concessit civile
 „ dominium in Clero non esse prohibitum materialiter, sed formaliter „; hoc
 est, prout postea videbimus, si hujusmodi dominium intelligatur, quod legibus sive honestatis & æquitatis, sive justitiæ non sit adstrictum.

112. Joannes autem de POLEMAR in oratione memorata col. 1219, *tom. cit.* statuit, "quod Clerici non religiosi licite possunt habere
 „ & possidere quæcumque bona temporalia, hæreditates paternas etc. Et
 „ quod Ecclesia potest licite habere & possidere bona temporalia
 „ domos, prædia, villas, oppida, castra, civitates, & in eis habere privatum
 „ & civile dominium „. Ista iterum afferenda sunt *num. 132 - - 135.*

113. Pergit deinde POLEMARIUS col. 1238 sic differens: "Cum autem
 „ tem schedula ultimo data dicit: "Dominium civile ipsi Clero Christi non
 „ congruit, aut convenit, sed nec licet ipsi in persona propria civiliter dominari;
 „ si intendit quod Clericus in persona propria non debet judicium
 „ sanguinis exercere; fateor: tale tamen judicium per laicos officiales
 „ faciet exercere, prout dicit Hugo etc. „. *Est Hugo Victorinus de Sacram. Lib. 2, Par. 2, Cap. 7, in Tom. 3 Oper. edit. Ven. 1588 fol. 277.*

114. Alii errori patrocinati sunt Bohemi in Synodo BASILEENSI; cui item errori occurrendum fuit per Polemarium. Hunc audiamus col. 1240 *ejusdem tomi* in laudata oratione: "Jam nil restat ex dictis ex adverso (a Bohemis), „ nisi finis schedulæ ultimo datæ, ubi sic habetur; insuper circa
 „ prædictum punctum tenemus, quod IN TANTUM POTEST INIQUITAS
 „ REGNARE IN CLERO, quod IN DEFECTU spiritualis PRÆPOSITI
 „ liceret brachio seculari auferre bona temporalia a viris ecclesiasticis habitaliter DELINQUENTIBUS „.

115. Videamus quibus momentis assertionem suam Bohemi fulciverint. Dicebat itaque Petrus RAYNE; sicuti in POLEMARII oratione col. 1263 - - 1269 *tomi ejusd.* videre licet: "Reges veteris Testamenti auferebant
 „ bona temporalia ad NUTUM DIVINUM ab ecclesiasticis delinquentibus,
 „ tibus,

„tibus, igitur & reges novi Testamenti possunt similiter facere AD NUTUM DIVINUM, habitualiter delinquentibus Sacerdotibus novæ legis,, Unusquisque videt argumentum risu excipiendum.

116. Tum proferebat celebre caput, *Si tributum XI* quæst. 1, quod sumptum ex Ambrosio est. *Si tributum petit etc. Non dono etc.*

117. Inter multa alia hoc etiam Petrus RAYNE dixit: „Haud rectificatio facillima Clericorum (sunt verba ex oratione POLEMARII) esset per subtractionem temporalium; & medicina debet dari, per quam aptius fanetur infirmus,,

118. „Post hæc ad rationes meas (ait POLEMAR) nititur (Petrus Rayne) respondere: auctoritates (inquit RAYNE) per me (Polemarius) introductæ loquuntur de Clericis NON DELINQUENTIBUS habitualiter,,

119. Interim ex his, & maxime ex *super. num. 114* vides vel ex HUSITARUM sententia (quam tamen ECCLESIA damnavit), tunc tantum ecclesiasticos viros privari bonis temporalibus posse, quando id ipsi suis vitiis promeriti fuerint. Hoc jam monuimus contra nuperum quemdam Scriptorem *num. 74 seq.*

120. Responderat autem superiori die POLEMARIUS, ac positionem RAYNI confutaverat; etsi id & hoc loco faciat. Demus hic pauca ex illis, quæ *col. 1249 - 1252* extant. „Quomodo per seculare brachium (ait) bona a viris ecclesiasticis possunt auferri, etiamsi fuerint DELINQUENTES? Talis assertio praxi & doctrinæ CHRISTI manifeste contradicit Sacerdotibus Synagogæ emolumenta, aut honorem, aut obedientiam a populo subtrahi Christus non consuluit; immo eis præstari & exhiberi mandavit,,

121. „Decem leprosis ab eo mundatis dixit: *Ite, ostendite vos Sacerdotibus* Denuo cum Sacerdotum INCORRIGIBILEM conditionem ostendisset; dixit tamen: *Omnia quæcumque dixerint vobis, servate & facite,,*

122. Legas ibidem alia prolixè dicta, sed validiora: ex quibus hæc attulisse mihi satis fuerit: „Cum res quæ templo DEI offeruntur, moriantur mundo, prout lex Dei habet Levitici ultimo; & efficiantur SANCTA Sanctorum, ut ibidem: quoniam Domini DEI SUNT, cujus procuratores ecclesiastici sunt: PROPTER CULPAS PROCURATORUM res Domini usurpare ratio nulla consentit, sed cum alienæ rei usurpatio furtum sit; res Ecclesiæ usurpare SACRILEGIUM est,,

123. Producit deinde POLEMARIUS sententias Patrum, & illud vulgatum Symmachi 12, q. 2 can. 21; quibus SACRILEGII CRIMEN proclamatur contra invadentes bona Ecclesiæ, etiam PRINCIPES.

124. "Sed adversus hæc forsitan (pergit Joannes de POLEMAR) diabolica tentatio suggeret: Hoc verum, cum Sacerdotes bene ipsis rebus Ecclesiæ utebantur; secus ubi ex ipsis rebus ecclesiasticis male vivunt..... Sed Augustinus can. 13, q. 5.,. Forte aliquis hoc secum cogitat & dicit: Multi sunt christiani divites, avari, cupidi: non habeo peccatum, SI SUUM illis abstulero, & PAUPERIBUS dederò: inde enim illi nihil boni agunt. Mercedem habere potero, si ego ELEMOSYNAS dederò. SED hujusmodi cogitatio DIABOLI calliditate suggeritur. Nam etiam si TOTUM tribuat pauperibus, quod abstulerit, ADDIT potius PECCATUM quam minuit.

125. *Et idem Augustinus ea causa & questione:* Neque enim si agris inique ac perperam invasis ita quisque utatur, ut ex eorum fructibus largas elemosynas faciat, ideo RAPINAM justificat etc.

126. "Propellanda est utique (colligit POLEMAR) talis assertio, quod propter Clericorum VITIA licitum laicis sit ad Christi patrimonium manus apponere. Et facile posset præbere aditum ad simile asserendum de REGIBUS, PRINCIPIBUS & aliis dominis temporalibus. NEC defuere qui hoc simili modo asserere jam præsumpserint: quod esse fomentum scandalorum & seditionum, & subversionis totius humanæ POLITIÆ cunctis intellectu vigentibus palam est.,. Hæc pauca speciminis cujusdam loco decerpisse in utramque partem ex laudata POLEMARII fufissima Oratione satis fuerit.

127. Non multus tamen (ut fere accidit, ubi de contumacibus ad sanitatem reducendis agitur) ex habita in BASILEENSI Concilio inter Catholicos & HUSSITAS disputatione fructus enatus est. Interim "Pragensis Aca- demicæ Theologi (ait Natalis ALEXANDER Hist. Eccl. Sec. 15 & 16 Cap. 2, Art. 1, § 4, num. 3) ,, a Bohemæ Baronibus rogati, ut suam de quatuor articulis sententiam aperirent, schedulam Oratoribus Concilii porrexerunt (qui in Bohemiam a Basileensi Concilio, postquam in eodem hæc causa frustra agitata fuerat, missi erant), ,, eorum explicationem continen- tem

128. "De bonis Ecclesiæ (Theologi illi) dixerunt: Quia non debent seculares, vel alii bona ecclesiastica (quia sunt communia, & quia sunt Patrimonium CRUCIFIXI, ejus Ecclesiæ, & pauperum) sibi appropriare, quoniam SACRILEGIUM ESSET",.

129. "Quia tamen (pergunt Theologi in sua schedula) „ pro opposito „ quasi semper objicitur, quod talia bona sint superflua, ad hoc dixerunt: Si „ sunt superflua, tunc illi, qui habent super ea potestatem DISPENSA- „ TORIAM, convertant in usus pios & communes. Ad nos talia non per- „ tinet definire. At civiliter non debere super his dominari dixerunt, quia „ dominium civile (ut videtur) præsupponit pro subiecto bona temporalia „ per modum proprietatis possessa „.

**XII. Gesta Basileensia postrema de HUSSITIS mitioribus ;
& Compactata PRAGENSIA; quorum Annus
firmitus stabilitur.**

130. Reversi eodem anno 1433 ad Synodum Basileensem Oratores Bohemorum iterum „ quatuor articulos (ait ALEXANDER num. 4, §. ejusdem 4) „ Patribus obtulerunt, rogaruntque, ut intuitu ecclesiasticæ unitatis „ ac pacis ipsos libere doceri, & irrevocabiler observari in Regno Bohemiæ „ & Marchionatu Moraviæ, locisque illis adhærentibus permitterent „.

131. Erat autem pro re nostra articulus IV, „ Ut non liceret Clero tem- „ pore legis gratiæ super bonis temporalibus SECULARITER dominari „. Eos quatuor articulos exhibet Appendix Concilii Basileensis col. 586, seq. tomi 17 Concilior. Edit. Venet. Nicolai Coleti.

132. "Secundum hæc (pergo cum P. ALEXANDRO ibid. num. 5) „ Basilea Pragam cum tribus Oratoribus Bohemorum reversi sunt quatuor Sy- „ nodi Legati, qui & antea in Bohemiam missi fuerunt..... LEGATI in pu- „ blico Nobilium & plebejorum conventu articulum de seculari „ dominio Clericorum in bona temporalia sic explicuerunt: *Meminimus, quod „ dum in sacro Concilio super hoc disputatio ageretur publica & solemnis, ille qui ad „ disputandum per sacrum Concilium extitit deputatus, duas conclusiones posuit sub his „ verbis: Prima, quod Clerici non Religiosi licite possunt habere & possidere „ quæcunque bona temporalia, hæreditates paternas „.*

133. "Secunda, quod Ecclesia potest licite habere & possidere bona temporalia „ domos, prædia, villas, oppida, castra, civitates, & in eis habere privatum „ & civile dominium „.

134. "Ille siquidem ex vestris Ambasiatoribus, qui disputabat, CON- „ CESSIT easdem, dicens: Illas sensui sui articuli bene intellecto non con- „ tradicere, cum ipse articulum suum intellexerit de dominio civili formaliter „ in-

„intellecto. Ex quo & aliis satis potest intelligi, quod verba, *seculariter domini*, in præinserto articulo posita ad aliquem specialem dominandi modum vel usum videantur referri.

135. „Sed quoniam doctrina Ecclesiæ non est verbis ambiguis pertractanda, sed plane; propterea illud quod secundum legem Dei, & sanctorum documenta Doctorum catholice tenendum est, duximus exprimendum, videlicet: præmissas duas conclusiones esse veras: quodque ecclesiastici viri bona Ecclesiæ, quorum sunt administratores, debent fideliter administrare, juxta SS. Patrum salubria instituta. Ipsaque bona Ecclesiæ ab aliis injuste non debent detineri vel occupari „.

136. Declarationem istam Comitia susceperunt. Et hanc reducendæ unitatis formam *Compactata Bohemi* vocaverunt: „hujusque obtentu nominis (ait ALEXANDER) „& tutati aliquando se sunt, & Catholicos oppugnare tentarunt „ (cujus rei specimen aliquod habes in tomo 17 cit. Concilior. col. 211 -- 216, ac 610 seq.).

137. „Concepta sunt Pragæ anno 1433 die ultima Novembris, & postmodum Iglaviæ (oppidi Moraviæ) consummata ac firmata anno 1436 „. Hæc & plura Natalis ALEXANDER scribit §. 4 indicato *de Gestis a Synodo Basileensi in causa Bohemorum, & de Compactatis Pragensibus*.

138. Ad tractatus & alia, quæ ab anno 1433 ad 1436 acciderunt, pertinent Epistolæ, quæ in tomo 17 Concilior. cit. habentur col. 610, 761 seq., 776 -- 778, 804 -- 806, 811 -- 814.

139. Sed præcipua animadversione dignum est conciliabulum BOHEMICUM habitum anno post concepta Pragæ compactata; nempe 1434, quod Jo. Dominicus MANSIUS *e Vindebonensi Cesareæ Bibliothecæ manuscripto Codice* primus vulgavit in tomo 6 Supplem. Concilior. col. 553 -- 560.

140. Cujus conciliabuli exordium sic se habet: *Incipiunt articuli Synodi generalis Regni Bohemiæ celebratæ Anno 1434 in festo S. Jacobi Apostoli in civitate inclita Pragensi*. Inter hos Articulos locum habent & celebres illi quatuor, de quibus in Basileensi Concilio disputatum fuerat anno superiore, & de quibus conventum erat in *compactatis*.

141. Sed eos suo modo, adhuc post concepta Compactata, Bohemi ponunt. Nam quartus de temporalibus Ecclesiæ bonis ita se habet, sicut a Pragensibus in Basileensi fuerat propositus: „Non licet Clero tempore legis „gratiæ super bonis temporalibus seculariter dominari „. vid. sup. r. num. 131.

142. "Legi possunt Compactata (pergit ALEXANDER loc. annotat.)
 „ apud Joannem Cochläum Lib. 7 Historiæ Hussitarum. De vocatione Bo-
 „ hemorum ad Concilium Basileense, & de Tractatibus cum ipsis initis extat
 „ etiam historica narratio, quæ ab Ænea Sylvio (postea Pio II Pont. Rom.)
 „ scripta videtur, edita ab Orthuino Gratio in *Fasciculo Rerum expetendarum*, &
 „ Historiæ Bohemicæ ejusdem Æneæ Sylvii, editionis Freheri post cap. 50
 „ inserta, ac tandem relata in Tomum 12 Conciliorum Edition. Parisien. anni
 „ 1672. Hæc ALEXANDER. Apud GRATIUM ORTHUINUM
 historica illa NARRATIO extat in tomo 1 Fasciculi pag. 311 etc. edit.
 Londin. 1690.

143. In editione vero Concilior. Veneto - Labbeana NARRATIO ea
 historica locum accepit in tomo 17 sæpius memorato col. 197 - - 212. Et
 adnotatum est in ora paginæ: "Inserta est Historiæ Bohemicæ ÆNEÆ Sylvii
 „ post cap. 50 in editione Freherica; ex rerum expetendarum fasciculo, quem
 „ M. Ortwinus GRATIUS non satis fideliter & prudenter congestit. Con-
 sentiunt ista cum adnotatis a Natali ALEXANDRO.

144. Habes autem ab hujus Tomi Conciliorum col. 205 ad 212 partem
Compactatorum præcipuam, ac imprimis declarationem quatuor Articulorum in-
 tegram. Sed genuinum, integrum ac purum *compactatorum* exemplar his tem-
 poribus inter Concilia retulit Joannes Dominicus MANSIUS; prout num. 146
 & seq. dicendum a nobis est.

145. Quod Annum attinet initæ pacis inter Catholicos & BOHEMOS;
 in ea historica NARRATIONE non Annus 1436 ponitur, ut apud ALE-
 XANDRUM, sed 1438.

Verum ex Epistola, quam in eo 17 Tomo Concilior. habemus col. 778,
 exploratum fit, vere pacem initam anno 1436. Nam per eam epistolam
 Legati Concilii Basileensis ad Bohemos Concilio nunciant optatam pacem
 tandem esse coalitam: & data est Epistola *Iglaviæ, quinto mensis Julii, anno*
Domini 1436.

"Hodie (ajunt Legati) in publico foro hujus civitatis (Iglaviæ) nu-
 „ merosa populi multitudine assistente, coram nobis Tuæ Beatitudinis nunciis
 „ gubernatur, Barones, Nobiles civitatum, Ambasiatores regni Bohemiæ,
 „ primum nobis COMPACTATA obtulerunt, litteris authenticis com-
 „ munita. Dein pro ipsorum executione de tuenda, observanda, & defen-
 „ denda unitate ecclesiastica & pace litteras alias Post hæc quatuor
 „ ad hoc deputati cum pleno & authentico mandato, nomine omnium tam
 „ Ecclesiasticorum, quam Secularium, reverentiam & obedientiam canoni-
 „ cam præstiterunt. Nos quoque etc. „

146. Sed omnem difficultatem tollit genuinum ac purum *Compactatorum* exemplar, quod sub anno 1443 Joannes Dominicus MANSI vulgavit in tomo sexto Supplementi ad Concilia Veneto-Labbeana col. 665 -- 670: ibi enim secundum ea, quæ ex Natali ALEXANDRO retulimus, COMPACTATA dicuntur inita “ in Civitate Pragensi, in Collegio, quod dicitur „ Collegium Caroli, anno Domini 1433 mensis Novembris die ultima; *firmata* „ vero una cum Declarationibus novis mense Martio IGLAVIÆ 1436 „.

147. “ Hæc Compactata (ait MANSIUS in Admonitione) „ quod „ a LABBEO sive omiſſa ſint, ſive ex alio quam ex tabulis publicis data, & „ hinc inde reſecta, integra huc transferre ex codice Juris Gentium LEIB- „ NITII in Mantiffa num. 18 & 25 cenſui opportunum „.

148. Ex hac tandem mea historica narratione ERRORUM circa redditus & fundos Ecclesiarum, & ex repetitis judiciis ECCLESIAE adversus eos errores judicet Lector sanus ac justitiæ & veritatis amans, an Imperanti liceat redditus, prædia ac fundos Ecclesiarum a Clericis transferre ad Laicos, vel fisco regio addicere. Simul vero judicet de minutis iis libris, quos initio hujus Capituli indicabam.



CAPUT XVI.

*Adversus ERRORES de Reditibus & Fundis Ecclesiarum Continuatio: ubi explicatur, quo sensu Bona temporalia Ecclesiarum dicantur CON-
SECRATA; seu, in quo posita sit Bonorum istorum
CONSECRATIO.*

1. CUM proprietatem bonorum temporalium *Cap. XIV* abunde vindicaverimus Ecclesiis singulis Regnorum, eandemque vindicaturi sumus amplius *Cap. XVII*; nihil opus est ea considerare velut consecrata Deo. Sive enim ea consecrata dixeris cum Patribus, Conciliis, & Scriptoribus omnium seculorum, sive nomen hoc consecrationis neglexeris; constans semper erit, redditus ac fundos Ecclesiarum non magis posse a Principe juste tolli, quam redditus ac fundos privatae cujuscunque LAICÆ familiæ.

2. Ita quidem se res habet. Sed quoniam imperiti simul & audaces viri non desunt, qui nomen hoc *consecrationis* rident, quando sermo est de temporalibus Ecclesiarum bonis; juvabit eos docere, quid intelligamus, dum cum universa antiquitate dicimus, res temporales Ecclesiæ esse res Deo consecratas.

3. Ex qua quidem declaratione hunc quoque fructum capiemus, ut & nos religiosiores fiamus in redituum ecclesiasticorum usu, & PRINCIPES terræ cognoscant, quo præcipuo fundamento quave causa Majores eorum permoti fuerint ad immunitatem eam concedendam, qua olim ecclesiastica temporalia bona universim potita sunt.

4. Sanctus THOMAS 2, 2, q. 99, art. 3 tria distinguit rerum sacrarum genera. In primo ac summo genere ponit *Sacramenta*, quibus homo sanctificatur. "Post Sacramenta autem (ait) SECUNDUM locum tenent vasa,, consecrata ad Sacramentorum susceptionem; & ipsæ imagines sacræ, &,, reliquiæ Sanctorum; & ea quæ pertinent ad ornatum Ecclesiæ & ministro-,, rum: DEINDE ea quæ sunt deputata ad sustentationem ministrorum,, sive sint mobilia, sive IMMOBILIA. Quicumque autem (concludit S. Thomas) contra quodcunque prædictorum peccat, crimen SACRILEGII,, incurrit,,.

5. Jam vero tertium genus rerum sacrarum, id est, bona mobilia, & immobilia Ecclesiarum eam ob causam appellantur ac censentur consecrata, quia sunt destinata ad victum & cultum ministrorum pro gradu ac dignitate cujusque, & pro varia etiam cujusque necessitate; ad ea præterea paranda, quæ necessaria sunt ad animum excolendum per studia litterarum in utilitatem ipsorum & Ecclesiæ, & in profectum fidelium; ad facta tecta Ecclesiarum conservanda, & ad earum ornatum; ad ea comparanda, quæ pro divinis officiis rite ac decore peragendis sunt necessaria pro ratione dierum, locorum, ac Ecclesiarum; ad pietatis & charitatis officia exercenda; ad salaria & stipendia persolvenda ministris humilioribus; ad defendendas ac vindicandas res & jura Ecclesiarum; & ad alia plurima, quæ perpetuo circumstant ac onerant præsertim familias ecclesiasticas, seu Monasteria, & Congregationes ecclesiasticorum virorum.

6. Hoc igitur modo cum ad cultum Dei proxime referantur bona Ecclesiarum mobilia & immobilia; ideo etiam appellantur ac censentur consecrata. Scilicet, ut ait S. THOMAS q. cit. art. 1, "sacrum dicitur ali-,, quid ex eo quod ad divinum cultum ordinatur. Sicut enim ex eo quod,, aliquid ordinatur in finem bonum; sortitur rationem boni; ita etiam ex,, hoc quod aliquid deputatur ad cultum DEI, efficitur quoddam divinum;,, & sic ei quædam reverentia debetur, quæ refertur in Deum. Et ideo,, omne illud quod ad irreverentiam rerum sacrarum pertinet, ad injuriam,, Dei pertinet, & habet sacrilegii rationem,,.

7. Non postulabit, credo, quispiam, ut demonstrem, bona temporalia Ecclesiarum proxime referri ad cultum divinum, ex hoc quod pro ministris,

nistris, pro omni Ecclesiarum suppellectili, & pro ceteris ecclesiasticis necessitatibus sint impendenda. Non, inquam, hoc puto quempiam postulaturum. Nam quid esse potest magis cum divino cultu conjunctum, quam divinarum rerum ministri, quam sacra ministerii supellex, quam ecclesiastica cetera?

8. Recte ergo Joannes GERSON *de Potest. Ecclesiast. Considerat.* 4, col. 232, *tom. 2, Oper. edit. Dupinii*, CONSECRATIONEM bonorum temporalium Ecclesiae sic describebat: “Ecclesiasticorum bona temporalia, propter dedicationem & applicationem AD EOS QUI MINISTRANT ECCLESIAE, sicut panes propositionis, primitiae & decimae, vasa insuper templi, vestes & similia dicebantur in lege veteri SACRA vel SANCTA, sic & nova lex hoc retinet,,

9. Quam ipsam rem non sine quadam emphasi expresserat Seculo quinto Julianus POMERIUS de Vita Contemplativ. Lib. 2, Cap. 16, num. 4. “Possessiones, quas oblatas a populo suscipiunt Sacerdotes, non sunt inter res mundi deputari credendae, sed DEI. Quoniam si vestes, ac vasa & cetera, quae in sacris usui ministrantibus erant, SANCTA vocabantur, nec in usus humanos revocari jam poterant, divinis semel ministeriis consecrata; quomodo non ea quae conferuntur Ecclesiae, SACRA credenda sunt; quibus sancte, ut Deo consecratis, utuntur ad necessaria Sacerdotes?,,

10. Quid vero si notio ista consecrationis nec ipsum latuit Thomam HOBBIUM, scribentem suum *Leviathan*? Cap. enim 35 libri istius, oppido tamen impii, scribit: “Populum suum Deus appellat gentem sanctam. Sanctum enim significat, id quod DEI est jure speciali. DEI est omnis terra; sed non omnis terra sancta dicitur, sed ea sola quae separatur & consecratur ad usum divinum specialiter,, Hæc ille pag. 191 edit. 1668.

11. Et clarius *in eod. Cap. pag. 193* ad rem nostram omnino: “Sanctificari dicitur, quod dedicando vel consecrando servitio divino, sanctum factum est; ut septimus dies in præcepto Decalogi quarto; & ut electi in testamento novo, quando præditi spiritu pietatis, dicuntur sanctificari. Sacrum autem est, quod Deo ab hominibus datum & dedicatum, sive sanctum factum est, ita ut in solo cultu divino utendum sit; qualia sunt templa, aliæque domus orationis, una cum utensilibus, ministris, victimis & oblationibus,,

12. Reditus igitur ac fundi Ecclesiarum dicuntur esse consecrati DEO, non ob ullam intrinsecam sanctitatem, unde interius mutati sint, neque ob aliquam consecrationis formulam, quae fuerit super eos adhibita; sed quia
ab

ab usu communi ad cultus divini usum translati sunt voluntate donatorum; ut in posterum forent in usus eorum quos DEUS sibi fecit MINISTROS, & in usum sacri Ministerii.

13. Quo magis miror imperitiam supra memorati Auctoris d' *Dialoghi de' Morti*, qui pag. 275 edit. cit. interrogat: *Ove mai si legge, che i beni dati agli Apostoli fossero riputate cose divine, o che cambiassero natura ? Nell' atto di darli non v' intervenne mai veruna sagra cerimonia, che almeno in apparenza li facesse credere fuori di commercio.* Quæ eadem latius, sed inscite prorsus, versaverat jam pag. 245 - - 248; ubi & id ausus est impetere quod Patres perpetuo tradiderunt, *che li beni acquistati dagli Ecclesiastici si debbano riputar cose consagrato a Dio, come voti de' fedeli, prezzo de' peccati, e patrimonio de' poveri.*

14. Sciat igitur, nos nunquam cogitasse, ullam fieri in temporalibus Ecclesiæ bonis intrinsecam mutationem, sive per aliquam consecrationis formulam, sive alio modo. Non istis nos pascimur imaginibus; sed bona temporalia Ecclesiarum eo nomine cum Ecclesiæ Doctoribus appellamus consecrata Deo, quod cultui divino sint propria.

15. In quo Catholicis consentientes habemus etiam HETERODOXOS, præter illum Thomam HOBBIUM; & inter hos Gisbertum VOETIUM Politic. Eccles. Par. I, Lib. 4, Tract. 2 de Pecul. Eccl. seu de bonis etc. cap. 1, pag. 601 edit. Amstelod. an. 1666. "Dicuntur (inquit) bona Dei & „patrimonium Christi, quia juxta Scripturam peculiari ratione Dei sunt „propria (non tantum generali ratione, uti omnis plenitudo terræ est Dei) „ob specialem usum & finem. Dei enim cultui, & spiritali regno Christi in „terris promovendo dicata, appropriata & acquisita sunt etc. „ Adeas Auctorem del *Diritto Libero tom. 4, pag. 418 seq.*

16. Reditus ergo ac prædia Ecclesiarum appellantur *sacra*, quoniam divinis ministeriis & Ministrorum vitæ sunt destinata, minime autem ob consecrationem quampiam vel ob sanctitatem eorum intrinsecam.

17. Quam quidem sanctitatem intrinsecam neque ipsa Ecclesiæ sacra verba bonis illis tribuerent, si forte per aliquam consecrationis aut benedictionis formulam dedicarentur DEO; sicuti eandem intrinsecam sanctitatem nec ipsis Ecclesiis, vel vasis sacris aut vestibis tribuunt; etsi istis specialis consecratio vel benedictio ab Ecclesia semper adhibetur. Est enim hoc proprium Sacramentorum solum, ut sanctitatem intrinsecam operentur.

18. Hoc quod dico, præstat paucis verbis explicare; ut discant imperiti, Ecclesiam, ubi *consecrationis* verbum usurpet, non semper intelligere intrinsecam mutationem & sanctitatem ejus rei quæ consecratur, multoque minus ejus rei, quæ nulla adhibita consecrationis formula dedicatur DEO; sicuti

ac-

accidit in translatione bonorum temporalium ab usu communi ad cultus divini usum.

19. Explicat sanctus THOMAS 3 part. q. 83, art. 3 ad 2, cur Ecclesiæ & Altaria consecrentur: "Consecratur (inquit) Ecclesia tum ad repræsentandam sanctificationem, quam Ecclesia consecuta est per passionem Christi, tum etiam ad significandam sanctitatem, quæ requiritur in his qui Sacramentum Eucharistiæ suscipere debent. Per altare autem significatur ipse Christus: unde & consecratio altaris significat sanctitatem Christi,,

20. Et clarius in resp. ad 3: "Ecclesia, & altare, & alia hujusmodi, inanimata consecrantur, NON QUIA sint GRATIÆ susceptiva, sed quia ex consecratione adipiscuntur quandam spiritualem virtutem, per quam apta redduntur divino cultui, ut scilicet homines devotionem quandam exinde percipiant, ut sint paratiores ad divina, nisi hoc propter irreverentiam impediatur. . . . Et ideo propter virtutem, quæ ex consecratione Ecclesiæ acquiritur, consecratio Ecclesiæ non iteratur,,

21. Ex qua S. THOMÆ doctrina BENEDICTUS XIV de *Sacris. Mifs. L. 1, Cap. 1, num. 10* meritissimo refellit Joannem CALVINUM *Instit. Libr. 3, Cap. 10*, irridentem ritum consecrandi Ecclesias, parietes nimirum (inquebat Calvinus) inanimes, qui ut gratiæ, ita etiam consecrationis recipiendæ non sunt apti. Reponit enim PONTIFEX, "Ecclesiam materialem ideo consecrari, ut sanctificatio illa repræsentetur, quam Ecclesia formalis, seu cætus fidelium per passionem Christi consequutus est, ut docet D. THOMAS 3 part. q. 83, art. 3 ad 2,,

22. Generatim dicam, de omnibus benedictionibus illis ac consecrationibus, quas inter *Sacramentalia* recensemus, placere mihi doctrinam Thomæ de Vio Cardinalis CAJETANI in *Commentario in secundam secundæ sancti THOMÆ q. 88, art. 11*, quam Bartholomæus GAVANTUS adoptat in *Thef. sacr. Rit. Mifs. Part. 4, tit. 19, num. 1*. Duplex ergo distinguitur Benedictionum & Consecrationum genus: unum earum, per quas sive res, sive personæ cultui divino destinantur; ut benedictiones aquæ, vestium sacerdotalium, mapparum Altaris, vasorum sacrorum, & similium: alterum earum, per quas Ecclesia solet alicui rei bene precari, seu per quas a Deo rebus vel personis divinum imploratur auxilium; uti sunt benedictiones agni paschalis, novorum fructuum, domus novæ, candelarum, novæ navis, & aliæ. Prima benedictio appellatur *constitutiva*, altera deprecativa seu *invocativa*.

23. Neutrum autem harum benedictionum genus vim habet conferendi rebus sanctitatem intrinsecam, seu rebus ipsis inhærentem, per quam natura istarum mutaretur. Professio ipsa monachalis, quæ tanto in pretio aliquando

est habita, ut ab aliquibus nominata sit *Sacramentum*, & quæ jure merito inter solemnes consecrationes numeratur; hæc ipsa, inquam, Professio non aliud affert novum, nisi quod “per eam sacris mysteriis viri religiosi initiantur, aut „ saltem devovent se sacræ cuidam militiæ: ceterum NULLAM largitur „ sanctitatem, nisi ratione devotionis & humilitatis voventium„: ait Laurentius BERTI *Theolog. Discipl. Lib. 30, cap. 5 in fin.*

24. Eadem est doctrina etiam Cardinalis CAJETANI *loco cit. paullo post initium*. Sed præstat CAJETANUM audire de commemorata benedictionum diversitate, & de virtute earum loquentem ibidem: “Benedictio- „ num (ait) duplex est genus. Nam quædam sunt *invocativæ*, & quædam *con-* „ *stitutivæ*. Benedictiones *constitutivas* voco omnes, quibus ea, quæ benedi- „ cuntur, constituuntur in esse sacro: & tales sunt omnes benedictiones „ vestium sacerdotalium„.

25. “Benedictiones vero *invocativas* appello eas, quibus ea quæ bene- „ dicuntur, non propterea sunt sacra, ut sunt benedictiones mensæ, & do- „ mus, & navis etc.„.

26. “Ad discernendum autem has benedictiones ab illis, universaliter „ ducere videtur restrictio usus ex vi benedictionis; hoc est, quod ex hoc, „ quod hoc est benedictum, non est amplius habile, etiamsi alienetur, nisi „ ad talem usum procul dubio spirituales„.

27. “Cum enim unumquodque sit propter suum opus; consequens „ est, quod res constituta per benedictionem in novo esse, ad correspon- „ dentem usum tali esse determinetur. Et hoc modo *Corporale*, quod ante „ benedictionem erat habile, ut esset sudariolum etc., ex benedictione con- „ stituitur habile tantum ad Corporis Domini susceptionem, & sic de aliis„.

28. “ET PER oppositum domus, seu navis ad omnem usum est ha- „ bilis post benedictionem, ad quem est habilis ante benedictionem.....„.

29. “Et bene nota quod dixi, *ex vi benedictionis*; quia si res quæ be- „ nedicitur, etiam sine benedictione ex alia causa deputata esset tali usui „ spirituali (uti fit quoad temporalia ECCLESIAE bona); non haberet „ sanctitatem suam ex vi benedictionis, sed benedictio concurreret ibi ad „ bene esse. Et benedictio non esset *constitutiva*, sed *invocativa*: QUIA „ nihil constituitur in aliquo esse per id, sine quo habetur illud esse etc.„.

30. Ad hoc quod postremo loco adnotatum est a CAJETANO, ad- „ vertant animum ii, qui in temporalibus Ecclesiarum bonis non aliam ob „ causam consecrationem intelligere nesciunt, nisi quia nullus sacer ac sacer- „ dotalis ritus tunc adhibetur, quando in potestatem traduntur Ecclesiarum.

Etenim

Etenim nulla sacra ceremonia adhibita potest adhuc res aliqua ab usu communi ad cultum divinum transferri. Sed in explicatione incæpta progredior.

31. Sacræ imagines, quas merito appellamus *sacras*, nulla ornantur interna sanctitate; sed eas *sanctas* dicimus ob respectum ad Sanctos, quos repræsentant; uti ex Concilio TRIDENTINO discimus *sess.* 25; quo loco docet, sanctis quidem imaginibus venerationem impertiendam, sed “non,, quod credatur inesse aliqua in iis divinitas, vel virtus, propter quam sint,, colendæ; sed quoniam honos, qui eis exhibetur, refertur ad prototypa, quæ illæ repræsentant,, Adeas etiam Histor. Eccles. Natalis ALEXANDRI ad Secul. VIII. *Dis.* 6, §. 7, & si placet, Francisci VERONII *Regulam Fidei Catholicæ* Cap. 2, §. 8, opus scilicet præstantissimum a WALENBURGIIS Fratribus adeo probatum, ut illud propriis theologicis Tractatibus adjungendum existimaverint.

32. Cujusmodi sit veneratio illa, quæ sacris imaginibus exhibetur, explicat similiter sanctus THOMAS 2, 2, *quæst.* 94, *art.* 2 *ad primum* & 3, *Part. quæst.* 25, *art.* 3 *in corp.*

33. Neque sacre Reliquiæ ullam insidentem habent sanctitatem; & eæ tamen meritissimo appellantur *sacræ* ob rationem seu respectum ad Sanctum, cujus sunt Reliquiæ. Quare VERONIUS *loc. cit.* §. 9 assentitur VASQUEZIO 3 *Part. disp.* 113, *cap.* 2 pronuncianti, “eodem prorsus modo de,, Reliquiis, atque de imaginibus universim esse dicendum: eas videlicet secundum se honorari non posse, sed solum conjuncta cogitatione cum eo,, cujus reliquiæ sunt; præsertim quia res inanimæ, quales sunt Reliquiæ, secundum se non sunt capaces contumeliæ; ergo nec honoris,, Lege sis sanctum THOMAM 3 *part.* q. 25 *cit.* *art.* 6 *in corp.*, & *in respons.* *ad secundum.*

34. Approbat item VERONIUS hanc ejusdem VASQUEZII sententiam *cap.* 4: “Qui rosariis & aliis rebus Reliquias Christi aut Martyrum,, tangunt, & secum servant, non debent existimare ex contactu illo virtutem aliquam aut excellentiam in res ipsas ex Reliquiis derivari; sed inde,, manere respectum rationis ad ipsas Reliquias; ratione cujus memoriam,, ipsius Christi, & Sanctorum in nobis excitant, & ad eorum venerationem,, affectum movent,,.

35. Generatim ergo hoc tenendum est, imagines sacras, sacras Reliquias, sanctum Evangelii librum, & similia cetera, nullam secum ferre intrinsecam sanctitatem; sed nominari sacra & sancta ob eas res, quas nobis repræsentant, ac in memoriam revocant.

36. Et honorem quidem eis exhibemus tantummodo ratione eorum, quos repræsentant; seu, ut PONTIFICALE Romanum habet Part. 2, Tit. de Benediſt. Imag.: “Coram imagine Apostolum vel Martyrem honoramus, atque (uti loquitur TRIDENTINUM loc. cit.) per imagines, quas osculamur, & coram quibus caput aperimus & procumbimus, Christum adoramus, & Sanctos veneramus, quorum illæ similitudinem gerunt,,

37. Dicam igitur cum Meldenſi BOSSUETO *Exposition de la Doctrine de l'ÉGLISE* art. 5: “Non aliam imaginibus virtutem tribuimus præter vim excitandi in nobis memoriam prototypi. Et huic fundamento innitur honor, quem imaginibus præſtamus Omnes ſciunt, ab Eccleſia ante Crucem adorari eum, qui *peccata noſtra pertulit ſuper lignum* (1 Petr. 2); &, ſi filii Eccleſiæ libro Evangelii caput inclinant; ſi aſſurgunt honoris cauſa quoties ad eos deſertur, & ſi illum reverenter osculantur; cunctos hos honoris actus referri ad veritatem æternam (tout cet honneur ſe termine à la vérité éternelle) ,, quæ nobis propoſita eſt in Evangelio,,

38. “Pari autem ratione interpretari nos oportet honorem, quem Reliquiis exhibemus,,. Hæc BOSSUETUS. “Corpus illud Reliquiarum inſenſibile (inquit ſanctus THOMAS 3 part. q. 25, art. 6 cit. in reſp. ad ſecundum) ,, non veneramus propter ſeipſum, ſed propter animam, quæ fuit ei unita, quæ nunc fruitur Deo; & propter Deum, cujus fuerunt miniſtri,,. Sed hæc explanent fuſius alii.

39. Ea enim, quæ dixi, ſufficient, credo; ad variam *conſecrationis* notionem aſſequendam, & ut Auctor memoratus *Dialogorum* intelligat, non opus eſſe aliqua conſecrationis formula, multoque minus opus eſſe ſanctitate aliqua inſinſeca, ut res aliqua merito dicatur ſacra, vel conſecrata Deo: ſufficere ſcilicet, ad eam in rerum ſacrarum numero computandam, ſi Deum, vel Sanctos, vel divina dona repræſentet, vel ſi divino cultui ac rebus ſacris & Miniſtris Eccleſiæ ſit addiſta. Atque hoc nomine bona eccleſiaſtica temporalia dicimus & ſacra & conſecrata Deo.

40. Secundum quam notionem forte PAULUS APOSTOLUS munera a Philippenſibus ad ſe Romæ in vinculis detentum miſſa, nominavit *odorem ſuavitatis, hoſtiam acceptam, placentem Deo*: Philipp. 4 ver. 18. Legere quoque potuit Auctor *Dialogorum* Caput 27 Levitici, unde in hac re profeciſſet multum.

CONSECTARIUM.


41. Ex eo autem, quod temporalia Ecclesiarum bona sunt res Dei & consecratae Deo, recte Seculo quinto colligebat Julianus POMERIUS loc. cit., "Sacerdotes qui curant possessiones Ecclesiae, etiam in hoc servire DEO: „ quia si Dei sunt (ait) ea quae conferuntur Ecclesiae, DEI OPUS agit, „ qui res Deo consecratas non alicujus cupiditatis, sed fidelissimae dispensationis intentione non deserit „.

42. His etiam nostris eruditi Recentiores quidam non repugnabunt, credo, Theologis CONSTANTIENSIBUS prolixioris censurae auctoribus, quorum sententiam dedimus *Cap. super. num. 64 seq.*, qui consecrationem bonorum ecclesiasticorum adversus WICLEFITAS inculcant, ac simul haec scribunt: "Consecrantur autem & sanctificantur talia bona temporalia Domino, institutione (id est, *sine*), possessione „.

43. "Et cum servi talis Domini, scilicet Clerici, sunt officiales & ministri „ ecclesiastici, possessio consecrata pertinet ad jus talium, & non pertinet ad „ jus temporalium dominorum, quia tales NON sunt ministri & officiales „ ecclesiastici „.

44. "Per consequens administratio & DISPENSATIO talium bonorum temporalium Ecclesiae ad officiales & ministros Ecclesiarum pertinet, „ NON ad dominos temporales „.

45. Ceterum cum vulgatissima ac frequentissima sint loca Patrum, Conciliorum & Scriptorum ecclesiasticorum, in quibus bona Ecclesiarum temporalia dicuntur CONSECRATA DEO; & Recentiores etiam illi, hanc esse totius antiquitatis vocem, negare non audeant; otiose agerem, si aliquid huc afferrem ad hunc antiquitatis ejusdem sensum comprobandum.



CAPUT XVII.

PRINCIPI non licet, temporalia ecclesiastica bona ab una Ecclesia seu ecclesiastica Sodalitate TRANSFERRE ad aliam, vel ad usus pios alios.

1. **C**UM proprietatem bonorum suorum particularibus Ecclesiis vindicaverimus *Cap. XIV.*; supervacaneum forte aliquibus videbitur quærere nunc, an in potestate PRINCIPIS sit TRANSFERRE ecclesiastica bona ab una ad aliam Ecclesiam, vel ad usus pios alios. Nam si Princeps sua cuique privatae familiae servare debet intacta & tuta; multo certe magis tenetur id erga ecclesiasticas Familias præstare, tum ob dignitatem possessorum, tum ratione voluntatis piorum donatorum.

2. Recte isti quidem judicant: sed non pari ratione leges æquitatis amant, ac sequuntur ceteri hac maxime nostra ætate. Non desunt enim homines quidam sibi fingentes nescio quas bonorum ecclesiasticorum translationes IN MELIUS, ut ajunt: per quas tantum abest, inquiunt, ut a voluntate Testatoris discedatur, ut immo accuratius voluntas eadem executioni mandetur, ac ad piam Testatoris mentem accedatur propius; quibus proinde translationibus immerito nativi domini ac possesores reluctarentur. Hujusmodi vero translationes volunt esse relictas judicio ac potestati Imperantis.

3. Quorum ut vanitas detegatur, ab ipsis primum quæro, constetne ipsis, translationes eas, quas cogitant, esse in melius: tum, unde compertam habeant voluntatem hanc novam Testatorum, quam minime in supremis tabulis declararint. Primum quod quæro, docere non poterunt, nisi antea rationes omnes ex utraque parte subduxerint; rationes dico tum quantum ad temporale attinet emolumentum, tum quantum ad SPIRITUALE. At non audebunt, puto, judicium sibi sumere de spiritualium operum virtute ac pondere: hoc enim hominibus occultum est, & soli DEI judicio reservatum. Notum porro est, in translationibus illis tum temporalium ordinem mutatum iri, tum SPIRITUALIUM.

4. Hujus vero judicii difficultatem cum pia testatorum prudentia pervidisset, ne res eorum quasi in incerto dominio essent, sed dubitationibus locum omnem præcluderent; declararunt cui ecclesiasticæ Sodalitati bona sua vellent in posterum fore perpetuo addicta, hujus suæ electionis judicium Deo committentes. Ex quo sequitur, novos magistros frustra sibi blandiri, compertam sibi esse voluntatem testatorum ab ea diversam, quam isti supremis tabulis declararunt.

5. Sequitur item rerum suarum dominium ac proprietatem testatores transfulisse perpetuo ad eam solum Ecclesiam ac sodalitatem, quam testamento designarunt; ac proinde eos a mente eorum discedere, qui se voluntatum ultimarum arbitros constituunt. Piis donatoribus ii varii ac multi modi noti erant, quibus potuissent res suas in usus pios collocare. Et cum eorum modorum elegerint hunc potius, quam alium; non opus est amplius de eorum voluntate divinare. Ad quam rem sapienter JURISCONSULTUS admonet l. 25, *D. de legat. 3*, *Cum in verbis nulla ambiguitas est, non debet admitti VOLUNTATIS questio.*

6. Scilicet "quamvis præsumptæ voluntatis testatoris (dicam cum Icto nostræ ætatis sapientissimo Joanne HEINECCIO) „ratio habeatur in inter-„pretandis verbis DUBIIS: in iis tamen, quæ verbis APERTIS disposuit, „NULLIUS momenti esse potest talis fictio, vel præsumptio „.

7. "Neque enim potest favor dari causæ, ubi defectus est in voluntate, nec voluisse sufficit, nisi voluntas legitimo modo declaretur „.

8. Ajebat ista HEINECCIUS nomine Facultatis juridicæ HALENSIS, cujus rogata fuerat sententia de testamento quodam in gratiam laicæ familiæ scripto; utrum illi PRINCEPS jure derogasset, laicam familiam aliam subrogando: extatque responsum in supplemento Operum HEINECCII editionis novissimæ Genevensis ad calcem partis secundæ Tomi noni pag. 96, etc. *vid. ibi pag. 126, num. 35.*

9. Colligas autem ex his, cujusque Ecclesiæ sodales meritissimo fore invitos, si bona temporalia, quæ possident, translata fuerint ad alios.

10. Atque hoc quidem loco non dicam, quam sancta & inviolata esse debeat apud omnes humanitatis custores voluntas ultima testatorum: "Nihil „enim est, quod magis hominibus debeatur, quam ut supremæ voluntatis, „postquam jam aliud velle non possunt, liber sit stylus & licitum, quod „iterum non redit, arbitrium „; ut inquit Imp. CONSTANTINUS August. *Leg. 1 Cod. de sacrosf. Ecclesiæ*, ubi de testamentis in gratiam Ecclesiarum conditis decernit, *ut ne sint cassa testatoris hujusmodi judicia.*

11. Sive autem a JURE NATURÆ originem duxerit testamenti factio, sive a consensu civitatis, sive alio ex fonte, quem luxuriantium ingeniorum vanitas hisce nostris temporibus adinvenerit; inhumanum semper erit ac naturali legi contrarium, testamenta illa loco movere contra sacras fidei publicæ leges.

12. Et pluris certe, quam nova nostrorum hominum sapientia, apud me est doctrina cum pietate conjuncta GREGORII Magni, qui tam sedulus est, & tam frequens suis in EPISTOLIS in tuenda ac inculcanda executione ac firmitate voluntatum ultimarum, præcipue ad causas pias; & solum rarissimis in casibus permittit, non sane ut testatorum voluntas mutaretur, ubi esset executioni mandata; sed ut suppleretur aut transferretur, quando aliquod aderat impedimentum, quod vetaret, ne eo prorsus modo, quod testator decreverat, mandari executioni posset.

13. Quod idem institutum secutus est proxima ætate Senatus PARI-SIENSIS, qui, teste FEVRETO *de l'Abus* Lib. 4, Cap. 7, num. 9, “ in „ recognitione facultatum Cardinalis sancti Georgii ad velum aureum, eum „ vetuit commutare legata pia in alios usus, præterquam ubi voluntas de- „ functi non posset executioni mandari; quo etiam casu facienda fuit com- „ mutatio in rem æquivalentem (en chose équipolante) „.

14. Interim pro eo, quod de sancto GREGORIO M. dictum est, remitto te ad legendas Epistolas Gregorii ejusdem, trigesimam quintam libri tertii ad Bonam Abbatissam; octavam, nonam, & decimam quintam libri quarti ad Januarium Episcopum Caralitanum; vicesimam quartam libri noni ad Romanum defensorem; decimam tertiam libri decimi ad eundem, & quin- tam ad Savinum Subdiaconum; vigesimam quintam libri undecimi ad Janua- rium memoratum; decimam libri duodecimi ad Fantinum defensorem; & alias non paucas in tomo altero *Operum Gregorii editionis Benedictinorum*.

15. Quando autem nihil fuit, quod executioni voluntatis piæ impedi- mentum poneret; nihil in ea passus est sanctus PONTIFEX mutari. Et quidem in Epistola 29 libri 13 ad Philippum Presbyterum scribebat: “ De „ solidis qui pro faciendo xenodochio a filio nostro Probo Abbate Jerosoly- „ mis relictæ sunt, hoc quod deliberatum fuerat, ut fieri debuisset, IMM U- „ TARI NON POTUIT „.

16. Et in epistola 25 libri 11, scribens de Monasterio, quod fundan- dum erat ex testamento, affirmat, *necessè esse, ut defuncti dispositio modis omni- bus conservetur*; ubi impedimentum quoddam grave, quod eo loco expofuerat, sublatum esset.

17. Nota facile est sententia Joannis HEINECCII de origine testamentifactionis; non semel enim ipse mentem suam aperuit, præcipue vero in primo libro *de Jure Nat. & Gent.* Adhuc tamen non dubitavit, in *laudato Responso* num. 23 & 29 pronunciare, “ etsi vel maxime largiamur, testamenti-
 „ factionem non ex jure illo communi, quod ipsa recta ratio inter omnes
 „ homines constituit, sed ex legibus CIVILIBUS promanare; non inde
 „ tamen confici, ut bonus PRINCEPS testamentis pro lubitu derogare possit,
 „ sed tum demum, si id exigat SALUS reipublicæ, vel cum NULLIUS
 „ detrimento conjuncta sit illa indulgentia,,.

18. “ Scilicet (ajebat) si JUS cujusque tueri, non auferre, est Principis,
 „ id vero cujusque JUS EST, quod leges indulgent & attribuunt, ad offi-
 „ cium ejus etiam pertinebit, TUERI, non vero evertere, vel mutare
 „ SUPREMA hominum judicia,,.

19. “ Quamobrem semper id PRINCIPUM etiam summorum FAMÆ
 „ atque existimationi obfuit, si quando sibi in morientium voluntates ALI-
 „ QUID JURIS arrogarent,,. Legi non sine emolumento poterit totum
 illud HEINECCII, seu potius Facultatis juridicæ HALENSIS, responsum, præcipue a num. 21 & deinceps, ubi sententia dicitur, & adversus momenta opposita munitur.

20. Sed jam nunc video, de origine testamentifactionis non multum mihi laborandum esse. Nam scimus, majores ac antiquas foundationes & donationes, MONACHIS præsertim ac Monasteriis factas, maximam partem non esse ex testamento; sed omnia fere prædia, redditus ac fundos, quibus potita sunt MONASTERIA, translata in eadem fuisse per donationem INTER VIVOS: quod genus donationis semel rite factæ, nec a donatore ipso revocatæ, nemo (quod sciam) ulla vel levissima ratione hætenus convellere nifus est.

21. Et quod affirmo, donationes majores & antiquas fundorum ac prædiorum, monasteriis præsertim collatorum, fuisse fere omnes factas INTER VIVOS; id videre quisque potest, qui velit consulere collectiones monumentorum ac diplomatum ad monasteria spectantium; quarum collectionum copiosiores ac celebriores appellabimus num. 37.

22. Sed jam ne per locos communes ac nimis generales excurrere videar; ut ii solent, qui in rebus quas tractant, sunt novi; accedo propius ad rem, ut directe doceam, inter sacrosancta jura Principis non illud ullo modo contineri, temporalia ecclesiastica bona ab una Ecclesia ad aliam, ab uno usu pio ad alium transferendi.

23. Pro qua re est pervagatissima epistola ALEXANDRI III. summi Pontificis ad Henricum II Angliæ Regem, relata tum alibi, tum in *tomo 13 Concilior. edit. Ven. Colet. col. 75*; in qua eum admonet, quod „si „universa, quæ in usus suos per diversas angarias de bonis ecclesiasticis „convertuntur, in refectiorem PAUPERUM, vel aliis PIETATIS „operibus expenderet; obsequium non magis Deo gratum efficeret, quam „si altari quolibet discooperto, aliud cooperiret; aut si Petrum crucifigere- „ret, ut Paulum a mortis periculo liberaret „: quæ verba nullo egent in- terprete, sed lectore qui verum quærat.

24. Quæ quidem consona sunt sententiæ alii notissimæ, quæ sub AUGUSTINI nomine extat in lib. 50 homiliarum, homil. 7, (secundum editionem Benedictinor., in *Appendice tomi 5, serm. 287*); per quam christianus quisque admonetur, ne cogitet, licere sibi a divitibus, avaris, cupidis, res eorum auferre, ad dandum EGENIS, & ad faciendum aliquid boni ex eo, unde illi nihil boni agunt. „Nam etiamsi (ait) totum tribuat „pauperibus quod abstulerit; addit potius peccata sua, non minuit „.

25. In qua sententia (cujus summam habes in sermone 178 AUGUSTINI, & illo quidem genuino) vides eorum præoccupari errorem, qui nostra hac ætate cogitarunt, posse Imperantem ab uno usu pio ad alium sacrum usum ecclesiasticos redditus transferre eo nomine, quod illis ecclesiastici viri abutantur.

„Non igitur (dicam cum AUGUSTINO eodem de bono conjugali Cap. 14, col. 329, tomi 6 edit. laudat.) „si agris inique ac perperam inva- „sis ita quisque utatur, ut ex eorum fructibus largas ELEMOSYNAS „faciat, ideo rapinam justificat: nec tyrannicæ factionis perverfi- „tas laudabilis erit, si regia clementia tyrannus subditos tractet „.

26. Istitis vero permotus justitiæ regulis GREGORIUS Magnus in epistola 31 libri 8 ad Secundinum iussit, Monachis Monasterii Castellienfis, prope Squillacium a Cassiodoro extructum, restitui ac iterum uniri aliud quoddam Monasterium, quod fuerat a laico viro usurpatum: usus hoc fundamento; „quia rationis ordo non patitur, ut monasterium ipsum, & „MAXIME CONTRA VOLUNTATEM FUNDATORUM, „ab eorum dispositione ad arbitrium suum PRÆESERTIM laica persona „subducat, aut aliquis sibi in id jus debeat vindicare „.

27. Hinc minime miror eos PRINCIPES, qui (uti ait BENEDICTUS XIV Constitutione 33, data anno 1754, num. 9 in *tomo 4 sui Bullarii*) „cum vellent conscientia suæ plene consulere, quod ad occupa- „tionem bonorum Ecclesiæ spectare videbatur, non satis ipsis fuit, NIHIL „sibi

„ sibi habere, in pia opera velle OMNIA erogare; sed summos Pontifices
 „ adiere, ut per eos sibi liceret eadem huic potius, quam alteri pio operi ad-
 „ dicere; optime scientes, quantumvis pie erogassent quæcunque Ecclesiis
 „ abstulerant, non propterea satis sibi esse consultum, nisi factum illud,
 „ superaddita Pontificia Auctoritate fuisset veluti obsignatum „ Sed de
 hac translatione per PONTIFICES summos dicam ultimo loco.

28. Secundum posita principia loquutus est Seculo superiore FERDINANDUS II Imperator invictus in Epistola seu instructione ad Oratorem suum, apud Romanam Sedem agentem: cujus exemplum extat ad calcem *Astri Inextincti Domni Romani HAY Monachi Benedictini pag. 385 etc. edit. 1636.*

29. Scilicet cum multa monasteria vi armorum eripuisset Imperator e manibus hæreticorum; anno 1629 decreverat, generali edicto promulgato, ut ea antiquis Ordinibus ac dominis, præcipue BENEDICTINIS, quos jus postliminii tuebatur, redderentur. At contra hanc adeo justam Imperatoris invicti sententiam acuerat ingenium Societas quædam Regularium nova; ac artibus variis & novis tum in Germania, tum Romæ apud Romanum Pontificem, tum per suos, tum per extraneos agebat, ut pars horum monasteriorum aliqua sibi addiceretur.

30. A justo tamen consilio quod conceperat Imperator se dejici non est passus: immo litteris illis ad Oratorem Romæ agentem datis declaravit, se illa monasteria velle „ rursus Ordinibus, quibus dicata, & a FUNDATORIBUS suis CONSECRATA sint, & non aliis, restituere & consignare, quod coram DEO vix ac difficulter excusari queat, si similes in jure „ divino stabilitæ foundationes (id est, a jure naturali & divino firmitatem accipientes) „ contra FUNDATORUM MENTEM & institutum alio convertantur & applicentur: prout & in jure communi salubriter ordinatum „ & cautum, ne DEFUNCTORUM ultimæ voluntates & dispositiones „ ullatenus mutantur, sed in statu suo inviolabiliter relinquantur „.

31. Hæc FERDINANDUS II; quorum similia proferre possem ex duobus aliis Augustis, CAROLO V, & FERDINANDO I, in Comitibus Augustanis anno 1555 lecta. Dictis autem FERDINANDI II responderunt facta; neque enim avidorum artes animum illius expugnare aut decipere valuerunt.

32. Ut recuperata Monasteria restitueret FERDINANDUS II dominis pristinis, movebatur maxime a constanti ac certa voluntate FUNDATORUM, qua declarare soliti fuerunt, se illi loco, illi Ordini, ad statos illos usus, ad genus illud divini servitii donata perpetuo velle bona

sua temporalia; comminationibus terribilibus adversus eos intentatis, qui suam hujusmodi voluntatem violassent, vel hoc fixæ donationis decretum in usus diversos intervertissent.

33. Nihil sane frequentius est, quam in tabulis donationum videre, offerri bona illa temporalia Deo in honorem Patroni Basilicæ aut Monasterii illius, quod pii donatores elegerunt; ad usus Monachorum ibi servientium; ac nominatim etiam aliquando declarari ac definiri peculiare quosdam usus, quibus aliquam bonorum illorum partem in posterum dicatam fore volunt.

34. Quæ quidem omnia, aliaque præterea eo spectantia, adeo esse solent definita & expressa, ut non possit bonorum illorum locus ac possessor mutari, quin simul voluntati FUNDATORIS vis inferatur, ac sententia tabularum supremarum mutetur.

35. Non est interim omittendum Testamentum (ut vocant seu charta) WILELMI Ducis Arvernorum, pro fundatione Monasterii Cluniacensis ad Annum 910; quod exhibetur tum alibi, tum a MABILLONIO *Sec. quinto Benedict.* pag. 78 in Elogio B. Bernonis, primi Cluniacensis Abbatis *num. 21.*

36. "Eo dono tenore (ait pius Fundator), ut in Clugniaco in honore „sanctorum Apostolorum Petri & Pauli Monasterium regulare construatur, „ibique MONACHI juxta regulam beati BENEDICTI viventes con- „gregentur, QUI res ipsas perennis temporibus possideant, teneant, atque „ORDINENT, ita DUMTAXAT, ut ibi venerabile orationis domi- „cilium votis ac supplicationibus fideliter frequentetur etc. „

37. Similes loquendi modos, sæpe etiam multo fortiores ac expressiores (quorum aliquod specimen dabimus hic proxime) legere licet in vetustis chartis seu donationum & fundationum tabulis, quas habemus fere innumeras in Annalibus Benedictinis MABILLONII, inter monumenta & diplomata, ad calcem cujusque Tomi congesta: in Operibus Diplomaticis Auberti MIRÆI, nempe in Codice Donationum Piarum, in libris Diplomatum Belgicorum, in libris Donationum Belgicarum, & in Notitia Ecclesiarum Belgii; in Antiquitatibus Italicis Medii Ævi, MURATORIO auctore, potissimum in Dissertationibus LXV, LXVI & duabus proximis; in tomo altero Bullarii CASINENSIS Cornelio Margarino collectore; in amplissima Collectione Scriptorum & Monumentorum Edmundi MARTENE tomo I præsertim; in Annalibus CAMALDULENSIBUS Mittarelli & Costadoni in Appendic. ad singulos tomos; & (ut alias rerum ecclesiasticarum & monasticarum Collectiones omittam) in MONASTICO ANGLICANO, ditissimo nempe illo promptuario Religiosarum fundationum ac donationum, quas malum HÆRESIS virus non ita pridem exedit ac consumpsit.

38. Quibus quidem donationum ac foundationum formulis inspectis, statuere quisque debebit, dominium ac proprietatem illorum reddituum ac fundorum in illam tantum Ecclesiam fuisse per donatores transcripta & in illum Ordinem, qui electus est a Donatore.

39. Foundationis WILLELMI Ducis Arvernorum similis est formula foundationis Cantuariensis cænobii sancti Petri ab ATHELBERTO Rege factæ: cujus hæc exhibeo verba ex pag. 23 tomi I MONASTICI ANGLICANI: "Quocirca ego Athelbertus Rex Kancix, do, & concedo Deo in
 „ honore SANCTI PETRI, aliquam partem terræ juris mei, quæ jacet
 „ in oriente civitatis Doroberniæ; ita DUNTAXAT ut Monasterium
 „ construatur, & res quæ (*sic*) supra memoravi, in potestate ABBATIS sit,
 „ qui ibi fuerit ordinatus. Igitur adjuro & præcipio etc. „.

40. Et in charta STEPHANI Comitis Bolonii & Moretonii, pro Furneseiensi Cænobio in agro Lancanstrensi Ordinis Cisterciensis data, donatio sic concepta est pag. 706 ejusdem tomi primi MONAST. Anglicani: "Reddo, dono & concedo Deo & sanctæ Mariæ de Fudernesio, &
 „ ABBATI illius loci totam forestam meam etc.: eo nimirum intuitu &
 „ tenore, quatenus in loco prædicto Ordo MONASTICUS & Regularis,
 „ per divinam gratiam, teneatur. Quam donationem illibatam in perpetuum
 „ custodiri etc. „.

41. Ela autem Comitissa Sarum (ibid. pag. 960) Ordinem etiam, cui res suas dono dabat, comprehensum in donationis formula voluit; nempe Carthusiensem. Ait igitur in charta pro Monasterio Hentonensi in agro Wiltonensi: "Donavi & concessi & hac charta mea confirmavi ORDINI CAR-
 „ THUSIÆ; habendum & tenendum in puram & perpetuam elec-
 „ mosinam Monachis & fratribus ibidem Deo servientibus SECUNDUM
 „ consuetudinem & ordinem Ecclesiæ CARTHUSIÆ. Et ego & hære-
 „ des mei Warantizabimus PRÆDICTIS Monachis & fratribus prædicta
 „ tenementa etc. „.

42. Certam porro ac definitam electionem loci ac personarum aliis verbis etiam significat Charta donationis ATHELSTANI Regis Brittonum, pag. 196 tomi I ejusdem MONAST. Anglicani: "Firmiter præcipio quod
 „ ista donatio mea sit immutabilis ac inpervertibilis dum christianitas dura-
 „ verit in ista terra anglicana. Omnes illi & singuli qui hoc factum meum in
 „ aliquo pervertere vel PERMUTARE voluerint, socii sint Judæ tradi-
 „ toris Christi etc. „.

43. Clarius & apertius **SIGEREDUS** Rex pro Ecclesia Roffensi Ord. S. Bened. loquitur pag. 29 ibidem: "Placuit mihi (inquit) hanc paginam
 „ condere, & una cum cespite terræ prædictæ tradere tibi, per quam non
 „ solum omnibus meis successoribus, sed etiam mihi ipsi penitus interdicto,
 „ ne **ALITER QUAM NUNC A ME CONSTITUTUM** est, ullo
 „ tempore de eadem terra quippiam agere audeant. Quod si qui forte obser-
 „ vare neglexerint etc. „.

44. Similiter **EADGAR** Rex Anglorum Monachis Ecclesiæ Wintoni-
 ensis de rebus suis largiens: "Si quis igitur (ait pag. 38) hanc nostram do-
 „ nationem **IN ALIUD QUAM CONSTITUIMUS TRANSFERRE**
 „ **VOLUERIT**, privatus confortio sanctæ Dei Ecclesiæ æternis baratri
 „ incendiis lugubris jugiter cum Juda Christi proditore puniatur, si non satis-
 „ factione Deo favente emendaverit „.

Hæc ipsa formula occurrit alias non semel in chartis, ab illius **MONA-
 STICI ANGLICANI** Collectoribus evulgatis, ut pag. 61, 101, 211 etc.
 tomi primi; & in tomo altero pag. 841 seq.

45. In hoc secundo Monastici Anglicani tomo pag. 874, occasione præ-
 ditorum in aliud monasterium a Willelmo de Ferrariis Comite Derbriæ colla-
 torum, declaratum est, "ne aliquis Clericus vel Laicus hanc meam ele-
 „ mosinam (ait Comes) aliquo tempore **IN ALIOS USUS, QUAM** in
 „ proprios usus prædictorum **MONACHORUM**, in quorum sustentatione
 „ data est, convertere præsumat „.

46. Et in Appendice tomi primi Annalium **CAMALDULENSIUM**
 num. 137 sancta Silvia mater Gregorii Magni donationem monasterio sancti
 „ Andreæ de Urbe factam claudit his verbis: "Si quislibet homo magnus vel
 „ parvus de supradictis locis tollere voluerit, & **SICUTI EGO ORDI-
 „ NAVI, ITA PERMANERE NON DIMISERIT**, sit ille mal-
 „ dictus & anathematizatus, & cum diabolo etc. „.

47. Et num. 53 ejusdem Appendicis **HUGO** Dux & Marchio Thuscæ
 Abbatæ Vangaticensi donat: tum subdit: "Si ullus homo aut **ULLA**
 „ **POTESTAS** prædictas res **PRÆDICTÆ ECCLESIAE MONA-
 „ STERIO** subtrahere vel alienare sive pro beneficio aut quacunque tra-
 „ ditione, sive occasione tollere, vel minuere præsumperit; tunc sit ille
 „ maledictus a Deo etc. „.

48. Expresius & clarius Joannes Episcopus Ravennas in re simili de-
 cernit num. 5 ejusd. Appendicis: "Si quis tam vestri successores, vel quævis
 „ major vel minor persona contra hujusmodi nostræ donationis & præcepti
 „ seriem quidquam **ALITER AGERE** præsumperit, & superscriptam
 in-

„ insulam **A JURE VEL DOMINIO** regularium fervorum Dei **MONACHO-**
 „ **RUM**, qui pro tempore fuerint, per quemlibet contractum alienare; cum
 „ **Juda Iscariote** semper existat, & cum antiquo hoste diabolo etc.,,

49. Alibi sæpissime mentionem pii Donatores faciunt **PROPRIETATIS**
 ac **Dominii**, quibus una cum translatione bonorum, religiosæ familiæ donan-
 tur: ut in ea Appendice **Annalium Camaldulensium** num. 46 in charta **HU-**
 „ **GONIS** Marchionis Thuscæ: “ Omnia & in omnibus, quæ superius le-
 „ guntur, ipsius Ecclesiæ & Monasterii sancti Michaelis Archangeli **JURE**
 „ **PROPRIETARIO** sint in potestate Boloni Abbatis suorumque suc-
 „ cessorum, sic permaneant **JURE PROPRIETARIO** de supradicto
 „ monasterio habendi, possidendi, tenendi, imperandi etc.,,

50. “ Et qui de his omnibus, quæ superius leguntur, **MINUERE** aut
 „ subtrahere vel fraudare temptaverit, deleat omnipotens Dominus nomen
 „ ejus de libro viventium; fiat particeps cum **Datan & Abyron**, quos terra
 „ deglutivit vivos etc.,,

51. Et in eadem Appendice num. 115 ita Donatores edicunt: “ Omnia
 „ in integrum, sicut supra legitur, tibi suprascriptæ sanctæ Dei Ecclesiæ &
 „ monasterio beati sancti Salvatoris offero, trado, ut in ipsa sancta Dei Ec-
 „ clesia & Monasterio sancti Salvatoris sint **PROPRIETARIO JURE** omni
 „ tempore **IN SUO DOMINIO**. Faciat exinde tum ipsa sancta Dei Ec-
 „ clesia & Monasterium quicquid ipsi **ABBATI**, qui eandem Ecclesiam &
 „ Monasterium modo detinent, aut aliis Abbatibus successoribus suis pla-
 „ cuerit. Quæcunque temeraria persona inobediens Deo, de eadem
 „ suprascripta Dei Ecclesia & Monasterio subtrahere etc.,,

52. Hæc ipsa formula, in qua mentio juris Proprietatis fit, frequens
 occurrit in Appendice tomi tertii eorundem **Annalium CAMALDULEN-**
 „ **SIUM**. Sed digna est, ut proferatur formula Chartæ 23: “ Horum autem
 „ mansuum & terrarum præscriptarum **PROPRIETATEM** dictæ Ecclesiæ
 „ beati Martini una cum solo, in quo constructa est, **PROPRIETARIO**
 „ **NOMINE** damus servis fervorum Domini perpetualiter habendam,
 „ fruendam, possidendamque.,,

53. Et sub num. 89 **AZO & UGO** Marchiones **Estenses** dono dant
Abbati Vangaticensi quinquaginta Massaritas hac forma: “ Donamus & offe-
 „ rimus in idem Monasterium a præsentis die & hora perpetualiter habendum
 „ **PROPRIETARIO JURE** in sumptum & usum & stipendium **MONA-**
 „ **CHIORUM**, qui modo ibi ordinati sunt vel a modo pro tempore ordi-
 „ nati fuerint.,,

54. Et multis interjectis: "Omnia in integrum ab hac die in eandem Ecclesiam PROPRIETARIO JURE donamus & offerimus perpetualiter,, habenda in usum & sumptum Monachorum, qui modo vel qui pro tempore ordinati fuerint,,.

55. Pari modo in tomo quinto MURATORII *Antiquitatum Italicar. Medii Ævi col. 746* Gerardus Comes ejusque uxor anno 1004 Monasterio Volaterrani agri Ordinis Vallumbrosani ingentem bonorum & castellorum copiam largientes, sic declarant in charta donationis: "In integrum tibi scriptæ Dei Ecclesiæ & Monasterio offerimus, in ipsa sancta Dei Ecclesiæ & Monasterio SINT OMNI TEMPORE PROPRIETARIO JURE,, ET IN SUO DOMINIO habeat & teneat atque possideat, & faciat tam,, ipsa Dei Ecclesia etc.,,.

56. LOTHARII autem Italiæ Regis diplomate, *ibidem col. 560*, Episcopus & Canonici Parmenses anno 948 donantur tribus curtibus tali verborum modo: "Prædicto Adeodato Episcopo Ecclesiæque suæ, ac Domini,, servis donamus jure perpetuo, & DE NOSTRO JURE IN prædictæ Ecclesiæ, vel supramemoratorum servorum Dei JUS ET DOMINIUM,, TRANSFUNDIMUS, ut habeant, teneant, possideant jure,, perpetuo in æternum,,. Alias formulas de hoc ipso genere legisti jam *Cap. XIV, num. 37 etc.* Et proferre alias possem ex Operibus Diplomaticis Auberti MIRÆI; exempli causa, ex libro ejus secundo *Diplomatum Belgicorum Cap. 5 etc.*

Injuriam vero lectoris sapientiæ facerem, si admonendum existimarem, ex hoc quoque formularum genere quid consequatur. Nam PROPRIETAS Ecclesiæ, Monasterio, & Sodalitati cuique affixa ipsa clamat per se, & suas loco & Ordini cuique res vindicat, uti res familiæ cujusque LAICÆ proprias eadem tuetur.

57. In argumentum certæ ac definitæ electionis ac voluntatis Donatores hoc etiam declarare consueverunt aliquando, se res dono datas non fore in posterum ad aliam Ecclesiam translaturus, sed eas perpetuo mansuras ad usus loci quem elegerunt. Id conspicere licet in duabus Lucensibus Chartis, a MURATORIO in laudata Dissertatione LXV vulgatis, *col. 367 & 371 tomi quinti Antiquit. Italicar.*, ad Lucensia duo Monasteria spectantibus.

58. Et alias, nulla usi verborum circuitione, expressius aperuerunt, quænam eorum esset mens in translatione rerum suarum ad Monachos. Pro qua re satis fuerit audire CAROLUM CALVUM Regem & Imperatorem in Diplomate pro Monasterio Dervenfi dato; quod extat in Appendice tomi 3,

An-

Annalium Benedictinorum MABILLONII num. 3: "Nullus hominum (ait Carolus) „ a potestate & DOMINATIONE EJUSDEM LOCI MONACHORUM de eisdem villis sive rebus, aliquando aliquid subtrahere, aut MINUERE, & in suos usus retorquere conetur „,

59. Et paulo post: "Quidquid a Deum timentibus personis eidem loco „ divina pietas voluerit conferre, SOLUMMODO IN IBIDEM DEO „ MILITANTIUM MONACHORUM USUS & necessitates redigatur, „ absque cujuslibet rectoris insultatione seu refragatione „. Datum est hoc Diploma ad preces Parduli Lugdunensis Episcopi, occasione donationis novæ prædiorum a se Dervensibus Monachis factæ.

60. Quid autem ista referunt animoque legentium repræsentant, nisi id, quod expressiori verborum forma legimus in appendice tomi tertii Annalium CAMALDULENSIUM Mittarelli & Costadoni? Ibi enim num. 83, Benno Comes res suas "donat atque offert Ecclesiæ sancti Petri de Luscia- „ no, ita ut semper sit stabilis ac firma IN PROPRIETATE prædictæ „ Ecclesia in jam dictis rebus; nam prædictas res omnes juris mei (ait) in „ integrum ab hac die tibi Cunizze atque prædictæ Ecclesiæ dono, cedo „ atque offero, & NULLI ALII datas, donatas, obnoxias vel tractas, „ NISI PRÆDICTÆ ECCLESIAE SEU MONASTERIO sancti „ Petri „: ubi vides, Ecclesiam & Monasterium electum esse cum exclu- sione Ecclesiæ & Monasterii alterius cujuscunque.

61. Hoc ipso animo Fundatores Monasterii alterius apud Arvernos, in hæc verba eruperunt in charta foundationis, quæ habetur num. 50 memoratæ Appendicis Annalium Benedictinor. MABILLONII: "Nos ergo „ precamur & contestamus (*sic*) per Deum & in Deum, & per omnes Sanctos „ ejus, ut hanc nostram constitutionem nullus REX unquam, nullus Epi- „ scopus, nullus Comes, nullus unquam homo inquietare præsumat, divi- „ nam comminationem pertimescens, qua dicitur: MALEDICTUS qui „ transfert terminos proximi sui „.

62. LUDOVICUS autem Rex Germaniæ Primus hac formula do- nationem suam firmat, factam Monasterio Ratisbonensi sancti Emmerami, in Diplomate quod adest in *Codice Diplomatico Ratisbonensi* pag. 24 partis tertiæ, tomi I Thesauri novissimi anecdotorum Domni Bernardi PEZ. Do- nat itaque Rex Monasterium illud medietate cujusdam fisci cum mancipiis, vineis, terris, pascuis etc. "ea ratione, ut ipsa medietas ipsius fisci AD „ MENSAM MONACHORUM ibi Domino famulantium, ibi jugiter de- „ serviat, & nullus Episcopus aut quislibet Prælatus easdem res IN BENE- „ FI-

„FICIUM alicui dare five ad opus suum recipere præsumat; sed solummodo AD OPUS IPSORUM deserviat „.

63. Unde etiam illa formula nata est testamenti, quod affercbam *num.*
 35, WILLELMI Ducis Arvernorum: „Neque aliquis PRINCIPUM secularium, non PONTIFEX SEDIS ROMANÆ, per Deum, & in Deum, omnesque Sanctos ejus, & tremendi judicii diem contestor, deprecor, ne invadat res ipsorum Dei servorum. Non distul at, NON MINUAT, NON BENEFICIET ALICUI PERSONÆ, non aliquem PRÆLATUM super eos contra eorum voluntatem constituat etc. „.

64. In istis igitur formulis, quas pro specimine universæ rei dabamus, non relinquitur obscurum, quos pia Fundatorum ac Donatorum mens intenderit fore dominos rerum collatarum; & vix efficaciora verba ad id significandum, adhiberi potuisse puto. Unde pronunciamus merito cum Claudio RANGOLIO Ordinis Minimorum sancti Francisci de Paula in Commentar. in libros Regum, „Tametsi Monachi privatim nihil possideant, quæcumque tamen aut suo ipsi labore, atque industria pepererint, aut fideliū liberalitate consecuti fuerint, ea publice communiterque POSSIDERE. Unde sequitur, ut si quis ea AB ILLIS EVERTAT, aut invitis per vim eripiat, nihilo fecius FUR ET PRÆDO habendus sit, quam si sua cuilibet auferat legitime POSSIDENTI „.

65. „Eto, quæ pridem fidelium liberalitate concessa sunt, hætenus DONA habeantur: an censet ullum esse posse POSSESSIONIS titulum eo justiore? Negavit olim FRANCISCUS I. Castellano & BUDÆO præsentibus, REGUM IMPERIA pari jure posse defendi „.

66. „Quare, quæ donata sunt, Monachi jure possident. Quæ autem jure possidentur, jure auferri non possunt. SCELUS ERGO EST, Monachorum facultates ALIENIS CONCEDERE „.

67. „NEQUE PONTIFEX aliena largitur, quod TYRANNI solent, ALIENA porro ducere debet, seu mentem FUNDATORUM spectet, seu præsentem possessionem. Nam MONACHI quidem possident: quibus utique fieret injuria, si IN CUJUSQUAM GRATIAM propria eriperet. FUNDATORUM autem ea mens & voluntas fuit, NE CUIQUAM PRÆTER MONACHOS concessis opibus daretur abuti „.

68. Explicat RANGOLIUS hanc legem Fundatorum, ac confirmat ipse quoque ex tabulis Foundationum, necnon ex ipsorum Pontificum Romanorum

manorum litteris; per quæ vetitum est, ne bona collata AD ALIORUM USUS conferantur.

69. Hæc porro RANGOLII dissertatio, quæ est *de Commendis & Commendatariis*, inserta est ab HORSTIO & MABILLONIO Notis in Epistolam 141 S. Bernardi, in editione ALEXANDRO VIII summo Pont. dicata; qua eadem dissertatione utemur opportune non multo post. Adeas interim illarum *Notarum numer.* 108, 112 -- 115.

70. Ex iis vero, quæ hucusque dicta sunt, facile intelligis, ad Principes summos æque ac ad privatos homines pertinere loca omnia, quæ supra allata sunt; etsi forte quædam de privatis solum videantur loqui.

71. Intelligis etiam, iisdem locis omnibus non modo vetari translationem bonorum ecclesiasticorum ab usu sacro ad profanum, verum etiam a nativis ecclesiasticis possessoribus ad usus ecclesiasticos aut usus pios alios.

72. Et sane si bonorum illorum dominium fuit a donatoribus transcriptum in hanc Ecclesiam, non in aliam; in hanc ecclesiasticam sodalitatem, seu in hunc ordinem, non in alium; non licebit aut PRINCIPI, vel alii cuicunque ALITER de hoc dominio, deque ea PROPRIETATE disponere, quam FUNDATORI placuit. Et quando SACRILEGUM EST ab usu sacro ad profanum bona illa convertere; erit saltem contra justitiæ ac fidei publicæ leges bona eadem a possessore nativo ecclesiastico transferre ad alias ecclesiasticas societates, vel ad usus pios alios; a quacunque tandem potestate factum id fuerit.

73. Quorum ratio prompta est ac perspicua, "quod Imperatores REGESQUE (ut inquit THOMASSINUS *Discipl. Par.* 3, *Lib.* 1, *Cap.* 16, *num.* 2,) "regnis non dominantur ut domini, rerum omnium proprietatem assecuti, ut pro arbitrato dent, vel auferant quidvis; sed tanquam summi iudices & DEFENSORES, ut CUIQUE SUA ADJUDICENT ET VINDICENT EX JUSTITIÆ & legum NORMA,,

ARGUMENTIS, quæ poni contra possunt, satisfacimus.

74. Dicit forte quispiam, si hæc valeant pro Principe laico, valitura quoque pro Romanis PONTIFICIBUS. Hinc COMMENDÆ MONASTERIORUM dicendæ erunt injustæ, utpote rerum alienarum rapinæ. Hinc etiam damnabitur translatio Beneficiorum simplicium in usus Seminariorum; cujus tamen translationis auctor fuit Concilium TRIDENTINUM *Sess.* 23, *cap.* 18 *de Reform.* Hinc reprehendenda translatio reddituum

dituum ac prædiorum mensæ episcopalis & decimarum, priscis seculis non raro facta ad Monasteria Monachorum & Monialium. Hinc tandem injustæ declarantur translationes Monasteriorum olim non semel factæ a Monachis ad Moniales, & vicissim; a Canonicis Regularibus ad Monachos, & vicissim; vel ab una ad aliam Monachorum Congregationem; aut a Monachis ad Ordines Mendicantes, vel ad Equestres Ordines, vel ad aliquam ex novis Religiosorum Sodalitatibus.

75. Respondeo primum generaliter cum Natali ALEXANDRO *Hist. Eccles. Sec. 15 & 16, Diss. 9, Art. 6, num. 13*, proprietatem quidem bonorum temporalium esse apud Ecclesias particulares, & administrationem ac dispensationem *immediatam* penes Prælatos earum, „dispensationem vero „generalem, seu potius directionem dispensationis ad necessitatem vel utilitatem præsentissimam universalis Ecclesiæ pertinere ad ROMANUM „Pontificem; sed Romanum tamen Pontificem nec bona ecclesiastica ad „libitum distrahere posse, nec tributa Clero imperare, non accedente consensu ipsarum Ecclesiarum particularium, quarum interest,, Legas S. THOMAM 2, 2, quæst. 100, art. 1 in resp. ad 7.

76. Hæc & seculis illis cognita fuere, quibus lux scientiæ negatur. Nam, ut ex Matthæo PARIS *in Histor. Anglor. ad annum 1240* discimus, Rectores quarundam Ecclesiarum in Anglia, pontificio pecuniarum exactori responderunt ad amovendum tributum quod ab eis petebatur: „Sicut Ecclesia Romana suum habet proprium patrimonium, cujus administratio pertinet ad Dominum Papam; similiter & aliæ Ecclesiæ suum ex largitione „& concessione Regum, Principum & aliorum Magnatum fidelium, quod (non accedente consensu ipsarum Ecclesiarum) „in nullo est censuale vel „tributarium Ecclesiæ Romanæ; unde non debent Prælati compelli de patrimonio suarum Ecclesiarum contribuere. Item, licet argumento legis omnia „dicantur esse Principis; non tamen dominio & proprietate, sed cura „& sollicitudine: similiter Ecclesiæ spectant ad Dominum PAPAM „CURA ET SOLLICITUDINE, non dominio & proprietate; unde „dicunt, quod non debent ad contribuendum compelli,, pag. 361 edit. Parisiens. 1644.

77. Itaque ex istorum sententia Ecclesiæ omnes in potestate Pontificis sunt, non ut domini, sed ut defensoris omnium communis: cujus defensionis causa nonnunquam de ecclesiasticis bonis id potest cum consensu earundem Ecclesiarum decernere, quod præter ordinarias leges sit. Atque in hoc posita est *directio illa ac cura* Romani Pontificis, quam isti memorant.

78. Nobile vero istius directionis pontificiæ seu dispensationis exemplum habes ex laudata Constitutione 33 BENEDICTI XIV data anno 1754 pro Episcopis Albanæ in ditione Turcarum, *in tomo 4 Bullarii ejusdem Pontificis*: in qua eadem Constitutione regulæ traduntur ac fundamenta dispensationis illius & directionis.

79. Deinde respondeo, a nobis non improbari, exempli gratia, translationem illorum beneficiorum, quibus in nativa sua Ecclesia per sacrum ministerium satisfieri non amplius potest. Hinc vero vehementer probamus illud Concilii TRIDENTINI decretum *Sess. 21, Cap. 7 de Reform.*, quo datum est “Episcopis, etiam tanquam apostolicæ Sedis delegatis, ut trans-
,, ferre possint beneficia simplicia, etiam juris patronatus ex Ecclesiis, quæ
,, vetustate, vel alias collapsæ sint, & ob earum inopiam nequeant instaurari,
,, vocatis his, quorum interest, in matrices, aut alias Ecclesias locorum eo-
,, rundem, seu vicinorum arbitrio suo etc.”, cui exemplo aliud simile habemus *in Sessione 25, Cap. 8 de Reform.*

80. Ad COMMENDAS vero quod attinet; non quæram hoc loco, quid Concilium TRIDENTINUM *Sess. 25, Cap. 21 de Regular.* adversus eas decreverit, seu an illas sustulerit in posterum omnes prorsus, an non; jubendo, sua ORDINI MONASTICO REDDI universa: de qua re interpretes Juris Canonici non conveniunt. Ceterum non nova, sed vetus est querimonia piorum Scriptorum, Conciliorum etiam quam plurium, & ipsorum Romanorum PONTIFICUM adversus COMMENDAS.

81. Hoc tamen affirmo, in Commendarum usus sive introducendo, sive sustinendo ac fovendo minimas partes fuisse Romanorum PONTIFICUM (si aliquos illorum excipimus in lacrymabili illa status ecclesiastici perturbatione Seculi decimi quarti & sequentis): alii enim sunt, quorum magis interest, commendas continuari; de qua re ipsi viderint.

82. Scribebat Seculo XVI Gentianus HERVETUS Canonicus Remensis in Dissertatione de reparanda Ecclesiæ disciplina: “Dolendum pro-
,, secto, dolendum est, quod cum olim tot viri pietate & doctrina insignes
,, prodierint e monasteriis, Basilius, Gregorius Nazianzenus, Joannes Chry-
,, sostomus, Gregorius Pontifex maximus, Benedictus & alii innumerabiles,
,, qui suis & exemplis & scriptis Dei Ecclesiæ plurimum profuerunt; hodie
,, magna ex parte est summa monachorum inscitia cum vitio conjuncta,
,, quæ tota fere est adscribenda COMMENDATARIORUM negligenti-
,, tiæ, qui non dant operam, ut bonos & doctos habeant præceptores.”

83. " Valde etiam dolendum est, quod cum calamitosissimis his temporibus pauperum sit maximus proventus, ablata sint eis alimenta, quæ, antequam exorirentur isti COMMENDATarii, certis diebus publice suppeditabantur E MONASTERIIS,,

84. " Quin etiam quis non angatur animo, cum videt TEMPLA augustissima & pulcherrima ædificia partim minari ruinam, partim jam corruisse? cum interim MONASTERIORUM proventus quomodo consumantur, quid opus est dicere,,

85. Hæc Gentianus HERVETUS, cujus locus longe prolixior inferius est Notæ memoratæ in Epistolam 141 sancti Bernardi post Dissertationem Claudii RANGOLII de Commendis.

86. Scio ac fateor, ea aliquando incidisse tempora miserrima, cum sacris omnibus ac profanis turbatis, monastica simul disciplina aliquibus in Monasteriis fere evanuerat. Istam scilicet fuisse dicunt præcipuam causam, cur COMMENDATarii necessarii sint habiti (de qua re nihil interim in contrarium affirmabo). " Sane quidem (dicere liceat cum laudato RANGOLIO) „quam utiliter, quamque e re nostra hoc factum sit, probat funesta hæc MONASTERIORUM SOLITUDO, & semper in pejus colapsi mores,,

87. Laudo tamen primos illos Ecclesiarum, Episcopatum, & Monasteriorum custodes TEMPORARIOS, qui frequentes occurrunt legenti præcipue Epistolas GREGORII Magni: & nunc de folis COMMENDATariis perpetuis seculorum posteriorum loquor; quibus sæpe nihil minus cordi est, quam vita & disciplina monastica, vel utilitas Ecclesiæ, cui præferti sunt.

88. " Non possunt ergo (colligam cum Ludovico THOMASSINO discipl. Eccles. Par. 2, Lib. 3, Cap. 10, num. 15,) „universim damnari commendæ, ne redundet infamia in sanctissimos PRISCI ÆVI EPISCOPOS; „sed nec possunt etiam non damnari COMMENDÆ, quas bonorum opumque infanda extorquet libido, cum eas prisce ævi damnarint Præsules sanctissimi,,

89. Adversus posteriores has COMMENDAS clamaret quispiam cum PETRO VENERABILI Abbate Cluniacensi Lib. 2, Epist. II, ad Matthæum S. R. E. Cardinalem & Episcopum Albanensem in simili causa scribente: " Quid personis peccantibus sanctus ORDO peccavit? quid aliis delinquentibus justitia promeruit? cur cum reis innocentia condemnata est? „cur malis Monachis secundum quosdam expulsis, MONASTICA INSTITUTIO expulsa est? Ut quid saltem malis illis, boni Monachi „ non

„ non succedebant? An quia nusquam tales inveniri poterant? O quam
 „ innumerabilis Monachorum turba, per supernam gratiam multi-
 „ plicata, universa pene rura operuit, urbes, castella, oppida implevit „!

90. In eadem epistola, quam legere integram poteris in *Biblioth. Pa-*
trum tom. 22, pag. 870 inter cetera Petri Venerabilis Opera, dixerat paulo
 ante idem sanctus ac doctissimus Abbas: “ Queritur totus Monachicus
 „ ORDO, & communem injuriam pari querela deplorat, expulsos a sedi-
 „ bus suis Monachos, CLERICOS pro eis intrusos, sua deferuisse,
 „ ALIENA OCCUPASSE „.

91. Sic autem exclamabat PETRUS VENERABILIS, edoctus
 antiquis Romanorum PONTIFICUM exemplis. Scimus enim, inter ce-
 teros, GREGORIUM Magnum tam abfuisse, ut a Monasteriis, quo-
 rum collapsa esset disciplina, MONASTICAM INSTITUTIONEM
 expelleret; ut vel in ipsa Monasteria desolata aut prope extincta sollicitus
 fuerit de novis Monachorum coloniis inducendis. Id factum non semel
 fuisse jussu magni hujus PONTIFICIS, docemur *ex epistola illius 61, libri 10*
ad Adcodatum Abbatem Neapolitanum, & ex epistola 72, libri 11
ad Agapitum Abbatem, secundum edition. memoratam. Sed ad alterum
 argumentum non vacat plura reponere.

92. RELIQUA autem sunt levissima. Nam illud de beneficiis sim-
 plicibus in usus Seminariorum convertendis ad rem non pertinere, intel-
 liget ille, cui beneficii *simplicis* natura perspecta est, & qui novit, quæ olim
 fuerit potestas Episcopi in redditus ac fundos omnes suæ Diœcesis, quæ
 deinde fuerit ORIGO BENEFICIORUM, & quæ sit adhuc Episcopi
 in suam Diœcesim potestas. Præterea consideranda est causa momenti
 maximi, ob quam translatio illa decreta fuit beneficiorum mere SIM-
 PPLICIUM.

93. QUOD VERO objiciebatur de collatis redditibus, decimis, ac
 prædiis mensæ episcopalis in Monasteria; ea non transtulerunt alii invito
 Episcopo; sed EPISCOPUS ipse transtulit de mensa sua, præcedente
 CONSENSU CLERI, ut moris erat, & ut in vetustis etiam donatio-
 num tabulis testatum vidi frequenter: pari scilicet ratione ac de mensa
 eadem sua Episcopus transcripsit redditus ac prædia in Canonicorum Colle-
 gia, & in aliorum Clericorum Ecclesias. Et Disciplinæ Ecclesiasticæ veteris
 peritis notum est, quomodo MONACHIS olim communis esset fors cum
 Clero reliquo; quos EPISCOPI autoritate, munificentia, & benevo-
 lentia sua semper impense foverunt velut illustrem Cleri partem. *Lege*
disciplinam THOMASSINI part. 3, lib. 2.

94. FUTILE vero est argumentum postremum. Oportet enim, ubi juris naturalis aut divini præscripta declaranda sunt, definamus tandem ad facta confugere; quippe cum absurdum valde sit velle EX FACTIS JUS constituere: quæ sæpe aut inordinata sunt; aut obscura & impervia, ob circumstantias quæ nos latent; aut aliena a rebus quæ solent in quæstionem venire. De jure constituendo nunc agitur; minime autem quæstio habetur de factis: quæ tamen, quatenus ad rem nostram spectant, esse potuisse, vel etiam fuisse a vitio pura, dabimus libenter, donec de opposito doceamur. Sed omnino POSSESSORES jam omnes, ut nunc sunt, tuetur VETUSTATIS auctoritas & longæva possessio.

95. TENEAS ergo tanquam certum ac fixum, sicut laicorum familiis, ita familiis Clericorum & Monachorum & Ecclesiis sua jura suasque res tueri PRINCIPEM debere, seu eundem supremam Donatorum ac FUNDATORUM voluntatem relinquere debere intactam; adeoque PRINCIPI eidem nullo titulo licere, temporalia ecclesiastica bona ab una ecclesiastica sodalitate transferre ad aliam, vel ad usus pios alios.

96. Ignoravit autem Leges Naturæ, justitiæ ac fidei publicæ Auctor recens (*Conferm. de Ragionam. intorno a' Beni Eccles. par. 2 pag. 125*), qui varia miscet in hac re; & ea PRNCIPI tribuit, quæ cum officiis Principis & Patris componi nunquam poterunt.

97. NON EST autem, quod istis Juris Naturalis regulis admissis, colligat quispiam verendum esse, ne defutura sint ecclesiastica subsidia in causis religionis, cum qua plerumque REGNUM quoque periclitatur; ut puta, in bellis adversus christiani nominis hostes & oppugnatores, vel adversus hæreticos seditiosos & turbulentos vel rebelles. Nam contrarium & postulat in primis bonorum ecclesiasticorum natura & indoles, & persuadet ecclesiastica superioris ætatis liberalitas & pietas, quæ extremis etiam consiliis non pepercit, ut periclitanti cum regno religioni consuleret. Exempla nec unius REGNI, nec unius temporis commemorare non est opus; quoniam sunt pervagata & eruditis viris maxime nota.





CAPUT XVIII.

De Jurisdictione ecclesiastica in causis CIVILIBUS LAICORUM & quoad Res Mixtas POSITIONES HISTORICÆ.

I. DE jurisdictione ecclesiastica in causis CIVILIBUS LAICORUM & quoad Res Mixtas, & de immunitate CLERICORUM in causis tum civilibus, tum criminalibus, historice scripserunt multi; inter quos placet mihi modo commemorare Bernardum VANESPEN, Claudium FLEURY in *Histor. Ecclesiast.*, Michaellem ROUSELIUM, Anton. Dadinum ALTESERRA, nec plures.

2. Et cum aliorum opera hæc res satis illustrata fuisse videatur; non ego mihi novum hunc laborem sumam, ut ea iterum retexam; sed, quod in *Præfatione* promisi, HISTORICAS ad hanc rem POSITIONES in postremum hunc locum digeram; unde lucem ac normam ii aliquam habeant, qui de Juribus Imperii aut Sacerdotii statuerunt quærere.

3. Educturus autem eas sum ex viro tum modestissimo, tum accuratissimo, & Ecclesiasticæ Disciplinæ veteris summe perito Ludovico THOMASINO *Discipl. Eccl. Part. 2, Libr. 3, Cap. 101 & seqq.*; summa capita ex magna illa rerum silva in meos usus separans, ac res permixtas revocans ad suas classes; atque ubi res postulat, fontes explorare non prætermittens. Et si quando vel MURATORIUM, vel Natalis ALEXANDRI *Ecclesiasticam Historiam* ex iis Capitibus, quæ sunt de *Politia Ecclesiastica*, vel alios advocavero, hoc non omittam indicare.

4. Videamus primo de Jurisdictione Ecclesiastica in Causis CIVILIBUS LAICORUM & quoad Res Mixtas. Apostolus in *Epistola prima ad Corinthios Cap. 6* eos redarguit fideles, qui non sine injuria Ecclesiæ ac infamia Religionis Christianæ & Christianorum querelas ac lites suas ad tribunal infidelium deferrebant, quasi nulli essent inter Christianos, qui valerent causas fratrum suorum componere.

5. Atque ex hac Apostoli sententia adversus eos, qui causas suas civiles ad infideles Magistratus deferrent, factum est, ut novo curarum genere Episcopi onerarentur, dum fideles LAICI querelas suas ad eos perferebant definiendas; *quibus nos molestiis*, aiebat Augustinus de Opera Monach. Cap. 29, *idem affixit Apostolus, non utique suo, sed ejus qui in eo loquebatur arbitrio.*

6. Est tamen hoc verum, Apostolum huic oneri ipsos nominatim EPISCOPOS non subjecisse. Sed cum ipse subjiciendos eos declaraverit, qui essent eximia & singulari sapientia; pronum fuit, ut a laicis adirentur præ ceteris Episcopi, utpote qui sapientiæ & integritatis fama supra ceteros eminerent. Unde indefinita Apostoli propositio ad Episcopos Clericosque coarctatur. Ita concordabunt, ait THOMASSINUS, quæ alias pugnare videntur, sive Patrum testimonia, sive Ecclesiarum alio & alio tempore decreta.

7. Atque in eo suo officio EPISCOPI erant velut ARBITRI & Parentes, pacis, concordæ, & charitatis inter fratres conciliandæ ac servandæ imprimis solliciti; a strepitu vero & ambagibus fori sibi caventes.

8. QUOD VERO munus sub infidelibus Principibus gesserant Episcopi in dissidiis fidelium terminandis velut arbitri & sequestri; illud continuaverunt etiam, postquam Imperatores facti sunt Christiani. In qua re notæ sunt curæ BASILII, AUGUSTINI, AMBROSII Doctorum & Patrum Ecclesiæ.

9. Et hæc quidem Episcoporum opera adeo Principibus Christianis probata fuit, ut eam Imperialibus LEGIBUS confirmatam voluerint.

10. A quibus hoc etiam vetitum est, ne qui Episcoporum judicium subiissent, a data sententia appellarent.

11. Hac ergo lege ii tenebantur, qui semel Episcopi judicium delegissent. Sed antequam tribunal Episcopi optaverant, integrum erat fidelibus iisdem per leges eas Imperatorum, relicto episcopali foro, causas suas committere foro LAICO.

12. ESSET hic locus alium articulum ponendi, secundum notam illam *Extravagantem primam de episcopali judicio*, post appendicem Codicis Theodosiani. Sed ab hoc nunc ponendo abstinere lubens; quia disputant Jurisconsulti, an *Extravagans* illa sit supposititia, an non; de qua re post Jacobum GOTHOFREDUM in Codicem Theodosianum quærent in alterutram partem THOMASSINUS *loc. cit.* Cap. 102, num. 1, 2, VANESPENIUS *Jur. Eccles. Par. 3, Tit. 1, Cap. 1, num. 22 etc.* Ant. Dadinus ALTESERRA *Vindic. Lib. 1, Cap. 7, & BENEDICTUS XIV de Syn. Diac. Lib. 9, Cap. 9, num. 9.*

13. TAM MULTI autem erant, qui controversias suas ad Episcopos velut ad ARBITROS, Pastores & Patres studio pacis & concordiae deferrent; ut cogerentur non raro Episcopi ætatis illius vetustæ, in istius oneris partem vocare Archidiaconos, Presbyteros, vel alios Clericos.

14. JUSTINIANUS Imperator *novella Constitutione* 86. Episcopos præterea donavit auctoritate adversus ipsos publicos JUDICES, vel pro horum supplenda negligentia, vel pro eorundem corrigendis ac coercendis judiciis, vel quoad alia capita circa eos incidentia.

15. In CODICE Justiniani ejusdem tit. *de Episcopali Audientia* præficiuntur Episcopi inspectioni mercatorum, & pretii MERCIUM, ut ne pauperes gravarentur; iidemque jubentur Episcopi excubare ad executionem austeriorum quarundam legum, adversus ALIÆ & aliorum id genus ludorum insanias promulgatarum; & aliis item potestatis partibus infinguntur.

16. Episcoporum ergo jurisdictionem sexto septimoque Seculo fuisse amplissimam verissime pronunciat Natalis ALEXANDER *Hist. Eccl. Sec. 6, Cap. 6, Art. 3, num. 9*, ubi indicatas LEGES a Justiniano partim conditas, partim ex superioribus Augustis collectas & confirmatas ipse pariter profert ac illustrat.

17. GALLIARUM etiam & Hispaniæ non modo Canones, sed Leges etiam consulentes, quæ ab anno quingentesimo ad nongentesimum prodierunt, videmus Episcopos tum multa tum varia potitos esse potestate in temporalia Regni, & in Judices publicos: atque vel ipsas Regni leges *venerabilium Episcoporum assensu roboratas fuisse*, ut habemus in Rescripto ALARICI Regis Gothorum, per quod Rex Theodosianum *breviatum* CODICEM promulgat.

18. CETERUM etsi dictum est, ab ecclesiasticis Judiciis exulasse ambages, moras, ac formulas morosiores JURIS civilis; Episcopi tamen qui ea exercebant, vel eorum delegati aut arbitri ex norma Legum CIVILIUM summam rei tractabant ac finiebant. Hujus saltem rei non pauca nobis exempla præbent Epistolæ GREGORII Magni. Quamquam & hoc constat, ita plerumque Episcopos de causa cognovisse, ut eam compoherent magis, quam judicarent; sic vero temperata quadam concordia parti utrique satisfacerent.

19. DEINCEPS CAROLUS M. in *Capitularibus* suam fecit Extravagantem illam primam *de Episcopali Judicio*, de qua *num. 12* dictum est; ac ut in universo Imperio servaretur, præcepit.

20. Per eam ergo Laicis omnibus, five actores essent, five REI, fas erat suas ad Episcopum revocare causas temporales, initio litis, vel IN PROGRESSU, INVITA etiam parte alia; nec adversus sententiam Episcopi erat locus PROVOCATIONI.

21. De hoc ipso capite agens Natalis ALEXANDER in *Hist. Eccl. Sec. 9* & 10, *Cap. 5, Art. 3, num. 12*, Secularium lites, ait, ad Episcopale Forum deferri poterant, & ibi judicari, five petitor, five POSSESSOR id postularet. Quam jurisdictionis extensionem Episcopi CAROLI Magni & Ludovici Pii Imperatorum beneficio consecuti sunt, ut constat etc.

22. POTERANT vero Laici, secundum CAPITULARIA, arbitros iudicesque sibi deligere non solum Episcopos, sed & Presbyteros aliosque Clericos ad qualescunque omnino causas; etsi iisdem laicis licebat adhuc in causis illis civilibus a laicis suis iudicibus non desistere.

23. Spectabat tamen & hoc tempore illa ecclesiastica Jurisdictio ad charitatem & concordiam firmandam, vel retinendam inter fideles.

24. Nec forsitan post annum Christi millesimum, ait THOMASSINUS, huic jurisdictioni detractum ulla in parte fuisset, si, ut prioribus retro seculis, ita & in his posterioribus non alia cura fuisset, quam modestiæ & terrenorum despicientiæ infigendæ mentibus litigantium.

25. Testabatur tamen Seculo XIV BERTRANDUS Cardinalis occasione Discepcionis, de qua postea, a CLERO nihil in Synodis Diœcesanis & Provincialibus statui, quod ad temporalia pertineret, nisi quod idem ad æternam salutem pernecessarium esset.

26. Hisce temporibus seu post annum Christi millesimum ad Forum Ecclesiasticum trahebantur causæ rerum mobilium laicorum, ratione Juramenti interpositi, vel Testamenti, vel Matrimonii; causæ usurarum, adulterii, sacrilegii, injuriarum in Clericos, contractuum coram Notario ecclesiastico initorum, decimarum; causæ miserabilium, pauperum, orphanorum, viduarum, & aliæ pro regionum diversitate ac moribus.

27. Ex quo evenerat, ut laicorum, ait THOMASSINUS, longe maxima causarum pars, fori esset ecclesiastici, & non possent tunc Episcopi non plures habere officiales, qui divisim in locis suæ Diœcesis jus dicerent: quæ ex re illis plerumque tunc in Curiis secularibus invidia conflabatur.

28. Atque ex hoc ortum habuit nota illa disceptatio de ecclesiastica jurisdictione Seculo XIV habita coram Philippo VALESIO Rege, orante pro Ecclesiasticis Cardinali BERTRANDO, pro laicis Petro de CUGNERIIS,

in

in qua tamen disceptatione Clerus vicit; quoniam in vetere statu cuncta a REGE relicta sunt: etsi jam nobiles iudicesque laici grassari tum cæperant in ecclesiasticam jurisdictionem.

29. Et quidem Regni & Ecclesiæ dissidia sub Philippo PULCHRO ortum dedisse his jurisdictionis ecclesiasticæ usurpationibus, simile veri est: sed secundum Ecclesiam, ut dicebam, Philippus VALESIIUS postea pronuntiavit.

30. Bertrandus autem, inquit Natalis ALEXANDER in *Hist. Eccl. Sec. XIII & XIV*, cognitionem causarum laicorum tum in actionibus personalibus, tum in REALIBUS, Ecclesiæ Gallicanæ asseruit ex consuetudine, ex PRÆSCRIPTIONE, ex privilegio. Ex consuetudine, quæ introducta est etc.

31. Per gradus vero posterioribus sub Regibus Jura Clericorum in causis laicorum CIVILIBUS & Mixtis fuerunt imminuta; etsi nonnulla pristinæ potestatis imago adhuc restabat; donec FRANCISCUS I. Edicto anni 1539 illam labefactavit omnem, coarctata Ecclesiæ in LAICOS jurisdictione ad Sacramenta & alias causas mere spirituales; prohibito ecclesiastico Judice, ne eos in causis mere personalibus adesse coram se juberet.

32. Et quamquam hujusmodi prohibitio temporaria erat, in eaque FRANCISCUS I. jus eorum relinquebat integrum, qui titulo in contrarium aliquo, vel POSSESSIONE niterentur; horum tamen omnium nulla a Parlamenti est habita ratio; & ita temporaria provisio definitiva ac UNIVERSALIS sententiæ vim obtinuit.

33. In HUNGARIA tamen Mathias Rex anno 1462 ab Episcopis & Optimatibus Regni sui interpellatus Edicto suo hæc Jurisdictionis Ecclesiasticæ capita designavit: nempe causas Sacramentorum, Fidei, Hæresis, Testamentorum, Matrimoniales, & Dotis rerum paraphernalium, necnon Donationis propter nuptias; causas decimarum, usurarum, viduarum & miserabilium personarum; perjuriorum, & causas, quarum finis tendit ad correctionem peccati; & eas, in quibus quis incidit in sententiam excommunicationis.

34. Multo vero plura Ecclesiastico Foro permittebat Statutum POLONIÆ Seculo XVI conditum. Sacra certe ibi Jurisdictio, ait THOMASSI-NUS, tam late propagatur, ut ne prioribus quidem & melioribus Seculis potuerit usquam ulterius exporrigi. Legisse juvabit etiam Natalem ALEXANDRUM in *Hist. Eccl. Sec. XV & XVI, Cap. 7, Art. 2, §. 16.*


35. Concludit THOMASSINUS afirmando, ecclesiasticæ in LAICOS & in temporalia jurisdictionis finem scopumque non esse alium, quam pastoralis sollicitudinis explicationem ad animarum salutem.

36. Ideo superius inter varia capita Jurisdictionis sacrae in HUNGARIA inclusæ sunt universim causæ omnes, ubi de MORUM emendatione agitur: *Causæ quarum finis tendat ad correctionem PECCATI.*

37. Ideo contestabatur paullo superius BERTRANDUS Cardinalis, Clerum suis in Conventibus temporalia non attingere, nisi quatenus ad salutem sempiternam interesset.

38. Ideo tantopere certatum est, ut LAICIS integra servaretur facultas sistendi se Judici ecclesiastico, quod ab EXORDIO ea illis optio data esset, ut pietati & religioni consultum esset.

39. Si qui Præsules (pergit THOMASSINUS) postrema hac ætate, hoc est, post annum Christi millesimum, rationes alias, si cupiditates suas duces secuti sunt, proprio id factum est eorum vitio, quo præjudicari nihil potuit sanctissimis & incorruptis ECCLESIAE regulis. At illis sane authoribus accepta ferenda est CLADES ECCLESIASTICÆ JURISDICTIONIS.



C A P U T XIX.

De immunitate CLERICORUM in Causis tum Civilibus tum CRIMINALIBUS Positiones HISTORICÆ. Adduntur nonnulla de POENIS Ecclesiæ corporalibus, seu de Pœnis CIVILIBUS, quas Ecclesia inflixit vetusto tempore.

1. **E**X annotato THOMASSINI loco, secundum methodum Capite superiori propositam, itemque ex MURATORII *Antiquitatibus Italicis Medii Ævi*, & ex Natalis ALEXANDRI Ecclesiastica Historia dicendum nunc est de Jurisdictione Ecclesiastica in CLERICOS, seu de Immunitate Clericorum in causis tum civilibus, tum criminalibus.

2. Ob quas causas laici fideles a primo Ecclesiæ tempore, & deinceps lites suas ad Episcopos detulerunt tanquam ad parentes & arbitros; ob easdem causas, secundum Apostoli sententiam, id fieri multo magis oportuit a Clericis.

3. Et ut id a Clericis fieret, sollicitè caverunt Patres & Concilia, pœnis etiam decretis adversus violatores sanctissimæ hujus voluntatis Ecclesiæ.

4. NEQUE solum Clericis erat vetitum, alios causarum suarum judices seu arbitros quærere quam Episcopos; sed LAICI etiam per JUSTINIANI Imperatoris leges jussi sunt lites suas ADVERSUS CLERICOS ante committere sententiæ Episcopi, quam judicio Magistratuum seculi; quos tum tandem adire licebat, si non valuisset Episcopus causam terminare, vel si differret judicare.

5. Si quas autem causas haberent Monachi vel Clerici ad invicem; dijudicabant eas ac componebant vel Concilia Provincialia, vel, ut Epistolis GREGORII M. docemur, Episcopi.

6. Sed si de CRIMINE vertebatur quæstio, publicum cognovisse judicem, discimus ex JUSTINIANO eodem, siquidem crimen esset civile & commune seu adversus politiam civilem & publicas Regni sanctiones: si ECCLESIASTICUM vero esset CRIMEN seu proprium Clerici & contra DISCIPLINAM Ecclesiasticam & Officium Clericale; tunc cognitores erant non alii, quam Ecclesiastici.

7. Immo & in DELICTO CIVILI per posteriorem JUSTINIANI Constitutionem licebat Clericos accusare coram EPISCOPO: a quo convicti deponebantur; tumque illos Judex publicus secundum leges corripiebat.

8. Quod si in eodem delicto civili prius Judici publico delati Clerici fuissent; tum Judex acta communicabat cum Episcopo, cui si de veritate judicii constitisset, ab eo Clericus deponebatur, a Judice autem pœnis afficiebatur.

9. Sed si Episcopo non satis reus videretur convictus, depositionem procrastinabat, donec Imperator pronunciasset.

10. EPISCOPORUM vero cum & dignitas eminentissima sit & auctoritas; ad judicium vocari eos nefas erat, nisi Episcoporum, Metropolitanorum, Patriarcharum, sive prima cognitione, sive per appellationem tam in pecuniariis & civilibus, quam in CRIMINALIBUS causis, ut nunquam apud Judices laicos conveniri possent, nisi jussisset Imperator. Ita JUSTINIANI item legibus decretum fuerat. A Regibus GALLIÆ, ait THOMASSINUS, primæ, secundæ, & tertiæ Dynastiæ illibatum id privilegium Episcopis vindicatum est, etiam in Majestatis criminibus; ut ne reos usquam agere eos liceret, nisi in Conciliis ab aliis Episcopis judicandos. Adde, iis id privilegium vindicatum esse & alibi.

11. Ex CASSIODORI epistolis iis, quas nomine THEODORICI Regis ITALIÆ scripsit, discimus, in hujus Principis Regno PERSONALES Clericorum causas, etiam si ageretur de criminibus, episcopali judicio integras fuisse servandas: sed reales, quas Laici Clericis intenderent, aut Clerici Laicis, apud publicos Judices solitas disceptari.

12. Recte ergo Natalis ALEXANDER in *Hist. Eccl. Sec. 6*: Quamquam Clerici, ait, sub Regibus GOTHORUM in causis personalibus plenissima immunitate in ITALIA fruerentur; non tamen in causis REALIBUS. Illæ enim ad Curiam Principis deferrebantur.

Hæc paullo ante JUSTINIANI tempora facta sunt.

13. In CONCILIIS Gallicanis Seculi VI. prohibiti sunt CLERICI ad Judices seculares quemquam provocare INJUSSU EPISCOPI; prohibiti sunt & criminis cuiquam litem intendere: permitti sunt tamen provocati accedere ad tribunalia Judicum annuente EPISCOPO.

14. Cautum præterea est in iisdem Conciliis, ne LAICI ipsi Clericos ad tribunalia Judicum vocarent, nisi MONITO ante EPISCOPO. Scilicet præmoneri se volebant Episcopi de litibus, quas vel Clerici Laicis, vel vicissim Laici Clericis intenderent coram judicibus seculi; ut eas ipsi extinguere ac tollere exorientes possent.

15. Alia Ecclesiæ illius Decreta adhuc ultra progressa sunt. Edixit autem CLOTARIUS II. Rex Seculo VII ineunte, ut causas CRIMINALES Clericorum conjunctim judicarent judices utriusque fori, sacri & civilis; reus vero convictus canonicis pœnis subjiceretur tantummodo.

16. Et si quæ lites inter Clericos & Laicos extiterint, eæ utriusque pariter judicis cognitione sedarentur. Adest Edictum hoc CLOTARII in *Tomo 6 Concil. edit. Veneto-Labbeanæ col. 1392*; datumque est Anno DCXV, & XXXI Regni ejusdem Clotarii.

17. Ea Secula, quæ nos hætenus percurrimus, MURATORIUS fere nonnisi intra Italiam sistens, in *Dyffert. LXX Antiquit. Med. Ævi* illustrat monumentis ad Regnum LANGOBARDORUM spectantibus. Ex quibus hoc videmus (ait), auctoritatem quoque Principis imploratam fuisse, quum controversiæ inter Episcopos, vel Clericorum adversus Episcopum suum querelæ insurgerent. Cujus rei CAUSAM opinatur MURATORIUS esse petendam ex similitudinibus ac bellis, quæ diutissime viguerunt inter Langobardos atque Romanos, dum Græci Imperatores Romæ nunquam a Langobardis subactæ imperarunt.

18. Propterea enim opinari licet (inquit) multos obices in Longobardico Regno fuisse positos legitimæ Romanorum Pontificum & Episcoporum auctoritati in ecclesiasticis negotiis. Profecto (dixerat paullo ante) CLERICI JUDICES legitimi a primis Ecclesiæ seculis EPISCOPI fuere. Episcoporum vero Romanus Pontifex, Concilia, Metropolitani.

19. Quamquam est illud addendum, jus Episcopi in judiciis Clericorum in eo plerumque a LONGOBARDIS relictum esse integrum, quod non ipse Princeps examen judicii episcopalis assumeret, sed jussione sua interposita REVISIONEM causæ novam illi ipsi Episcopo relinqueret, qui prius judicaverat. Ita ex MURATORIO.

20. CAROLUS MAGNUS, ait THOMASSINUS, per Capitularia sua pristinæ integritati reddidit CANONES priscos de Jurisdictione Episcopali editos. Secundum hæc ergo CAPITULARIA, si duo litigarent Clerici, quacunque de re ageretur, cognitor esse non poterat nisi EPISCOPUS.

21. In CRIMINALIBUS vero non alium item præter EPISCOPUM fortiri judicem poterant: & ne LAICI quidem Clericos convenire poterant & accusare, nisi coram ecclesiastico judice, qui secundum Canones & LECEs judicare tenebatur pro natura Criminis aut CIVILIS aut Canonici.

22. Et si judex aliqua pœna Clericos constringeret, antequam illos ei Episcopus permisisset; excommunicatione percelleretur secundum eadem CAPITULARIA.

23. HÆC quidem ex Capitularibus desumpta pertinent ad causas Clericorum tum civiles tum criminales inter se, & criminales LAICORUM adversus Clericos. Quod vero attinet ad causas Clerici adversus LAICUM; ex iisdem Capitularium Legibus coram judice civili sistere se non poterat Clericus, nisi permittente EPISCOPO, quacumque demum de causa; & universim prohibebatur, ne quemquam in crimen ageret coram judice seculari.

24. At si LAICUS ex causa CIVILI convenisset Clericum coram seculari judice; declinare is non poterat, inquit THOMASSINUS, forum civile; nec poterat Episcopus non id permittere: cum posset quidem LAICUS episcopale forum laico anteponere, non tamen cogeretur; dummodo permissum EPISCOPI præcessisset.

25. Quod permissum EPISCOPI in his postremis etiam causis non ob aliud expectari a LAICO oportuit, nisi ut Episcopus, dum antea admonitus esset, posset ipse dissidium suis in exordiis abrumperere sine moris ac sine strepitu, magis velut parens quam ut judex. Atque huc spectasse existimo Caput octavum Capitularis HERARDI Turonensis Episcopi Seculi IX, in *tomo I*

Capitularium Regum Francor. Baluzii edit. Paris. col. 1287, quo sancitum est, „ut nullus laicorum quemquam Clericorum ABSQUE PERMISSU EPI-„SCOPI compellat ad causas ire ad iudicem publicum. Et c. fecerit, donec „corrigat, ab Ecclesiæ societate pellatur „.

26. CETERUM cum omnium intricatissimæ illæ sint causæ, ait THOMASSINUS, ubi Clerici cum Laicis contendebant, excogitatus est tandem (seu renovatus) conventus iudicum MIXTUS, hoc est, ubi cognitor sedebat Episcopus; cingebant autem illum LAICI, tum consultissimi juris, tum probitate spectati, quos ipse REX delegisset. Causæ CIVILES & pecuniariæ tribunali huic mixto subiciebantur.

27. Hæc THOMASSINUS ex Hincmaro: quæ tamen ipsa apertius Natalis ALEXANDER expreßit in *Hist. Eccl. Sec. IX & X*, inquires: Si lis Clericum inter & laicum moveretur, Episcopus cum iudicibus secularibus ipsam dirimebat, ut docet Hincmarus.

28. Attamen monumenta ejusdem ætatis, non pugnantem quidem, sed variam hac in re disciplinam repræsentant: & illud docemur, Clericos in causis personalibus, sive *civiles* eæ essent, sive CRIMINALES, unius Episcopi sui aut Synodi iudicio subesse debuisse.

29. Contra MURATORIUS in memorata dissertatione LXX ex suis Italicis Monumentis collegit, REGES FRANCOS ITALIS imperantes, vel eorum MISSOS, in causis CRIMINALIBUS fuisse ab iis CLERICIS interpellatos, qui se a proprio Episcopo læsos esse in iudicio putarent. Eosdem vero Reges secundum eum morem, qui, ut habes *ex num. 19*, sub Longobardis Regibus visus est, REVISIONEM causæ per suam iussionem illis Episcopis ipsis commississe, de quorum priori iudicio Clerici conquererentur, cum onere tamen sententiam, quæ secundo prolata esset, mittendi ad Regem.

30. Commemorat deinde MURATORIUS iudicia non pauca, quæ coram Imperatoribus iisdem agitata sunt adversus ecclesiasticos viros, & EPISCOPOS quoque, qui contra honorem regium, eique juratam FIDEM moliti aliquid essent: ac addit, nimis se in longum abiturum, si exempla singula velit percurrere, quæ Historia suppeditat de actis ab Imperatoribus ac Regibus in Episcopos, Abbates & reliquum Clerum. Et in iis præterea omnibus recurrere semper ad quæstionem, illanc auctoritate legitima, an potius PER VIM ATQUE USURPATIONEM peracta fuerint.

31. Plurima monumenta veterum periisse: ea tamen pauca, quæ injuriam temporum evasere, satis prodere, Romanos Pontifices, quibus cura & pro-

protectio omnium Ecclesiarum incumbabant, occurrisse quantum potuerunt, ne sacris hominibus vis inferretur. Et si qui criminum rei forent, eorum causæ a legitimis ECCLESIAE Ministris dijudicarentur.

32. Fatendum est tamen, aliquando contra hos, qui de violata Regia Majestate convenirentur, ipsorum Regum assensione sententiam latam esse ex Lege, nempe aut decreto Synodi, aut Romani Pontificis judicio.

33. QUOD VERO per multa secula minime negatum Regibus video, inquit ibidem MURATORIUS, minimeque improbatum arbitror: ad Principum & Regum judicium deducebantur LITES CIVILES inter ecclesiasticos viros, aut a secularibus contra hos excitatæ. Id Muratorius confirmat monumentis prolatis, ut solet.

34. Et ex primo quidem judicato, ut ajunt, quod profert, habito anno 833, in causa Episcopi Aretini, & Abbatis S. Anthymi in agro Clusino coram Agiprando Florentino aliisque EPISCOPIS & Missis imperialibus, sic colligit; itaque controversia illa, quamquam inter duas ecclesiasticas personas agitata, judices habuit Missos sive Legatos Lotharii I Augusti.

35. Neque reponas, eos judices Episcopali dignitate ornatos; judicium enim illud non propria, sed delegata ipsius Lotharii Imperatoris auctoritate ii instituerunt, & sententiam tulerunt. Segnis vero non fuit Episcopus Aretinus in sibi procuranda illius decreti confirmatione ab ipso Lothario Augusto, uti nos docebit ejusdem Imperatoris Diploma etc.

Aliud deinde monumentum evulgat MURATORIUS controversiæ actæ anno 880 coram MISSIS Caroli Crassi super fundis quibusdam inter Monasterium Ambrosianum Mediolanense, & Augiense in Suevia situm.

36. Proxime vero confirmat, consuetudinem hanc judicandi de CIVILIBUS ecclesiasticorum virorum controversiis subinde amplexos fuisse eos etiam Principes, quibus summa pietas laudem conquistavit omnium bonorum. Ad hanc rem profert MURATORIUS exempla Henrici I. Imperatoris ex anno 1019, tum aliud Mathildis Comitissæ & Ducissæ Tusciæ anni 1106. Et primum quidem judicium est habitum de quibusdam terris coram Anselmo *Miss*o ejusdem Henrici Imperatoris, inter Abbatem Monasterii Mediolanensis sancti Ambrosii ab una parte, & Archiepiscopum Mediolanensem, & Episcopum Comensem, ac Abbatem sancti Kaloceri ab alia. Alterum vero actum est coram ipsa Mathilde inter Episcopum Mutinensem, & Abbatem Pomposianum.

37. Rem absolvit MURATORIUS inferendo, hoc esse inconcussum, pios etiam Reges nequaquam a suo munere alienum putasse, Ecclesiarum, & ecclesiasticorum emendationi ac regimini sese interdum immiscere, atque arbitratos id sibi licere, quodam veluti PROTECTIONIS jure in nobilissimam hanc populi sui portionem.

38. Neque profecto contra hiscebant, aut id moleste tulere Episcopi, aut ipsi Maximi Pontifices, quod perspicerent, eorum curam ac studium in ædificationem, NON IN DESTRUCTIONEM Ecclesiæ vergere: ac tum solum conqueri ac obsistere cæperunt, quum in exuberantem licentiam, atque in nimiam Ecclesiarum PERNICIEM animadverterunt converti consuetudinem istam.

39. Hactenus MURATORIUS de LITIBUS civilibus inter viros ecclesiasticos. Quod enim ad lites civiles attinet LAICORUM contra ecclesiasticos excitatas, de istis nihil eo loco habet, nec monumentum ullum ad eas spectans evulgavit.

40. Cetera vero, quæ ad lites civiles inter viros ecclesiasticos pertinent, ego absque ulla animadversione præteribo: atque hoc unum admo-nebo, leges non modo ecclesiasticas, verum etiam imperiales seu regales illorum temporum eam sanxisse disciplinam, quæ factis a MURATORIO expositis contraria esse videtur; uti num. 20 habes ex THOMAS-SINO.

41. Sed tandem omnia bene constabunt, si factis illis ea accommoda-veris, quæ cum BOSSUETO & aliis considerata proposuimus *Capite XII, num. 29 etc.*; quo loco ostendimus, quam multa vetustis seculis ab alterutra Potestate sint acta, consentiente aut connivente altera; quin tamen, considerata rei NATURA, vel inspecta TEMPORIS DISCIPLINA, inde duci possit argumentum pro juribus statuendis Potestatis alterutrius.

42. Hoc præterea affirmandum videtur, ea, quæ MURATORIUS de litibus civilibus inter ecclesiasticos viros seculo XI & XII acta esse comprobavit; non Ecclesia consentiente fuisse facta, sed CONNIVENTE tantum. Etenim (ut in narranda disciplina pergam cum THOMASSINO) illorum temporum, & posteriorum etiam, frequentes CANONES legimus in Galliis, in Anglia, in Germania, in Hispania & in ITALIA conditos ad munimentum hujus Clericorum immunitatis, ut ne Clerici alteri foro quacunque in causa essent obnoxii, quam Episcopali. Summa erat (ait Natalis ALEXANDER similiter in *Hist. Eccl. Secul. II & 12*,) Episcoporum jurisdictio seculis XI & XII. Clericorum causas five CIVILES, five criminales uni Episcoporum tribunali Canonicae LEGES reservabant.

43. Iisdemque Canonicis legibus cautum erat, ne sua etiam sponte liceret Clericis ad causas etiam temporales se judici LAICO committere, præterquam (addebant aliqua Concilia) si id eis EPISCOPUS INDULSISSET.

Cum vero Acta vetera a MURATORIO prolata spectent ad lites inter Episcopos & ABBATES, & Abbates quoque illi non secus ac Episcopi essent certe exempti a potestate EPISCOPI Diocesani; ac proinde in subeundo de controversiis suis iudicio, consensu illius non indigerent; fit ex hoc, ut acta illa conciliari cum DISCIPLINA TEMPORIS facile valeant; ideoque non id ex iis consequatur, quod MURATORIUS putaverat consequi.

44. ILLUD vero non alienum a vero existimat THOMASSINUS ex concessionibus Episcoporum, ut vel Clerici coram seculari iudice litigarent, vel ut LAICUS Iudex Clericis aut contumacibus, aut fugitivis manum injiceret; januam patefactam esse, qua iudices iidem etiam citra hujusmodi licentias impetum facerent in immunitates CLERICORUM.

45. Ceterum INNOCENTIUS III. Seculo XIII Prælatos admonebat, ut jus dicere maturarent Laicis, qui Clericos coram ipsis reos egissent; ne exasperati eorum vel morositate vel cessatione Laici Clericos eosdem (quod modis omnibus, ait, prohibendum est) ad forumulare trahant.

46. Deinde in Concilio CONSTANTIENSI confirmata est Constitutio FRIDERICI II. Imperatoris, qua declaratum fuerat, non posse Clericos a quoquam trahi ad seculares iudices, quacunquē demum criminali, vel CIVILI de causa.

47. ILLUD VERO diligenter advertendum cum THOMASSINO, Concilia, in primis Gallicana post annum millesimum celebrata, suis in decretis pro Episcoporum tuenda jurisdictione conditis, nunquam aut certe RARO conquesta esse de Regibus eorumve Ministris, utpote qui plerumque Ecclesiæ juribus servandis propitios se præstarent.

48. Ea ergo Concilia de BARONIBUS seu Ducibus ac Comitibus & Dominis ceteris temporalibus minoribus habuerunt frequentissime, quod expostularent; qui scilicet contumeliis Ecclesias laceßebant variis in Regnorum Provinciis, in quibus dominabantur.

49. Regum in primis FRANCORUM pietatem commendat exitus Ecclesiæ propitius celebris illius Collationis habitæ coram Philippo VALESIO Rege ad tuitionem immunitatis Clericorum & jurisdictionis ecclesiasticæ; de qua re dictum est *Capite superiori num. 28 - - 30.*

50. Ergo CARLO IX Rege (non Francisco I, ut per errorem est apud Vanespenium) anno 1566 per Edictum MOLINENSE personali Clericorum immunitati in causis CRIMINALIBUS vulnus grave tunc primum in GALLIIS inflictum est.

51. Cæperat quidem jam usque ab anno 1539 immunitas eadem per Leges REGIAS minui; eodem scilicet anno, quo episcopalis potestas in causas civiles laicorum est labefactata. Verum etsi sauciata tunc est personalis Clericorum immunitas; retinebatur tamen adhuc, ait THOMASSINUS, pene integra & incolumis.

52. Horum edictorum sententiam non refero; quoniam passim apud Scriptores leguntur: neque modum iudicii in Clericos commemoro, qui paullo post in GALLIIS inductus est, & qui fert, ut in peculiaribus criminibus Iudex tum Laicus tum Ecclesiasticus adversus Clericum reum cognitores SIMUL fedent. Late etiam rem hactenus accepi, minus sollicitus de sedula distinctione causarum civilium quoad Clericos, in reales, personales ac Mixtas; de qua re VANESPENIUS *Jur. Eccles. Univ. Par. 3, Tit. I, Cap. 4*, & Franciscus DE ROYE *de Missis Dominicis Par. 2, Cap. 10*: & alia minuta præterii, quæ generalis regulæ ponendæ causam non præbebant.

53. Illis vero novis edictis expositis, colligit THOMASSINUS, superesse quod miremur, postquam multis conspirationibus ac plagis impetita est Clericorum immunitas; non omnem tamen ejus aut reverentiam excussam esse aut memoriam in edictis saltem REGUM.

54. Nam si JUDICES seculares ultra Canones & ULTRA EDICTA REGUM progressi ausque sunt aliquid in causis Clericorum criminalibus, facta ea sunt NON JURA; non habent illi, quod sibi gratulentur; habent Clerici, quod ingemiscant. De hac ipsa re conquestus jam antea fuerat Cosmas GUIMIERIUS in *Pragm.*

55. IISDEM autem fere gradibus, quibus in Galliis, imminuta est & in Regnis ceteris personalis Clericorum immunitas, de qua loquuti sumus hactenus.

56. Novum porro non est, inquit THOMASSINUS, in rebus ad versatilem disciplinam spectantibus aliud alio loco & tempore placere, & frequentari.

57. Ne novum quidem est, SANGUINEM impendi, & MARTYRII palmam colligi ex defensione ecclesiasticæ disciplinæ in eo usu sanctissimo, qui tum vigeat, & qui alio tempore & loco exoleseat.

*Pœnæ corporales, seu CIVILES, quas ECCLESIA
infixit vetusto tempore.*

58. Postremo loco delibemus aliqua ex hac ipsa parte *disciplinæ* THOMASSINI, de pœnis Ecclesiæ corporalibus & temporalibus, seu de pœnis CIVILIBUS quas Ecclesia infixit vetusto tempore. Scilicet quantumvis paterna esset Episcoporum jurisdictio; pœnarum tamen hujusmodi non nihil decernebat. Dicamus primo de VERBERUM vindicta.

59. S. AUGUSTINUS in ea fuit sententia, episcopali judicio VIRGIS cædendos esse quandoque reos; cum hic modus coercionis adhiberi etiam soleat a parentibus in filios, a præceptore in discipulos. Hinc Concilium AGATHENSE verbera & flagella decernit adversus Clericos & Monachos vagos: & in Clerico inferiori eidem pœnæ subjicit ebrietatem; idque & GREGORIUS Magnus postea fecit.

60. Deinceps in Concilio AQUISGRANENSI anni 816 jussi sunt Abbates Canonicorum ea, quæ in regulam committerentur, punire non solum jejuniis in pane & aqua, verum etiam VERBERIBUS.

61. Rex ipse CAROLUS CALVUS in Concilio Sueffionensi II. agnovit, Episcopos & eorum officiales in potestate habere, ut rusticos VIRGIS cædi facerent criminis cuiuspiam convictos.

62. Ad pœnam EXILII venio. In Concilio V Romano sub SYMMACHO Papa statuta est EXILII pœna in eos, qui in Episcopos conspirassent: nec sola conjuratis indicitur exilii pœna, sed & BONORUM PRIVATIO: & hoc decretum fuisse antiquius significatur, cui nunc solum novus additus est vigor.

63. Nuntio suo mandavit GREGORIUS Magnus *Lib. 9, Epist. 66* (in edit. Benedictinor. *Lib. 1, Epist. 71*), ut Episcopo Paschasio instaret, quo Subdiaconum fratrum calumniatorem gradu dimoveret, publice FLAGELLIS cæderet, EXULARE juberet.

64. EXILII pœnam GREGORIUS ipse indixit ei, qui se defensorem agebat, cum non esset: *Lib. 10, Epist. 47* (nunc *Lib. 9, Epist. 62*).

65. In HISPANIÆ Conciliis septimi Seculi vel in INFIDELIS ipfos pœnam verberationis & EXILII perpetui statutam aliquando vidimus.

66. Videndum modo de pœnis PECUNIARIIS. A priscis Conciliis præscriptæ sunt pœnæ pecuniariæ; quibus minime adversatus est GREGORIUS Magnus, utpote qui non damnavit nisi eorum Ecclesiæ judicium avaritiam, qui passim pecuniarias multas indicerent, ut Ecclesiæ thesauros congererent ex iniquitate fidelium. Ipse immo GREGORIUS Magnus *Epist.* 31, *Lib.* 12 (nunc *Epist.* 64, *Lib.* 11) fures affirmavit plecti debere nunc MULCTIS, nunc verberibus. De ECCLESIASTICI autem Præsulis potestate & officio sermo ibi est.

67. Usitatæ vero fuerunt pœnæ pecuniariæ præcipue post annum Christi millesimum: in quo cavit Ecclesia latis legibus, ut omnis avaritiæ suspicio longe ab ecclesiasticis iudiciis arceretur.

68. DE MORE priscis Pastoribus ac Patribus usitato recludendi pœnitentes ac reos vel in monasteria vel in alia secreta loca, nihil hic placet dicere. Huic tamen mori affinis est usus CARCERIS ecclesiastici. A GREGORIO Magno *Lib.* 8, *Epist.* 5 (nunc *Lib.* 10, *Epist.* 4) iussus est Apostolicus Nuntius infandum quemdam Presbyterum in arctum contrudere CARCEREM.

69. Januario Calaritano Episcopo ab eodem Pontifice *Lib.* 7, *Epist.* 67 (nunc *Lib.* 9, *Epist.* 65) mandatum est, ut residuos Sardiniae IDOLOLATRAS, SORTILEGOS, & hujusmodi ceteros CARCERE & pœnitentia puniret, si ingenui essent; flagellis etiam, si servi.

70. CARCERIBUS & exiliis in Clericos, & in Presbyteros animadvertisse Concilia & Præsules HISPANIARUM idem GREGORIUS Magnus alibi observat.

71. Voluit tamen in *Epist.* 34, *Lib.* 10 (nunc *Epist.* 31, *Lib.* 12), ut Archiepiscopus Justinianæ primæ in Paulum Episcopum humanius aliquid consuleret, eumque in Monasterium conjiceret, ubi in reliquum vitæ tempus pœnitentiæ addiceretur.

72. Decrevit Innocentius III, ut qui Clerici facinorosi in Monasterii carceres contrudi non possunt, ii detrudantur in carceres episcopales. In Concilio Lambethensi Provinciæ Cantuariensis anno 1261 statutum fuit, ut atrociora illa crimina, quæ leges civiles morte plectunt, carcere perpetuo ab Episcopis vindicentur.

73. Majorum ergo criminum rei in perpetuum carcerem conjiciebantur, jejuniis ibi, aliisque carnis afflictationibus reliquo vitæ tempore macerandi; uti Innocentius III & Bonifacius VIII suis in decretis declarant.

74. Ex quibus liquet (colligit THOMASSINUS), quæcunque pœnæ ab ecclesiastico judice infligebantur, eas verissimas fuisse pœnitentias; quibus si qui inviti & repugnantes subjiciantur, penes ipsos culpa est. Augustinum Angliæ Apostolum jam pridem edocuerat GREGORIUS Magnus (Epist. 64 cit. Lib. 11), qui esset Clericorum sensus, qui animus, ubi acerbiores in reos pœnas decernunt. Charitate sæviunt, non ira: castigant, quia amant, & temporali pœna cupiunt æternos ignes extinguere.

75. Hoc tamen verum est, in vetustis monumentis DUO POENARUM GENERA aperte secerni, quarum aliæ medentur, ait THOMASSINUS, aliæ cruciant, etsi reapse & medeantur & crucient utræque.

76. Postquam idem THOMASSINUS multa subinde seu per intervalla concessit monumenta ad ecclesiasticas temporales seu CIVILES POENAS spectantia; sic tandem colligit: Habes hic ergo in pœnis Canonicis MULCTAS pecuniarias, proscriptiones BONORUM mobilium, SERVITUTEM, exilium perpetuum, perpetuum CARCEREM, cum aliarum pœnarum cumulo, quas arbitrio suo poterat Judex ecclesiasticus decernere. Video non omnes has pœnas in CLERICOS fuisse designatas. Sed nemo nescit potiori jure & autoritate in Clericos quam in LAICOS Præfules fuisse. Hæc ille.

77. EA, QUÆ ad pœnas Ecclesiæ corporales & CIVILES spectant priorum Seculorum, paucis verbis complexus est omnia Natalis ALEXANDER in *Histor. Ecclesiast. Seculi VI, Cap. 6, Art. 3, num. 9 scribens*: In foro ecclesiastico non MULCTÆ tantum pecuniariæ, sed pœnæ CARCERIS, EXILII, VERBERUM, SERVITUTIS adversus reos decernebantur.

78. Id ex Epistolis GREGORII Magni compertum est; & ex Conciliis Galliæ, AGATHENSI, Aurelianensi quarto, Matisconensi primo, Narbonensi; & ex Conciliis HISPANENSIBUS, Emeritensi, Toletanis undecimo, & decimo sexto. Ista Natalis ALEXANDER.



CAPUT XX.

*De Immunitate Redituum & AGRORUM Ecclesiæ,
POSITIONES HISTORICÆ.*

1. **J**AM tandem devenimus ad ultimum hujus *Commentarii* Caput seu ad axiomata historica, repræsentantia origines, progressus ac vicissitudines Immunitatis TERRARUM ac bonorum Ecclesiæ.

2. Latissime in hoc argumentum excurrit Ludovicus THOMASSINUS *Discipl. Eccles. Part. 3, Lib. 1, Cap. 33 - - 48*, e quo potissimum hæc nostra mutuaturi sumus; adjungentes ei tamen in societatem MURATORIUM, Natalem ALEXANDRUM, & forte alios; fontes quoque non raro dispicientes, ad proponenda cuncta vere, definite, ac quantum licet, perspicue.

3. Rebus & fundis Ecclesiæ immunitatem a TRIBUTIS, seu, ut Natalis ALEXANDER loquitur, ab OMNIBUS oneribus publicis concessit magnus CONSTANTINUS per legem, quæ extat in *Codicis Theodosiani Lib. II, Tit. 1, Cap. 1*.

4. Ex hac autem & aliis præterea CONSTANTINI Magni legibus Natalis ALEXANDER in *Hist. Eccl. Sec. IV* merito colligit duplicem immunitatem a Constantino Magno concessam; unam Clericorum personis, alteram Ecclesiarum possessionibus.

5. Etsi autem Constantinus sua lege agros Ecclesiæ prorsus immunes fore sanxit; plerique Successorum eam immunitatem revocarunt ad onera extraordinaria; uti sunt instauratio viarum militarium & pontium, evectiones frumenti & similium specierum fisci vel exercitus, hospitium militibus præbendum, equorum vel militum collatio, mœnium resectio & alia.

6. Ex Lege tamen, quam soli VALENTINIANO III. THOMASSINUS & ALEXANDER tribuunt, ea quæ dicebantur onera extraordinaria, facta sunt ordinaria, ex quo illud emersit, ut illis Ecclesiæ quoque subjicerentur.

7. Itaque VALENTINIANUS III. (ut cum Natali ALEXANDRO in *Hist. Eccl. Sec. V* dicam clarius) nequidem ab extraordinariis contributionibus immunes Clericos esse voluit; quas nomine *munerum sordidorum* **per**peram appellatas dixit.

8. Jam ergo fere Clerici non nisi PERSONALIBUS fruebantur immunitatibus; id est, soluti erant ab omnibus muneribus personalibus, utpote quæ ipsorum præsentiam vel operam quoquo modo postularent. Itaque tunc illis ea solum permixta est immunitas, quam PERSONALEM dicunt.

9. At JUSTINIANUS Imperator fundos Ecclesiæ iterum extraordinariis exactionibus subduxit, præter eas, quæ ad viarum & pontium reparationes destinarentur.

10. Quam vero immunitatem a tributis largitus est CONSTANTINUS Magnus prædiis Ecclesiæ, eadem nunquam ipse invenitur donasse PATRIMONIALIA Clericorum BONA; quæ quidem nondum dissectis Ecclesiarum possessionibus sola in ipsorum erant potestate & privata administratione.

11. Et sub Successoribus etiam Imperatoribus constat Clericorum PATRIMONIA & HÆREDITATES, ait THOMASSINUS, oneribus publicis subjacuisse saltem ordinariis, extraordinariis tantum summotis. Paria habet Natalis ALEXANDER.

12. Ceterum eodem fere Justiniani Imperatoris tempore CLODOVÆUS Rex immunitates non modo personarum, sed etiam RERUM Ecclesiis non paucis suo in regno a se ipso ditatis concessit: quas, & alias a Successoribus Regibus multis Ecclesiis passim concessas, modo ampliores, modo restrictiores flagitabat GREGORIUS M. religiose servari in *Epist. 115 Lib. 7* (in edit. Benedictinor. epist. 110, Lib. 9).

13. Nec in controversiam trahi potest, ait THOMASSINUS, hoc flagitando, jure suo usum fuisse GREGORIUM, quamquam a Regibus aliis, vel Imperatoribus non tam largæ profectæ essent libertates, saltem quod agros Ecclesiæ attinet.

14. Scilicet (ut sapienter a Natali ALEXANDRO dictum est in *Hist. Eccl. Sec. VI*) non mirabatur S. GREGORIUS Ecclesiarum prædia tributis esse obnoxia, quasi id per se & absolute iniquum esset; verum PRIVILEGIORUM Gallicanis Ecclesiis a Christianissimis Regibus concessorum nullam haberi rationem, prudentissimus PONTIFEX mirabatur.

15. Quæ de Galliis significavimus, si Rebus HISPANICIS addantur, apparebit sexto & septimo adhuc Seculo Immunitatem *Realem* non ita universim obtinuisse, ut ea omnes Ecclesiæ potirentur.

16. Etenim ex Conciliis nonnullis HISPANIARUM sexti & septimi Seculi discimus, immunitatem, qua Clerici universim fruerentur, non ultra personas progressam esse, si PAROCHIOS forte excipimus; his enim, ut videtur, Realis etiam Immunitas vindicabatur: ubi scilicet eorum Ecclesia fundo potiretur proprio, & a mensa episcopali distincto. Pro hac re legas præfertim Canonem quintum Concilii Toletani XVI anno 693 habiti in *Tomo secundo Concilior. Hispaniæ Josephi Card. de AGUIRRE pag. 741*, & EGICANIS Regis postulationem ad idem Concilium *ibid. pag. 736*, seu in Tomo 8 Concilior. Edit. Venet. Colet. col. 52 & 61.

17. POSTREMO immunitatem rerum & agrorum Ecclesiæ numeris omnibus complevit CAROLUS MAGNUS, qui possessiones Ecclesiarum ab omni exactione in posterum fore liberas declaravit, nisi ad restitutionem viarum & pontium possessionibus iisdem contiguorum. OMNIA Ecclesiæ prædia & possessiones, ait Natalis ALEXANDER in *Hist. Eccl. Sec. IX & X*, a publicarum exactionum oneribus immunes consistere Christianissimi Reges edixere. Id constat ex CAPITULARIBUS etc.

18. Ex quibus sequitur, eos falli, qui immunitatem a CAROLO M. concessam, non ultra unius MANSI limites se protendisse opinantur; id est, non ultra certam terræ portionem quatuor circiter modiorum sementis & quatuor servorum.

19. Et sane, ubi in CAPITULARIBUS Regum Francorum MANSO hujusmodi plena asseritur exemptio; non ibi de Regum vectigalibus agitur: sed jura abrogantur peculiarium Dominorum seu TOPARCHARUM in servos & in servitia, quæ ex servitutis usitato tunc temporis onere fuissent illis præstanda ex terris Ecclesiæ. Ab istis ergo juribus MANSUS Presbyteralis, qui solus aliquando erat Parochi patrimonium, liberatur.

20. ADDUNT tamen THOMASSINUS, VANESPENIUS *Jur. Eccl. Univ. Part. 2, Tit. 35, Cap. 1, num. 29-30*, & Natalis ALEXANDER in *Hist. Eccl. Sec. IX & X*, post hanc generalem a Francis Regibus Immunitatem tributam Ecclesiis, declaratum ab iisdem fuisse (prout in Collectione CAPITULARIUM videre licet), si NOVA PRÆDIA sibi comparasset Ecclesia, quæ fuissent hætenus oneribus publicis obnoxia, iisdem ipsam deinceps subjici debere, nisi peculiari Regum concessione ab oneribus illis absolveretur.

21. Erant scilicet, inquit THOMASSINUS, prædia nobilia, liberaque omnium prorsus onerum; quæ si adjicerentur Ecclesiis, pari immunitate obtinebantur.

22. SED MURATORIUS *Antiquit. Italicar. Medii Ævi Dissert.* 19, *Tom. 2, col. 5 - - 8* negat, in indicatis CAPITULARIUM Legibus rem esse de terris, quæ tributis publicis seu communibus essent obnoxia; affirmatque ibi de iisdem terris agi, quæ de publico fuissent concessæ alicui, tanquam COLONO, sub onere ANNUI CENSUS, seu CANONIS; ita ut *terra tributaria* idem eo in loco significet ac *terra censualis*; ex quo vides, negari merito posse, Ecclesias Francis Imperatoribus tributa publica pependisse de terris recens sibi comparatis, etiam de illis, quæ ea tributa hætenus solvissent.

23. CETERA vero, quæ de Immunitatis Realis origine proposuimus cum THOMASSINO, sunt illi consona, quæ eo de capite docet idem MURATORIUS in *Dissertatione LXX Antiq. Italicar. Tomo 5, col. 936 etc.*

24. Quo in loco admonet primo, cogitandum non esse sine ullo discrimine olim immunes omnino a tributis publicisque oneribus fuisse quaslibet sacras personas, ac universas Cleri & Ecclesiarum fortunas, ex quo CONSTANTINUS Magnus Ecclesiæ pacem reddidit. Serius, ait, indulgentiam Principum hac in re ecclesiastica militia sensit.

25. Admonet secundo, iis temporibus, quando Ecclesia donata est hac immunitate, fundis quidem Ecclesiarum consuevisse immunitatem concedi, sed PATRIMONIALIBUS Clericorum bonis indulgentiam eandem aliquando esse negatam.

26. Eruditissimus THOMASSINUS (addit MURATORIUS) nonnulla Francorum Regum CAPITULARIA laudat, quæ satis indicare videntur, a publicis oneribus ac servitiis exsolutos fuisse non solum Clericos universos, quod est ad eorum personas, sed & omnium Ecclesiarum bona. Idem ante eum ostenderat doctissimus BIGNONIUS in Notis ad Libr. 1, Cap. 3 Marculphi.

27. Idque in ITALIA fuisse observatum, & ego (ait MURATORIUS) evincere mihi posse videor ex Lege promulgata a LUDOVICO II. AUGUSTO anno Christi 855 in Ticinensibus Comitibus, quam Longobardicis addidi Part. 2 Tomi Rer. Italicar. pag. 158. Sunt hæc illius verba etc.

28. Recitat MURATORIUS istius Legis verba: ac deinceps nonnulla profert ac expendit, quæ contra hanc de universali Ecclesiarum Immunitate sententiam facere videbantur: inter quæ erat illud primum, quod occurrant nobis Regum ac Imperatorum diplomata ex Seculis decimo & undecimo, e quibus doceamur, illam ipsam immunitatem adhuc iis Seculis petitam fuisse in gratiam particularium Ecclesiarum, ac per eos Principes concessam.

29. Nam si Ecclesiæ in ITALIA constitutæ UNIVERSALI Lege per LUDOVICUM II. Augustum a fisci jurisdictione, inquit MURATORIUS, abstractæ erant, & a quibuscunque oneribus publicis immunes; cur quælibet Ecclesia privilegium sibi ab Imperatoribus ac Regibus conquirit? immo cur ipsorum privilegiorum confirmationem a singulis novis Augustis Regibusve certatim quisque exposcere atque impetrare consuevit? Hoc ergo maxime sibi objicit MURATORIUS.

30. Quæ ut invicem conciliet; declarat, eam sibi probari conjecturam; generali quidem lege collatam Ecclesiis fuisse Immunitatem, sed ea conditione, ut novos quosque Reges, uti privilegii auctores, Episcopi, Abbates, ceterique Clerici agnoscerent, non secus atque fiat a Vassallis secundum Leges feudales. Nam etsi Feudum aliquod deferatur non primo tantum acquirenti, sed & omnibus ejus descendens: singuli tamen descendentes novam a novo Principe sive Seniore investituram petere jubentur. Hactenus ex MURATORIO.

31. DIXERAT jam idem MURATORIUS sub initium loci annotati, vix ullam unquam tam amplam Immunitatem ab oneribus publicis ac tributis concessam esse alicui Ecclesiæ, ut nulli vel ordinariæ vel extraordinariæ functioni sacra loca obnoxia relinquerentur.

32. Hæc vero ego referri in primis posse video ad Ecclesias eas, quæ FFUDIS, DOMINIIS, Juribus REGALIBUS donatæ per Principes suos fuissent. Nam cum feuda, dominia ac jura regalia partes sint ex regali mensa decisæ, unde fisco multum emolumenti accedebat; ita quæcunque horum in Ecclesiam transferrentur, sine ulla controversia antiquis patebant oneribus.

33. Hinc extiterunt DONA ANNUA, quibus tum Magnates LAICI, tum non pauci ditiorum Monasteriorum Abbates, & Episcopi potentiores, medio ævo prosequi Reges Galliarum & Germaniæ Imperatores debeant. Etsi pretium vel modus horum donorum primo in cujusque voluntate & delectu positus fuit.

34. Immo ipsa dona primo tempore fuisse videntur libera, non vi & necessitate expressa; quod ex Concilio Vernensi colligit Natalis ALEXANDER in *Hist. Eccl. Seculi octavi*. Monasteria, ait, octavo Seculo munera Christianissimo Regi dabant, quæ Pippini Regis tempore sua sponte offerebant Abbates & Abbatissæ, contra vero pauperibus Monasteriis, & propter inopiam disciplinam Regularem servare non valentibus, REX eleemosynis suis succurrebat, monentibus Episcopis.

35. Deinceps vero modus iste ac mensura DONI ANNUI fuisse videntur definita. Hæc dona annua, ait MURATORIUS in *laudata Dissertatione* 70, peragebantur oblatione unius aut plurium equorum, lanceæ, scuti etc. Nominatim autem ex diplomate a Ludovico I. Germaniæ Rege, dato pro Monasterio S. Galli anno 854 merito MURATORIUS colligit, usitatum fuisse, ut quisque Abbas, quotannis Regi dona daturus offerret equos duos cum scutis & lanceis.

36. Haud scio, an assentiri debeam ALTESERRÆ, viro in Antiquitatis scientia nominatissimo, qui ex nonnullis prisceis monumentis sibi visus est colligere, ANNUA hæc DONA persolvi Regibus debuisse pro ADVOCATIA, seu pro illo Patrocinio, quod adversus bonorum ecclesiasticorum invasores Reges præstabant Ecclesiis. Ita sensit ALTESERRA de *Ducib. & Comitib. Lib. 1, Cap. 6*. Hoc ego quidem video posse dici, lapsu temporis hunc quoque defensionis Regiæ titulum fuisse annuis illis donis substratum.

37. EX HISDEM FEUDIS & Dominiis in Ecclesias collatis ortum, aut saltem incrementum & firmitatem habuit Jus Metatus, seu HOSPITII, quod iter facientes REGES, vel eorum Palatini Regis nomine reposebant ab Episcopis & Abbatibus Seculis nono, decimo, undecimo & duobus sequentibus in GALLIIS, & aliquando in ITALIA.

38. Ceterum ab humanitate primum & spontanea hospitalitate, inquit THOMASSINUS, profectum non injuria videri possit jus METATUS, quod lapsu temporis non semel onerosum ac permolestum fuit.

39. Hoc vero quod per conjecturam dicit THOMASSINUS, officium istud ab humanitate primum & spontanea hospitalitate profectum videri; id re & exemplis certum facit ALTESERRA de *Ducib. & Comitib. Gallie Lib. 1, Cap. 16*, quod inscribitur *Jus Metati in Episcopis*.

40. At postero tempore, inquit THOMASSINUS, jus istud sive hospitii, sive procurationis Regum, innixum maxime fuit largitioni Principum, qui variis FEUDIS Ecclesias donassent. Inde erat enim, quod non
omni-

omnibus tum Ecclesiis, tum Canoniis id oneris impositum esset, quod non in omnes tanta se Regum largitas effudisset.

41. Cum istud vero officium in Reges, eorumque Missos, uti indicavimus, non sine ingenti sumptu præstaretur; propterea (ait MURATORIUS in eadem *Dissertatione LXX*) diligentissime in ITALIA curabant Episcopi & Abbates, ut quum privilegia exposcebant, gravissimo isto incommodo exonerarentur, disertisque verbis immunitatem ab eo Diplomata Regum atque Augustorum sonarent. Innumera sunt, quæ ejusmodi Immunitatis mentionem faciunt. Ego duo tantum adferam etc.

42. EODEM maxime ex fonte FEUDORUM ac Dominiorum manavit onus subministrandæ Regi MILITIÆ, cum imminetia bella id poscerent. Nec subministrandæ tantum, sed ejusdem etiam deducendæ ad regios exercitus; sive Abbates essent saltem ex potentioribus, sive Episcopi, aut Archiepiscopi; vel saltem mittendæ per suos Vasallos & vicarios Præfectos.

43. Gallias enim potissimum, & Germaniam, Italiamque suo complexus Imperio CAROLUS MAGNUS, inquit THOMASSINUS, tantum opum in harum Provinciarum ECCLFSIAS, tantum latifundiorum & FEUDORUM in Episcopos & Abbates effudit, ut pene necessarium fuerit, ab Episcopis ipsis & Abbatibus copias eas regis exercitibus suppeditari, quibus ea latifundia jam OLIM erant obligata.

44. Et in GALLIIS quidem huic se vitio obnoxii fuerunt ecclesiastici Proceres una cum LAICIS Magnatibus sub secunda Regia Stirpe, & deinceps usque ad Seculum decimum quartum.

45. Hoc enim Seculo cum DECIMÆ, inquit Thomassinus, aliæque pecuniariæ exactiones (de quibus dicam non multo post), longe capissent esse frequentiores; rarius etiam miles Prælati colligendus fuit, & totum illud denique MILITIÆ onus evanuit. Multoque expeditius fuit cum Regi, tum Clero, ut militem conscriberet Rex ipse, expensas vero a Clero exigeret, decimis vel donis ejusmodi aliis gratuitis exolvendas.

46. Si ad primam vero moris istius in GALLIIS originem respicimus; facile persuademur, nec Carolum MARTELLUM, nec PIPINUM, ut idem THOMASSINUS ait, authores ejus primum MILITIÆ fuisse, quam Ecclesia aleret ad augendam REGI militiam; sed ipsos Episcopos ejus instituti Principes & Duces prævisse, ad Ecclesiarum, ad rerum Cleri, ad sacri patrimonii, ad Clericorum tutelam.

47. In ANGLIAM Gallicanas consuetudines trajiciens Willelmus Nothus anno 1066, seu potius veterem morem, qui Seculo X & hoc ipso undecimo ante Willelmum in Anglia obtinuisset, restituens; episcopalibus Ecclesiis omnibus & canoniis, pro mensura & numero terrarum ac BARONIARUM (uti THOMASSINUS loquitur), numerum indixit MILITUM, quos Regio adjicerent exercitui.

48. Episcoporum præterea illorum fidei eæ ARCES, eaque CASTRA & munimenta committi consueverunt, in quæ primum & potissimum vis hostilis impetum factura esset. Non enim tutius se conquiescere REGES existimabant, ubi de re maxima ageretur, quam in ECCLESIAE Præsulum diligentia, & religione in Regis negotia & fide.

49. Militare autem hoc servitium Anglorum Præsulum diutius aliquanto perduravit quam in Galliis: ac soli Abbates videntur fuisse exempti ab officio ducendi per seipsos ad exercitus copias militares; quas mitterent tamen propriis sumptibus.

50. Recepti hujus moris ecclesiasticæ MILITIAE exempla ITALIA quoque vidit Seculis nono, decimo, & post annum etiam millesimum; prout ex MURATORIO discimus *Antiquit. Italicar. Medii Aevi Dissert. XXVI tom. 2, col. 446 -- 451*. Vetustis seculis, inquit MURATORIUS, potissimum CAROLO MAGNO regnante, & deinceps ad secularis MILITIAE onus Episcopi & Clerici compellebantur, *quod jam multis REGALIBUS fruerentur, & ad Vassallorum onera crederentur obstricti*.

51. A Seculo nono ad decimum quintum HISPANI Ecclesiastici Proceres iisdem moribus, adjuvandi comitandique Regis cum suis MILITUM catervis, sese accommodarunt.

52. Hispaniæ sane Præsules, alique viri ecclesiastici, inquit Natalis ALEXANDER *in Hist. Eccl. Sec. 15 & 16*, ab onere MILITIAE nondum erant immunes ac liberi Seculo XV, ut colligitur ex Concilio Toletano anni 1473, Canone 15, cujus hæc sunt verba etc.

53. Sed omnium serius GERMANIA, POLONIA, HUNGARIA, solutæ sunt hac servitute: suosque MILITES post Seculum decimum quintum ecclesiastici Magnates sin deducebant ad Imperatoris exercitum, mittebant saltem adhuc, belligeranti Principi opitulaturos. Immo GERMANIAE, Poloniae & aliorum septentrionalium Regnorum Imperatori, inquit THOMASSINUS, iisdem etiam nunc vinculis coniunguntur.

54. CETERUM ubi de FEUDIS & DOMINIIS mentio fit a THOMASSINO in locis hætenus indicatis; non semper postulari puto (in primis si antiquiora spectentur tempora), ut hoc *Feudi* nomen sumatur pro feudo sive beneficio, ut agebant, cum Principatus juribus, seu cum jure quasi nativo aut proprio superioritatis, ut dicimus, ad vitam, in destinatas Provincias aut urbes; vel, prout posteri ut plurimum acceperunt & definierunt, pro FEUDO, juris privati, cum dominio UTILI perpetuo & hæreditario in Re immobili, Urbe, Castro, Comitatu, Marchia, Ducatu; & cum publica dominatione seu cum jurisdictione omnimoda, & cum mero & mixto imperio (sub obligatione fidei & militaris etiam obsequii, erga Dominum DIRECTUM) vel etiam cum Juribus REGALIBUS majoribus, iis scilicet, quæ gubernationem, defensionem, & statum ipsum Reipublicæ concernunt.

55. Itaque nomen FEUDI (quantum ad antiquiora tempora attinet), in latiori significatione & pro prædiorum fiscalium possessione cum proprietatis juribus & cum jurisdictione quasi patrimoniali, sub lege fidei & servitii militaris, vel pro feudo cum solis REGALIBUS minoribus seu cum possessione proventuum aliorumque commodorum & jurium Regii Fiscii, cum inferiori jurisdictione; vel pro præfectura, administratione, defensione precaria seu temporaria accipere aliquando licebit: vel etiam pro pleniori immunitate a Regionum Administratorum jurisdictione, ac pro ampliori libertate inter subditos ceteros: vel pro dignitate inter Procures ac insigni potestate in rem Imperii; quam dignitatem potestatemque ecclesiasticis Præfulibus affluentia opum, quam sanctitas & rerum gerendarum prudentia comitabatur, conciliaverat.

56. Quæ in gratiam eorum pono, qui lites movere hoc loco possent, ab origine dominiorum ac FEUDORUM, quibus modo utimur, Episcopali præsertim, argumentum desumendo; etsi hanc originem adhuc esse obscuram, colliget forte quispiam ex Eruditorum ea de re dissidiis.

57. Istis, quæ duxi adnotanda, verbis tamen in tanta FEUDALIORUM varietate non valde sollicitè dimensis, lucem plenam præbebunt MURATORIUS *Antiquit. Italic. Dissert. LXXI, in Tomo 6, & Dissert. XI in Tomo 1*, Georgius Adamus STRUVIUS *Syntagm. Jur. Feud. Cap. 1 & 6*; Joannes HEINECCIUS in *Exercitat. de Locatione, Conductione Jurisdictionis Oper. edit. Genev. noviss. tom. 2*, & in *Responso Jurisprudentiæ publicæ & Feudalis ornamentis refertissimo*, quod anno 1739 ad petitionem Partis dedit de *Quæstionibus quibusdam ad Feuda Langharum, Sardinia Regi ab Imperatore anno 1736 cessa pertinentibus*; quod nunc prodit in *Supplemento Operum Heineccii edit. noviss. Genevensis memoratæ*: demum THOMASSINUS ipse

ipse *Discipl. Eccl. Part. 3, Lib. 1 cit. Cap. 26 - - 28*; ut prætermittam Anton. Dadinum *ALTESERRAM de Ducib. & Comitib. Lib. 1, Cap. 4 & 5, & Lib. 2*. Hisce adnotatis pergimus ad reliqua.

58. NON EST etiam improbabile, ea ipsa FEUDA & Dominia, Juraque Regalia in Ecclesias collata viam similiter aperuisse, vel colorem saltem aliquem præbuisse exactioni DECIMARUM extraordinariarum, quoties res Principis id posceret. Exactio certe illarum frequentior suffecta est in locum onerum ceterorum FEUDALIUM; uti explicandum clarius est postea.

59. Prætermitto hic alios DECIMARUM petendarum titulos, quos inter non ultimum locum obtinet tuitio, quam Reges armis & auctoritate præstare oportuit Ecclesiis adversus sacrilegos bonorum ecclesiasticorum invasores.

60. Decimarum antiquissimæ videntur SALADINÆ, ad bellum instruendum adversus Saladinum Sarracenorum Principem Seculo XII petita. Non Clericis tamen duntaxat, inquit recte Natalis ALEXANDER in *Hist. Eccl. Sec. XI ac XII*, sed LAICIS etiam impositum fuit hoc onus ad annum tantum, CUM ASSENSU CLERI, & propter instantem necessitatem, teste Rigordo etc.

61. Decimæ autem cum primo de Cleri consensu solverentur; Seculo XIII Romanus Pontifex interpellari cepit, quo facilius, Auctoritate Pontificia accedente, consensus CLERI posset elici: quod tum maxime fiebat, quando pia aderat causa adornandi belli, præcipue pro Ecclesia, vel adversus hostes Nominis Christiani.

62. Immo aliquando Regali & Pontificia Potestate conveniente, non magnopere de assensu CLERI laborabatur.

63. Prodiit vero anno 1418 Concilii CONSTANTIENSIS Decretum (*Conciliar. tom. 16, col. 774 edit. Venet. Colet.*), quo declaratum est, ut cum flagitasset Rex, cum assensus fuisset Papa, desideraretur adhuc CONSENSUS Episcopi & CLERI.

64. PER frequentem decimarum solutionem factum est, ut quæ extraordinariæ primo haberentur, ANNUÆ deinceps evaserint.

65. Et Seculo quidem XIII inclinante in GALLIIS istæ annuæ decimæ invalescebant sensim; nulla equidem lege, sed usu & frequentia petendi illas & impetrandi a Clero & a Romanis Pontificibus; donec Seculo XVI medio solutio earum cepit in contractum, quolibet decennio in posterum renovandum, deduci inter Clerum & Laicos; adeoque decimæ, quæ hactenus ut subsidium extraordinarium habitæ fuerant, factæ sunt ordinariæ.

66. Atque idem experta est ANGLIA Seculo XIV, per turbas præfertim a WICLEFO adversus Clericalem Ordinem excitatas.

67. Itaque cum jam detrectari non possent in Regno Angliæ ANNUÆ Regum exactiones; visum est, inquit THOMASSINUS, ut seipso congregatus Clerus sponte sua Donum gratuitum decerneret Regi offerendum; ut sic Parliamentorum non amplius in his exactionibus ageret auctoritas.

68. Eidem Decimarum annuarum oneri (ne pensationes alias commemorem) sub idem tempus gradatim suppositus est Clerus HISPANUS, dum Catholici Reges de redimendis e Maurorum dominatu Ecclesiis laborarent.

69. DECIMIS autem anno quolibet ex inducâ jam consuetudine solvendis alia postea addita sunt tributa extraordinaria, ut in GALLIIS DONUM GRATUITUM ad comprimendos Calvinianos primo concessum, & generis similis alia in Regnis ceteris.

70. Hæc tamen is mirari desinet, qui militare servitium, itemque onus hospitii sive Metatus per eadem tempora cessasse animadvertet. Utroque enim, ait THOMASSINUS, abstinerunt Reges, postquam decimæ & Dona increbuerunt gratuita, & ordinaria atque auctiora in dies hæc subsidia evasere.

71. Decimæ ergo oneribus illis suffectæ sunt: ac in eo solum duo illa distant, quod hæ perpetuæ nunc sint, illa essent temporaria: hæ universos de Clero complectantur; illa ad eos solos plerumque pertinerent, qui Regiis FEUDIS, seu Dominiis donati essent.

72. SED ILLUD est consideratione dignum, ex tota Decimarum, & Doni gratuiti, vel similis collationis historia perspicui manifeste, collationes has esse habitas semper inter subsidia VOLUNTARIA & SPONTE data, minime autem inter tributa a Principibus imposita pro potestate & exacta ab invitis.

73. Hic scilicet Ecclesiæ & ecclesiasticis Viris habitus est honos, ut in Patriæ communis necessitate peteretur subsidium, non imperaretur; seu ut Reges *PRECIBUS* uterentur erga sacrum Ordinem, non *jussionibus*, ut eorum Majestati subsidio veniret; uti scribit Natalis ALEXANDER in Hist. Eccl. Sec. XI & XII, Cap. 7 in fin.

74. Quo agendi modo integra adhuc videbatur permanere Realis Ecclesiastica Immunitas; cum nec Canones, inquit THOMASSINUS, nec ulla alia decreta prohibeant, quin SPONTE SUA Clerici conferant aliquid ad Regni necessitates.

75. HÆC IGITUR si præ oculis habeantur; conciliari adhuc posse videtur Ecclesiastica Realis Immunitas cum contributionibus illis CLERI, quas superior vidit ætas; etsi ea IMMUNITAS Seculo XI. vi legum tum ab IMPERIO, tum a Sacerdotio latarum, seu etiam interpretatione prudentum, eo devenerat, ut bona Clericorum, inquit THOMASSINUS, tum ecclesiastica, tum hæreditaria, nullo gravari possent onere. Eo scilicet tum communi jure utebatur Ecclesia.

76. Hinc Seculis XIII & XIV, cum Ecclesiæ Prælati viderent antiqua privilegia pessumdari ac deprimi, diligentiores fuerunt in tuenda latis legibus clericali immunitate.

77. Et Provincialia quidem Concilia Gallicana, Germanica, Hungarica non solum ecclesiasticis Clericorum possessionibus, sed patrimonialibus etiam integram asseruerunt immunitatem.

78. Et FRUCTIBUS præsertim, quos Clerici ex prædiis ecclesiasticis aut patrimonialibus percepissent, plenam a pedagiis & portoriis libertatem vindicarunt; dum ne tamen ii conveherentur ad commercia & mercimonia.

79. Accurate Natalis ALEXANDER in *Hist. Eccl. Sec. XIII & XIV* Clericos, ait, exactionibus, procurationibus, vectigalibus, pedagiis subdipassa non est Ecclesia XIII & XIV Seculo, etiam ratione patrimonii & hæreditatis, nisi uxorati essent, vel mercaturam exercerent; & Censuris ecclesiasticis eorum immunitatem defendit. Qua de re legendi etc.

80. Attamen generalia Concilia, Lateranensia tertium & quartum, nec non Constantiense & Lateranense quintum de fundis & prædiis Clericorum intelliguntur; & de prædiis quidem ECCLESIASTICIS tantummodo, minime de patrimonialibus: verba enim faciunt *de bonis Ecclesiarum, Clericorum & pauperum Christi usibus deputatis*, ut Lateranense III habet; cujus sententiam tenuerunt Concilia cetera.

81. Ita quidem dicendum est; nisi forte horum generalium Conciliorum interpretationem ex particularibus Conciliis per ea tempora celebratis velis sumere; in quibus pro patrimonialibus etiam Clericorum bonis, uti dictum est, decernitur.

82. CETERUM nunquam Concilia quæcunque etiam generalia, nec Pontifex quisquam, & neque ipse BONIFACIUS VIII, acerrimus Immunitatis hujus defensor, FEUDA & Regalia Ecclesiæ oneribus propriis & nativis, NON ARTE ADSCITIS, contenderunt esse debere exempta. Et servitia hæc REGIBUS ratione FEUDORUM debita Pontifices rata habuerunt posteriori etiam tempore.

83. Ad hæc igitur exhibenda, five ordinaria essent, five extraordinaria, nunquam Episcopi, aut Abbates, vel Abbatissæ opus habuerunt, ut PONTIFICIS facultatem eam, de qua LATERANENSE IV Concilium loquutum est, expectarent.

84. Hinc THOMASSINUS agens de MILITIA, quam Episcopi & Abbates Principi subministrabant; hujusque rei occasione explicaturus Canonem Concilii TOLOSANI anni 1119, quo vetitum erat, ne pro beneficiis ecclesiasticis ulla Clerici servitia Laicorum obirent; adnotat, DUO beneficiorum GENERA sejungi debere: alia scilicet Ecclesiastica esse; & his nulla incumbere onera servitiorum: alia esse laica & secularia, uti FEUDA; nec Canones vetare, quin pro his exsolvant Clerici obsequia illis innexa.

85. IN UNIVERSA autem illorum serie, quæ in hoc Immunitatis Realis articulo acta sunt in longo annorum cursu, mirandum non est, si quando videmus, ecclesiasticos Præsules & ROMANOS Pontifices fuisse in eadem Immunitate defendenda ardentiores. Nam, ut inquit THOMASSINUS, non potuisset sua Clerus JURA & privilegia aspernari, aut conculcanda objicere, five quod PRINCIPUM concessionibus longa plurium Seculorum POSSESSIO irrevocabiles jam & inconcussas præstiterat; five quod EPISCOPI ex officio incumberet, Principum procurare salutem & populorum, quibus gravissimum piaculum imputaretur, si decus & Privilegia Christi Sacerdotum conculcari paterentur. Ilæc THOMASSINUS.

86. Itaque (dicam ego ad ultimum meo nomine), in hoc toto Immunitatis Realis negotio, ut in Juribus & Privilegiis ecclesiasticis ceteris, sunt præ oculis habendi VETUSTI ac legitimi Regnorum mores; & attendendæ in primis sunt LEGES justitiæ, pietatis ac religionis; ita ut sua ECCLESII JURA sancte serventur; & honorem Clero & Ecclesiis debitum lædi PRINCIPES non patiantur, *scientes magis RELIGIONIBUS, quam officiis & LABORE CORPORIS, vel sudore suam REMPUBLICAM contineri*; prout per occasionem restituendi quædam Clericis PRIVILEGIA, dictum est a CONSTANTIO Augusto in *Lege 16 Codicis Theodos. tit. de Episc. & Clericis.*

F I N I S.

IN-



INDEX RERUM PRÆCIPUARUM.

NUMERI ARABICI PAGINAM; ROMANI, QUANDO ADDUNTUR,
PARAGRAPHS PAGINARUM INDICANT.



A.

ADALHARDI Abbatis Corbejenfis
liber *de Ordine Palatii*, seu Syno-
psis ejus apud Hincmarum. 143.
XVII -- XXII.

Aequalitas hominum primigenia, a
nonnullis cogitata, rejicienda plane
est. 87 -- 89. vid. *Dominii Politici*
origo.

Aequalitas ordinum seu personarum
in Ecclesia, a Protestantibus exco-
gitata, absurda visa est vel inter
Protestantes Jacobo I. Regi Angliæ.
24. CXLIV -- CXLVII. vid. *Boeb-*
merus. Item *Hierarchia sacra*. Et
ecclesiasticum Protestantium systema, &
Ecclesiam Grotius

Albaspinaeus, citatur. 25. CLV.

Alexander (Natalis) 82. XV. Profer-
tur & laudatur sæpe *alibi*. Quoad
immunitatem ecclesiasticam optime
omnium sensit. 98. IV, VIII, XXI
seq. de Tutitione Ecclesiæ per Reges.
118. LXXIII -- LXXVI. Præclara
ejus sententia circa leges novas, si
quas de ecclesiastica disciplina Ju-
stinianus tulit. 141. XLI. Sapienter
explicat, cur Concilia quædam Ca-
nones suos Caroli Magni judicio ac
emendationi subjecerint. 156. CV
-- CVI.

Alexander idem Nominationem Re-
giam ad Episcopatus, refert ad con-
cessionem Ecclesiæ; negatque eam
pro-

INDEX.

- profluere ex *Jure Imperii*. 180. XL *seq.* Quid de potestate summi Pontificis in bona Ecclesiarum temporalia existimaverit. 260. LXXV -- LXXVIII. illius lapsus quidam emendatur. 284. XX -- XXII.
- Alexandri III sum. Pont. monitum insigne Henrico II. Angliæ Regi datum de usu reddituum ecclesiasticorum. 250.
- Alteferra (Antonius Dadinus) 59. CCCXXVIII. Quoad forum causarum variarum & delictorum, discordat a Vanespenio. 62. CCCXLV. vid. *Causæ Sacramentorum* juris ac facti quæstiones in re ecclesiastica, cujus sint fori. 93. XIV -- XVI. Sententia illius de *Annuis Donis* Regibus Galliarum & Germaniæ Imperatoribus persolvi solitis ex censu quarundam Ecclesiarum. 287. XXXV.
- Ambrosius (sanctus) scripsit, *Imperatorem esse intra Ecclesiam, non supra Ecclesiam*; quo sensu? 112. XLIII.
- Annales Fuldenfes, Lambeciani, Eginhardi. 145 *seqq.* Camaldulenses. 201 *etc.* Benedictini Mabillonii. 251.
- Apostolicæ Sedis Legatio ad Synodos Francorum, unde Capitularia plura prodierunt; veræ interpretationi Capitularium non est necessaria. 161. CXXXIII *seq.*
- Appellatio *ab abusu*. Quid eam excipientes Judices Laici cavere debeant, ex Petro de Marca. 167. XVI -- XX. ex Joanne Petro Gibert. 171. XXXIX *seq.*
- Arcadii & Honorii Impp. lege dictum est, Clericorum numerum *Judicio Episcopi* definiri oportere. Cur? 135. VII. vid. *Numerus Clericorum*.
- Arnaldus Brixienfis. Ejus errores. Eos aut eorum aliquem an secundum Lateranense Concilium damnaverit? 111 -- 211.
- Augustini (S. Doctoris magni) sententia contra auferentes aliena bona ad pietatis opera exercenda. 250. XXIV *seq.*
- Aurelii (Petri) merita in Ecclesiam & Ordinem Episcopalem. 8. XLVII *seq.*
- B.
- Bacchinii (Benedicti Ab.) de judiciaria Synedrii potestate postremis reipublicæ judaicæ temporibus, sententia adoptatur ac communitur. 128. XXII -- XXX. vid. *Synedrii* . . .
- Baluzius (Stephanus) laudatur, & atricis Antonii Charlas eripitur. 118. LXX. Collectio Capitularium Baluziana, sapissime allegata. 142 *etc.*
- Baluzii

INDEX.

Baluzii ejusdem asserta de indole, seu fontibus plurium Capitularium confirmantur. 158. CXV *seqq.* Castigatur; sed ejus deinde dictum æqua interpretatione lenitur. 180. XXXVIII, XLII.

Basilii Macedo Imperator pronunciat, sibi non licere in ecclesiasticas causas & *externam* disciplinam se intromittere; cum hoc ad solos pertineat Ecclesiæ Præsules. 106. XI - XIV.

Basnagius (Samuel) ab errore suorum Protestantium capitali recedens, inficiari non valuit, spirituales potestatem ac jurisdictionem Ecclesiæ. 21. CXXXI - CXXXVII. De excommunicatione minus absona docet quam Boehmerus. 37. CCXVII. vid. *Excommunicatio*.

Bellarminus Card. probatur. 10. LXV. 14. LXXXVI. 19. CXVII. Deferitur. 80. III - V. Repudiatur 87. XL *etc.* Ejus *causarum ecclesiasticarum* descriptio modesta. 89. I. Leniter notatur. 99. VII.

Benedictionum seu sacramentalium vis, & differentia. vid. *Sacramentalium*

Bened. XIV. allegatur. 58. CCCXXIV. Ejus sententia de jurisdictione ec-

clesiastica contentiosa, in laicos præsertim. 62. CCCXLVI. *seq.* *Causarum ecclesiasticarum* divisio ex eodem. 95. XXX *seq.* De immunitatis ecclesiasticæ origine non discordat a vero. 99. XII *seq.* De legum civilium usu per Ecclesiæ Præsules, præceptiones illius sapientissimæ. 119. LXXVIII - LXXXIII. De Synodis *Regiis* sub stirpe Carolingica. 152. LXXVI. Monita ad Episcopos pro tuitione jurium Ecclesiæ. 190. XCI - XCV. Ecclesiæ cur consecrentur. 241. XIX - XXI.

Benedictus XIV. quam longe abfuerit, ut crederet vel ipsi Romano Pontifici licere assensum dare Germaniæ Principibus, ut Episcopatus & Abbatiae seculari Principatu aliisque eminentibus juribus spoliarentur; vel ut Ecclesiæ patrimonia in secularem Statum redigerentur; vel ut solummodo Ecclesiarum opes ac redditus imminuerentur; etiam pacis in eo Imperio componendæ causa; aut propter Clericorum in bonis illis abusum, vel propter immoderatum eorumdem luxum. 226. LXXXIV - LXXXIX.

Bertrandus Card. in disceptatione illa celebri de jurisdictione ecclesiastica

I N D E X.

- quo titulo Ecclesiasticorum Jurā in causas temporales & *Mixtas* tuitus sit. 187. LXXI. & 268.
- Beveregius (Guil.) Protestantibus suis sapientior 42. CCXLVI. agnoscit. Imperantibus nihil juris esse in disciplinam ecclesiasticam; eosque nihil de novo in disciplina olim constituisse. 42. CCXLVII - - CCXLIX.
- Beveregius idem Principibus christianis Imperii quidem regimen tribuit, sed quoad Ecclesiam *præsidium* solum ac *patrocinium*. 43. CCLIII *seq.* Vidit disciplinæ ecclesiasticæ curam solis esse Ecclesiæ Pastoribus divinitus commissam. 44. CCLV - - CCLVIII. ita ut eam per veras leges soli disponant. *ibid.* Bene Sacerdotium inter & Imperium distinguit; & in distinctione posita tenenda constans postmodum est, quando ad singularia descendit; contra ac non pauci Catholici solent. 70 *seq.*
- Beveregius quo sensu pronunciaverit, Justinianum quoad ecclesiasticam disciplinam nihil de novo constituisse. 136. XV - - XVII.
- Bianchi (Jo. Ant. vir a Regiis alienus) originem vis coactivæ *civilis* in Ecclesia, nimis facere videtur remotam. 75. XV - - XVIII. Constitutio-
- nem Joannis XXII contra Marfilium intelligit de vi coactiva spiritali, non autem *civili*. 77. XXIX. *seq.* inter Tutorem Canonum & Custodem distinguit. 168. XXIII *seq.*
- Boehmerus (Justus Henn.) Hierarchiam ecclesiasticam cum Protestantibus suis rejiciens ponit cum iisdem, *Ecclesiam esse societatem æqualem*. 23. CXL - - CXLIII. vid. *Æqualitas ordinum seu personarum in Ecclesia*. In necessitate quemlibet christianum posse sacræ munia obire. 25. CLII - - CLV. Causæ ecclesiasticæ Principi reservatæ, ex eodem. 31. CLXXXVI - - CXC. *Posse Principem decernere, quenam doctrina publice doceri debeat*. Hujus erroris origo, & absurda. 33. CXCIV - - CCIV.
- Boehmero quid sit jus Principis, *reformandi exercitium Religionis*. 34. CXCIX - - CCII.
- Boehmerus quid intelligat, dum monet, videndum Principi, *ne quid in sui & Reipublicæ præjudicium in Ecclesia agatur*. 28. CLXVIII - CLXXII. vid. *Pufendorfius quid intelligat* . . .
- Boehmeri seu Protestantium errores universi de ecclesiastica potestate ab ipso eorum fundamento everuntur; ac Ecclesiæ Præsulibus solis vin-

INDEX.

- vindicatur potestas in fidem, in disciplinam liturgicam, & in disciplinam *externam* seu politicam. 37. CCXVIII - - CCXXIX & 120. LXXXVI - - XCVIII.
- Boehmerus immunitatem Clericorum ab oneribus publicis facit veluti Juris Gentium. 100. XV *seq.*
- Bona Ecclesiarum temporalia, seu redditus earum & fundi. Eorum proprietas & dominium est penes singulas Ecclesias & fodalitates ecclesiasticas; seu penes personam illam *moralem*, quam Pastorem, Clericorum aut Monachorum Congregatio constituit in unaquaque particulari Ecclesia. 197 - - 209. vid. *Proprietas & Dominium. Clerici singuli. Formulae piarum Donationum.*
- Bona Ecclesiarum temporalia. Ex eorum ablatione, & ad usus alios *etiam pios*, translatione, magna Regno Angliæ obventura commodaspondentibus Wicklesitis Reges aures non dederunt: eos immo Edictis suis infectati sunt, ac legibus severissimis coercuerunt. 216. XXXIII - - XXXVIII. vid. *Wiclef.*
- Bona Ecclesiarum vindicare neque ea Imperatori nunc licet, quæ ex terris fiscalibus seu bonis domanialibus olim a pietate majorum in Ecclesias translata fuere; etsi soleat Imperator promittere, se Imperii jura & redditus recuperaturum: ex Jacobo Mascovio, & Joanne Heineccio Protestantibus. 199. XXI - - XXIII.
- Bona Ecclesiarum & Monachorum ad affluentiore potenterque statum spectantia non minus sunt Monasteriorum & Ecclesiarum propria, quam fundi & redditus ceteri, domesticis ac quotidianis necessitatibus servientes; nec magis permisum est, ut quæstio de iis moveatur Ecclesiis & Monasteriis, quam Laicis. 201. XXXIV & 225. LXXXI - - LXXXIX. vid. *Feudalia Jura. Item Fleuryus. Benedictus XIV. Et Tridentinum Concilium.*
- Bona Ecclesiarum. Opes ac redditus Ecclesiarum affluentiores abundantioresque non licet Principi minuire, neque huic rei potest Romanus Pontifex assensum præbere, etiam titulo abusus, vel immoderati luxus Clericorum; ex Benedicto XIV. 226. LXXXIV - - LXXXIX.
- Bona temporalia Monachorum ac Monasteriorum. vid. *Monachorum Bona.*

I N D E X.

Bona Ecclesiarum temporalia quo sensu dicantur *consecrata*, seu in quo posita sit Bonorum istorum *Consecratio*. 221. LXIII - LXVI. & clarius 237 - 240. vid. *Dominium Dei*. Item *Dialoghi de' Morti*.

Bonorum Ecclesiasticorum Translatio in melius, quam inepte ac inscite a nonnullis proponatur. 246. I - IX. & 249. XXIV. *seq.* vid. *Testatorum ultima voluntas*. It. *Principi non licet*.

Bona Ecclesiarum temporalia ab una Ecclesia ad aliam, ab uno usu pio ad alium non licere Principi transferre, sententia fuit Pontificum & Patrum, ac Imperatorum. 249. XXII. XXXII. vid. *Ferdinandi II*.

Bonorum Ecclesiæ temporalium administratio & dispensatio pertinet solum ad Clericos, non ad *Dominos Temporales*. 222. LXV. & 245. XLI. XLIV. *Dei opus agere Clericos, qui curant possessiones Ecclesiæ*, docuit seculo Quinto Julianus Pomerius. *ibid.*

Bonorum Ecclesiasticorum Immunitas. Vid. *Immunitas Redituum & Agrorum Ecclesiæ*.

Bossuetus (Meldensis Ep.) 41 CCXLI. *etc.* assertur sæpe deinceps. Sacerdotalis & Civilis Potestatis differentia. 86. XXXIII - XXXVI. Discipuli

nam Ecclesiasticam ad unius Ecclesiæ iudicium revocat. 89. II. *seq.*

Bossuetus. Legibus prolatis & exemplis a Potestate tum temporali tum spirituali manantibus demonstrat, viam legum & exemplorum esse rem infidam & incertam ad definienda jura alterutrius Potestatis. 179 - 182. vid. *Potestatis utriusque*.

C.

Cacciari (Thomas) in Dissertatione coram Benedicto XIV quoad vim legum laicarum in disciplinam Ecclesiæ externam, consentit cum Petro de Marca. 55. *seq.* vid. *Marca*.

Cano (Melchior) allegatus. 224. LXXVI. *seq.* Theologica regula ex eo. 229. CII.

Canonum Interpretatio non competit Principi; cum Legis interpretatio pendeat ab eo, qui ejus ferendæ auctoritatem habet. 170. XXXVI - LXI.

Canones, quibus nunc vim tribuit Ecclesia, Disciplinam Ecclesiasticam hodiernam constituunt, non ii, qui a longo jam tempore contrariis moribus a bonis & piis abrogati censentur: horum proinde restitutionem urgere, non pertinet ad officium Tutoris Ecclesiæ, sed cum eo

immo

INDEX.

Immo aperte pugnat. 169. XXVIII
-- XXXV. Quid si dubium sit, qua
sit sententia Canonum, vel quos
mores vere probet Ecclesia? *ibid.*
XXXVI. - XLIV. *vid. Tuitio Ecclesie.*
Item *Romani Pontificis jura. Et Di
sciplina Ecclesiastica hodierna.*

Canonibus repugnantes leges Princi
pis nullius esse roboris, declara
runt aliquando coram Imperatore
vel ipsi schismatici Græcorum Præ
sules, in assentationem erga Prin
cipem suum ceteroquin effusissimi.
48. CCLXXIII. - CCLXXVII.

Canones *augere in melius* an Principi
liceat. Justinianus Imperator hanc
ob causam reprehensus, & illius
ausus emendati a Leone sapiente Im
peratore. 138. - 140. & 135. VIII. -
XIII. *vid. Justinianus.*

Canones. Regia eorum confirmatio
quid efficiat. 156. CI & CVI. 165. X.

Capitularia Regum Francorum. Veram
eorum originem ignoravit Petrus Pu
teanus; & inde postea, de pote
state differens Regum in Disciplinam
Ecclesiæ multa peccavit. Refelli
tur. 115. *seq.* Adde 117. LXIX.

Capitularia Regum Francorum illa qua
de Legibus ecclesiasticis edita sunt,
prodierunt opera, consilio, & pote

state ipsorum ecclesiasticorum Præ
sulum in Synodo Ecclesiastica eo
ipso tempore ac loco congregato
rum, quo Generales *Mixti* Conven
tus Regni ac Imperii Francorum, pro
statu rerum politico disponendo, ab
Ordine utroque, laico & sacerdotali
habebantur. 142. - 149 & 154. XCI
-- XCV. *vid. Leges ad Civilem Poli
tiam spectantes.*

Vel eadem *Capitularia Ecclesiastica*
sunt condita in Synodo Ecclesiasti
ca, extra tempus ac locum *Mixti*
Conventus, præsentē Rege velut
Defensore Ecclesiæ ac Protectore.
149. LXII. - LXIX. 156. CI. *seq.* &
159. CXXIII. - CXXVII.

Vel eorundem *Capitularium eccle
siasticorum* aliqua condita sunt in Sy
nodo *Regia*; in qua tamen multo
etiam plus juris Episcopis concede
batur in *Temporalia* Regni negotia,
quam daretur Regi in res ecclesia
sticas; & in qua mutua solum erat
& amica communicatio jurium, sine
potestatis alterutrius læsione aut de
trimento. 151. - 157. *Vid. Synodi
Regiæ.*

Aut tandem, si quando ea *Capitularia
Ecclesiastica* ab ipsis Regibus & Impe
ratoribus Francorum prodierunt;

INDEX.

- non fuere nec sunt aliud quam excerpta Canonum, facta a Regibus ope Episcoporum virorumque ecclesiasticorum ex Conciliis & Synodis Episcopalibus, tanquam a Tutoribus & Adjutoribus Ecclesiæ. 154. LXXXVII. & 157 - - 162. Vid. *Baluzius*.
- Capitularia quo sensu sint *Canonum pedissequa* appellata. 159. CXVIII - - CXX.
- Capitulare Aquisgranense de vita & conversatione Monachorum, constans Capitulis octoginta ad Disciplinam Monasticam spectantibus, soli sibi Abbates cum Monachis sanxerunt: proinde Capitulare hoc non est decretis regalibus accensendum 148. LIII - - LIX. vid. *Monachi*.
- Caron (P.). Hujus *Remonstrantia* *Hibernorum* laudata. 82.
- Causæ civiles Laicorum, & res civiles seu temporales, ac *Mixtæ*. Potestas amplissima, qua ecclesiastici Præsules olim in eas potiti sunt. Potestatis hujus origines, scopus seu finis, incrementa, ac vices variæ. 263 - - 268. Quando impeti in Gallis cœperit? 267.
- Causæ Sacramentorum, Beneficiorum, Decimarum, Jurispatronatus, Testamentorum, de bonis amortizatis, dotis, viduarum & miserabilium personarum; delicta hæresis, schismatis, fortilegii & similium, adulterii, lenocinii, incestus, concubinatus, sacrilegii cum Moniali, blasphemix, perjurii, falsi,urbationis Officii divini, percussionis Clerici, usurarum; cujus sint fori ex sententia *Vanespenii* & ex moribus Belgii præsertim. 56 - - 61. De horum nonnullis sententia Benedicti XIV. 62. *seq.* Vid. *Alteserra*.
- Causarum *Mixtarum* descriptiones variæ. 94. XX - - XXV. XXVII. vid. *Crimen Mixtum*. Earundem causarum *Mixtarum* descriptio accuratior ex Joanne Petro Gibert. 173. *seq.* Vid. *Possessio Vetus*. It. *Potestatis utriusque*
- Causæ *Ecclesiasticæ* sunt in sola Ecclesiæ potestate. Hæ vero causæ sunt illæ, quæ formam ac regulam a Canonibus accipiunt, atque a lege divina per Ecclesiam declarata & proposita. 89 - - 97. Huc ergo pertinet quoque omnis disciplina ecclesiastica. 89. II. *seq.* Ex eo vero quod causæ ecclesiasticæ a Canonibus pendean, sequitur non valere leges laicas, quæ de Causis Ecclesiasticis latæ

INDEX.

- Canonibus adversantur. 96. XXXV - - XL. vid. *Crimen Ecclesiasticum*. It. *Marca*.
- Cenni (Cajetanus) citatur. 7. XL.
- Charlas (Antonius, vir Regiis infensus) modeste notatur. 69. XXVII. Ejus scrupuli de Potestatis Regiæ fonte eximuntur. 86. XXXIII - - XXXVIII. Leviter aliquando fegerit, & ansam quærit criminandi loca Scriptorum innoxia. *ibid.* & 118. LXX.
- Choppinus (Renatus). De eo judicium. 51. CCLXXXIX.
- Christiani (Comes, Mediolani Magni Cancellarius). Ejus sententia pro vetusta Ecclesiæ Possessione in rebus inter Sacerdotium & Imperium controversis. 184. LV. *seq.*
- Chronicon Moissiacense. 145. 158.
- Civiles Res. Vid. *Causæ Civiles*.
- Civitates. Quæ causa moverit homines ad coeundum in Civitates sub certa regiminis forma, quærunt ac disputant juristæ nulla necessitate 88. XLVIII.
- Clericorum numerus. Vid. *Numerus Clericorum*.
- Clericorum Immunitas in causis tum civilibus tum criminalibus. Vid. *Immunitas Clericorum*.
- Clerici singuli sunt meri bonorum ecclesiasticorum administratores, minime autem domini; dominium vero & proprietas eorundem bonorum est penes singulas Ecclesias & fodalitates ecclesiasticas. 197. VIII. *seq.* & 209. LXVII. vid. *Bona Ecclesiarum. Formule Piarum Donationum. Proprietas & Dominium*.
- Collegia, corpora, & universitates, respectu summi Imperantis sunt ad instar privatorum; bona, redditus, & fundi, quæ possident, sunt in eorum proprietate & dominio; & utuntur Juribus ceteris privatorum, non secus ac familiæ singulæ. 198 - - 200. Divisio quædam Collegiorum in duo genera rejicitur. *ibid.* XXVII - - XXXII.
- Commendæ monasteriorum. De iis aliqua delibantur. Non nova, sed vetus est querimonia piorum scriptorum, Conciliorum, & Romanorum Pontificum adversus Commendas. 260 - - 262. Vid. *Hervetus. Rangolius. Petrus Venerabilis. Gregorius M.*
- Concilii Moguntini ann. 813 *Præfatio*, consideratione digna, dum origo Capitularium Francorum investigatur. 144. XXIII - - XXVII. vid. *Capitularia*.

Con-

INDEX.

- Concilii VI. Parisiensis** dictum de potestate Principis injuste regnantis. 85. XXVIII. *seq.* De eodem Principe se in causas *Ecclesiasticas* immiscente. 107. XIX. *seq.* Quando & qua occasione habitum. 153. LXXXV. De ordine Tuitionis Ecclesiæ per Reges 168. XXV.
- Concilium Lateranense I.** *Sacrilegum* declarat Principem, qui *dispensationem, vel donationem rerum sive possessionum ecclesiasticarum sibi vindicaverit.* 211. VII. - IX.
- Concilium Constantiense.** Martinus quintus, hoc *sacro approbante Concilio* eos Laicos declarat fore *sacrilegos*, qui ecclesiastica bona abstulerint a Clericis etiam *male viventibus.* 219. L. - LIII. vid. *Wiclef.*
- Concina (Daniel).** *Causarum Ecclesiasticarum* divisio ex eo. 96. XXXII. - XXXIV.
- Confermaz. del Ragionam. intorno ai beni Eccl.** Hujus libri errores quoad ecclesiarum in suos redditus ac fundos, dominium & proprietatem confutantur & ineptiæ refelluntur. 208 -- 209. Notatur iterum. 264. XCVI. vid. *Ragionamento.*
- Confirmatio Regia Canonum**, ad quid valeat. 156. CI. - CVI. & 165. X.
- Conringii (Hermanni) Exercitatio** laudata. 126. XIV.
- Consecratio** bonorum Ecclesiæ temporalium in quo sit posita; seu ea bona quo sensu dicantur *consecrata.* Vid. *Bona Eccles. tempor. quo sensu;* etc. Item *Dominium Dei.*
- Consecratio Ecclesiæ, vel Altaris, & vasorum sacrorum**, aut aliorum hujusmodi. Ista per Consecrationis formulas nullam recipiunt intrinsecam mutationem & sanctitatem. Cur ergo consecrentur. 240. XVI. - XXI.
- Consistoria Protestantium pro causis & rebus ecclesiasticis.** 31. CLXXXII. - CXC.
- Constantienses Theologi.** Censuræ Errorum Wiclefi, ab iis Constantiensi Concilio exhibitæ; in quibus domini temporales auferentes bona ecclesiastica a Clericis, bonis etiam illis abutentibus, habentur *sacrilegi:* & doctrina affirmans id licere, habetur *hæretica.* 221. LIX. - LXVI. vid. *Wiclef.*
- Constantinus M.** Ejus sententia de religione & reverentia erga suprema hominum voluntates, seu erga Testamenta in gratiam Ecclesiarum condita. 247. X.

Con-

INDEX.

Constantinus Augustus. Ei persuasum fuit, *magis Religione, quam labore corporis, vel sudore rempublicam contineri.* 294. LXXXVI.

Controversiæ Imperium inter & Sacerdotium qua ratione dirimendæ. 69. XXVIII -- XXXII. ac præsertim 194. XII -- XVIII. vid. *Historia.* Item *Potestatis utriusque.*

Covarruvias (Didacus) laudatus. 98. II.

Crimen *ecclesiasticum* quid sit, quid crimen civile. De crimine *ecclesiastico* judicare ad solam Ecclesiam pertinet. 90. IV -- XIII.

Crimen *Mixtum.* 92. XII. *seq.* & XVII. XXIII.

D.

Decimarum, quæ Principi ab Ecclesiis nunc solent persolvi, antiquissimæ quænam sint. 291. LX.

Demetrii Chomateni Archiep. Bulgariæ schismatici Responsum assentatione plenum de potestate Imperatoris in disciplinam ecclesiasticam. 46. CCLXIII. *seq.*

Deylingii (Salomonis) Dissertatio de *Judeorum Jure Gladii tempore Christi,* laudata. 129. XXVI -- XXX.

Dialoghi de' Morti. Auctor hujus libri Pastores Ecclesiæ excludendos om-

nino & semper voluit a Judicio de controversiis, quæ incidunt inter Sacerdotium & Imperium. Refellitur. 193. I -- XI. Alii ejus errores quoad Ecclesiarum in suos redditus ac fundos dominium & proprietatem confutantur, & ineptiæ redarguuntur. 208 -- 209.

Dialoghi de' Morti. Auctoris hujus libri imperita assertio de Censura, quam tulerint errores Wicleffi ad redditus & fundos ecclesiasticos spectantes; refellitur late ex actis contra Wiclefi errores in Conciliis Anglicanis, & in Constantiensi Oecumenico; atque ex gestis adversus pares errores Joannis Hus. 223 -- 224. Refellitur item ex posterioribus ecclesiasticis monumentis; ex ipsorum Protestantium sententia; & ex theologicis principiis. 225 -- 229. Calumnia ab eo illata Concilio Constantiensi retunditur. 225. LXXIX. *seq.*

Dialoghi de' Morti; seu hujus libri Auctor. Ejus inscitia circa bonorum Ecclesiæ temporalium *consecrationem* coarguitur; ac eruditur, quo sensu ea bona dicantur *consecrata*, seu, in quo posita sit bonorum istorum *Consecratio.* 237 -- 244.

INDEX.

Disciplina ecclesiastica duplex, Liturgica & Politica, seu *Externa*. Utramque curare pertinet ad Ecclesiæ Pastores, secluso Principe laico; contra Grotium. 2. IV -- VII. contra Boehmerum. 37. CCXVIII -- CCXXVIII. contra Protestantes ceteros universim, ac Recentiores alios quosdam. 120. LXXXVI -- XCVIII. vid. *Marca. Beveregius*.

Disciplina Externa Ecclesiæ seu Politica. De ea non licet Principi laico leges novas condere, non contra Canones modo, sed neque præter & ultra Canones; ex veterum Principum sensu, & ex Patrum & Pastorum voce, Spiritu sancto per Apostolum in sacris litteris præeunte. 104 -- 114. vid. *Basilii Macedo Imperator. Theodoricus Rex Italiæ. Justinianus. Honorius Imperator. Ludovicus Pius. Valentinianus Senior. Gregorius Magnus* etc.

Disciplinam Externam seu politicam a sola Ecclesia ordinandam esse, adeoque nihil Principi licere de ea decernere non contra Canones modo, sed neque præter & ultra Canonum statuta, probatur rationum momentis. 112. *seq.* vid. *Tuitio Ecclesiæ per Reges*.

Disciplina ecclesiastica exterior etiam, sua est res Ecclesiæ, Leone Sapiente Imperatore fatente. 113. XLVII *seq.* vid. *Leo Sapiens*.

Disciplinam Externam Ecclesiæ ad solam Regiam Jurisdictionem pertinere qui diceret, is in hæresim impingeret; & in errorem incideret communi hominum sensui repugnantem. 104. II -- VII.

Disciplinæ Externæ & rerum ecclesiasticarum Exteriorum nomine, quid Protestantes intelligant. 120. LXXXVI -- XCVIII. & 5. XXVIII. *seq.*

Disciplina Externa seu Politica servata est iudicio solius Ecclesiæ; ex Francisco Salgado. 106. IX. & ex Bossuet. 89. II. *seq.*

Disciplinam Externam Ecclesiæ seu politicam nove ordinare Principem posse, non probant Leges Justiniani. 133. etc. Vid. *Justinianus*. Neque id probat Judæorum Politia sacra. Vid. *Judæorum seu Synagoge Politia Sacra*. Multoque minus id probatur ex Capitularibus Regum Francorum. Vid. *Capitularia*. vel ex aliis legibus, aut factis temporum præteritorum. Vid. *Historia*; vel denique ex missis Dominicis medio ævo usitatis. Vid. *Missi Domini*.

Disci-

INDEX.

- Disciplina ecclesiastica hodierna *Exterior* stat Canonibus, quibus nunc vim tribuit Ecclesia; non iis, qui a longo jam tempore contrariis moribus a bonis & piis abrogati censentur. Horum proinde restitutionem urgere non pertinet ad officium *Tutoris Ecclesiae*, sed cum eo Tutoris officio aperte immo pugnat. 169. XXVIII. - XXXV. Si dubium sit, pugnent necne, nonnulli Disciplinae articuli cum vera ecclesiastici Status indole; vel non constet, quos mores vere probet Ecclesia: in hac dubitatione quid agendum. *ibid.* XXXVI. - XLIV. vid. *Tutoris Ecclesiae officium*.
- Disciplina ecclesiastica hodierna *Exterior*, per quam jura Ecclesiarum varia immutata sunt, legitima est, proinde loco non movenda. 187. LXXIV. - LXXVI. & 169. XXVIII. - XXXV. vid. *Romani Pontificis Jura*.
- Disciplinam seu politiam *Externam*, jura & Privilegia Ecclesiarum unius Regni seu gentis, vel Provinciae, componere velle ad normam politicae Ecclesiarum Regni, vel Provinciae alterius absurdum esset & iniquum. 190. LXXXIX. - XCV.
- Disciplina Liturgica. vid. *Disciplina Ecclesiastica duplex*.
- Doctores in Ecclesia & Auditores, ex Pufendorfio & Protestantibus, quid sint. 10. LXIV. - LXXV. & 24. CL.
- Domat (Joannes JC.). Ejus expositio naturae Potestatis spiritualis, & temporalis. 64. *seq.* laudatur. Praeclare explicat, cujusmodi sit *Tuitio Regia erga Ecclesiam*. 116. LXIII. - LXVIII. & circa quae *Tuitio* haec maxime versetur. 116. XI. - XIV.
- Dominii *Politici* origo vera. 80. IV. - VII. Prima Dominii Politici seu Regii, ac supremi Imperii origo & forma fuit in imperio paterno. 87. *seq.* nam in familia in statu naturali paterfamilias jura Principis omnia exercuit. 88. XLVI. (seu ex Heineccio ibi citato) adeoque non huc ingeri potest illa juristarum distinctio Potestatis Politicae & Oeconomicae. *ibid.* vid. *Familia in statu naturali*. Item *Principi Imperium summum* . . .
- Dominium Dei speciale in quasdam res creatas; praeter illud generale in rerum omnium universitatem. Et si nos, nostra, & creata cetera cuncta in dominio Dei sunt; horum tamen aliqua tum inanima tum animata & ratione utentia, separata a

INDEX.

- ceteris & seposita, sunt in ejusdem Dei summi dominio ratione speciali. ob specialem usum & finem. 222 LXIII - LXVI. quod vel Protestan- tibus ipsis, immo & Thomæ Hob- bes cognitum fuit. 239. X. *seq.* & XV. vid. *Consecratio bonorum*; seu *bona Eccl. tempor. quo sensu*
- Dominium *Eminens* Principis in bona & jura temporalia subditorum. Offi- cia Principis in istius dominiū usu. 188 LXXIX - LXXXIV. Hugonis Grotii, Frider. Gronovii in *Grot.*, & Pufendorffii regulæ huc facientes. *ibid.* de eodem dominio *Eminentis* ex Dominico Soto. 198. XII. - XIII. De officiis Principis in usu dominiū *Eminentis*, optime ac perspicue Geor- gius Adamus Struvius. 199. XXV. *seq.* vid. *Privilegia*.
- Donationum piarum Ecclesiis & Mo- nasteriis factarum formulæ. vid. *Formule piarum Donationum*.
- Donatores pii proprietatem omnem, qua in bona sua potiebantur, tran- stulerunt in Ecclesias eas, & in ejus loci & Ordinis Monachos, quos in Charta, seu, Diplomate nominatim designarunt. vid. *Formulæ*; etc.
- Duguet (Jacobus Josephus) 65. V. laudatur. 66. XI. Regis Potestas tem- poralis quomodo a persona ipsius di- stinguatur. 68. XXV.
- Dupinius citatur. 36. CCVII. Acute exponit, qua ratione fiat, ut neu- tra Potestas alteri subjaceat, etsi is, qui potestate utitur, non sit ab al- tera Potestate liber. 68. Fassus est, a Christo esse Ecclesiæ demandatam disciplinæ ecclesiasticæ curam. 105. V. Reges debere Ecclesiæ multa ecclesiastica munia quibus fruuntur. 180. XXXVII.
- Duvalius (Andreas, vir a Regionum partibus alienus). Ejus de ecclesia- stica & laica Potestate sententia. 54. *seq.* Leniter emendatur. *ibid.* CCCVII. Sensus ejusdem de fonte Potestatis Regiæ. 83. XVII. *seq.*
- E.
- Ecclesia in morum doctrina eorum, qui ad salutem necessarij sunt, er- rare non potest. 229. CII.
- Ecclesiam Grotius in *Collegiorum* nu- mero collocat. 4. XI. Ea proinde, ex eodem, nulla propria ac nativa jurisdictione fruitur. 3. *seq.* Pufen- dorfii error, idem. Quare omnes sunt in Ecclesia æquales; nullaque ibi Hierarchia sacra, nulla jurisdic- tio. 14. *seq.* Boehmeri error idem: hinc

INDEX.

hinc similiter ponit, *Ecclesiam esse Societatem æqualem.* 23. *seq.* Vid. *æqualitas ordinum.*

ECCLESIASTICÆ POTESTATIS OBJECTA SEU RES ET MATERIA. vide *fides.* *Disciplina externa Ecclesiæ seu politica.* *Disciplina Liturgica.* *Bona Ecclesiarum.*

Ecclesiasticum Protestantium Systema damnatum a Concilio Tridentino Demonstratur adversus Grotium. I. II. - - VIII. Adversus Boehmerum. 37. CCXVIII. - - CCXXIX. Adversus Protestantes ceteros universim, ac Recentiores alios quosdam. 120. LXXXVI. - - XCVIII. vid. *Disciplina Ecclesiastica duplex.* Et *Vim coactivam spirituales.*

Ecclesiasticum Protestantium Systema impugnatur ratione præsertim. 40. CCXXXVII. - - CCXLV. vid. *Boehmeri.* Item *Grotii.* . . .

Episcopalis constantiæ exempla Patrum & Episcoporum præclara Posteris data ad imitandum. 191. XCVI. - - XCVII.

Επισκοπάρχης dictio explicata. 46. CCLXIII.

Erroneum, seu Erronea Propositio quid sit. 224. LXXVI. *seq.*

Excommunicatio ex Boehmero. 35. CCV. - - CCXVII. De hac saniora - cogitavit, ex Protestantibus, Samuel Basnagius. *ibid.* et 21. CXXXI. - - CXXXVII. vid. *Basnagius.* Sententia Pufendorffii 18. CXIII. *seq.* & 15. XCI. - - XCIII.

Extravagans prima de *Episcopali Judio* post Appendicem Codicis Theodosiani. Disputant Jurisconsulti, an sit supposititia. 266. XII. Illam tamen Carolus M. in *Capitularibus* suam fecit. 267. XIX. - - XXXI.

F.

Familia in statu naturali. Paterfamilias potitur in eadem juribus majestatis seu juribus regis omnibus, non secus ac Rector societatis civilis; cum & familiæ illius, & societatis hujus par omnino sit finis. 87. XLV. (seu ex Heineccio ibi citato). Vid. *Dominii Politici origo.* Item *Potestatis Civilis origo.*

Ferdinandi II. Imp. invicti sententia fuit, non posse a Principe Foundationes pias sine piaculo mutari, seu a nativa Sodalitate ecclesiastica ad ecclesiasticam aliam converti. 251. XXVIII. - - XXXII. vid. *Bona Ecclesiarum temporalia.*

INDEX.

Feuda, Dominia, Jura regalia Ecclesiarum. Horum causa Principibus multa olim Ecclesiæ præstiterunt emolumenta ac servitia; ut *Dona annua*. 286. XXXI. XXXVI. *Hospitium* iter facienti Regi vel ejus Palatinis. XXXVII. - - XLI. *Militiam*, bello imminente. XLII. - - LIII. *Decimas*. LVIII. - - LXXVI. vid. *Tributa seu Subsidia*.

Feudorum onera propria & nativa nunquam vel Concilia vel Pontifices removenda ab Ecclesiis contenderunt. 293. LXXXII. - - LXXXIV. vid. *Immunitas Redituum & Agrorum Ecclesiæ*.

Feudorum notio varia secundum tempora, loca, personas, aliave adjuncta: ex Georgio Adamo Struvio, Muratorio, Joanne Heineccio, Ludovico Thomassino, & Alteserra 290. LIV. - - LVII.

Feudalia Jura & Jurisdictiones, Comitatus, Ducatus, & similia. De istis non magis permixtum est, ut quæstio moveatur Ecclesiis, seu Abbatibus Monachorum, & Episcopis, quam Laicis. 201. XXXIV. Ex Concilio Tridentino, & ex Benedicti XIV. sententia. 225. LXXXI. - LXXXIX.

Fevretus (Carolus) commendatus. 70. XXXIII. Annotatoris in illum, descriptio *causarum ecclesiasticarum*. 93. XVII. Fevretus ab Alteserra redarguitur. 94. XXIII. Ejus sententia de potestate Principis in *Extremiore* Ecclesiæ Disciplinam proferatur ac notatur. 114. *seq.*

Fevretus idem Principi quoad reditus & fundos Ecclesiarum non tribuit nisi Tuitionem ac Defensionem, & quæ inde manant jura seu officia. 196. I. - - V. Ejus testimonium de religione & reverentia Senatus Parisiensis erga ultimam Testatorum voluntatem quoad legata pia. 248. XIII.

Fides & Disciplina tum Liturgica tum Politica seu *Externa* sunt Ecclesiastici ædificii fundamenta. Horum cura commissæ est Pastoribus Ecclesiæ. 2. IV. - - VII. Id aperte professus ex Protestantibus Guilielmus Beveregius. 42. - - 45. vid. *Ecclesiasticum Protestantium Systema*. It. *Disciplina ecclesiastica*. Boehmerus.

Fidei ac morum regulæ, & quæstiones de erroribus, qui contra regulas illas pugnent, sunt Fori ecclesiastici. 92. XII. *seq.*

Fidei

INDEX.

Fidei catholicæ regulæ seu expositiones omnium celeberrimæ Bossueti Meldensis, & Francisci Veronii. 242. XXXI. - - XXXVIII.

Fleury (Claudius) 59. CCCXXIX. Ejus argutum responsum. 73. VI. *Causarum ecclesiasticarum recensio ex* Eo 95. XXVIII. *seq.*

Fleury Defensor. sapientissima hujus regula. 169. XXX.

Fleury Jus Ecclesiæ quod ex Præscriptione existit quoad res Sacerdotium inter & Imperium controversas legitimum esse, ac proinde a Principe non lædendum docet. 186. LXIX. *seq.* De jurisdictionibus & juribus Feudalibus, Comitatibus, Ducatibus, & similibus non magis permissum esse, ut quæstio moveatur Ecclesiæ, seu Abbatibus Monachorum, & Episcopis, quam Laicis. 201. XXXIV. *vid. feudalìa jura.*

Formulæ piarum donationum Ecclesiis & Monasteriis factarum. Per eas proprietas & dominium, quæ piis Donatoribus in propria bona competeabant, transferuntur declaratione expressa & aperta ad Monasteria & Ecclesias. 201. - - 207. & 254. *seq.* Et transferuntur in locum illum, quem Donator elegit, & in

Monachos Ordinis, qui est eo loci constitutus, *ibid.* & 251. - - 257. *vid. Clerici singuli.* item *proprietas & dominium.*

Formulæ piarum donationum eadem prohibent, illud factæ donationis decretum in usus diversos interverti, mutari, transferri, etiam a summo Principe, vel a Romano Pontifice. *ibid.* sed potissim. 253. - 256. 258. *vid.* & 261. LXXIX. XCII

Formulæ piarum donationum. In iis proprietas seu dominium *directum* Monasteriorum opponitur usufructui seu dominio *utili* ejus, qui rem teneat in beneficium seu Feudum. 204. LV. - - LIX.

Formulæ piarum donationum Ecclesiis & Monasteriis factarum. Eæ a Notariis publicis conscribebantur ex publicæ politiæ norma, secundum statas ac receptas formulas; sicuti nunc Testamenta, Contractus, & cetera humanæ Societatis negotia solent secundum præscriptas & communes formulas ab iisdem Notariis scripto consignari. 205. *seq.* Itaque qui aliquas piarum donationum formulas legit, hic se legisse ceteras putet; quoniam omnes ad

eun-

INDEX.

- eundem aut verborum , aut sententiarum modum revocantur. 207.
- Formularia vetera Notariorum. Sua antiquis Notariis etiam Italis erant formularia , sicut sua sunt hodiernis. 206. vid. *Notarii*.
- Formulae veteres a Marculfo , Sirmondo , Bignonio , Lindenbrogio , & Baluzio collectae. Quoad eas & similes quid animadvertendum. 205. - - 207.
- Formulae donationum piarum , seu Chartae & Diplomata ex Annalibus Camaldulensibus , ex Auberto Mirraeo , Edmundo Martene , Muratorio , Bernardo Pez. 201. - - 205. Ex iisdem , & ex Annalibus Benedictinis Mabillonii , atque ex Monastico Anglicano. 251. - - 257.
- Formulae donationum in Bullario Casinensi per Margarinum collecto. 202. XLII. XLV. 251. XXXVII.
- Franciscus I. Rex Galliarum rationem habendam judicavit possessionis Ecclesiae in rebus Sacerdotium inter & Imperium controversis. 186. LXVIII. Negavit , Castellano & Budæo praesentibus , Regum Imperia pari jure posse defendi , quasi Monachorum redditus , fundi & praedia defenduntur. 157. LXIV. - - LXVII.
- Foundationes piaë a Principe mutari , vel in alios pios usus converti nulla ratione possunt. 245. - - 258.

G.

- Gersonius (Jo.) vidit , vim coactivam *civilem* non competere Ecclesiae jure divino , sed ex concessione Principum. 76. XXII. - - XXIV. *Consecrationem* bonorum temporalium Ecclesiae describit. 239. VIII.
- Giannone (Petrus) emendatur. 76. XIX. - - XXI. Assentitur Dupinio , docenti , a *Christo* esse Ecclesiae demandatam disciplinae ecclesiasticae curam. 105. V. Affirmat , *causarum ecclesiasticarum* cognitionem penes Ecclesiam semper fuisse. 113. LI.
- Gibert (Joannes Petrus) docet , interpretationem Canonum non competere Principi. 171. XXXIX. *seq.* Ejus descriptio causarum *Mixtarum* , ab ipsa rei natura petita. 173. *seq.*
- Gibertus idem fassus est , nos habere Decreta Superiorum ecclesiasticorum circa omnes fere res *temporales* , & paucas vicissim esse spirituales , circa quas non habeamus leges Prin-

INDEX.

- Principum; proinde viam Facti seu Legum ac Canonum pro definiendis Juribus utriusque Potestatis esse rem vanam & inutilem, immo perniciosam. 182. *seq.* vid. *Potestatis utriusque.* item *Historia.*
- Græci Schismatici post annum 1000 Principibus suis totam ecclesiasticam Disciplinam permissam volebant. 45. CCLXII -- CCLXXI. Sed illam quamcumque potestatem Imperatores ipsi a Canonum permissu & gratia derivabant. 48. CCLXXII. Et ipsi præterea Græcorum eorum Præfules his ausis Imperatorum quandoque obstiterunt. 48. CCLXXIII. -- CCLXXVII. vid. *DISCIPLINA.*
- Gregorius Magnus censuit omni juri & recto ordini repugnare, quod Principes se in causis sacerdotalibus misceant. 110. XXXII. Quanta religione inculcaverit executionem ac firmitatem ultimarum voluntatum, præcipue ad causas pias; ita ut suprema Testatorum judicia in nullo mutarentur. 248. XII. -- XVI.
- Gregorius idem quam longe abfuerit, ut a Monasteriis, quorum collapsa esset disciplina, Monasticam Institutionem expelli posse censeret. 163.
- XCI. Immunitates personis & rebus Ecclesiæ a Regibus concessas religiose servari flagitavit. 183. XII. -- XIV.
- Gretserus (Jacobus, Regiis infensus). Vani illius timores in Immunitatis ecclesiasticæ negotio. 101. XXIII. vid. *Marsilius.*
- Grotius (Hugo) *de Imper. Summ. Pot. circa Sacra* expenditur. 1. -- 9. Errores eo in libro. 3. -- 6. Officium *Pastoratus* qua ratione a Jurisdictione distinguat. 4. XX. -- XXVII. *Clavium* Ecclesiæ nomine quid intelligat. 4. XXVI. -- XXXI. Aliquando ab impietate non abest. 9. L.I. -- LIII.
- Grotii ecclesiasticum Systema a fundamento diruitur. II. -- IX. vid. *Ecclesiam Grotius. . . .* Item *Ecclesiasticum Protestantium Systema.* Et *Hierarchia Sacra.* Item *Disciplina ecclesiastica duplex. . .*
- Grotius locis Antiquitatis, Tuitionem Ecclesiæ Regibus commendantis, pessime abutitur. 164. & 6. XXV. *seq.*
- Grotius agnoscit, jurisdictionum commixtionem in Republica judaica fuisse. 131. XXXIX. -- XLI. vid. *Judeorum etc.*

INDEX.

H.

Hæreticus plerumque est ille, qui ad hæret propositioni ab Ecclesia damnatæ sub quacunque nota, sive tanquam hæreticæ, sive tanquam scandalosæ, vel falsæ, vel erroneæ, vel simili nota. 228. XCVIII. - CIII. vid. *Merbesius. & Thomas* (5.)

Hay (D. Romanus). Ejus *Astrum extinctum*. 251.

Heineccius (Jo.) jus tribuit Principi circa Sacra, quia *Reipublicæ unam esse voluntatem oportet*. Refellitur. 40. CCXXXIII. - CCXXXVI. & 41. CCXLIII. *seq.* vid. *Ecclesiasticum Protestantium Systema*.

Heineccii ejusdem sententia de terris fiscalibus Imperii olim in Ecclesias translatis. vid. *Bona Ecclesiarum*.

Heineccius ultimam Testatorum voluntatem sensu debere esse sanctam & inviolatam apud *Principem* etiam summum; quæcunque tandem dicatur esse *Testamenti factionis origo*; ita ut neque ullus, ubi aperta sunt Testatoris verba, esse possit locus interpretationi, fictioni, vel præsumptioni. 246. V. - VIII. & XVII. - XIX.

Hertius in *Pufendorf*. Ejus argumento cuidam occurritur. 84. XXIII. - XXVI. vid. *Principi*. . .

Hervetus (Gentianus). Ejus de *Commendatariis seu de Commendis Monasteriorum* justæ quærelæ. 261. LXXXII. - LXXXV.

HIERARCHIA SACRA est in Ecclesia ex definitione Concilii Tridentini. 2. VIII. Eam Protestantes negant cum juribus Ecclesiæ ceteris inde manantibus non in Disciplinam solum tum Liturgicam, tum Politicam seu *Externam*, verum etiam in Fidem. 1. *seq.* & 37. *seq.* vid. *Æqualitas Ordinum*. Item *Ecclesiasticum Protestantium Systema*.

Hierarchiam Ecclesiæ consequitur Jurisdictio sacra, una cum potestate in omnes res ecclesiasticas. 1. III. - VIII. & 38. vid. *Ecclesiam Grovius* etc.

Historia, seu Exempla, Leges & Canones sunt res admodum infida & incerta pro definiendis juribus & finibus utriusque Potestatis quoad res plurimas. 175. - 183. vid. *Potestatis utriusque*. . . vid. *Marca. Gilbert. Bossuetus. Talonius. Thomassinus*. vid.

INDEX.

vid. item *Sacerdotii & Imperii amica societas.*

Hobbes (Thomas). Nec ipsum la-
tuit notio *Consecrationis* rerum ec-
clesiasticarum. Duplex etiam Dei
in res creatas *dominium* non igno-
ravit, generale in res universas,
speciale in aliquas ob specialem ea-
rum usum & finem. Hæc ipsa ex
Heterodoxis cognita fuere *Gisberto*
Voetio. 239. X. *seq.* & XV. vid. *do-*
minium Dei. Item *Consecratio.* Et
Dialogi de Morti.

Honorius Imperator *Externam* Eccle-
siæ Disciplinam episcopali iudicio a
Principe dimittendam scribit. 109.
XXVII. *seq.*

Hotmanus (Antonius) Jctus Gallus,
varia Regum Francorum jura re-
fert ad concessionem Ecclesiæ, &
ad ecclesiasticum Privilegium. 180.
XXXVI. *seq.* Laudatus a Petro *Pu-*
teano. 184. LVII. Multa ejus fa-
pienter dicta pro vetusta Ecclesiæ
possessione in rebus inter Sacer-
dotium & Imperium controversis,
immo in rebus quoque mere *tem-*
poralibus. *ibid.* LVII. - LXVII.

Hussitarum & Joannis Hus errores de
reditibus & fundis Ecclesiarum;
& errorum illorum censuræ ex Con-

cilio Constantiensi Oecumenico
etc. 220. L. - LVIII. Ex Gestis in
Concilio Basileensi. Joannis de Po-
lemar contra eosdem Oratio. 230.
- - 233.

Hussitarum sententia (quam nihilo-
minus Ecclesia damnavit) non alia
fuit, quam ecclesiasticos Viros tunc
solum privari bonis temporalibus
posse, quando id ipsi suis vitiis pro-
meriti fuerint. 223. LXXI. - -
LXXV. & 231. CXIV. - - CXIX.
Erroris istius absurditas Ratione e-
tiam convincitur. 232. CXXII. - -
CXXVI. vid. *Wicleff.*

Hussitæ. Pragæ cum ipsis firmata Pacta,
sive *Compactata*, ut appellarunt; id est,
inita Pax inter Catholicos & Bohe-
mos. 234. *seq.* *Compactatorum* Pragen-
sium annus firmitus stabilitur. 235.
CXLII. - - CXLVII. Genuinum,
ac integrum *Compactatorum* exem-
plar primus inter Concilia retulit
Jo. Dominicus Mansi. *ibid.*

I.

Jacobus I. Rex Angliæ. Ei merito visa
est absurda æqualitas illa Ordinum
in Ecclesia a Protestantibus suis
adinventa. 24. CXLIV. - - CXLVII.
vid. *Æqualitas Ordinum.*

INDEX.

Imagines sacræ , sacræ Reliquiæ , sanctus Evangelii liber , & similia cetera. Hæc inanima corpora nulla ornantur interna sanctitate. Cur ergo *sancta & sacra* dicuntur , & est illis honor & veneratio imper-tiendi. 243. XXXI. -- XXXIX.

Immunitatem ecclesiasticarum Personarum an liceat Principi rescindere, vel imminuere. Sententia insignis *Petri de Marca.* 91. VIII. De eadem re quoad Immunitatem tum Personarum , tum *Rerum.* 100. XVII. -- XXIII. Sententia illustris *Natalis Alexandri.* *ibid.* XXI. *seq.* Vanespenius quoad hoc caput emendatur , seu potius explicatur. *ibid.* XXIV. -- XXIX.

Immunitas Clericorum in causis mere civilibus, & in criminalibus, quæ spiritualia non attinent; & quoad res Ecclesiarum temporales vel earum onera, fluxit ex Imperatorum Christianorum pietate & munificentia; minime autem a jure divino: solumque immunitas hæc cum jure divino, & cum jure naturæ multum congruit: ex Viris Regionum non amicissimis Covarruvia, Duvalio, Emanuele Conzalez; cum quibus in summa rei convenit

Bellarminus: neque discordat Benedictus XIV. Pont. M. 97. -- 100 & 102. XXX. -- XXXII.

Immunitas hæc ea sibi ratione parta, ne sibi elaberetur, merito atque ex officio posteris seculis Ecclesia cavit; & cur. 99. XI. XIV. & XIX. -- XXII. De iis, qui in defensionem hujus Ecclesiasticæ Immunitatis sanguinem etiam impenderunt, Martyrii inde palmam colligentes. 278. LVII. *seq.* Immunitatis istius defensio per *Gregorium Magnum.* 283. XII. -- XIV. Tuitio hujus Immunitatis per posteriores Præsules & Pontifices justis nitebatur causis. 294. LXXXV.

Immunitatem hanc quo sensu Concilium Tridentinum dixerit Dei ordinatione & Canonicis Sanctionibus constitutam. 103. XXX. -- XXXII.

Immunitas Clericorum in causis tum civilibus tum criminalibus. Ejus origines, incrementa, modus, vires denique variæ: 270. -- 277. Quibus ea de causis, quando, & per quos paulatim imminuta sit tum in Galliis tum alibi. 276. *seq.*

Immunitas Redituum & Agrorum Ecclesiæ. Ejus origo prima a *Constantino M.*, vicissitudines. 282. III. --

INDEX.

- XVI. Restitutio illius plena per *Carolus M.* XVII. - - XXX. Errant, qui eam non ultra unius *Mansi* limites protensam opinantur. *ibid.* XVII. - - XIX. vide *Feuda*, *Dominia*, *Jura Regalia Ecclesiarum*. Partam sibi a munificentia Principum hanc Immunitatem & diuturna possessione firmatam Ecclesia Legibus latis defendit ac vindicavit. 290. LXIV. - - LXXXVI. vid. *Tributa*, seu *Subsidia*.
- Immunitas Redituum & Agrorum Ecclesiae. Quid Immunitati huic labefactandae viam aperuerit. 284. - - 292. vid. *Feuda*, *Dominia*.
- Joannis Scholastici Patriarchae CPolitani sententia de amplificatione Canonum per Justinianum. 135. *seq.* & 138. - - 140.
- Joannis XXII. Constitutio adversus Marfilium Patavinum intelligenda est de vi coactiva spiritali, non autem civili. 77. XXXI. - - XXXV. Consentit Jacobus *Almainus*. 79. XXXIX. - - XLI. Nec dissentit *Joan. Antonius Bianchi*. 77. XXIX. *seq.* vid. *Marfilius Patavinus*. Alii Marfilii errores ea Constitutione damnati. 212. *seq.*
- Judæorum seu Synagogæ Politia Sacra. Ex ea non recte argumentum ducitur ad Politiam sacram Christianorum, seu ad fines constituendos inter Sacerdotium & Imperium in Ecclesia Christiana. 123. I. - - IV. & 130. XXXII. - - XLIX. vid. *Grotius* & *Synedrium*.
- Judaicarum Rerum illustratores citati; Bernardus *Lamy*, Joannes *Nicolai*, Joannes *Seldenus*, Carolus *Signonius*, Hermanus *Conringius*, Joannes *Vorstius*, Natalis *Alexander*, Joannes *Saubertus*, Salomon *Deylingius*, Petrus *Cunæus*, Augustinus *Calmet*. 123. - - 132.
- Ivonis (S. Carnotensis Episcopi) prudens monitum Paschali II. Sum. Pont. 191. XCIX. - - CI.
- Justinianus Imperator censuit, causas ecclesiasticas, & *ecclesiasticum* delictum, id est, contra Disciplinam & officium Clerici, oportere examinari & corrigi per Episcopum secundum Canones. 108. XXIV. - - XXVI. Numerum Clericorum Ecclesiae CPolitanae quatenus coercuerit. 134. IV. - - VIII. Lex illius a *Petro de Marca* jure improbata. 136. XIV. Leges suas de rebus ecclesiasticis ad quos referret, antequam

I N D E X.

prodirent. 137. XX. Earum legum nonnullæ sæpe cum Patrum regulis gravitate ac sanctitate certant. *ibid.* XXII.

Justinianus idem. De ea potestate, quam sibi ille tribuit, *Canones augendi in melius.* 135. VIII. -- XIV. expenditur. 138. - - 140. Ea sua potestate semel & iterum usus est Justinianus; sed non effugit reprehensionem *Leonis Sapientis Imp.* qui & illas ejus Leges *exterioris* Disciplinæ articulos respicientes abrogatas voluit. *ibid.* Præclara *Natalis Alexandri* sententia circa eas Leges novas, quas de ecclesiastica Disciplina Justinianus tulerit. 141. XL. vid. *Leonis Sapientis.* . . .

Justiniani Decretum pro quatuor prioribus Oecumenicis Conciliis quosensu intelligendum. 156. CII. *seq.*

L.

Laici bona Ecclesiarum & Monasteriorum adepti. Experientia testatum facit, laicos his bonis potitos denique ad mendicitatem redigi; ex Protestantium ipsorum testimonio. 228. XCVI.

Laici Viri, æque ac Clerici, tenentur id quod de bonis suis super-

fuerit, dare pauperibus, seu egenis, orphanis, pupillis, viduis. 208. LXV. *seq.*

Leges ad civilem politiam spectantes in Regno ac Imperio Francorum, condebantur in Generalibus Regni Comitibus, ad quæ Ordo uterque, Laicus & Sacerdotalis conveniebat, ut sententiam suam & assensum cum subscriptione interponeret. Qui iidem mores sub Longobardis quoque Regibus, & post eos diutissime in *Italia* obtinuerunt. 142. -- 147. vid. *Capitularia Regum Francorum.*

Leges civiles Ecclesia reveretur, ac sequitur, dum Laicæ Potestatis fines egressæ non fuerint, vel nulla ex parte sacris Canonibus adversentur; multoque magis si ad Disciplinæ & Canonum munimentum pertineant. 119. LXXVIII. - - LXXXIV.

Legem in Ecclesiæ detrimentum a Principe latam non ipsa Ecclesiastica Potestas abroget, sed per eundem revocari curet, qui eam tulit. 192. CV. - - CVII. Andreas *Duvallius* quoad hoc caput emendatur. 54. CCC. II.

Leo-

INDEX.

Leonis Sapientis Imperatoris sententia illustris, Disciplinam Ecclesiasticam *Exteriorem*, suam esse rem Ecclesiæ. 113. XLVII. *seq.* Justiniani Imperatoris Leges duas, quas de *Exteriori* ecclesiastica Disciplina tulerat, abrogavit, addita in auctorem reprehensione cum *audaciæ* nota. 139. XXXI. - - XXXVIII.

Ludovicus Pius. Ejus sententia de *Exteriori* ecclesiasticæ Disciplinæ Foro. 109. XXX.

M.

Mamachius (Thomas) 73. V. citatur. 212. XIII. Ejus eruditi labores. 228. XCVII.

Manfi (Joannes Dominicus). Vid. *Huffitæ*.

Marca (Petrus de) Pragmaticorum Gallicanorum definitionibus de Potestate Ecclesiastica & Laica, alias ipse suas faniores opponit. 51. CCXC. - - CCXCII. Docuit, Disciplinæ Canonicae cognitionem Synodis deberi, non Regibus; soli Ecclesiasticæ Jurisdictioni subditas esse Disciplinæ ecclesiasticæ controversas: Principis autem Edictum quodcunque adversus Canones irritum fore & innane. 52. CCXCIV.

- - - CCXCIX. & 96. XXXV. - - - XL.

Marca. Lex Justiniani de numero Clericorum Ecclesiæ CPolitanæ, ab eo indicata exponitur diligentius. 134. IV. - - VIII. Ejus justa sententia contra abutentes Legibus Justiniani ad Disciplinam ecclesiasticam spectantibus. 133. I. De his Legibus aliqua cum inconstantia ac varietate pronuntiavit. *ibid.* II. Justiniani Imperatoris Legem quandam novam de re ecclesiastica merito improbat. 136. XIV. Quid senserit de amplificatione Canonum per Justinianum. 135. *seq.* sed vid. & 138. - - 140.

Marca vindicatur a cavillationibus Antonii *Charlas*. 86. Castigatur. 151. *seq.* Ait, judicia canonica nullo modo ad jurisdictionem regiam pertinere. 167. XIX. Fassus est, Historiæ, Legum & Canonum, ac Exemplorum viam, rem esse admodum infidam & incertam pro Juribus & Finibus definiendis Potestatis Utriusque, spiritualis, & temporalis. 176. XIV. & XIX. - - XXII. vid. *Potestatis Utriusque*.

Marca, quæ ille de Synedrii Magni Judæorum antiquitate, de auctoritate

INDEX.

tate illius in Reges Judæorum, & de Synedrii Principe opinatus est, difficultate non carent. 123. 130. vid. *Synedrium magnum*.

Marfilii Patavinus, a Joanne XXII. damnatus, Vim coactivam *spiritualem* negavit esse in Ecclesia jure divino. 77. -- 79. Ipsum non bene interpretatus est Claudius *Fleury*. *ibid.* XXXVI. Alia Jacobi *Gretseri* Interpretatio. *ibid.* XXXVII. *seq.*

Marfilli Patavini Errores de Reditibus & Fundis Ecclesiarum; & Errorum illorum proscriptio. 212. -- 214.

Masovius (Jo. Jac.) quid *Externi* nomine & *Interni* intelligat in Religione & in Ecclesia. 120. LXXXVII. -- XC. Ejus sententia de terris fiscalibus Imperii olim in Ecclesias translatis, vid. *Bona Ecclesiarum*.

Mauritii Imp. Lex de Militum Monachatu. Ex hujus Legis vicibus quid colligendum? 192. CVII.

Merbesius, illustris, ac vere Christianus Theologus, allegatus. 229. C.

Missi Dominici, seu Legati Regales. Vetera monumenta ad eos spectantia. 150. LXIV. 153. LXXXII & 163. CXLV. Mandata ad *Missos*

Dominicos confirmata ab Episcopis, Abbatibus, Comitibus, ac reliquis; vel ab Episcopis etiam solis. *ibid.*

Missi Dominici aliquando directi ad inquirendum de Statu Ecclesiarum. 162. CXXXVIII. De iis quinam scripserint. 163. CXLIV. *Missos* illos non ad novam Disciplinam constituendam venisse, sed ad faciendam veterem secundum Canones. 163. CXLII. *seq.* Erant plerumque e Clero, immo e Primoribus Cleri: & causas Clericorum in Synodo cum Episcopis & Sacerdotibus dirimebant. 162. CXXXIX. Si Comites forte soli dirigerentur aliquando, nihil moliri poterant, nisi communicato cum Episcopo loci consilio, vel cum Abbate. Frequenter ab ipso Ecclesiasticorum Cætu postulati sunt. *ibid.* CXL. *seq.*

Monachi Disciplinam suam, ordines, ac regulam, soli ipsi sibi disposuerunt in Regno ac Imperio Francorum; non autem ea ordinavit regia Potestas: uti falso nonnulli sibi persuaserunt. 144. -- 146. & 148. *seq.* vid. *Capitulare Aquisgranense*. Item *Capitularia Regum Francorum*.

Mona-

INDEX.

Monachorum Disciplinam , Ordines , ac regulam sola potest Ecclesia disponere. 91. VII. -- XI.

Monachorum bona temporalia , prædia , redditus , fundi ex maxima parte non sunt ex testamento , sed omnia fere ad illos translata sunt per *Donationes inter Vivos*. 249. XX. *seq.* vid. *Bonorum Ecclesiasticorum translatio in melius*.

Muratorius (Lud. Antonius) de modo leges condendi medio ævo. 142. *seq.* de *Missorum Dominicorum* persona sapienter. 162. CXXXIX. de antiquis Notariorum formulariis. 206. LX.

Muratorii ejusdem sententiæ de Iudice litium *civilium* , quæ inter Ecclesiasticos Viros excitatæ essent medio ævo , emendatur ; seu expositione vera actorum adhibita cum disciplina temporis conciliatur. 275. XXXIII. -- XLIII.

N.

Nicole (Petrus) vir insignis 84. Præclara docet de Potestatis Regiæ fonte. 85. XXXI. *seq.*

Notarii sive Tabelliones. Isti vetustis seculis sua pro actis publicis con-

scribendis formularia habebant , sicuti nostri nunc habent. 206 -- 207. Vid. *Formularia*.

Numerus Clericorum ex lege Arcadii & Honorii Impp. *Judicio Episcopi* definiendus est. cur? 134. V. -- VII. vid. *Justinianus Imp.*

O.

Ottonis Frisingensis Episc. narratio de Arnaldo Brixinenſi ejusque erroribus. 211. IV. -- VI.

P.

Pagius (Antonius) pro recta *Capitularium* Francorum interpretatione assertur. 153. LXXXI. -- LXXXVI. 158. CXIV.

Paris (Matthæus) quid de jure summi Pontificis in bona Ecclesiarum temporalia existimaverit. 260. LXXV. -- LXXVIII.

Perronius Card. allegatur. 7. XXXIX. Petavii (Dionysii) illustres labores adversus errata Protestantium. 5. *seq.* contra Hug. Grotium. 25. CLV.

Petri Venerabilis (Abbatis Cluniacensis) justæ querelæ adversus translationem Monasterii a Monachis ad Clericos. 262. LXXXIX. *seq.*

INDEX.

- Pœnæ corporales*, seu *civiles*, quas Ecclesia infligit vetusto tempore; verberum seu flagrorum, exilii, privationis bonorum, multæ; carceris etiam perpetui etc. 278. - 280.
- Pomerius (Julianus, ecclesiasticus seculi quinti Scriptor) *consecrationem* bonorum temporalium Ecclesiæ explicat. 239. IX. Dei opus agere Clericos, qui *curant Possessiones Ecclesiæ*. 245. XLI.
- Possessio vetus in rebus & causis *Civibus* vel *Mixtis*, Ecclesiæ parta vel privilegiis Principum, vel tacita eorundem consensione violari non potest. De hac re generatim. 69. XXVIII. - - XXXII. Quoad vim coactivam *civilem* seu secularem. 79. XLIII. & 186. LXVIII. - - LXXI. Quoad Immunitatem ecclesiasticam. 91. VIII. & 100. *seq.* vid. *Immunitas*. In rebus etiam & juribus mere temporalibus. 186. LXVI. *seq.* & 195. XIV. - - XVI. vid. *Principes multis*. . .
- Possessio vetus seu præscriptio immemorabilis in rebus quibuscunque inter Sacerdotium & Imperium controversis & religiose servanda. 183. - - 188. Confectaria ex hac doctrina manantia. 188. - - 192. vid. *Christiani. Hotmannus. Franciscus I. Fleury. Thomassinus*. vid. item *Causarum Mixtarum*. . .
- Possessio eadem vetus seu præscriptio immemorabilis sola valet ad definienda plurimis in rebus jura utriusque Potestatis, spiritualis & temporalis. 183. - - 188. vid. *Præscriptio immemorabilis*. It. *Potestatis utriusque*. . .
- Potestatis *civilis* origo. Variæ Scriptorum de hac re sententiæ. 80. *seq.* vid. *Dominii politici origo*.
- Potestatem utramque, spirituales & temporalem cur Dominus Jesus dividerit, explicatum est a Gelasio I. P. 41. CCXL. - - CCXLII. Natura utriusque, & munia, & finis. 64. - - 67. & 70. *seq.* Neutra Potestas in re sua administranda consortium ulterius admittit: neutra alteri subjacet. Dubitationes nonnullorum eximuntur quoad hanc assertionem. 67. XVIII. - - XXVIII.
- Potestatis utriusque, spiritualis & temporalis, fines, & jura plurimis in rebus, ex *Scholasticorum* ratiocinationibus nulla ratione valent definiri; quibus immo res ma-

- gis turbatae sunt , & turbantur. 174. II. - - VIII. *Historia* quoque ad id parum saepe juvat ; cum infida admodum & incerta sit via tum legum , tum exemplorum & factorum ad definienda plurimis in rebus jura alterutrius Potestatis. 175. - - 183. vid. *Marca. Gibert. Talonius. Bossuetus. Thomassinus*. Quoad eas igitur habenda est vetustae possessionis seu praescriptionis immemorabilis ratio. 183. - - 188. vid. *Possessio vetus. Praescriptio immemorabilis*.
- Praescriptio immemorabilis.** Ejus requisita. 184. LVII. - - LXII.
- Pragmaticorum Gallicanorum definitiones Sedi Apostolicae contumeliosae.** 49. CCLXXVIII. - - CCLXXXII. Alia errata in eorum Tractatibus , quos Petrus *Puteanus* collegit & edidit. 50. CCLXXXIII. - - - CCLXXXVIII. vid. *Marca*.
- Princeps Synedrii Judaici , seu Nasci,** an fuerit Anna Socer Caiphæ , de quo in Evangelio. 127. XX. *seq.* vid. *Synedrio*. etc.
- Principi Imperium summum ab ipso Deo immediate confertur , non a Populo.** 81. IX. - - XV. Satisfit argumentis eorum , qui ab opposito
- stant. 82. - - 89. Quid de usu iniquo Potestatis dicendum ; aut de occupatione Solii , violato jure ? *ibid.* XVI. - - XXIX. vid. *Dominii politici origo*.
- Princeps laicus quo nomine , ex recentiorum Protestantium sententia , imperium exerceat in Ecclesiam.** 16. XCIX. - CXXVI. & 26. CLVIII. - - CLXXXIII. Non ut *Episcopus* , aut Doctor Ecclesiae. 17. CIII. *seq.* 29. CLXXIII. - - CLXXXIII. ac 39. CCXXXI. vid. *Protestantium variationes*.
- Principis jus in res ecclesiasticas.** Graecorum Schismaticorum sententia. 45. - - 48. Sententiae Catholicorum variae. 49. - - 56. Catholicorum sententiae illustrantur exemplis aliquibus. 56. - - 64. vid. DISCIPLINA. Item *Graeci Schismatici. & Pragmaticorum* . . .
- Principi non competere interpretationem Canonum :** cum legis interpretatio pendeat ab eo , qui ejus ferendae auctoritatem habet. 170. XXXVI. - XLI.
- Principes multis ecclesiasticis juribus fruuntur , praecipue in re beneficiaria , ex mera Ecclesiae concessionem & ecclesiastico Privilegio.** 179.

INDEX.

- XXXII. - - XLI. vid. *Possessio Vetus seu Præscriptio.*
- Princeps. Distinguendum in eo officium Tutoris Ecclesiæ & Canonum, ab officio Defensoris Regni, & Jurium Regionum. 164. IV. - - VI. Quando inter ea aliquis conflictus extiterit: in pari causa alterum primo dare locum debet. 172. vid. *Tuitio Ecclesiæ.*
- Princeps seu Summus Imperans, qui bona Ecclesiarum a Clericis transtulerit ad Laicos, vel Fisco Regio addixerit. Quid de Eo Concilia judicaverint acq̃ decreverint; quid alii existimaverint. vid. *Concilium Lateranense. I.* Item *Concilium Constantiense. Constantienses Theologi.* Item *Wicleff. Bona Ecclesiarum.* Item *Tridentinum Concilium.* Et *Benedictus XIV.*
- Princeps quanta Religione esse debeat erga supremas hominum voluntates, præcipue ad *Causas pias*; ita ut in nullo mutentur. vid. *Testatorum ultima Voluntas.* Item *Testamenti factio.* *Bonorum Ecclesiasticorum translatio in melius.* sed vide & *Monachorum bona temporalia.*
- Principi non licet, temporalia ecclesiastica bona ab una Ecclesia seu ecclesiastica Sodalitate transferre ad aliam vel ad usus pios alios. 246, - - 258. vid. *Bonorum ecclesiasticorum translatio in melius.*
- Privilegia & jura cujusque particularis Ecclesiæ, ea etiam quæ singularia & extra juris communis sanctiones sunt, tueri ex officio debent Ecclesiastici Praefules & Ecclesiastica Potestas; ne ea sibi a Principe auferantur. Quænam in hujusmodi defensione sint cautiones adhibendæ. 189. LXXXV. - - CVII. item 280. LVI. seq. 283. XII. - - XIV. 292. LXXXV. & 101. XIX. - - XXII. vid. *Immunitas.*
- Privilegia seu Immunitates a Regibus concessas Ecclesiis, religiose servari postulavit Gregorius M. 283. XII. - - XIV.
- Privilegia. De conservandis per Principes Privilegiis Subjectorum. 188. LXXIX. - - LXXXIV. vid. *Dominium Eminens.*
- Procopius de bello Gothico. 137. XX.
- Proprietas & dominium bonorum, seu reddituum & fundorum ad Ecclesias & Monasteria spectantium. Eam Donatores transtulerunt declaratione expressa & aperta ad Monasteria

INDEX.

- steria & Ecclesias. 201. - . 207. Et Proprietas ea translata est in locum illum, quem donator elegit, & in Monachos Ordinis, qui esset eo loci constitutus. *ibid.* & 251. - . 257. vid. *Bona Ecclesiarum. Formule piarum donationum.* Item Clerici singuli.
- Proprietatem Ecclesiarum ac Monasteriorum in bona, redditus ac fundos ipsis collatos, testati sunt sine ulla verborum circuitione Imperatores, Reges, ac summi Principes ceteri. 202. - . 205. & 254. *seq.*
- Protestantium variationes & dissidia in fundamento ponendo novæ illius potestatis, quam Principi in res Ecclesiæ tribuerunt. 26. CLVIII. - CLXXXIII. & 39. CCXXXI. *seq.*
- Protestantium Systema Ecclesiasticum. vid. *Ecclesiasticum Protestantium Systema.* Item. *Ecclesiam Grotius.* . . .
- Protestantium sententiæ de Principibus, qui Ecclesiarum redditus, fundos, prædia, arces, oppida Fisco Regio addixerunt, vel addicunt, titulo etiam abusus Clericorum. Clamant, hujusmodi ablationem esse sacrilegam, esse furta, esse contra bonorum illorum naturam; bonis Ecclesiarum & Monasteriorum potitos laicos, denique ad mendicitatem redigi. 227. *seq.* Ita Pseudo-Reformatorum Posterius; immo ipsi primi infelicis Reformationis Auctores, isti scilicet, qui in suæ tamen Reformationis primordiis erga Principes suos valde in hoc fuerant liberales. *ibid.* & 201. XXXV. *seq.*
- Pufendorfius *de habitu Relig. Christi. ad vitam civilem* ecclesiasticum Hæreticorum novorum Systema explicavit clarius, quam Grotius. 9. LVI. - LVIII. Contra regulam Catholicam negat, Ecclesiam esse statum, seu societatem *sui juris.* 10. LIX. - LXIII. & 12. LXXVII. - LXXXII. Errores ejus ceteri proferuntur ac notantur. 9. - . 21. vera docet aliquando. 14. LXXXVIII. - . XC. & 19. CXVI.
- Pufendorfius *ibidem* errorum suorum fundamenta hausit in Lutheri & Calvinii schola. 10. LXV. 14. LXXXVI. & 21. CXXIX. *seq.*
- Pufendorfius quid intelligat, dum *ibidem* monet, videndum Principi, ne quid in sui præjudicium agatur in Ecclesia. 17. CVIII. - . CXI. & 21. CXXVII. *seq.* vid. Boebmero

quid

INDEX.

quid sit. ' . . . Et Boehmerus *quid intel-*
ligat. . . .

Puteanus (Petrus) veram Capitularium
Francorum originem ignoravit, &
inde postea de potestate Regum
differens in Disciplinam Ecclesiæ
multa peccavit. Refellitur. 115. *seq.*
& 117. LXIX. vid. *Capitularia.*

R.

Ragionamento intorno ai Beni Eccles,
Auctor hujus libri. Ejus assertio
quædam omni fundamento desti-
tuta rejicitur. 212. *seq.* vid. *Con-*
fermazione.

Rangolius (Claudius Ord. Minimo-
rum). Ejus sententiæ justæ contra
concedentes alienis Monachorum
facultates. 257. LXIV. - - LXIX.
contra Commendas Monasteriorum.
261. LXXXVI.

Raynaldus (Odoricus) de Marfilii
Patavini erroribus. 213. *seq.*

Rayne (Petrus Anglus in Concilio
Basileensi Hussiticorum errorum de-
fensor 230. *seq.* Regnorum *majorum.*
veterum origines. De his quærunt
Juristæ. 88. XLVII.

Renaudotius (Eusebius) Protestan-
tibus objectus. 11. LXVIII.

Romani Pontificis jura hodierna in
Ecclesias inferiores sunt legitima
eaque ipsi jure tuentur; ex Anto-
nio Hotmanno Jcto Gallo &c. 184.
LVII. - - LXIV. & 187. LXXXIV.
- - LXXVI. vid. *Canones, quibus.* . .
Item *Disciplina Ecclesiastica hodierna.*

Romano Pontifici quodnam jus circa
temporalia Ecclesiarum bona com-
petat. 260. LXXV. - - LXXVIII.

Roncaglia (Constantinus a Regiis
alienus) 80. IV. Emendatur. 99.
IX. - - XIII. Ejus sententia vero
consona. 101. XX. De ordine Tui-
tionis Ecclesiæ per Reges. 168.
XXV. - - XXVII.

Rousselius (Michael) 62. CCCXLIV.
& 67.

Roye (Franciscus de) de *Missis Do-*
minicis scripsit omnium latissime. 163.
CXLIV.

S.

Sacerdotii & Imperii amica societas,
& mutua jurium communicatio,
augusta Caroli Magni stirpe impe-
rante. 155. XCVIII - - CVIII.
Eadem imperante, & tum antiquio-
ribus, tum posteris etiam seculis.
179 - - 183.

Sacra-

INDEX.

Sacramentalium, seu Benedictionum & Consecrationum Sacerdotalium virtus & differentia proponitur & explanatur. 241. *seq.* vid. *Consecratio Bonorum Ecclesiae*.

Salgado (Franciscus) fatetur, nihil posse Principem de rebus ecclesiasticis seu de *Externa* ecclesiastica Disciplina *nove* disponere. 106. IX.

Seldenus (Joannes) in lib. *de Synedriis* minus accurate Synedrium Judaicum derivat a Moyse. 125. XIII.

Senecæ dicta de proprietate & dominio bonorum cujusque Familiae. 197. VI - XI.

Sirmondi (Jacobi) notæ in Capitularia Francorum. 153. *etc.*

Soto (Dominicus Ord. Præd. vir doctiss.) Ejus sententiæ insignes. 84. XXIV & XXVII. de Dominio *Eminentis* Principis in bona subditorum. 198. XI. - XIII.

Struvius (Georgius Adamus) de Proprietate bonorum a Principe conservanda subdito cuique; & de usu Domini *Eminentis*, præclare statuit. 199. XXV. *seq.*

Synedrium magnum Judæorum non nisi post Captivitatem Babylonicam exortum est sub Macchabæis; quod

proinde nihil commune habuit cum consilio a Moyse instituto ex viris LXX. 124 - 126. Quicquid contra tradiderint Talmudistæ & Rabbini, e quorum fabulis ea tanta Synedrii Magni antiquitas unice desumpta est. *ibid.* XIII. *seq.*

Synedrio eidem (postquam institutum est) non videtur præfuisse Sacerdos summus, veluti Princeps Synedrii, in omnibus saltem negotiis ac quæstionibus; sed suprema potius Synedrii potestas ponenda est in eo *Naschi* seu Principe, quem Rabbini memorant, & qui eligi e tribu Juda debuit. Expedimus in hac requandam multi momenti difficultatem. 126. XVI - XXI: vid. *Princeps Synedrii*.

Synedrii hujus judiciaria potestas, *cum Jure Vitæ & Necis*; postremis reipublicæ judicæ temporibus seu CHRISTI Domini morientis tempore proximeque subsecuto, non erat nisi quoad ea crimina, quibus adversus religionem & judaicæ leges quis peccasset; reservatis Augusti Procuratori criminibus illis, quibus Majestas publica, & Leges Romanæ læderentur. Caroli *Sigonii*, viri ceteroqui magni, aliam in

hac

INDEX.

hac re distinctionem deferimus. 128. XXII - - XXX.

Synodi *Regiæ* sub Regibus ac Imperatoribus Francorum usitata. Natura ac indoles earum exponitur; & earum plures recensentur. 151 - - 154. Quid quoad has Synodos cavendum. 154 - - 157. vid. *Capitularia Regum Francorum*.

T.

Talonius (Regius Advocatus celebris.) Germana *Tutoris Ecclesiæ* descriptio ex eo. 171. XLIV. Rebus paribus, rationes regni temporales cedere locum debere utilitatibus Ecclesiæ spiritualibus. 172.

Talonius idem agnovit, qui provocare ad exempla, & leges priscæ ætatis voluerit, ut ex iis de juribus utriusque Potestatis statuatur, eum nociturum Imperio magis quam Sacerdotio. 182. fin. Vid. *Potestatis Utriusque*.

Testamentifactio. Ejus origo etsi effecta jure civili; semper tamen erit Legi Naturali contrarium, si Princeps Testamenta pro lubitu loco moveat contra sacras Fidei publicæ Leges, & cum cujuscumque detrimen-

to. 247. *seq.* Vid. *Heineccius*, sed vid. *Monachorum Bona*.

Testatorum ultima voluntas quam sancta & inviolata esse debeat apud omnes humanitatis cultores, apud Principem etiam summum; quæcunque tandem sit Testamenti factionis origo. 246. V - - XIX. & 250. XXVIII - - XXXII. vid. *Bonorum Ecclesiasticorum Translatio in melius*. Item *Constantinus M.* & *Gregorius M.* ac *Fevretus*. sed vid. & *Monachorum bona*.

Theodoricus Rex Italiæ, quamquam Arianus, fassus tamen est, sibi esse interdictum, se *Exterioribus Ecclesiæ* negotiis immiscere. 108. XXI. *seq.*

Thomas (S. Doctor Ecclesiæ.) Hujus doctrina. 228. XCVIII - - C. Trium distinguit rerum *Sacrarum* genera, in tertio genere ponens bona Ecclesiarum, redditus, prædia. 238. IV - - VI. Ecclesiæ & Altaria cur consecrentur. 241. XIX. *seq.* Cujusmodi sit veneratio illa, quam sacris imaginibus sacrisque reliquiis exhibemus. 243. XXXII *seq.* ac XXXVIII.

Tho-

INDEX.

- Thomassii (Ven. Josephi Card.) judicium de iis, qui *Exteriores* Ecclesiæ Disciplinam Regi soli commissam dicerent. 104. III. *seq.*
- Thomassini (Ludovici) sententia circa leges Imperatorum de rebus ecclesiasticis latas. 113. XLIX. *seq.* iusta illius conjectura de *Justiniani* legibus pro Ecclesiastica Disciplina latis. 137. XX. De ordine tuitionis Ecclesiæ per Reges. 168. XXV.
- Thomassinus idem vidit, multa olim acta circa rem ecclesiasticam ab Imperatoribus, multa vicissim in civilem ab Episcopis, vi solius communicationis mutæ jurium inter Potestatem utramque. 178. XXVII. *seq.* vid. *Sacerdotii & Imperii amica societas. Et Potestatis Utriusque . . .*
- Thomassinus agnovit, Principes in non paucis rebus ecclesiasticis solam Possessionem antiquissimam; & Ecclesiam item in non paucis rebus civilibus & temporalibus, de his vero controversiam neutri fieri jam posse. 187. LXXII. *seq.* illius lapsus quidam emendatur. 284. XX. - XXII.
- Translatio Bonorum Ecclesiasticorum. vid. *Bonorum Ecclesiasticorum translatio in Melius.*
- Tribunal *Mixtum* ex Judicibus ecclesiasticis & laicis ad Clericorum causas judicandas. Hujus antiquitas in Galliis. 272. XV. *seq.* & XXVI. - XXVIII. item 278.
- Tributa seu Subsidia Principes olim Ecclesiis non imperabant, sed solum velut *voluntaria* in Patriæ communis necessitate petebant. 289. LXIV. - LXXV. vid. *Immunitas reddituum & agrorum Ecclesiæ.*
- Tributa & Onera publica seu communia. Post generalem a Francis Regibus Immunitatem tributam Ecclesiis; si nova prædia sibi Ecclesia comparasset, quæ fuissent hætenus oneribus publicis seu communibus obnoxia, iisdem ipsa deinceps non subiciebatur. Oppositum sentientes Scriptores nominatissimi emendantur. 284. XX. - XXII.
- Tridentinum Concilium. Hujus Canones contra Protestantium errores. 2. VIII. 6. XXXII. Item 11. LXIX. LXXI. *seq.* & LXXV. Quo sensu dixerit Immunitatem ecclesiasticam, *Dei ordinatione, & Canonicis Sanctionibus constitutam.* 103. XXX. - XXXII.
- Tridentinum Concilium. Anathema ab eo dictum contra quoscunque, etiam Reges, bonorum aut ju-

INDEX.

rium Ecclesiæ invasores , eorum etiam quæ affluentiorum potentiorumque statum , & conditionem lautiorum faciunt. 225. LXXXI. - - LXXXIII. Quo nomine sacris imaginibus sit veneratio imper-tiendi. 243. XXXI. & XXXVI. De beneficiorum *simplicium* ad alias Ecclesias translatione vel in usus Seminariorum. 261. LXXIX. & XCII.

Tuitio Ecclesiæ per Reges. *Tutoris* Ecclesiæ germana descriptio. 171. XLIV. Distinguendum in Principe officium *Tutoris* Ecclesiæ & Canonum , ab officio Defensoris Regni , & Jurium Regionum. 164. IV. - - VI. Quando inter ea aliquis conflictus extiterit ; in pari causa alterum primo dare locum debet. 172. vid. *Princeps*. Item *Potestatis Utriusque*. Et *controversiæ*.

Tuitio Canonum aliud est ab executione. 165. VII. - - IX. & XVI.

Tuitio Ecclesiæ per Reges. 67. XV. Cujusmodi ea sit. 116. LXIII. - - LXXXVIII. Per eam Reges non res ecclesiasticas legibus suis ordinant , sed jam bene per Canones constitutas tuentur ac sustinent. *ibid.* LXV. - - LXVII. Leges autem hanc

ad rem latæ a Principe non sunt in ecclesiasticis legibus numerandæ , sed in *civilibus*. *ibid.* LXVIII. *seq.* LXXVI. & LXXIX. Item. 166. XIII. *seq.*

Tuitio Ecclesiæ per Reges circa quæ maxime versetur. 166. XI. - - XIII. Quid in ea cavendum. 167. XVI. - - XX. & 169. XXVIII. - - XLIV. An Tuitio Canonum suscipiat Rex vocatus ab Ecclesia & rogatus ; an id etiam possit non rogatus , disputant Regii , & eorum adversarii. 167. XXI. - - XXVII. Nostra in isto Auctorum dissensu sententia. XXVIII. - - XLIV.

Tutoris Ecclesiæ officium , non est in restitutione Canonum eorum , qui a longo jam tempore contrariis moribus a bonis & piis abrogati censentur ; sed est in defensione eorum , quibus nunc vim Ecclesia tribuit : & priores restituere , hos mutare , esset contra *Tutoris* officium ; esset contra Canones , adeoque irritum & inane. 169. XXVIII. - - XXXV. Quid si dubium sit , quos mores vere probet Ecclesia ? *ibid.* XXXVI. - - XLIV. vid. *Disciplina ecclesiastica hodierna*.

Tutorum civilium potestas. 209. LXX.

INDEX.

V.

- Valentinianus Senior Imperator. Eiratum fuit, de Disciplinæ Ecclesiasticæ causis judicare solos Episcopos debere. 110. XXXIII--XXXV.
- Vanespennius (Bernardus) citatur. 36. CCVII. Ejus sententia de jure Principis in res ecclesiasticas. 33. CCC--CCCIII. Refellitur modeste. *ibid.* CCCI & CCCIII. seram nimium facit originem vis coactivæ civilis in Ecclesia. 74. *seq.*
- Vanespennius idem *Causarum Ecclesiasticarum* naturam exponit. 93. XVIII--XX. Ejus de imminutione vel mutatione Immunitatis Ecclesiasticæ sententia emendatur seu potius explicatur. 102. XXIV--XXIX. De legibus Principum pro *Exteriori* Ecclesiæ Disciplina. 120. Illius lapsus quidam emendatur. 283. XX--XXII. vid. *Causæ Sacramentorum*
- Veronius (Franciscus). Ejus *Regula Fidei Catholicæ*, a *Walenburgiis* fratribus adoptata. 243. XXXI--XXXIV.
- Vim coactivam *Spiritualem*, secundum hæresim *Hug. Grotii*, Ecclesia nullam habet lege divina. 3. *seq.* Samuelis Pufendorfii error idem. 15. XCI--XCVIII. Et Boehmeri. 24. CL. *seq.* & 35. CCIII. *seq.*
- Vim coactivam *Spiritualem* Boehmerus iterum abrogat Ecclesiæ. Quid Protestantes alii tradiderint. vid. *Excommunicatio*.
- Vis coactiva alia secularis seu civilis, alia *spiritualis*. Hæc Ecclesiæ competit jure divino: illa usu antiquissimo & tacito Principum consensu; non jure divino. Quo tempore vis hæc coactiva civilis exerceri ab Ecclesia cœperit. 72.--76. vid. *Pænæ corporales*, seu civiles. Occurritur argumento desumpto ex constitutione Joannis XXII. contra Marfilium Patavinum. 76.--79. vid. *Gersonius*. & *Joannis XXII. Constitutio*. It. *Marfilius Patavinus*.
- Vis Ecclesiæ coactiva civilis seu secularis. Quatenus ea adhuc in Galliis perduret. 74. X. Ubi adhuc viget, eam non potest Princeps auferre, nec pro voluntate & arbitrio minuire. 79. XLIII. vid. *Possessio vetus in rebus* & *causis civilibus vel Mixtis*.
- Voetius (Gisbertus) vid. *Hobbes*.
- Vossius (Gerardus Jo.) Officium *Pastoratus*, qua ratione a jurisdictione spirituali distinguat. 5. XXVIII.--XXXI. *Clavium* Ecclesiæ nomine quid

I N D E X.

quid intelligat. *ibid.* Ejus Differtatio quædam generatim notatur. 7. XXXVI.

W.

Waldensium errores circa ecclesiastica temporalia bona. 214.


Wicleff (Joannes Anglus). Ejus error de ablatione bonorum temporalium Ecclesiæ per Principes a Clericis ea possidentibus, *in iisque habitu delinquentibus*, seu illis ex consuetudine abutentibus. 215. XXIV. & XXVII. *seq.* Damnatus in Synodo Londinensi. 217. XXXIX. -- XLI. iterum in alia Synodo Londini habita. 218. XLIV. *seq.* Istarum Synodorum sententias confirmat & approbat Synodus CONSTANTIENSIS œcumenica, *sub anathematis interminatione* adversus erroris illius assertores. 219. XLVII. -- XLIX. vid. & 215. XXIII. *seq.* Martinus vero Quintus, eodem sacro approbante Concilio CON-

STANTIENSI, eos laicos declarat fore *sacrilegos*, qui ab iis Clericis temporalia ecclesiastica bona abstulerint. 219. L. -- LIII. Erroris istius absurditas potest etiam manifesta *ratione* convinci. 232. CXXII. -- CXXVI. vid. *Constantienses Theologi*. Item *Hussitarum & Joannis Hus errores*. Et *Benedictus XIV.*


Wicleff (Joannes) Errores illius varii de redditibus, & fundis Ecclesiarum; & errorum illorum proscriptiones iteratæ. 215. -- 220. vid. item *Constantienses Theologi*.

Wicleffitis, ex ablatione bonorum ecclesiasticorum, & eorum ad usus alios, *etiam pios*, translatione, magna Regno commoda obventura spondentibus, REGES ANGLIÆ aures non dederunt: eos immo Edictis suis infectati sunt, & legibus severissimis coercuerunt. 216. XXXIII. XXXVIII.

F I N I S.







De
Finibus
utriusq;
potesta-
tis